


R



**BIBLIOTHECA
REGIA
MONACENSIS.**

Recensiert in d. Polnischen
Jahrbuch. Crumnek, und
Nachrichten. X. B. Samstag
d. 9^{ten} März 1779. p. 79.

Med. For.
2^h

Ex Bibliotheca May. Jos. de Mayrhofer
**MEDICINA
FORENSIS,**

**PRÆTER PARTES CONSUETAS,
PRIMAS LINEAS
JURISPRUDENTIÆ
MEDICO-MILITARIS
ET
VETERINARIO-CIVILIS**

CONTINENS,

EDITA

A

D. JO. WILH. BAUMER,
IN ACADEMIA GIESSENA MED. PROF. PRIMAR.
ET PHYSICO PROVINCIALI.


FRANCOFURTI & LIPSIAE,
EX OFFICINA GARBIANA
MDCCLXXVIII.

16. yys. orhs 2. l

**Bayerische
Staatsbibliothek
München**



PROOEMIUM.

uod anno proxime elapso, occasione politiæ medicæ a me editæ, promisi, medicinam forensẽ brevi subsecuturam esse, ipjam, BENEVOLE LECTOR, pro modulo meo, præstiti. Causam separandæ utriusque hujus disciplinæ, quarum

* 2

rum

rum illa ad curiam, hæc ad forum
pertinet, in politiæ medicæ præfatio-
ne proposui; nec est, ut isthæc iterum
fufius moneam; cum tanta utramque
disciplinam differentia intercedat, ut
illam intelligere, haud difficile sit. Sin-
gulas doctrinas ad jurisprudentiam
medicam pertinentes propriis quidem
verbis ita, ut res ipsa tulit, proposui,
id quod respectu medicinæ studiofo-
rum satis fuisset. Ut vero etiam ju-
ris cultoribus, autoritates respicere
adsuetis, aliquatenus satisfacerem, te-
stimonia, ex probatissimis medicinæ fo-
rensis scriptoribus desumpta, illis a me
adposita sunt. Dum præterea jam diu
in medicina forensi facienda occupa-
tus sum, communibus exempla, plera-
que ex proprio penu, quædam ab aliis
autoribus fide dignis mutuo accepta,
addidi; his enim dogmata bene il-
lustra-

lustrari, atque memoria felicius teneri, notum est. In venenorum pertractatione non ea solum, quæ in veneno peremptorum corporibus inveniuntur, sed etiam symptomata a diversis illorum speciebus producta ideo enumeravi, ut in ejusmodi casibus tractandis toxicorum notas medicinæ cultores habeant, illisque pro diversa eorum natura, pharmaca appropriata in tempore opponere queant. Præcepta ad jus medico - ecclesiasticum pertinentia solito uberius a me pertractata, diversisque ecclesiis christianis accommodata sunt; ut Medici inter alteri ecclesiæ addictos medicinam facientes, quod ipsum mihi satis diu contigit, quandam actionum suarum ecclesiastico - forensium normam habeant. Totam autem hujus dijudicationem, approbationem, vel correctionem illis relinquo, quorum,

talia moderari, officium exigit; nemi-
ni enim hanc, vel illam sententiam ob-
trufurus fum. Juris medico - milita-
ris primas lineas ideo duxi, quod in
cauffis milites eorumque officia attinen-
tibus Medici sæpius audiuntur, atque
testimonia principiis phyfico - medicis
nixa ab illis peti folent. Hanc autem
difciplinam ad majorem perfectionis
gradum evehendam effe, facile largior.
Quod denique jux veterinario - civile
attinet, etiam hujus quædam fundamen-
ta ponere, mecum constitui. Haftenus
quidem Judicum, cauffas, circa jumen-
torum pecudumque venditionem mor-
bos ac mortes ortas, ventilantium, ple-
rique in muliatrorum, lanionum atque
carnificum enunciationibus acquiefce-
re confueverunt; an fatis, tuto ipfimet
videant! Cum autem illorum magna
plerumque, tam in anatomia compara-
tiva,

tiva, quam in principiis veterinario-physicis ruditas sit, eorum responsa sæpius male cohæreant, atque contradictoriæ sint; jam Judicum atque Advocatorum prudentiores in causis damni præstationem concernentibus, ex principiis veterinario-physicis dijudicandis, Medicorum responsa, meliore tutioreque eventu, requirere solent. Legibus atque statutis nostris provincialibus dogmata veterinario-civilia, nec non morborum naturæ a me applicata sunt. Cum autem illa in plerisque cum aliarum provinciarum statutis conveniant; hæc atque illa inter se conferre, atque, re exigente, dogmata mea ampliare vel limitare, Medicis forensibus in promptu erit. Si quædam in mea jurisprudentiæ medicæ pertractatione correctione opus habent, prudentum monita, veritatis amans, liben-

libenter admissurus, & quæ emenda-
tione opus habent, sine hæsitazione
correcturus sum. At male feriatorum
cavillationes securus audire, nec in il-
lis refutandis tempus perdere, soleo.

Dabam Giestæ
XI. Calend. Septembr.
MDCCLXXVIII.



INDEX



P A R S I.

DE MEDICINA FORENSI
GENERATIM AGENS.

CAP. I.

De medicina forensi ejusque partibus.

§. I.

Scientia justī principiis physico-
medicis fundati jurisprudentia
medica, medicina forensis, est. *Jurispru-
dentia me-
dica.*

Sensu latiori principia physica hic
sumuntur, ita, ut historiam naturalem, anato-
miam, botanicam & chymiam simul compre-
hendant. Utramque etiam medicinam, tam quæ
manu, quam quæ pharmacis medetur, seu circa
morbos externos, vel internos versatur, huc spe-
ctare contendimus; ex his enim disciplinis prin-
cipia,

A

cipia, medicinæ forensi inservientia, desumenda sunt. Cel. Jo. Bohnius de officio medici forensis c. I. p. DXXVIII. legum, inquit, peritia sociam fidamque adjutricem sibi, sacro quasi fœdere, in jure dicendo medicinam jungit; ex quo utriusque connubio scientia medico-legalis prodit.

§. II.

*Differen-
tia a poli-
tia med.*

Cum, ad forum jurisprudentia medica pertinens, causas secundum principia physico-medica ibi ventilandas dirimendasque spectet; eam a politia medica, tamquam philosophiæ parte, ad curiam pertinente, differre, prudentiores facile perspicient dabuntque; hæc enim non circa causas forenses, sed circa rempublicam medicam bene ordinandam administrandamque versatur; quod in politiæ medicæ fundamentis, Francofurti MDCCLXXVII. a me editis uberius declaratum est.

§. III.

*Ejus par-
tes.*

Ad medicinam forensi jurisprudentia medica & veterinario-civilis, medico-militaris, medico-ecclesiastica, & medico-criminalis pertinent; in his enim foris omnibus causæ quædam occurrunt, quarum recta investigatio atque dijudicatio nonnisi ex principiis physico-medicis peti queunt.

§. IV.

*Jurispr.
med. civil.
objecta.*

Jurisprudentiæ medico-civilis objecta causæ civiles, ex principiis physico-medicis dijudicandæ sunt, v. c. personarum privilegia, dolo-

dolosa morborum simulatio ac dissimulatio, lites circa curationes, medentium sestra, & pharmacorum conditionem ac pretia subortæ, nec non illæ, quæ, in jure veterinario civili, circa jumentorum & pecorum morbos mortisque, venditionem eorum irritam facientes, vel dolosam damnosamque poena vindicandam, versantur. Posteriora hæc objecta a medicinæ forensis scriptoribus hætenus neglecta sunt: cum judicum inferiorum plerique, circa has causas occupati, in carnificum, veterinariorum, empiricorum, lanionum, opilionum &c. responsis, ut plurimum non satis adæquatis, acquiescere solebant. Jam vero prudentiorum judicum atque causarum patronorum mos est, ut, si de brutorum morbis vel mortibus ambigatur, medicorum, anatomiam comparativam artemque veterinariam probe callentium, sententias requirant, & sic firmiore fundamento nitantur; adeoque principia de brutorum morbis ac mortibus, venditionem eorum irritam pretiique restitutionem necessariam facientibus, in jurisprudentia medico-civili utique proponenda sunt.

§. V.

<p>Causæ ad forum militare spectantes tales sunt, ut vel ad jus civile commune & criminale commune pertineant, & secundum utraque hæc jura dijudicandæ sint: vel personas militares earumque officium propius respiciant, atque ad normam juris militaris (nach den Kriegsarbeiten) vel, re exigente, secundum consuetudines militares (nach den Kriegsgebräuchen)</p>	<p><i>Jurispr. medico-militaris.</i></p>
<p>A 2</p>	<p>venti-</p>

ventilandæ & decidendæ sint. Respectu utrumque nonnullæ obveniunt, quarum recta dijudicatio nonnisi ex principiis physico-medice depromenda est; quæ, ut iudices forum militare constituentes (das Kriegsgericht) antea sententiam ferendam, Medicos audiant, necessario exigunt. Medicis atque Chirurgis valetudinem legionum, agerum atque militum prædiorum curantibus (Feld-Regiments-Quar-nison-Medicis und Chirurgis) &, re exigente, Medicorum collegiis, ejusmodi quæstiones proponi, & secundum eorum relationes responsaque sententias pronunciari, statutum usque receptum est: Ergo, ut in jurisprudentia medica legum medico-militarium ratio habeatur, necessarium & operæ pretium est.


§. VI.

Jurispr. medico-ecclesiastica. Nec in foro ecclesiastico, iudicii ecclesiastici (des geistlichen Gerichts) vel Consistorii nomine vulgo veniente, causæ desunt, quarum dijudicatio ex principiis physico-medice petenda est, v. c. in ecclesia romano-catholica quæstiones medico-legales de jejuniis, votis atque officiis ecclesiasticis &c. in aliis ecclesiis christianis de monstroforum baptismo, ingravidatione, impotentia virili ac muliebri, divortio, avtochirorum sepultura &c. sæpius incidunt, atque ex dictis principiis decidendæ sunt.

§. VII.

Jurispr. med. criminalis. In nullo foro plures causæ ex principiis physico-medice dijudican-

candæ, quam in criminali, obveniunt; adeoque in hoc potissimum opera prudentum Medicorum utilis atque necessaria est; cum in omnibus casibus ex scientia physico-medica eruendis ad solidas Medicorum relationes atque responsa Jurisconsulti sententias dirigant ferantque, v. c. si de stupro violento, curationibus ac pharmacis novicis, damnosa potulentorum adulteratione, venenis datis, læsionibus, usum unius alteriusve partis depravantibus vel tollentibus, per accidens vel absolute lethalibus, infanticidio, tortura, pœnis corporis afflictivis, ultimo supplicio, inquisiti defensione &c. quæstiones incidunt.



CAP. II.

De personis medicinalibus facti certitudinem ex principiis physico-medice eruendis, & in foro pronunciantibus.

§. I.

Cum casus & controversiæ medico-forenses non nisi ab artis peritis scite erui ac pronuciari possint; ut personæ medicinales iis determinandis a iudice adhibeantur audianturque, oppido necessarium est. Ut autem illæ artem, quam profitentur, ad amissim calleant, iurejurando obstrictæ sint, debitamque dexteritatem, diligentiam ac fidem in casibus propositis præstent, quam maxime opus est. Ex quo simul adparet, a Magistratu publico sedulo pro-

*Personæ
med. foren-
ses.*

curandum esse, ut semper personarum medicinarum peritarum usuque exercitatarum sufficiens copia sit, & insuper invigilandum esse, ut in quovis calu forensi officio suo exacte satisfaciant, nec ejus investigationem negligenter tractent.

§. II.

Medicus forensis. De medicinae Doctoribus vere eruditis atque in arte sua probe exercitatis credi potest, quod in disciplinis arti salutari ministrantibus, v. c. historia naturali, botanica, anatomia, chemia, physica, ut & in utraque medicina probe versati, hinc ad res physico-medicas dijudicandas, prae reliquis personis medicinalibus, habiles sint, eorumque opera in illis eruendis apteque pronunciandis quam maxime necessaria, utilis, sufficiens ac fide digna sit. Usu quidem pluribus in locis receptum, non autem oppido necessarium est, ut in rebus chirurgicis artemque obstetricandi concernentibus Chirurgi & artem obstetriciam exercentes, jurejurando obstricti quoque audiantur; horum autem relationibus, sine Medicorum doctorum concursu, non semper tuto creditur. *Fortunat. Fidelis*, in libris IV. de Medicorum relationibus, jurisprudentiam, inquit, qui profitentur, ipsique Magistratus gravissimi, Medicos consulere, horumque censuras in multis exposcere tenentur; quibus adjuti demum de rebus dubiis sapienter & integre judicant. Affirmante cel. *Jo. Bohnio* in tr. de renunciatione vulnerum c. VIII. Medico soli inspectionis & sectionis legalis munus concedi potest; finis enim, scilicet legitima inspectio & sectio, nec non genuina depositio vel rela-

relatio, cum sufficiente de ea judicio, obtinentur. Idem autor de offic. medic. forens. c. II. p. DXL. non medicis tantum, inquit, sed etiam Chirurgis & obstetricibus, utpote aliquam artis medendi partem exercentibus, in negotiis singulorum peritiam spectantibus, fides adhibetur; ita tamen, ut his a plerisque legislatoribus Medici moderatores constituentur, eorumque relationibus absoluta fides vix unquam habeatur, nisi unius alteriusve horum, vel collegii, consensus atque autoritas superveniat.

§. III.

Chirurgi artis suæ satis periti de rebus chirurgicis, v. c. vulneribus, ossibus luxatis fractisve, damnis post hæc relictis, nec non de curationibus atque operationibus chirurgicis, nisi casus perdifficiles valdeque intricatos respiciant, validam in foro relationem dare possunt. Attamen illos docti Medici consensu ac testimonio suffultos esse, præstantibus est. Cum autem auxiliatricum utriusque medicinæ disciplinarum sæpissime prorsus ignari, eorumque plurimi in anatomia haud satis exercitati sint; casuum chirurgicorum difficiliorum dijudicationem vel inspectiones affectiones legales illis solis credere, minime convenit. Jo. Bohnius de offic. Medic. forens. c. IV. p. DCIII. Chirurgorum, inquit, in deponendo coram iudice opera non locum habet, nisi tantum in dijudicandis vulneribus, fracturis, mutilationibus, cicatricibus & paucis forte similibus, v. c. de erroribus ab alio Chirurgo commissis; nisi ab inepto prætore ad ejusmodi renun-

Chirurgus forensis.

ciationes trahantur, quarum argumenta illorum sphæram longius transcendunt. Idem *autor* in tr. de vulnerum renunciatione p. VI. Chirurgorum, ait, plures sufficiente anatomiae notitia destituuntur, vulneraque, inter operandum, non tam lustrant, quam faciunt. *Angelus Aretinus* in proœm. instit. si Magistratus, inquit, Medicorum consilium requirere debet, an vulnus mortale sit, nec ne? Medico, qui est Chirurgus, credere non debet, sed, ut totius artis medicæ peritus sit, oportet.

Schol. Constitutionis criminalis *Caroli V.* articulus CXLIX. quidem jubet, ut occisi corpus, ante humationem, coram iudice, scriba ac duobus scabinis, ab uno pluribusve Chirurgis, iurejurando ad hunc actum obstringendis, omni studio inspiciatur, omniaque ei inflicta vulnera reptæque contusiones ac tumores notentur consignenturque. Hæc autem lex assertis nostris minime repugnat; tum enim temporis, ut plurimis exemplis demonstrari potest, medicinæ Doctores utramque medicinam faciebant, & præter morborum internorum curationem, chirurgica tractabant; id quod etiam nunc apud Medicorum doctores obtinet; licet plerique consiliis suis Chirurgos in casibus difficilioribus magis juvent, quam corporum humanorum vitiis ipsimet manus admoveant. Nihil etiam obstat, quominus Chirurgus, disciplinarum auxiliatricum & utriusque medicinæ satis gnarus, sectionibus legalibus adhibeatur; nam non de eo hic agitur, quo titulo quis utatur; sed an officio huic exequendo satis idoneus sit?

§. IV.

In casibus variis artem obstetriciam concernentibus, v. c. violenta virginis defloratione, graviditate, partu haud ita pridem enixo, artis obstetricandi Magistri audiuntur, & obstetricum prudentiores ventris inspectioni adhibentur, atque ad renunciationem in foro, si opera illarum in Medici praesentia adhibita atque ab hoc approbata fuerit, admittuntur; ceteroquin enim earum depositionibus minime tuto creditur. *Jo. Bohnius* de offic. med. forens. c. III. p. DLXIX. solæ, inquit, obstetrices, sine Medicis, nec ad inspectionem, nec ad renunciationem, admittantur, & ubi Medici & obstetrices in deponendo dissentiant; ab illorum, tamquam peritorum, sententia standum est.

§. V.

Personis medicinalibus agyrtae *Agyrtae.* atque empirici ne quidem accensendi sunt, tantum abest, ut in foro eorum relatio valida sit; artis enim peritia in illos non cadit, in illicito versantur, autoritate publica carent, nec jurejurando respectu artis medicæ obstringi possunt. *Jo. Bohnius* l. c. c. II. p. DXLI. communi, inquit Jurisconsultorum sententia ex Medicorum genuinorum ordine agyrtae proscribuntur, nec in foro de rebus artem spectantibus deponere possunt, nec eorum renunciationibus ulla a collegiis medicis fides atque autoritas conceditur, & ipsimet ruditatem insignem in attestatis suis, si forsan ab incautis hæc postulentur, ad risum usque, testatum faciunt, actaque forensia testantur,



CAP. III.

*De ratione casus medico - legales eruendi
atque in foro legitime pronunciandi
generatim agens.*

§. I.

*Requisitio
expectan-
da.*

Non propria autoritate casuum medico - forensium investigationem Medici publici aggrediantur; sed summi Magistratus iussum aut iudicis inferioris requisitionem, expectent. Cum autem ejusmodi casus haud raro culpose vel dolose, in læsorum damnum atque justitiæ impedimentum, taceantur, quandoque etiam prætores oscitanter & non satis caute agant; casus pro certo relati iudici a Medicis denunciari possunt; ut actu necessaria decernat, vel si officii sui negligens sit, de eo decenter commoneatur, vel, amica providaque admonitione susque deque ab hoc habita, res adhuc integra ad summum Magistratum deferatur.

Schol. Cum pleræque personarum medicinalium relationes in foro rerum nocentium scrutinium, suspectorum & vulneratorum inspectiones atque occisorum hominum sectiones supponant; de illis hic generatim agam, reservatis ad quævis causarum genera specialibus.

§. II.

*Prompti-
tudo.*

Plerique casus medico - forenses, maxime periculosa læsiones, & corpo-

corporum mortuorum sectiones &c. ita comparatae sunt, ut nullam dilationem admittant; hic personae medico-forenses, a iudice excitati, aliis suis negotiis posthabitis, & si opus sit, alterius curae interea creditis, actutum ad iussa exequenda sese accingant, & debito investigationis apparatu instructi, ad locum definitum sese conferant, iustoque tempore & in testium necessariorum praesentia, repudiatis omnibus inquisitionem retardantibus vel impredientibus, illud tantum agant, quod ipsa res desiderat.

§. III.

Investigationi exposita res quoad omnia sua varia, seu totum suum statum internum, ut & secundum omnia sua connexa praecedentia, concomitantia & subsequenta, attente ponderanda est; hac enim ratione distinctam notionem de illa acquirere, eam rite dijudicare, atque ad forum postea deferre possumus. Hic sane magna attentione, reflexione & recta sufficientis temporis collocatione opus, nec quidquam temere aut festinanter agendum est. Quævis inventa verbis appropriatis, ne quid memoria excidat, statim consignanda, & si opus, etiam praesenti scribæ in calamus iisdem verbis dictanda sunt. Teste Jo. Bohnio l. c. cap. II. p. DXLVIII. detrimentosa & valde exitiosa est illa levitas & praepropera festinatio, qua ad deponendum vocatus Medicus in iudicando ac pronunciando inconsultum omnino se praestat, nec mature & circumspecte satis in arduis ejusmodi negotiis expediendis agit. Indulgent etiam, quin commendant, Medicis atque

*Exakta
scrutatio.*

que Chirurgis Jurisconsulti illud festina lente, & ut diu de observatis, quod semel statuendum sit, deliberent.

§. IV.

Elaboratio. Casus investigatione summo studio peracta, tempus ad meditandum sumendum est, ut omnia in rectum ordinem, quem natura rei & artis regulæ exposcunt, redigantur, argumentis firmentur, probatissimorum autorum sententiæ evolvantur, experimenta chemicæ-physica, si iis opus sit, accurate instituantur, & sic solidæ in foro relationi via pandatur.

Fortunatus Fidelis in fine libri IV. de Medicorum relationibus, nihil, inquit, dices, quod non satis digna meditatio iudicii que maturitas elaboraverit: neque enim in gravi & difficili quæstione, & quæ forsan a vulgari diligentia remotior sit, decebit Medicum, doctum licet usuque ac literis præstantem, iustum aliquod temporis spatium exposcere, ut, consultis autoribus, de re propo- sita sententiam ferat.

§. V.

Relatio. Ipsa in foro rei investigatæ ponderatæque relatio sat cito, ne causæ ventilatio inique retardetur, vere, ordinatim ac distincte fieri debet. A communibus, longe petitis, & aliis casibus non satis adæquatis, Medicus referens abstinere; iudex enim, non quid alio loco & tempore actum, sed quæ præsentis casus conditio sit? scire desiderat. Nihil hypothesebus atque opinionibus hic dandum; sed in fida casus enumeratione, & conclusionibus certis
ex

ex eo deducendis, additis dubitandi decidendique rationibus, subsistendum est. Terminos Medicorum technicos periphrasi declarare, utile est, ut iudex illos sufficienter intelligat. Si casus, ob impedimenta insuperabilia, v. c. nimiam corporis fracedinem, ita comparatus est, ut nihil certi statui possit, vel, si ob gravia momenta concurrentia, dubius manet; rem non satis liquere, vel dubiam esse, Medicus pronunciet, & Medicorum collegiis iudicium de illo relinquat. *Joan. Bohnius* l. c. pag. DCXII. non possum, inquit, non redarguere illos Medicos, qui non ad casum individualement, sed generaliter respondent; & ab uno alterove casu ad individuum præsens concludunt. Afferente *Fort. Fideli* l. c. in nonnullas rerum occasiones nonnunquam incidit, ut, cum nihil certi de re proposita constet; dubia omnia incertaque referre nos etiam oporteat; non semper enim promptæ sunt rerum atque affectuum notæ; ut propterea in dubia & ancipiti Medicorum relatione satis justa esse possit excusatio.

§. VI.

Quæ in corporibus læsis vel *Adponenda* mortuis, sub vulnere vel cada-
veris lustratione ac sectione, præternaturalia, v. c. telorum frustra, globuli plumbei, ossium fragmenta, venena &c. inventa sunt, una cum instrumentis lædentibus, relationi actisque apponenda sunt, ut in iudicio ferendo Medicorum & Jurisconsultorum collegiis inserviant.

§. VII.

Cum nemini, nisi summo Ma- *Taciturnitas.*
gistrato, aut ab hoc delegato iudi-

ci

ci, disquisitionum suarum Medicus forensis rationem dare tenetur; tam sub inspectionis & sectionis actu taciturnus sit, quam postea, quid ad illos retulerit, non effutiat; sæpius enim iustitiæ interest, ut talia tempestivo silentio premantur. Eandem ob causam omnes ab ejusmodi actibus forensibus arcendi sunt, quorum officium, ut illis intersint, non exigit.



C A P. IV.

De inspectione & sectione legali.

§. I.

Inspectio. **I**nspectio legalis vel sensu strictiori de læsionum vi illatarum in homine vivo investigatione, aut aliarum rerum physicarum lustratione Medico a iudice demandata, vel latiori de læsionum externarum atque internarum in occiso homine investigatione adeoque simul de anatomica corporis mortui dissectione sumitur. Hic articuli CXLIX. constitutionis crim. Caroli V. sensus est; ibi enim diligens omnium vulnerum ac læsionum inspectio præcipitur, quæ respectu læsionum internarum & vulnerum aliorum, in corporis cavitates penetrantium & nervos vasaque majora concernentium, sine sectione anatomica impossibilis est.

§. II.

Ejus antiquitas. **C**orporum mortuorum inspectionem, forte & sectionem, apud Romanos jam in usu fuisse, ab autoribus

bus nonnullis traditum est. Ex XXIII. vulneribus Julio Cæsari inflictis, Antistio Medico existimante, nullum lethale repertum, nisi quod secundo loco in pectore acceperat, apud C. Suetonium in vita Julii Cæsaris c. LXXXII. legimus. Corpus Germanici in Antiochiensium foro, antequam cremaretur, nudatum fuisse, & an veneficii signa prætulere, parum constare, C. Tacitus annal. l. II. c. LXXIII. testatus est, vid. Dn. Petri Gerike progr. quo inspectionem cadaveris in homicidio apud Romanos in usu fuisse, ostenditur. Helmst. MDCCXXXIX. In occisis vulnerum qualitatem a Medicis peritis investigandam, & an lethalia fuerint, nec ne? dijudicandum esse, antiqua vestigia jus canonicum, Decret. Greg. l. v. tit. XII. c. XVIII. suppeditat.

§. III.

Vulnerati inspectio, Medicis a *Inspectio-*
 iudice demandata, sine ulla dila- *nis actus.*
 tione, ne illorum culpa læsi sta-
 tus deterior fiat, quam accuratissime instituenda,
 omniaque respectu diætæ atque auxiliorum exter-
 norum atque internorum, quæ status istius præ-
 ternaturalis desiderat, quantocytus ac diligentissi-
 me procuranda sunt. Vulnera aliaque læsiones
 quoad locum, qualitatem & quantitatem investi-
 ganda, & non solis oculis, sed pollicibus & li-
 neis metienda, effluentia ex vulnere, aliena in il-
 lis hærentia, instrumenti lædentis indoles, figu-
 ra, pondus, adplicandi modus, actiones læsæ,
 consideranda ac describenda sunt. Ad læsi no-
 men, sexum, ætatem, vitæ genus, corporis habi-
 tum, diætam, valetudinem præcedentem, læsionis
 tem-

tempus, auxilia neglecta, vel perperam aut recte, post vulnerationem, applicata, observatamque dietam sollicite attendendum, & sub suscepta curatione contingentia in protocollo consignanda, atque inventa & acta omnia distincte, ordinatim, solide ac caute suo quævis tempore, addito iudicio hujusque rationibus, in foro pronuncianda sunt.

Schol. I. Cum quædam læsiones, v. c. capitis, & vulnera in corporis cavitates penetrantia, sæpius ita comparata sunt, ut non statim, sed demum temporis successu periculosa symptomata producant; Medicus in iudicio de læsionibus ferendo non temerè festinet, sed prognosin tam diu in dubio relinquat, usque dum læsio indolem suam magis manifestaverit, certamque prognosin formare, res ipsa siverit. Medicus sane culpa non caret, si læsionem sua natura ipsoque exitu lethalem periculo carere, statim ab initio præcipitanter judicavit.

Schol. II. Connexa externa læsionem præcedentia, concomitantia & subsequencia, v. c. morbi prægressi, ægri intemperantia & morositas, curationem turbantes, neglectus, nociva adhibita &c. ideo sollicite observanda ac notanda sunt, ut ea, quæ ab ipsa læsione, vel casu, aut erroribus admissis, pendeant, probe distinguantur & iudici declarentur, ne aggressori ea imputentur, quæ aliarum caussarum effectus sunt.

§. IV.

De damno præstando.

Peracta curatione, an læsus perfecte cum valetudine secunda in gratiam redierit, vel quædam mentis

mentis corporisve actiones depravatæ vel sublata fuerint, nec non quanta opera quantique sumptus curæ impensa fuerint, judici sincere indicandum est, ut rectam de damno impensisque præstandis sententiam ferre possit. Institutionum juris l. IV. tit. V. §. II. præceptum est, ut judex computet mercedes Medicis præstitas, cæteraque impendia, quæ in curatione facta sunt: præterea operas, quibus caruit, & cariturus est ob id, quod inutilis est factus.

§. V.

In veneni dati aliusve homicidii *Sectio*
suspicionem, omnibusque læsionibus, quas *legalis.*
mors vel cita vel tarda, continuantibus
ad mortem usque symptomatibus ab ipsa læsione
productis, legali corporis mortui sectione, omni-
umque læsionum respectu quantitatis, qualitat-
is, loci & directionis accurata investigatione, osten-
sione ac consignatione opus est. Ipsa sectio quan-
to citius, antequam corpus putredine corrumpatur,
a Medico vel Chirurgo anatomix probe perito
& juramento obstricto, instrumentis idoneis, inter-
diu & in loco lucido, vel candelis sufficienter il-
luminato coram judice, scriba & duobus scabinis,
(bey wohlbesetzter Gerichtsbank,) quam accu-
ratissime peragenda est. In Nemese Carolina art.
citato sequentia respectu sectionis legalis præscri-
pta sunt: Der Richter soll samt zween Schöffen,
dem Gerichtsschreiber, und einem oder zween
Wundärzten, die zuvor dazu beehdigt werden sol-
len, den todten Körper, vor der Begräbnis, mit
Fleiß besichtigen, und alle dessen empfangene Wun-
den, Schlag, Aufwerf, wie derer jedes gefunden
B und

und ermessen würde, mit Fleiß merken und verzeichnen lassen. *Jo. Bohnius* de offic. Med. forens. c. IV. p. DLXXXII. & LXXXIX. adornetur, inquit, corporis mortui inspectio satis tempestive, ne superveniens putredo Medicum ab inspectione exactiore deterreat, aut corrupta interanea eidem imponant. Ad cadaveris jam fracidi inspectionem, vel eviscerationem Medicus non obligatus est. Consimilia de hac re b. m. H. F. *Teichmeyer* in medic. legali c. XXI. qu. X. proposuit, & Medicum, cum propriæ sanitatis dispendio ejusmodi putridum corpus inspicere, teneri, negavit.

Schol. Personæ medicinales, qui læsorum curam habuerunt, si sectioni legali interesse velint, recte admittuntur; ut, omnia rite peracta esse, intelligant.

§. VI.

Connexa notanda. Quod circa vulneratorum inspectionem monuimus, non solum ipsas læsiones, sed etiam connexa antecedentia, concomitantia & consequentia accurate investiganda atque consignanda esse, idem etiam de legali corporum mortuorum sectione valet. *Jo. Bohnius* l. c. p. DLXXXXIV. Medicus, ait, præter cadaveris sectionem, sciscitari debet, qui vulnerati curam gesserint, vel percussioni adfuerint, de præcedanea naturali vel præternaturali percussi constitutione, de armorum genere, de situ corporis illius, dum percutiebatur, symptomatibus, curationis methodo, diætâ, mortis tempore &c. Idem autor in tr. de renun-

renunciatione vulnerum pag. LXV. requiritur, ait, ut Medico de vulnerati ætate, dispositione ante vulnus perpeſſum, item de cunctis illis, quæ a primo vulneris infligti momento ad mortis usque articulum illi contigerunt, accuratius constet. Connexa probe ponderata inspectionem non tantum accuratorem facere, sed etiam ad vulnus melius dijudicandum, & iudicium de lethalitate promptius ferendum plurima argumenta subministrare, H. F. Teichmeyer l. c. quoque testatus est.

§. VII.

Corpus mortuum, remotis omnibus inspectionem & sectionem impediētib; , v. c. sordibus & sanguine effuso ablutis, capillis derasis, extrinsecus quam accuratissime lustrandum est, & quævis præternaturalia inventa iudici ac testibus ostendenda & scribæ ad protocollum (ju der Registratur) dictanda atque a Medico iisdem verbis in pugillaribus notanda sunt. Quamvis etiam nihil læsionum externarum compareat, ut in capitis percussionibus lethalibus experimur; minime tamen sectio & interaneorum evolutio negligendæ sunt, vid. Jo. Bohnius de offic. Medici for. c. IV. p. DLXXXIX. Ipsiꝯ sectionis, nonnisi instrumentis anatomicis peragenda, initium ab ipsis locis læsis sumendum est. Vulnerum profunditas & directio, maxime in partibus mollibus, non specillo, sed successiva atque artificiosa partium incumbentium remotione, investigandæ sunt. *Autor* modo laudatus in tr. de vulnerum inspectione p. XI. a stili, inquit,

quit, similiumque instrumentorum, antequam interior vulneris facies detecta sit, improvida intrusione Medicus caveat. Quin, eodem teste l. c. p. XIII. in ultimo puncturarum illatarum termino persequendo magna circumspeditione opus est; cum in partibus internis, ob angustiores instrumenti apicem, eo usque sæpius connivent, ut prosectoris minus lyncei atque attentius oculos manusque facile fugiant. Indagine etiam accuratiore sclopeto facta vulnera opus habent, utpote quorum globuli miros tortuososque adeo tractus ut plurimum describunt, ut oculis ultimum eorum terminum & interaneorum læsionem, plagæ externæ minus respondentem, illorumque tendentias anfractuosas, Medicus stupescat.

§. VIII.

Reliquarum partium.

Post læsiones rite scrutatas, etiam ad reliquas internas corporis sedes successive deveniendum est, omniaque præternaturalia sive a læsionibus, sive ab aliis causis accidentalibus, v. c. morbis prægressis, vel jam præsentibus, dependeant, nec non alia signa, e. g. in recens natis neglecta funiculi deligatio, vasorum majorum vacuitas, pulmonum in aqua natatio &c. simili ratione scrutanda, ostendenda atque consignanda sunt; sic enim dubiis postea movendis omnium optime occurritur. *Jo. Bohnius* de vulnerum inspectione p. III. sectio legalis, inquit, anatomix practicæ seu pathologicæ specimen est, quatenus de facto præsentis per autopsiam, reliquorumque circa vulneratum emergentium connexorum

xorum collationem, Medicus decernit, talem ejus & plagæ fuisse statum, ratione cujus hæc sanabilis vel insanabilis; extiterit.

Schol. I. Terminos Medicorum technicos verbo vel phrasi vernacula, in parenthesi posita, Medicus, casum ad protocollum dans, explicet, ut judici ac testibus verborum sensus clarus sit. Quin, peracta sectione, scribæ protocollum a Medico perlegi, utile est; ne quid ex hujus incuria omissum vel perperam, maxime respectu terminorum technicorum, positum sit. Errata ab ipso scriba, testibus ac judice adhuc præsentibus, ad Medici monita, corrigenda sunt; sic enim sectionis protocollum & visum repertum, postea a Medico exhibendum, inter se, ut decet, convenient.

Schol. II. In sectionis protocollo totum casum, seu visa & reperta, complete, ordinatim & distincte proposita esse, sufficit. Judicium vero de læsionum lethalitate dandum, tempore ad meditandum sumpto, in viso reperto (in dem Obductionsschein) demum proponitur.

§. IX.

De inspectione & sectione legali *Auctores.* sententias suas auctorum complures protulerunt; quorum nonnullos, si lectori unum vel alterum de hac materia evolvere placeat, citabo. *Bernh. Suevi* tr. de inspectione vulnorum lethalium. Marburgi MDCXXIX. *Gerh. Feldmanni* tr. de cadavere inspiciendo. Brémæ MDCXCII. *Ern. Tenzel* de judiciali cadaverum inspectione. Erford. MDCCXXIII. *Geor. Wilh.*

Detharding de necessaria vulnerum inspectione in crimine homicidii. Rostochii MDCCXXVI. *Geor. Christoph. Plazii* diff. de inspectione & sectione cadaveris in homicidio, ad mentem nonnullorum Jurisconsultorum, non necessaria. Lips. MDCCXXVIII. *Conr. Wilh. Strecker* diff. de fide & legalitate Medici in investiganda vulnerum lethalitate. Erford. MDCCXXXV. *Burch. David. Mauchard* diff. de cadaveris inspectione medico-legali. Tubingæ MDCCXXXVI. *Petri Gerike* diff. de necessaria vulneris inspectione. Helmstad. MDCCXXXVII. *Franc. Conradi* diff. de inspectione cadaveris occisi a solis Medicis peracta vitiosa, nec ad poenam ordinariam irrogandam sufficiente. Helmst. MDCCXXXVIII. *Jo. Sam. Fr. Boehmer* diff. de legitima cadaveris sectione legali. Halæ Magdeb. MDCCXLVII. *Jo. Godofr. Viselii* diff. de inspectione & sectione legali. Gießæ MDCCXLVIII. *Phil. Conr. Fabricii* progr. quo præcipuæ cautiones & sectiones in perquisitionibus cadaverum humanorum, pro usu fori, exhibentur. Helmstadii MDCCCL.



CAP. VI.

De viso reperto.

§. I.

De viso reperto generalim.

In viso reperto (dem Obductions-schein) seu ulteriore Medici & Chirurgæ, a quibus inspectio vel sectio

sectio legalis peracta fuit, declaratione, locus & tempus inspectionis vel sectionis, ad eam suscipiendam facta requisitio, iudex & testes, qui actui interfuerunt, enumeranda atque citandi sunt, totusque casus, quoad omnia sua varia atque connexa, iisdem verbis ac sententiis, qualia sectionis protocollum continet, repetendus est, nec plura, nec pauciora, nec alia in illo proponenda sunt; si ab unius alteriusve momenti ulteriore declaratione, & iudicio de toto casu solide ferendo, recesseris, vid. Dn. D. J. C. Ruefs Unterricht von Criminalfällen, und wie sich ein Arzt in Abgebung seines Gutachtens zu verhalten habe. Nürnberg 1777.

§. II.

Post læsorum inspectionem, in *Inspectio-*
vifo reperto omnium læsionum con-
ditiones, cum suis connexis, quam
accuratissime enumerandæ, & quam spem vel
metum faciant, additis rationibus, caute propo-
nendum, nec non de bono malove curationis
progressu iudex in tempore certior faciendus, &
peracta cura, an unius alteriusve partis vitium,
vel actiones quodammodo impeditæ, vel prorsus
sublatæ, a sola læsione, vel concurrentibus aliis
caussis fuerint; ut iudici, justam sententiam de-
finitivam ferre, in promptu sit.

§. III.

Respectu morte sublatorum in *Sectionis*.
 viso reperto ex ipsis læsionibus ea-
 rumque connexis, non vero ex opinionibus aut
 hypothesibus, an illæ absolute vel per accidens
 B 4 letha-

lethales fuerint, additis dubitandi ac decidendi rationibus, solide ac positive pronunciandum est; ut & hic firmum sententiæ justæ ferendæ fundamentum iudices habeant.

§. IV.

Cautela. Si, omni circumspeditione maximaque diligentia adhibitis non obstantibus, vel connexis quibusdam, v. c. nimia cadaveris putredine, vel dilaceratione corporis mortui a feris post mortem facta &c. accuratam sectionem impredientibus, facti certitudo erui nequeat; nihil certi pronunciandum; sed Medicorum atque Actorum collegiis rei dijudicatio relinquenda est. *Jo. Bohnius* in tr. de vulnerum renunciatione p. XI. corporis mortui, inquit, fracedo in accuratiore inspectione Medicum turbat, interanea putredine corrupta & arrosa genuinam læsionum illatarum conditionem occultant, easque commode evolvi, minus concedunt. Ad ejusmodi cadaveris lustrationem Medicus nec adigi potest, nec, si sub tali cuncta penitus non adverterit, hinc minus exquisitè deponat, imperitiæ vel negligentiae accusandus erit. Quin si rationes pro & contra militantes ita comparatæ sunt, ut certi aliquid statui nequeat; ut in mitiorem sententiam eat, prudentis ac religiosi Medici est.

Schol. Actorum protocolla ac visa reperia Medicus forensis sibi servet; cum casus incidere possunt, ubi eorum notitia necessaria atque utilis est; ut jam eorum communicationem cum republica literaria perutilem non longe deducam.

CAP.

CAP. VII.

De collegiorum medicorum responsis.

§. I.

Forensi aliquo casu ab inspicientibus vel secantibus rite investigato pronunciatoque, & judicio de læsione damnoque ab hac relicto, vel de absoluta aut accidentali læsionum lethali-*Ubi iis non opus.* tate ex sufficientibus rationibus indubie lato, collegiorum medicorum sententias exquirere, supervacaneum est. Attamen & hoc, ob connexa quædam, causarum patronis a judice interdum conceditur.

§. II.

Haud raro tamen casus foren-*Necessitates casus.* ses occurrunt, in quibus, ad sententias a iudicibus rite ferendas, collegiorum medicorum responsa oppido necessaria sunt, v. c. si casus per se adeo intricatus, vel ob causas concurrentes tantis tenebris obvolutus fuerit, ut certi aliquid statuere secantes ipsi dubitaverint, dictisque collegiis sententiam dicendi occasionem reliquerint; tunc enim, an res ita se habeat? iudex a Medicorum ordinibus informandus est.

§. II.

Ad Medicorum ordines ii quoque *Alter.* casus transmittendi sunt, qui, ob inspicientium vel secantium inscitiam vel negligentiam,

tiam, nec rite investigati, nec pronuntiati sunt; adeoque visum repertum vitiosum, erroneum, mancum, ambiguum, nec ad facti certitudinem stabiliendam, justamque sententiam ferendam, aptum, nec sufficiens est, vid. b. m. Dn. *Jo. Ern. Hebenstreit* progr. de corpore delicti culpa Medici secantis incerto. Lips. MDCCXLIII.

Schol. Inspectio, sectio atque depositio per se vitiosæ nullam correctionem admittunt, sed prorsus irritæ sunt. Ubi vero priores ad artis regulas peractæ, in depositione autem vocabula non satis apta vel ambigua posita sunt, vel connexum quoddam uberius evolvendum est; Medicos forenses de his emendandis atque supplendis, ante sententiæ lationem Medicorum collegia recte admonent. *Jo. Bohnius* in tr. de offic. Medici forens. c. IV. p. DCXXVIII. si ex connexis, inquit, de minus accurata vulneris inspectione suspicio oritur; Medicorum collegiis solemne est, ut eos, qui sectionem administrarunt, sub interlocuti seu interpellationis forma, de incongruorum emendatione admoneant, & sententiam decisoriam ad plenioram informationem usque differant. Idem *autor* in tr. de vulnerum inspectione p. XVII. per quamcunque, ait, causam vel errorem depositio Medici & Chirurgi imperfectior videatur; haud tamen semper tanti momenti existit, ut lethalitati, si quæ subest, vim omnem ac pondus subtrahat; modo per istam percussione illatæ conditio, & circumstantiæ lethalitatem inferentes, sufficienter & perspicue annotatæ ac enarratæ fuerint. Secus res se habet, si ex rudiori ejusmodi visitatione

tione de his minus constat, ex quibus sententia de lethali-
tate ferri debebat.

§. IV.

Si Medicorum in casu investi- *Tertius.*
gato ac pronunciato dissensus judici
dubia movet, incertumque in sententia ferenda
reddit; tunc quidem eruditione clarioris usuque
exercitioris effata majorem fidem merentur.
Cum tamen & bonus Homerus quandoque dor-
mire possit; ut collegii medici sententia requira-
tur, præstantius atque securius est. Confinile
quid *Bohnius* de offic. Med. forens. L. IV. pag.
DXLV. testatur, duobus, inquit, Medicis in
deponendo dissentientibus, neutri, nisi unius eru-
ditio præcellat, major fides adhibenda; sed dis-
sentientium relationes collegii cujusdam censu-
ræ subjiciendæ sunt.

§. V.

Ordinum Medicorum responsis *Quartus.*
probe ponderatis atque accurate da-
tis fides quidem tuto adhiberi potest; ubi autem
debitam ἀκριβειαν non adhibitam fuisse, ex sen-
tentia lata, actis non, ut decet, respondente,
apparet; id quod quandoque fit, si acta non a
toto collegio, ut rectius fieri deberet, sed ab ali-
quo illius, quod referendi ordo tangit, membro,
subinde non satis exercitato, perlustrantur & ex-
penduntur; tunc, defensoribus id prudenter &
religiose exposcentibus, acta ad alium, quin, re
exposcente, ad plures Medicorum ordines trans-
mittuntur. *Joan. Bohnius* l. c. p. DLI. Me-
dico-

dicorum, inquit, collegia etiam adiri solent; si alterius cujusdam collegii sententiam contrariam refellere, necessarium videtur.

§. VI.


Respondendi modus.

Cum ad ordinum Medicorum responsa Jutorum collegia atque iudices sententiam ferant, atque hic de justitia recte administranda, ut & de fortunis vel capite alterius agatur; ut responsa sua probe ponderata atque accurate exarata sint, collegiorum medicorum Assessores sigillatim & conjunctim procurent: omnes igitur, quibus senior in casus dijudicatione & voto ferendo præire ut plurimum solet, tota acta, non autem sectionis protocollum & visum repertum tantum, attente perlegant, atque ex principiis physico-medice dijudicanda sibi annotent; haud raro enim in testium depositione aliisque connexis talia occurrunt, quæ casui proposito magnum lumen affundunt, atque ad forum medicum utique pertinent. Re ab omnibus probe ponderata, singulorumque votis descripta, ex communi vel plurium consensu sententia decisoria prudenter ferenda, atque a collegii Decano responsum ita exarandum est, ut totam historiam facti, judicium de ea latum, cum dubitandi ac decidendi rationibus, distincte solideque contineat, omnibusque propositis questionibus exacte satisfaciat; quo illi judex tuto fidere possit. Responsum ita confectum ab omnibus collegii Assessoribus recognoscatur, subscripto nomine approbetur, & denique, collegii sigillo munitum, judici, vel alii collegium interroganti, tradendum est.

Schol.

Schol. I. In responsis dandis Medicorum ordines rogati prompti sint, nec illa negligenter atque injuste differant; ne in carcere justo diutius detentorum valetudini noceatur, atque iniqua justitiæ, quantocyus administrandæ, mora ponatur.

Schol. II. Datorum responsorum exemplaria in ordinum Medicorum chartophylazio asservanda sunt; ut, si illorum reiterata traditione, inspectione vel defensione opus sit, præ manu sint.



PARS II.

DE JURE MEDICO - CIVILI.



CAP. I.

De ætatum privilegiis.

§. I.

Quævis vitæ humanæ periodus, in qua notabilis virium mentis corporisque mutatio accidit, id quod in singulos septenarios cadere solet, ætas dicitur, quæ in infantiam, pueritiam, adolescentiam, juventutem, cujus pars consistens ætas virilis est, senectutem atque ætatem decrepitam, dividitur. Ad probandam ætatem ecclesiastico baptizatorum catalogo inter Christianos utuntur; quo deficiente,

*Ætatis
notio.*

te, ex vultu totoque corporis habitu personæ forenses eam probabiliter dijudicant.

§. II.

Pubertas. Inter physica pubertatis signa mutationes quasdam, in corpore humano tum temporis primum accidentes, v. c. majus ejus robur, pubis in utroque sexu, primam lanuginis in epheborum ore, efflorescentiam, vocis in graviolem mutationem, incipientem feminis secretionem, atque in sexu sequiori primam menstruum eruptionem, referunt.

§. III.

Ejus initium. Pro diversa climatum individuumque conditione, v. c. in regionibus calidis & subjectis multum valentibus pubertatis terminus acceleratur, in regionibus autem frigidis ac personis imbecillis retardatur; hinc in pubertatis termino definiendo absolutum fere corporis incrementum, acquisitionemque naturæ præstantiam Medici respiciunt; quæ in sexu potiori in annum XX. in sequiori in decimum octavum plerumque incidunt; quo tempore etiam suam ossa firmitatem acquisiverunt, eorumque epiphyses in apophyses mutatae sunt. Secundum jus civile romanum in masculis initium pubertatis in absolutum annum XIV. in feminis in transactum XII. incidit. Plena autem pubertas, secundum idem jus, XVIII. annis absolvitur, vid. Instit. l. I. tit. XI. §. V. & Digest. l. I. tit. VII. §. XL. qui terminus propius cum Medicorum sententia convenit. Cum impuberes, ob insufficientem rerum ac rationis

tionis usum, sui juris non sint; nec privatim, nec publice valide agere possunt. Instit. L. II. c. XII. ne impuberes testamentum faciant; quia nullum eorum animi iudicium esset, cautum est.

§. IV.

Ut in pubertate æstimandâ ple- *Ætas ma-*
narium fere corporis incrementum, *jorennis.*
sic, in ætate majorenni determinan-
da, ad mentis dexteritatem respicimus, atque,
an quis eo rerum ac rationis usu præditus sit,
ut vitæ suæ modum habere, & res suas, quin
& negotia publica procurare possit, dijudicamus.
Hic tamen individualis juvenum indoles quoque
consideranda est; vis enim naturalis menti cor-
porique insita, bona educatio diligensque scien-
tiarum cultura, judicii stabilitatem atque discre-
tionis terminum accelerant; his vero contraria
eundem prorogant. Ceteroquin secundum jus
germanicum juvenes anno XXV. secundum sa-
xonicum XXI. majorennis pronunciantur. Cum,
ob dictas causas, minorennis sui juris non sint;
sine parentum vel curatorum præscitu atque con-
sensu, nec de persona sua, nec fortunis suis,
largiri, nec valida cum aliis pacta inire, nec pu-
blica procurare possunt.

Schol. Publica armorum traditione, juve-
nes suos majorennis esse, majores nostri decla-
rabant. *C. Corn. Tacitus* in libro de moribus
Germanorum c. XIII. arma, inquit, sumere,
non ante cuidam moris, quam civitas suffectu-
rum probaverit: tum in ipso concilio, quod sem-
per armati agebant, vel principum aliquis, vel
pater, vel propinquus, scuto frameaque orna-
bat.

bat. (machte ihn wehrhaft.) Hæc apud illos toga, hic primus juventæ honos; ante hoc domus pars, mox reipublicæ videntur.

§. V.

Feminarum respectu.

Cum sexus sequior, bona indole naturali rectaque institutione accidentibus, æque, ut potior, egregiis animi dotibus præditus sit, illi idem ætatis majorennis terminus poni posset; cum autem negotium menstruum, graviditas, puerperium, lactatio multa in feminarum corpore pathemata producant, occupationes domesticæ plura quoque impedimenta adferant, nec illis erudiendis tanta cura, ut sexui potiori, plerumque adhibeatur; non semper rebus suis stabiliendis administrandisque, nedum publicis gerendis, pares sunt; ne igitur illæ detrimentum capiant, ex juris civilis præscripto curatorum auxiliis juvantur, atque ætatis minorennis privilegiis in foro gaudent. Ill. Jo. Steph. Pütter in element. juris germ. privati §. CCCCXVI. ob feminarum, inquit, imbecillitatem earum quædam tutela juris germanici, præsertim in Saxonia superstes est; vi cujus in quibusque mulierum, negotiis civilibus curatoris consensu opus est.

§. VI.

Senium.

Pro diversa hominum natura, vitæ genere, laborioso aut deside, cum luxu aut frugalitate acto, ærumnis atque morbis antea toleratis, mentis corporisque vires vel diutius vigent, vel citius decrescunt; hinc non semper ex annorum numero, sed sæpius ex persona-

sonarum vigore vel imbecillitate, senectuti terminus ponendus est. Teste *A. C. Celso* de medicina l. I. c. I. ignavia corpus hebetat, labor firmat, illa maturam senectutem, hæc longam juventam reddit.

§. VII.

Quousque igitur mentis corporisque vires perdurant, ad solita reipublicæ officia præstanda, vel illis aut his persistentibus, ad quædam, mentis scilicet, vel corporis, vires exigentia, munera subeunda, obligati sumus. B. m. *Herm. Frider. Teichmeyer* in medic. legali p. VIII. ætate, inquit, provectior, mentis tamen corporisque viribus perfecte instructus, senex dici nequit. Idem autor l. c. p. X. in senio, ait, constituti quoad corpus quidem, non statim tamen quoad rationis usum, infirmi sunt. Ubi autem aliquis viribus aut ulterutris aut utrisque defectus est; vacatio, vel respectu quorundam, vel omnium officiorum publicorum, merito locum habet. Senectutis incommoda post annum sexagesimum homines sentire plerumque incipiunt, ac notabile virium decrementum patiuntur; aliquis tamen naturæ, præsertim mentis, vigor in multis ultra annum septuagesimum perdurare solet. Dn. *Teichmeyer* l. c. quando, inquit, senes sensibus internis destituuntur, ad actus civiles inhabiles sunt. Codicis l. X. tit. XLIX. §. XXX. jure concessum est, quod, cum quis, septuagenario majorem se esse, profiteatur, si, a nominatione facta, appellationis auxilium interposuit, præsidis provinciæ notione se tueri possit. In-

*Vacatio
senilis.*

tit. juris l. I. tit. XXV. Major LXX. annis & tutela & cura se excusare potest.

Schol. Cum tamen ipsa senectus fere morbus sit, & quodammodo mollius tractari velit; senes ad graviores adigere labores, haud convenit; etenim, si quilibet tantum nititur, quantum potest, id satis est.

§. VIII.

*Termini
mortis as-
tatio.*

Hominum longævorum & vitæ terminum ultra centesimum annum quandoque protrahentium exempla quidem non defunt; pauci tamen, ob malam diætam, morborum multitudinem, horum neglectum pravamque tractationem, multiplices injurias externas, variosque casus ac infortunia, vitam ad majorem senectutis gradum perducunt; sed potius satis longe citius eedunt: hinc factum est, ad certum hæreditati adeundæ terminum figendum, ut in jure germanico civili absentes post septuagesimum ætatis annum pro mortuis declarentur. Ill. *Jo. Rud. Engau* in element. juris germ. civilis l. I. tit. XXVIII. §. CCCCLXXXII. mortuus, inquit, habetur, cujus vita, propter diuturnam absentiam, dubia; declaratur vero, a cujus nativitate LXX. anni præterlapsi sunt, vid. ill. *Ferd. Aug. Hommel* in diss. de septuagenario absente facto quando mortuus præsumatur. Lips. MDCCL.

*

*

*

CAP.



CAP. II.

De gravidarum privilegiis.

§. I.

Cum animi pathemata, inprimis *Noxarum*
terror & violentia externa gra- *averrun-*
vidarum corpori, maxime utero, il- *catio.*
lata, embryonem & quandoque et-
iam matrem simul, perdere possunt; modeste
cum illis agendum; nec ulla injuria verbali vel
reali afficiendæ sunt, & qui dolose talia damna
dederit, gravi poena afficiendus est. *Jo. Boh-*
nii de offic. Med. forens. c. VI. pag. DCLIX.
aliquando, inquit, accidere solet, gravidas in
ventrem percuti, non sine abortus metu, imo
ejusmodi fœtus quoque læsionibus, quæ judici con-
jiciendi & investigandi occasionem ministrent, an
non has illi matrem percutiens intulerit, inpri-
mis si in hujus corpore stigmata, livores, cal-
varie conquassationes, vasa rupta, atque artu-
um fracturæ compareant.

§. II.

Graviditas Licet graviditatis signa simul
dubia. sumpta, probeque expensa, artis
peritos haud fallant; attamen, cum
talium exercitissimorum artificum copia non
ubique detur, molæque in utero detentæ magnam
graviditatis speciem, sine ullo mulierum dolo,
præ se ferant; si femina gravidam se esse pro-
fiteatur vel præsumat, & de feudo consequendo;

hæreditate adeunda, vel alimentis infanti acquirendis quæstio sit; transactæ graviditatis tempus, XXXX. scilicet hebdomadum decursus, recte expectatur, antequam de his iudex decernat. Etenim qui in utero est, perinde, ac si in rebus humanis esset, custoditur, quotiens de commodis ipsius partus quæritur. Digest. l. I. tit. V. §. VII. Qui in utero sunt, in toto pene jure civili in rerum natura esse, intelliguntur, iisque legitimæ hereditates restituuntur, l. c. tit. V. §. XXVI. l. XXXVII. tit. IX. vid. cel. *Chr. Gottl. Seiler* tr. quædam partus in utero existentis privilegia exhibens, Marburgi MDCC. recus. Halæ Magdeb. MDCCXXIII.

Obs. Molæ ex depravato conceptu, maxime in feminis ætate provectioribus, in utero ortæ ac succrescentes, graviditatis speciem aliquamdiu præ se ferre, & mulieribus aliisque haud raro imponere, tam notum, quam quod notissimum est, vid. progr. meum de placentarum uterinarum in molas vesicarias mutatione. Giesse MDCCCLXXVI.



CAP. III.

De partu legitimo.

§. I.

*Terminus
ejus ordina-
rius.*

Novem a conceptione mensibus solaribus (XL. hebdomadibus vel CCLXXX. diebus) vel dum decimus mensis lanaris agitur, consuetæ graviditatis humanæ duratio absoluta est, ac fœtus

tus perfecti exclusio (eines vollbürtigen Kindes) contingit; tunc enim uterus, majorem expansionem haud patiens, foetum contractione sua expellit. Teste *Hippocrate*, in libro de natura pueri, partus longissimus decimo mense (scil. lunari) contingit, vid. cl. Dni *Mauriceau* tr. de gravidarum feminarum morbis, l. II. c. II. p. CCIV.

Schol. Tempus, quo spatium ab uno ad alterum zodiaci signum sol percurrit, mensis solaris dicitur, & secundum medium motum, XXX. dies, X. horas, XXIX. minuta prima, & V. secunda, continet. Tempus vero ab uno novilunio ad alterum mensis lunaris est, & XXIX diebus, XII. horis, XLIV. minutis primis, III. secundis, & IX. tertiis absolvitur. Vtrumque mensem astronomicum dicunt. Veteres autem, inprimis Græci atque orientales, partui mensium lunarium X. assignantes, hos non prorsus transactos esse, sed decimum agi, indicabant, vid. *Publ. Terentii Adelph.* act. III. scen. V. *Publ. Virgilii Maronis* Bucol. ecloga IV. v. LXI.

§. II.

Ex causis particularibus, v. c. *Termini*
valetudine matris ac foetus meliore *mutatio.*
vel deteriore &c. terminum hunc unam alteramve hebdomadem, non autem integros menses, anticipari vel prorogari, experientia docet. *Hippocrates* in libro de partu septimestri & l. II. de diætâ textu XIX. foetus, inquit, interdum serius, interdum maturius nasci potest.

§. III.

Vehementioribus animi pathematibus, vehementiore abdominis *Partus præ-*
maturus.

uterique concussione, pharmacis drasticis, variisque morbis, per graviditatis tempus affecta atque commota mulier partum præmaturum atque non satis excretum, circa septimi mensis solaris finem, aut mense octavo, edere potest, qui legitimus atque vitalis est; licet in utroque, maxime tamen priori, casu, ad eum conservandum permagna cura opus sit. *Joan. Bohnius l. c. pag. DCXXIX.* si solemnus, inquit, & naturalis nascendi terminus finis noni & principium decimi mensis est; sine dubio foetus, quanto longius ab hoc termino recedit, tanto minus perfectionis, ac virium ad functiones vitales necessariorum, habet. Partus igitur septimestris & octimestris aliquando vitales deprehenduntur; ut ut ambobus hoc rarius eveniat: licet posterior magis vitalis sit, vid. *Joan. Harderi* diss. de partu septimestri *Jctorum* responsis, & *Medicorum placitis*, insigni. Lugd. Bat. MDCLXIII. *Valent. Grisingii* dissert. de partu septimestri. Wittenb. MDCLXXVII. *Andr. Ottonis Goeliche* diss. qua, partum octimestrem legitimum esse, demonstratur. *Franci de Franckenau* diss. de partu septimestri. Hafniæ MDCCXXX.

Schol. Ex signis suis partus præmaturus facile cognoscitur, iuxta scilicet statura, corpulentia & viribus non gaudens, parvulus, rugosus, macilentus ac debilis est, nec ejus capilli atque ungues satis excreti sunt, somniculosus est, non nisi parcum debilemque vagitum edit, & mammas sugere nequiens, arte nutriendus est.

§. IV.

Cum *Hippocrates*, in tr. de par- *Fœtorum*
tu septimestri, ex septimo mense na- *sententia.*
tis quosdam, licet ex multis paucos,
supereffe, judicaverit, ejus sententiam Jcti secuti
sunt. Digestorum l. I. tit. V. §. XII. septimo
mense nasci perfectum (vitalem) partum, jam
receptum est, propter autoritatem viri doctissimi
Hippocratis; & ideo credendum est, eum, qui
ex justis nuptiis septimo mense natus est, ju-
stum filium esse.

§. V.

Sexto mense natus pauca qui- *Sex men-*
dem a partu vitæ debilis signa edere, *sium par-*
sed eam, ob corpusculi imperfectio- *tus.*
nem, continuare nequit; ergo im-
maturus, non autem vitalis, censendus est. B.
m. *Herm. Frid. Teichmeyer* med. legal. c. IX.
p. LX. in fœtu, inquit, immaturo os, nares at-
que auriculæ minus patent, minusque promi-
nent, ac carnis cruentæ speciem præ se ferunt,
fontanella hiat, palpebræ arctius connivent, to-
taque cutis rubet, pilisque destituitur.

§. VI.

Fœtus justo partus tempore *Fœtus ma-*
vividus exclusus, sed ex causis mor- *turus debi-*
bificis valde debilis, pro vitali ha- *lis.*
bendus est; licet postea fati cef-
ferit. Idem de consimili fœtu ex matre mortuâ
exciso censendum est.

§. VII.

A partu mortuus. Si de foetu maturo statim a partu mortuo, an vere vixerit, dubitatio oritur; de brevis vitæ signis post partum observatis juratarum obstetricum testimonio fides quædam habenda est: ubi vero Medicorum judicium a magistratu exposcitur; ad aliqualem vel plenariam pulmonum a facta respiratione expansionem, eorumque putredine nondum infectorum, natationem in aqua pura attendendum est.

§. VIII.

Partus serotinus. Subreptionis vitiis in definiendo conceptionis tempore, aliisque, non tam physicis, quam politicis momentis, propositi partuum serotinorum casus pendere videntur. Rationes, quas a gravidarum debilitate nonnulli petere solent, non adeo firmæ sunt; cum potius ab illarum imbecillitate partus præcoces accidunt, ut b. m. *Christ. Gottl. Ludwig* in instit. med. for. pr. II. tr. I. c. II. §. CIX. recte monuit. Teste *Hippocrate* in libro de natura puerorum, textu XXXVIII. & XL. ultra decem menses (lunares) uterum gestare nulla femina potest. Ubi vero tardioris incrementi factus causæ adfuerunt, v. c. mæror, intercurrentes hæmorrhagiæ, aliive morbi, gravidam atque embryonem male afficientes; tunc partus tempus interdum unam alteramve hebdomadam, minime autem integros menses, differri posse, & sic natos legitimos esse, a principiis physico-medici non abhorret. Ceteroquin ob dictas causas viduis, respectu partuum ad deci-
mi

mi mensis finem vel undecimi initium protractorum, juris consuetudines favent. At partum ad menses undecimum, duodecimum atque decimum tertium exactos protractorum allata exempla ficta, nec attendenda esse, credimus, vid. *Laur. Heisteri* diff. de partu tredecimestri legitimo, Helmst. MDCCXXVII. *Willh. Bernh. Nebel* diff. de partu tredecimestri legitimo, Heidelberg. MDCCXXXI. *Mich. Alberti* diff. de partu ferotino, Hal. Magd. MDCCXXIX. *Jo. Wolfg. Kippingii* diff. de partu dubio, quem vidua intra dies lugubres enixa est, Helmst. MDCCXLIV. *G. Christ. Arnoldi* tr. de partu ferotino.

Schol. Embryonum mortuorum plures annos in utero retentorum exempla huc non quadrant, nec ab illis, ad partum foetus vivi ultra consuetum tempus protractum, conclusio valet. Mortui foetus triennium in utero retenti & in matre febrem habitualement producentis, hujusque, post artificialem illius protractionem & materiae putridae excretionem, iterum sanatae, casus in praxi clinica sese mihi obtulit, vid. *Jo. Cameraarii* diff. de casu rarissimo foetus XLVI. annorum, Tubingae MDCCXX.



C A P. IV.

De primigeno, partu supposititio & superfætatione.

§. I.

In geminorum ac trigeminorum partu quandoque, ob jura consuetudinis. *Primigenus. quon-*

quenda, quis illorum primo editus sit, attendendum, atque statim signandus est; neglecta enim hac cautela, neque ex animi præstantia, nec corporis habitu, vel ex aliis signis certi quid de primogeniti jure statui potest, vid. *Jac. Thomassii* diss. de jure primogeniti. Lips. MDCLVII.

§. II.

*Partus supposititi-
us.*

Fœtui supposititio legitimi jura minime competunt; suborta igitur fictæ graviditatis suspicione, illis, quorum respectu hereditatis aliorumve jurium interest, in graviditatem inquirendi, partumque observandi, atque in illum inquirendi, potestas concedenda est, vid. *Goth. Burch. Struv.* de partu supposititio & custodia corporis feminarum illustrum. Jen. MDCCXXXII.

§. III.

*Partus
signa.*

In ipsa puerpera partus ante breve tempus peracti signa, v. c. vaginæ uteri ampla ac brevis, os uteri dilatatum, lochiorum fluxus, mammæ lacte copioso turgidæ, faciei pallor atque abdomen rugosum reperiuntur; in quæ ab artis peritis juratis, brevi a partu, inquirendum est. Fœtus recens editi umbilicus etiam testimonium perhibet. Ubi vero diu post partum de fœtu supposititio suspicio demum oritur, neque in matre, neque in infante certa atque indubia facti signa supersunt.

§. IV.

*Superfæ-
tatio.*

Licet Hippocrates in libro de superfœtatione hanc in iis subjectis, quorum

rum uteri orificium, post conceptionem priorem, aliquo modo apertum maneat, possibilem esse perhibeat; illi tamen calculum meum adjicere, hæreo; cum uteri orificium post imprægnationem claudi constet, ejusque cavum embryo cum secundis suis repleat; nec observationes de illa indubię testantes adsint, vid. *Wilh. Huldr. Waldschmidii* progr. de superfœtatione. Kiloniæ MDCCXXV. *Ejusd.* diss. de superfœtatione falso prætenfa. Hamb. MDCCXXVII. *Joh. Phil. Grauel* conjecturæ de superfœdatione, Argent. MDCCXXXVIII. *I. D. Nallinger* diss. epist. qua, an detur superfœtatio? disquiritur. Gryphsw. MDCCXLVIII. *C. I. Erichii* diss. de superfœtatione in simplici utero haud possibili. Altorf. MDCCCLXX.

CAP. V.

De deformibus, monstribus ac hermaphroditis.

§. I.

Fœtus humani male conformati & *Deformes.* mutili ut ægri considerandi, nec juribus suis privandi sunt; id quod etiam de bicorporeis valet. Digestorum l. I. tit. V. §. XIV. partus, qui humanorum membrorum officia ampliavit, aliquatenus videtur effectus; & ideo inter liberos connumerabitur. Respectu horum, an pro uno, vel duplici, homine habendi sint? quæstio præter ea incidit. Si igitur coalitus tantus sit, ut non nisi quædam vel omnes extremitates duplices adsint, & talis uno ore nutrirî possit; tunc prius

prius locum habet. Ubi vero levior tantum duorum hominum coalitus, duplices animorum corporumque actiones, quandoque etiam duplex genus insuper, observantur, ac singulari nutritione quilibet opus habet; tunc duorum hominum jura illis competere arbitror, vid. cel. *Jo. Jac. Huber* de monstris, Cassell. MDCCXLVIII.

Schol. I. Ex duplici unius ovuli feminei imprægnatione monstra bicorporea, quoad omnes vel quasdam partes talia, ortum sumere, autumo; uno enim involucro contenta, una placenta, uno funiculo umbilicali, licet crassioribus, vel simili ratione inter se concretis, gaudere solent; nec Chirurgis, duo corpora mollia, diu contigua, facile inter se concreescere, ignotum est.

Schol. II. Fœtum sine capite & cerebro natorum, quibus monstrorum nomen proprie competit, tamquam non vitalium, exempla huc non pertinent, vid. *Memoires de l'Academie Royale des Sciences* 1701. pag. 120. 1740. pag. 811. 1741. p. 665. *Acta medica Berol.* dec. I. vol. VIII. p. VIII. b. m. *Jo. Henr. Schulze* diss. de infante sine cerebro nato, Halæ Magd. MDCCXLIII. *Alb. de Haller* progr. de fœtu humano septimestri sine cerebro nato, Gœttingæ MDCCXLV.

§. II.

Bicorporeorum exempla.

Gemellorum masculorum inferioribus trunci partibus concretorum casus a Dn. *du Vernay* in actis Acad. Regiæ Scient. anni 1706. p. 538. relatus est. Duarum pupparum pectore & regione epigastrica coalitarum exemplum in ejus-

eiusdem Academiae actis 1742. p. 182. legimus. Duorum masculorum leviter concretorum casum Dn. *Lud. Mich. Dietrich* in diss. de fratribus Ital. ad epigastrium connatis, Ratisb. MDCCXLIX. edita, proposuit. Gemellorum masculorum nonnisi abdominibus concretorum casus in actis medic. *Berol.* dec. II. vol. VI. pag. LXVIII. & alius de foetu bicorporeo utriusque sexus l. c. pag. LXIX. propositi sunt. Plura exempla ab autoribus sequentibus enarrata sunt; *Mich. Heiland* monstri Hassiaci disquisitio, Giesse MDCCCLXIV. *Jo. Jac. Waldschmidii* diss. de causa partus monstrosi, occasione foetus bicorporei nuperrime nati, Marb. MDCLXXXIV. *Mich. Ernst. Ettmuller* de monstro Hungarico, Lips. MDCCVII. *Jo. Joach. Schaefferi* diss. de gemellis concretis, Rostoch. MDCCIX. *Balth. Jo. de Buchwald* historia monstri gemelli coaliti, Hafniae MDCCXLIII. *Conr. Christel* diss. de partu gemellorum coalitorum, Argent. MDCCCLI. *Albert. de Haller* diss. qua duorum monstrorum anatome, & de causis monstrorum disquisitio, exhibentur, Goett. MDCCXLII. *Ejusd.* progr. quo suam de monst. sententiam, contra objectiones Lemeryanas, novis argumentis defendit, ib. MDCCXLV. *Ejusd.* progr. de monstrosis fabricis observationes continens, ib. MDCCCLIII.

§. III.

Utrumque sexum monstra bicor- *Herma-*
porea, rarius tamen, exhibuisse, expe- *phrodit.*
rientia docuit; at in individuis, ut
nonnulli perhibuere, illum locum habere posse,
haud arbitror; sed feminae, clitoride protuberante

te præditæ, tales falso creditæ sunt. Attamen partes genitales in utroque, maxime potiore, sexu quandoque male conformatas ac vitiosas esse, facile concedo. Decisioni Digestorum l. I. tit. V. §. X. latæ opinio illa occasionem dedit, quæ sequentem in modum pronunciata est: quæritur, hermaphroditum cui comparemus? & magis puto, ejus sexus esse æstimandum, qui in eo prævalet.

Obs. In puero sexenne partium genitalium defectum, atque earum loco in ima ventris parte corpusculum quoddam, glandis penis inversæ speciem quodammodo referens, & inter hoc atque regionem umbilicalem tumorem inæqualiter rotundum, subrubrum, ex cujus ima dextraque parte lotii foetidi guttulæ sensim stillabant, observavi; quem casum testis ocularis, Dn. D. Geor. Boesefleisch, actis Acad. Electoral. Mogunt. tom. II. pag. CCCCXXXI. Erfordiæ MDCCLXI. editis, inseruit & figura expressit.

CAP. VI.

De excusationibus, ob mentis & corporis morbos, locum habentibus.

§. I.

Mente capti.

Cum, ob morbosum encephali statum, rectum sensationum atque rationis usum mente capti non habent, sed potius phantasmata sua cum illis confun-

fundant; actiones liberas utilesque præstare nequeunt, sed sibi aliisque noxii sunt; hinc tam personarum suarum tutore, quam rerum suarum curatore, opus habent; nec, durante morbo, sui juris esse possunt.

§. II.

Pacto valido rectam rationem, *Pacisci*
veram rerum dijudicationem liberam- *nequeunt.*
que voluntatem supponentes; mania-
ci ac furiosi, his omnibus destituti, nullam pa-
cti speciem valide inire, nec ad promissa servan-
da jure adigi possunt; sed potius omnia cum illis
acta irrita sunt; ergo promissio, donatio, loca-
tio, conductio, oppignoratio, alienatio, stipu-
latio, fidejussio, aliæque pactorum species, in il-
los prorsus non cadunt. Instit. juris l. III. tit.
XX. furiosus nullum negotium gerere potest;
quia non intelligit, quid agit.

§. III.

Cum nec personæ suæ, nec for- *Aliena*
tunarum suarum mente capti curam *curare*
habere possunt; multo minus officio *nequeunt.*
publico præesse, vel privatas aliorum
res procurare, aut ulli negotio recte se immiscere
queunt. Instit. juris l. II. tit. X. ne furiosus
testis sit, cautum est.

§. IV.

Nec testamentum facere, aut *Testari ne-*
fidei cujusdam aliquid committere *queunt.*
furiosorum est. Instit. l. II. tit.

XVIII.

XVIII. si testator furiosus fuerit, testamentum nullum est. Cum autem deliria acuta suas quandoque intermissiones, & mania intervalla sua lucida, quandoque satis prolixa, habeant, & in utroque casu mens illis redeat; tunc, adhibito uno alterove Medico aliisque testibus sufficientibus, testamenti factio & fidei commissio utique locum habere possunt. Instit. l. II. tit. XII. de testamentis ordinandis: furiosi, testamentum facere non possunt; nisi per id tempus illud fecerint, quo furor illorum intermissus est.

§. V.

*Imbecillia
tutela libe-
ri.*

Cum natura vel senio imbecilli, & cum longa vel perpetua valetudine adversa conflictantes, sufficientem rerum suarum curam habere nequeant; neque tutoris, neque curatoris officio onerandi sunt. Instit. l. I. tit. XXV. de excusationibus tutorum vel curatorum: propter adversam valetudinem, ob quam ne suis quidem negotiis quis interesse potest, a tutela & cura vacationem habet.

§. VI.

*Ab officiis
publ.*

Ad officia publica rite procuranda & mentis & corporis viriumque integritas requiritur; si ergo morbus istam vel in totum vel ad tempus abstulerit, v. c. si quis cæcus aut surdus sit, vel post apoplexiæ insultum vocem, memoriam, & ex ipso rationis usum, perdiderit, paralyticus convenserit, aut chronico articulorum morbo ac rigore vel epilepsia laboret: aut ad tempus febre acuta,

acuta, nimis sanguinis vel feri profluvii, aliove morbo gravi affectus sit, vacatio a negotiis publicis perpetua, vel temporaria, nimirum usquedum cum valetudine secunda in gratiam redierit amissasque vires recuperaverit, illi merito concedenda est. Codicis l. X. tit. L. §. I-III. qui ea cœcitate oppressus est, ut utriusque oculi aciem prorsus amiserit, levamentum personalium munerum sentiet. Cum auriculari morbo quis debilitatus est, juxta juris publici auctoritatem a personalibus muneribus vacationem habebit. Podagræ valetudo ad personalium munerum excusationem non prodest; verum cum quis pedum valetudine ita afflictus sit, ut rebus propriis incessum dare non possit, Magistratus, si allegationibus tuis fidem adesse perspexerit, ad personalia munera te vocari, non patietur.

§. VII.

Morbi graves, causæ meditatio- *A foro.*
nem, atque loci mutationem impedi-
tes, ægrotum in jus vocari, aut judici in tempore præscripto sisti, haud sinunt; sed causæ eo usque differenda est, usquedum morbus profligatus, & convalescens rebus suis agendis iterum par sit. Instit. juris l. IV. tit. X. Morbus & ætas, & necessaria peregrinatio, itemque aliæ multæ causæ sæpe hominibus impedimento sunt, quo minus rem suam exequi possint. Sed in talibus casibus morbi existentia demonstranda, nec fingenda est, & ne ejusmodi fictionibus patrocinentur atque testimoniis, temere datis, illis veritatis speciem præbeant, Medici caveant, vid. *Jo. Henr. Bergeri* diff. de ægrotorum privilegiis,
D

giis, Wittenbergæ MDCLXXXVII. recusa
MDCCXLIV.



CAP. VII.

De morborum simulatione & dissimulatione.

§. I.

Morborum æstimatores. Cum de vera morbi existentia, simulatione vel dissimulatione certum esse, tam in foro civili, quam ecclesiastico & criminali, judicis intersit, & morborum dijudicatio non, nisi ex signis suis propriis, peti possit; eorum investigationem Medicis, tamquam artis peritis, judex committere potest ac debet.

§. II.

Eorum dijudicatio. In morbo examinando non solum illè ipse, sed & omnia connexa, in persona illum profitente, accurate ponderanda sunt, & ficti morbi historia cum illa, quæ vero morbo propria esse solet, diligenter conferenda, atque, an omnia signa pathognomonica adsint, nec ne? dispiciendum est. Teste Jo. Bohmio in tr. de officio Med. forens. p. DCLXXXV. morborum simulatorum a veris discretio singularem sagacitatem & ingenia postulat; quorum forsitan potiora sunt, non festinare, ejusmodi homines non semel, sed frequentius, visitare, eorumque actiones & sermones accuratius

ratius attendere, testibus vero imperitioribus & quacunque ratione suspectis parum vel nihil fidei adhibere. Digestorum l. I. tit. XVIII. §. XIII. in persona ejus, qui homicidium admisit, excutiendum est, utrum, simulato furore, id admisit, an re vera compos mentis non fuerit; ut, si simulaverit, plectatur; si furat, in carcere detineatur.

§. III.

Dantur morbi, v. c. febres, qui *Morbi si-*
nullam simulationem admittunt, a- *mulati.*
liorum autem speciem veteratores sa-
tis callide præ se ferre possunt. Præ aliis vero dolores, aponia, surditas, melancholia, mania, epilepsia, paralyfis, obsessio, atque ulcera, simulari solent.

§. IV.

Plures dantur causæ, propter *Simulatio-*
quas vafri homines ac fraudulentis *nis causæ.*
morbos simulent, v. c. pigri, ut labores publicos aut privatos aliquamdiu vel semper devitent, juvenes, ut militiam detrectent; mendici, ut elemosynas aucupentur; in jus vocati, ut comparitionem coram judice declinent; parum læsi, ut noxam sibi illatam exaggerent majoremque satisfactionem extorqueant; facinorosi, ut torturam, vel majorem ejus gradum, quin & pœnam, effugiant. Sed cum illi historiarum morborum ignari sunt; eorum symptomata totamque indolem non tam accurate simulare, atque ad quæstiones propositas tam scite respondere possunt, ut Medicis probe exercitatis atque judicio pollentibus fucum facere queant, vid.

Jo. Bapt. Sylvatici tr. de iis, qui morbum simulant, deprehendendis, Mediolani MDXCV. *Polycarpi Schacheri* de epilepsia simulata, Lips. MDCCXXXII. *Mich. Alberti* diff. de melancholia vera & simulata, Halæ Magd. MDCCXLIII. *Rud. Augustin. Vogel* diff. de morbis simulatis, & quomodo eos dignoscere liceat, Göttingæ MDCCCLXXII.

§. V.

*Diffimulatio-
nis causæ.*

Morbi turpes, v. c. venerei & contagiosi, scabies, lepra, cancer, nec non chronici atque periodici miserabiles v. c. ulcra fistulosa & cacoëthea, catalepsis, epilepsia, tetanus, emprosthotonus, opisthotonus, spasmi rigidi particulares, cum mentis alienatione conjuncti, melancholia ac mania periodicæ &c. dissimulari solent, ne eorum divulgatio ægrotorum famæ aut rebus officiat. Quorundam autem morborum periodicorum investigatio non adeo in promptu est, nec uno eodemque tempore, sed longiore & crebrioribus inquisitionibus, absolvi potest, eorumque declaratio non nisi recto tempore locoque fieri debet, vid. *Car. Frid. Lutheri* diff. de morbis simulatis ac dissimulatis, Kiloniæ MDCCXXVIII. *Cel. Ern. Godofr. Baldingeri* de morbis dissimulatis, Gœtt. MDCCCLXXIV.

* * * * *

CAP. VIII.

De mala medendi ratione.

§. I.

*Erronea
inculpatio.*

Si morborum atque læsionum causæ atque effectus tolli nequeunt, adeo-

adeoque per se lethales sunt, aut si ab initio adeo neglecti aut mala curatione & consimili diata adeo exasperati sunt, ut nulla rationalis cura locum amplius habeat; Medici atque Chirurghi, ob irritam curationem atque lethalem morborum eventum, immerito culpantur, ac medentium fama contra ejusmodi stultorum inculpationes atque criminationes defendenda, aut hæ, tamquam fuitiles a Medico docto, stabilitaque bona fama gaudente, fusque deque habendæ sunt. *Plato* l. IX. de re publica, Medicus, inquit, si is, qui curatur, eo invito, moritur, secundum leges purus est.

§. II.

Non desunt mali feriatu homines, qui, vel mala mente atque invidia ducti, vel ut justo Medicos atque Chirurgos fostro defraudent, morbi minus perspekti atque malæ curationis, illos malitiose insimulant. In utroque casu, si lis ad forum delata; vel illuc, ob bonam famam conservandam, deducenda est, malitia atque invidia detectis, vera morbi descriptione, errorum ab ægroto aliisque admissorum enumeratione, auxiliorum a se ad rectam indicationis normam adhibitorum demonstratione, famam suam coram iudice medentes defendere possunt, & iudex, non pro lubitu suo, sed impartiali Medicorum ordine consulto, ut justam sententiam ferat, par redditur.

Schol. Medicorum atque Chirurgorum defensio tanto magis in promptu est, si, productis pharmacorum a se præscriptorum formulis, cum in finem in archetypis vel apographis in pharma-

copolio affervandis, suam medendi methodum morbo atque artis regulis consentaneam, adeoque rationalem atque inculpabilem fuisse, demonstraverint. Quæ a mede conscribendo curationum notabiliorum privato protocollo, evitandis malevolorum Medicorum calumniis, atque de dispensationis Medicorum privatæ incommodis, in politia medica §§. XXII. & LXXII. dicta sunt, ad avertendas ejusmodi lites maximopere faciunt.

§. III.

Vera. Ubi vero a medentibus, ob inscitiam, negligentiam, temeritatem aut dolum in medicina facienda errores commissi, aut crimina patrata sunt, v. c. si ægroti curæ eorum crediti ab illis neglecti, ex inscitia vel temeritate pharmaca drastica & noxia data, adeoque per aliorum damna ac mortes experimenta frivole capta, fuerunt; erroneæ atque temerariæ ejusmodi curationes ab impartialibus artis peritis excutiendæ, & pro re nata, gravi mulcta, remotione ab officio, carcere, exilio &c. a judice vindicandæ sunt. Instit. juris l. IV. tit. III. §. VII. & VIII. si Medicus, qui aliquem secuerit, dereliquerit ejus curationem, & ob id aliquis mortuus fuerit, culpæ reus erit. Imperitia quoque culpæ annumeratur; veluti si Medicus ideo aliquem occiderit, quia male eum secuerit, aut perperam illi medicamentum dederit. Digestorum l. I. tit. XVIII. §. VII. hæc lex data est: sicuti Medico mortalitatis eventus imputari non debet; ita, quod per imperitiam commisit, imputari ei debet. Prætextu humanæ fragilitatis delictum decipientis in periculo hominis innoxium esse non debet.

§. IV.

§. IV.

Quodsi accadat, ut a medente *Crimina*
 scelerato venena data, vel alia artis *medentium.*
 suæ instrumenta in aliorum perniciem consulto adhibita fuerint, de eo, ut quolibet alio vitæ hominum insidias struente, quæstio habenda, &, crimine detecto, capitale supplicium sumendum est; quæ tamen scelera non ad forum civile, sed criminale pertinent. *Nemesis Carolina* l. c. definit: Wenn ein Arzt solche Tödtung vorsätzlich gethan hat; so ist er, als ein vorsätzlicher Mörder, zu bestrafen.

§. V.

Cum empirici, in re illicita ver- *Respectu*
 fantes, pharmaca drastica ac nociva, *empiric.*
 aliis, cum valetudinis damno vel vitæ jactura, culpose vel dolose exhibuerint, in illos, casu rite investigato, ut res ipsa fert, graviter animadvertendum est. In *Nemesis Carolina* §. CXXXV. hanc de ea re legem habemus: So ein Arzt aus Unfleiß oder Unkunst, doch unborsächlich, Jemand mit seiner Arzenei tödtet; so soll er, nach Erfinden der Arzenei-gelehrten, Gestalt der Sachen und Rath der Verständigen, gestraft werden. In diesem Fall soll man allermest auf leichtfertige Leute Achtung haben, die sich der Arzenei-unterstehen, und sie mit keinem Grund gelernt haben. Excusationis autem momenta, quæ ex physicis medicamentorum qualitatibus atque effectibus, experientia & ratione cognitis, deduci possunt, ut Medicum peritum prorsus excusant; sic, in sinistro curationis ab empirico institutæ eventu, pœnam admodum mitigant.

CAP. IX.

De mala pharmacorum conditione.

§. I.

Simplicium. Cum recta pharmacorum simplicium conditio, ut scilicet genuina, optimæ notæ, atque incorrupta sint, ad salutarem effectum spondendum absolute requirantur; sic, ubi pharmacopœus, obignorantiam deceptus, vel avaritia ductus, spuria, adulterata vel malæ notæ coëmerit, vel ex negligente asservatione ea corrumpi siverit; adeoque æs suum emtores non solum male collocarint, sed & ægroti spe sua exciderint, atque salutari effectui privati fuerint; pharmacopœus, errore vel fraude per artis peritos detectis, non solum publica ejusmodi malarum ac invendibilium mercium ablatione, sed etiam, si dolus accesserit, graviore mulcta & pœna afficiendus est.

§. II.

Compositorum. Ut pharmaca composita ad præscriptas formulas quam accuratissime præparata sint, finis, illorum usu obtinendus, sine dubio exigit: ubi igitur, ex pharmacopœi vel sociorum illius inscitia, negligentia aut dolo, perfunctoria aut male administrata vel cariora in compositione omissa, & viliora aut inepta, vel scopo prorsus contraria, substituta fuerint, ita, ut inde resultans pharmacum

cum debitis qualitatibus ac viribus minime gaudeat: ejusmodi inutilia, quin noxia pharmaca secundum artis regulas scrutanda ac removenda, atque in rudes, negligentes ac fraudatores, pro rei indignitate & noxa, animadvertendum est.

§. IV.

Si de malis ejusmodi medicamentis lis orta atque ad forum delata est, illa ipsa, tamquam corpus delicti, actis adponenda sunt; ut Medicorum ordinibus, sententiam dicturis, in illa secundum artis regulas inquirere, integrum sit; sola autem inculpatio privataque illorum dijudicatio in foro haud sufficit. Quæ in politia medica §§. XXVII. & XXX. de illicita pharmacorum substitutione, atque de pharmacopœorum sociis jurejurando obligandis, a me prolata sunt, his erroribus ac fraudibus avertendis inserviunt.

In illa inquisitio.

§. V.

A pharmacopœorum discipulis, innocuorum medicamentorum loco, drastica, quin deleteria, ex ignorantia quandoque data esse, tristis experientia docuit. Illos a pharmacorum dispensatione, donec artis pharmaceuticæ sufficienter gnari sint, atque prudenter & caute agere didicerint, prorsus arcendos esse, in constitutionibus politico-mediceis cautum est. Ubi igitur ex tali incuria contra has, cum alicujus vel sanitatis vel vitæ jactura, peccatum est, culpa ac pœna in ipsum pharmacopœum, talia non impediens, maxime recidit, vid. *Benanei* declaratio fraudum

Culposa substitutio.

atque errorum apud pharmacopœcos commissorum, Francof. MDCLXXI. *Edwards* ungewissenhafter Apotheker, Augsburg 1700.

C A P. X.

De medentium socris.

§. I.

Socris solutio. Cum cujuslibet in arte quadam acquisita dexteritas & opera aliis rite præstita, ad totum suum pertineat; personis medicinalibus, ob auxilium aliis præstitum, socrum persolvere, justum & æquum, ejus autem totalis vel partialis denegatio iniqua est. Hic vero non de legibus politico - medicis ejusmodi socra decernentibus, sed de litibus illa respicientibus atque ad forum deductis, nobis sermo est; accidit enim, ut sanati, vel defunctorum heredes, de iniquis medicinam facientium postulatis querantur, vel hi de ingrato illorum animo, denegataque justii honorarii solutione, querelas instituant, & in utroque casu recta litis ventilatione ac decisione opus est.

§. II.

Ejus determinatio. Si medentes ab iis, quorum curam habuerunt, vel ab eorum heredibus, postulati nimii inculpanitur; ab artis peritis lis secundum leges medicopoliticas provinciales, vel, his de dato casu silentibus, extraneas æstimanda, atque dein justii aliquid

quid a iudice statuendum est. In postulatis autem suis personas medicinales iniquas esse dedecet, & ejusmodi actionum injustarum ne quidem suspicio in Medicos prudentes ac justos cadere debet. Ubi vero æquitatis limites ab uno alterove temere transgressi sunt; postulatum ab impartialibus artis peritis moderandum, atque ejusmodi avaritia ac injustitia puniendæ sunt.

§. III.

Ob malam medendi rationem *Denegatio-*
probatam, vel impium ægroti ne- *nis causæ.*
glectum, Medicos sostro excidere,
quin & culposos pœnas dare, justum est. Ubi
vero rerum suarum personæ medicinales faterint, morbi adeo fontici fuerint, ut nullam
curationem admitterent, atque ægroti culpa sua,
vel fato suo, perierint; illis sostrium æque reddit,
ac si ægroti convaluerint.

§. IV.

Ubi Medicos atque Chirurgos ig- *Decisio.*
norantiæ, morbi protracti, aut male
tractati, vel negligentia, curati vel mortuorum
heredes injuste insimulant atque accusant, ut il-
los honorario privent famamque eorum simul
lædant; his, morbi indole ac duratione labori-
busque a medente præstitis probe pensitatis at-
que cum politia medicæ legibus comparatis, per-
pensisque simul ægri fortunis, ab artis peritis
impartialibus æstimanda, atque secundum illo-
rum effatum a iudice decidenda, ac simul malus
ejusmodi dolus puniendus est.

§. V.

§. V.

*Soltri loca-
tio.*

In suborto de mortui fortunis creditorum concursu, in solstro pro ultimi morbi tractatione accipiendo reliquis creditoribus personæ medicinales præferuntur. In morbis acutis solstrum hoc facilius, quam in longis, determinari potest; semper tamen ad ultimi morbi qualitatem, durationem, exantlatos Medici atque Chirurgi labores, connexaque externa, in illo definiendo respiciendum est. Ubi vero ex præcedente quodam morbo, vel susceptam viduæ vel liberorum curam medentes solstrum postulant, in pari numero cum reliquis creditoribus habentur.



CAP. XI.

*De creditorum pharmacorum
pretio.*

§. I.

*Lites de
pharmacis.*

Circa pharmaca ægrotis a pharmacopæo credita quæstiones incidere solent: I. An tanta copia, quæ in rationum catalogis, indicata est, tradita fuerint? II. An æquo pretio æstimata, vel iusto cariora sint? In utramque, vel alterutram hanc quæstionem ab artis peritis impartialibus inquirendum, atque, secundum eorum pronuntiationem, lis a iudice decidenda est.

§. II.

§. II.

Si quis sine præscriptis a Medico formulis, propria autoritate pharmaca simplicia innocua, aliasve merces, ex pharmacopolio, sine numerata pecunia, sumserit, subortis de illorum facta traditione litibus, hæ ex rationum pharmaceuticarum libro, jurejurando si opus sit, confirmando, dirimenda sunt; nam in ejusmodi casibus pharmacopæo idem jus, quam aliis mercatoribus, competit.

*Rationum
libri pro
documento.*

§. III.

Longe autem alia res est, si tertius intercefferit. Ubi ergo a Medico, qui ægroti alicujus curam habuit, medicamentorum formulæ præscriptæ sunt, hæ, pharmaca utique tradita esse, pro documento sunt, easque pharmacopæus tamdiu servat, usque dum illorum pretium solutum sit. Hoc vero accepto, apographis prius factis, emtori, in solutionis testimonium, reddendæ sunt; ne forte, medicamentorum consignatione in rationum pharmaceuticarum catalogo non expuncta insciis pharmacopæi heredibus non factæ solutionis documentum sint.

Formulæ.

§. IV.

Si præter ea pharmacopæi postulatata jus tertii respiciunt, v. c. ubi post vulnerati curationem sumptus ab aggressore ferendi, vel in pauperes expensa pharmaca ex ærario publico solvenda sunt; tum pharmacopæi

*De jure
tertii.*

maco.

macopœum medicamenta sine præscriptis a Medico vel Chirurgo publico formulis tradere; eaque in rationum catalogo consignare, illicitum est; sed potius personæ, tempus & locus ab ipso Medico vel Chirurgo, vel, si id neglectum fuerit, a pharmacopœo sub formulis notanda sunt; secus agentes in sublestæ fidei suspensionem incidunt, nec in foro fides adhibetur ejusmodi rationum catalogis.

§. V.

*Pretii di-
judicatio.*

Secundum taxam publice approbatam pharmacorum æstimantur pretia. Ubi igitur de his inter venditorem atque emtorem ambigitur; rationis pharmacorum designatio ab artis peritis, neutri parti addictis, secundum illam excutienda est; quem in finem non solum in exhibito rationis medicamentorum catalogo, quantum & quale datum fuerit, usitati quoque in dispensatoriis pharmaceuticis, non autem inconsueti & huic vel illi Medico tantum proprii pharmacorum tituli, exprimenda sunt; sed etiam, ubi lege agi cœptum est, actis præscriptæ a medentibus formulæ eum in finem apponendæ sunt, ut sententiam laturi firmum fundamentum, ex quo justum medicamentorum pretium constitui possit, habeant.



PARS



PARS III. DE JURE VETERINARIO- CIVILI.



CAP. I.

De morborum ac mortium in pecudibus dijudicatio.

§. I.

Causæ circa quadrupedum, quæ *Manca in-*
gregatim pascuntur, morbos *vestigatio.*
mortesque actæ, & speciatim equi-
ni, bovilli, ovilli atque suilli generis secundum
hippiatrorum, lanionum juratorum, opilionum
& suariorum, carnificum, horumque servorum,
veterinariam & anatomiam comparativam utcun-
que profitentium, effata hactenus a judicibus
plerumque decisæ sunt. Quam rudes vero il-
lorum plurimi tam in morborum dijudicatione
ac curatione, quam in accuratiore anatomia com-
parativa, adeoque etiam in eruendis mortium
caussis sint, in politia med. §§. CIX. & CXX.
a me satis demonstratum esse autumo. An igi-
tur horum effatis justitiæ satis prospectum sit, ipsi
judices videant! Nec solæ leges veterinario-fo-
renses, satis ceteroquin ut plurimum commodæ,
hic

hic sufficiunt; sed physico-medica facti certitudine imprimis opus est, quam nemo, nisi anatomiam comparativam atque medicinam veterinariam probe callens, præstabit. Ex quibus, in re publica bene ordinata, diligente artis veterinariæ cultura quam maxime opus, sumptusque in illam erogatos optime collocatos esse, fatis elucet.

Obs. In casibus brutorum mortes concernentibus, dijudicationi mææ oblati, carnificum judicia modo non semper saniora, quam muliatorum vulgarium atque lanionum inveni; cujus rei ratio facile apparet, cum illi brutorum morbo extinctorum sectiones rogati ac remunerati suscipiant; hi vero eam, tamquam famæ suæ noxiam, avertentur. Ejusmodi autem sectiones sub Medici anatomiam comparativam artemque veterinariam profitentis moderatione factæ tanto accuratiores & fide digniores sunt.

§. II.

Leges. De brutorum morbis ac mortibus, venditionem illorum vel ratam vel irritam facientibus, leges in plurimis provinciis a summo Magistratu latæ sunt; ut fundamentum, secundum quod in casibus obviis sententiam ferant, judices habeant. Leges hæ quoad maximam partem inter se quidem conveniunt, respectu quorundam momentorum quandoque tamen inter se discrepant. Nos leges veterinario-forenses, in Hassia superiori Darmstadi, & in comitatu Hanovico-Lichtenbergensi, serenissimæ Domui Hassiæ subjecto, datas pro fundamento assumimus, cum quibus provinciarum vici-

vicinarum leges sic satis conspirant. Sui populi leges huc spectantes tam Medici, quam Judices evolvere, atque cum nostris conferre, facile poterunt. Si venditor atque emtor diversarum ditionum incolæ sunt, tunc in sententia ferenda ad utriusque provinciae leges apud nos respicitur. Quæ legibus definita non sunt, componuntur secundum cujuslibet provinciae, vel inter se vicinarum consuetudines. Quandoque etiam secundum pacta inter venditorem atque emtorem ini- ta res transigitur.

§. III.

De iis, qui de damno dato a
judice audiendi sunt, in constitutio-
ne principali Comitatum Hanovi-
co-Lichtenbergensem concernen-

*Leges de
judicanti-
bus.*

te, §§. V. VIII. sequentia decreta sunt: Bei dem entstandenen Streit über die Krankheit ei-
nes Pferdes soll dasselbe, auf Kosten des ver-
lierenden Theils, durch zween Hufschmiede, wel-
che ihre Meynung schriftlich zu verfassen haben,
und entweder vor dem Geschäfte zu beerdigen
sind, oder aber nachher ihren Rapport zu beschwö-
ren haben, besichtigt werden. Bei dem Rind-
vieh, Schweinen und Schafen sollen in den strei-
tigen Fällen zween Metzgermeister, und wo nur
einer zu haben ist, dieser, nebst dem Schultheis-
sen oder Gerichtsschöffen des Orts, zu der Besich-
tigung gerufen werden. Wie denn auch dem
Wasenmeister, welcher das crepirte Vieh besichti-
get, in so fern er noch einen Viehverständigen da-
zu nimmt, und die Besichtigung in Gegenwart
des Verkäufers, oder, wenn dieser ein Auslän-

E

der,

der, und nicht bey Händen ist, des Schulttheißens oder Gerichtschöffen, verrichtet, ebenfalls Glauben beygemessen werden soll.

§. IV.

Aptior investigatio. In morbis pecudum late graffantibus, damnosissimasque strages sæpius edentibus, Physicorum anatomix atque artis veterinariæ peritorum, dijudicandis averruncandisque consilia, & quidem meliore cum eventu, Magistratus dudum audiverunt. Teste cel. Jo. Scopoli in anno historico naturali III. p. XLIII. ob eorum hominum defectum, qui experientia & ratione edocti, armentorum pecudumque lues sanare norunt, hæc perseverant, crescunt, nullaque arte coercita, pro lubitu debacchantur. Quin & in causis circa pecudum morbidarum venditiones, mortesque subsequentes, in foro ventilatis, in eruenda facti certitudine physico-veterinaria jam Judicum atque Patronorum causarum prudentiores, non muliatorum atque lanionum perplexa, sed Medicorum firmiora consilia respicere & in casibus obviis ad leges applicandis, illis recte uti solent.



CAP. II.

De evictionis causa & tempore.

§. I.

Venditionis dijudicatio.

Cum in jumentorum pecudumque venditione is scopus communis

munis sit, ut in rectos emtoris usus cedant; dolosa morbidorum venditio, tanquam fini contraria, legibus recte prohibita est. Lites circa venditionem subortæ, constituta prius in singulis casibus facti certitudine, secundum statuta cuilibet provinciae propria, quandoque etiam ex summis Magistratus indultu, ob implicatos exteros secundum terrarum vicinarum leges atque utrarumque consuetudines dirimende sunt. De pecudibus morbidis ad venditionem prorsus inutilibus in constitutione Hassiaco-principali d. XVI. Jul. MDCCXLII. promulgata hæc præcepta sunt: *Aller Handel und Wandel mit ansteigigem Vieh soll in unsern Landen In- und Auswärtigen, bey namhafter Strafe, gänzlich verbotthen seyn.*

Schol. Boves & pecora lue contagiosa lateque grassante infecta, ob certissimum atque commune damnum inde enaturum, nec in loca vicina agi, nec vendi possunt, & si quis tale facinus ausus fuerit, gravissima poena afficiendus est.

§. II.

In jumentorum pecudumque venditione emtori evictionem a venditore præstandam esse, res ipsa postulat, legibusque sancitum est. Cum autem emtionis scopus diversus sit, evictionis etiam tempora (die Wandelzeit) inter se discrepant. In constitutione principali d. XXI. Jan. MDC. LXXXIV. promulgata evictionis tempus, respectu boum pecorumque mactationi destinatorum, ita expressum fuit: *Bei dem Vieh zum Schlachten ist die Währzeit nur 3. Tage.*

E 2

aber

aber die Contrahenten über eine längere Zeit verglichen; so soll es dabey gelassen werden. At in constitutione principali d. 1. Sept. MDCCII. divulgata ad integros tres menses terminus hic, qualem scilicet ipsa saginatio exposcit, prolatus est: In Absicht der Zeit der Schadloshaltung des zum Schlachten verkauften, aber falsch gefallenen Viehes, sollen die gewöhnlichen 3. Tage nicht mehr beobachtet, sondern in allen Contracten, wenn beyde Contrahenten aus unserm Land sind, ein viertel Jahr, wenn aber der Kläger ein Ausländer ist, und die Schadloshaltung an einem von unsern Unterthanen gesucht wird, diejenige Zeit, es sey ein viertel, halbes oder ganzes Jahr, mehr oder weniger, welche an selbigem Orte, wo der Käufer seßhaft ist, beobachtet wird, und daß solches wirklich also geschehe, und daß in dergleichen Fällen auch solche Zeit gegen unsere Unterthanen, wenn selbige Kläger seyn, in sententionando beobachtet werden wolle, unter obrigkeitlicher Hand und Siegel beygebracht werden wird, zur Regel und Richtschnur gehalten werden soll. Hæc non nisi de bobus pecudibusque mactationi destinatis intelligenda esse, in constitutione principali d. XXI. Jan. MDCCXVI. edita iterum declaratum est. Consimilia in Regiminis principalis resolutio d. XXI. Jan. MDCCXV. dato, sequentibus verbis expressa sunt: Wenn Rindvieh zum Schlachten verkauft wird, und der Verkäufer außerhalb Landes wohnet, auch das Stück Rindvieh daselbst an Jemand in hiesiges Fürstenthum verkauft worden; alsdenn ist die Währzeit zu nehmen, wie sie in demselben Land üblich, wo der

Ver-

Verkäufer gefessen, und der Verkauf geschehen ist. Würde aber unter hiesigem Fürstenthum Eingefessenen, selbst auch unter Fremden und zum Theil Einheimischen, hier im Lande, ein Handel wegen des Rindviehs zum Schlachten getroffen; alsdenn versteht sich die Währschaft auf ein viertel Jahr.

§. III.

Ubi vero jumenta ac pecora *Aliorum.*
non ad vescendum, sed ad vehen-
dum atque agrorum cultus (Zugvieh) vel ad fœ-
turam (Zucht- oder Faselvieh) vel ad mercatu-
ram (zu dem Handel und Wandel) venduntur
ementurque; intra quatuor hebdomadum spa-
tium evictionis vel damni præstandi tempus apud
nostrates conclusum est. In supra citata con-
stitutione principali d. XXI. Jan. MDCLXXXIV.
promulgata, juribus Comitatus Catimelibocensis
superioris conformi, jussuque principali ad Has-
siam superiorem extensa lex sequentem in mo-
dum lata est: Wosern der Verkäufer innerliche
Natur, Eigenschaften und Gebrechen eines ver-
kauften Viehes, so dasselbe zur Zeit des Ver-
kaufs hatte, listiger und betrüglischer Weise ver-
schweigen würde; so soll der Verkäufer sein
Gut innerhalb 4. Wochen wieder nehmen, und
dem Käufer die erlegte Kaufsumme erstatten;
mit der Maaf, daß auch der Käufer in diesem
Fall das erkaufte Stück dem Verkäufer so gut,
als er es empfangen, wiederstelle, und darinn
keine Gefahr brauche; wie auch der Verkäufer
die Gewährschaft auf 4. Wochen zu thun, ver-
pflichtet seyn soll. Hujus legis verba: innerli-

the Natur de statu morboſo vel morbo latente, ſumenda eſſe, & vocabula: Daß der Käufer das Stück ſo gut, als er es empfangen, wieder ſtelle, non de ipſo morbo interea ſua indole ad majorem gradum evecto, ſed ex culpa emtoris acci-
dente intelligenda eſſe, ex ipſo contextu patet.

§. IV.

Legiſhujus confirmatio Legem hanc de bobus ſine §. precedente enumerato venditis ſpeciati-
m, non autem de ſaginandis maſtandisque capiendam eſſe, in conſtitutione principali d. IX. Dec. MDCCXVI. data his ver-
bis ulterius declaratum eſt: Wenn Rindvieh zum Handel und Wandel verkauft wird; ſo läuft die Währzeit 4. Wochen, und iſt alſodenn, wenn das Vieh verreckt und ſich bey dem Aufbruch ein vitium latens befindet, woran ein Vieh ſterben kan, nicht zu ſcrupuliren, ob das Vieh vor den 4. Wochen dergleichen Mangel und Schaden tragen können oder nicht? ſondern es iſt bey der in der Fürſtlichen Verordnung beſtimmten 4. wöchichten Friſt generaliter und ſo lange zu bleiben, biß die Contrahenten entweder ſelbſt geſtehen, oder einer den andern überführt, daß das Vieh ausdrücklich zum Schlachten verkauft worden ſey.

§. V.

Cautio in emtione. Quidam jumentorum pecudum-
que morbi ac vitia ita comparata ſunt, ut ſub ſenſus cadant; hinc in illorum emtione omni cautione opus eſt, ne quis moribila pro ſanis emit, & ſi emtor rei pecua-

riæ non satis gnarus est, ut unum alterumve honestum virum illius probe peritum in consilium illorumque dijudicationem adhibeat; sic enim lites jumentorum pecorumque venditioni supervenientes omnium optime præcaventur.

§. VI.

Quodsi in jumento vel pecore emto morboſa quædam ſymptomata, v. c. calor febrilis, debilitas, ad labores conſuetos ineptitudo, anorexia, alvi obſtructio, lotii retentio, miſtus cruentus, aſthma, tuſſis pertinax, epilepſia, mania, doloris ſigna &c. compareant; artis veterinarie gnaris morbi investigationem emtor actutum demandet, illumque quantocyus, antequam evictionis terminus præterlapſus ſit, tam venditori denunciet, quam ad judicem deferat; ne, ſi quid ſiniſtri e-
Cita morbi indicatio.
 venerit, damnum in illum redundet.

§. VII.

Cum jumentorum pecorumque morbi morſesque haud raro occurrant, qui illorum venditionem utique irritam faciunt; (wo der Rückgriff ſtatt hat) ab artis peritis, hunc in finem a judice requiſitis, tam in illorum indolem, quam harum cauſas, accurate inquirendum, atque viſa ac reperta, ſecundum principia phyſico-veterinaria, in foro pronuncianda ſunt; ut firmum juſtæ ſententiæ ferendæ fundamentum judices habeant.
*Legalis in-
 quiſitio.*

§. VIII.

*Morborum
dijudica-
tio.* Respectu morborum eo potissi-
mum respiciendum est, an illi, vel
saltim insuperabiles eorum causæ
venditionis tempore jam adfuerint,
aut postea demum sponte, vel emtoris culpa,
exorti sint, ut & an medelam perfectam, admit-
tant, nec ne? Quinam vero morbi venditionem
in quolibet jumentorum pecudumque genere ir-
ritam faciant, in speciali morborum disquisitione
indicabimus. In mortuis accurata illorum dis-
sectio sedes ac causas morborum mortuumque
omnium optime prodit, & sollicita visorum re-
pertorumque consignatio ostendit; neutra igitur
in ejusmodi casibus omittenda est.

§. IX.

Chronicorum. Non desunt morbi chronici, v. c.
phthisis pulmonalis &c. qui in ini-
tio suo nonnisi obscura ac dijudicatu
difficilia signa exerunt, sensim tamen incremen-
ta, cum primis causis coherentia, capiunt, nul-
lamque curationem admittunt, ita, ut mors, ci-
tra emtoris culpam, elapso consueto evictionis
tempore, denique accidat, & consuetum evictio-
nis tempus ejusmodi morbis haud satis accommo-
datum sit.

§. X.

Acutorum. Dantur contra morbi acuti, v. c.
inflammatorii, maligni, apoplectici,
quorum causæ, etiam post pecoris venditionem
exortæ, intra pauca temporis minuta vel paucos
dies

dies necant. Hic lex Instit. juris l. III. tit. XXIV. proposita: quidquid sine dolo & culpa venditoris accidit, in eo securus est, locum habere, &, respectu morborum chronicorum incurabilium ante venditionem non satis cognitorum, emtoris jus pari passu cum illo venditoris ambulare videtur.

Schol. Si in jumentorum pecorumque mortibus subitaneis extinctorum dissectione nullum statum præternaturalem carniſices & veterinarii detegunt ac vident, illa apoplectica (an dem schiessenden Geblüt, oder Nachtschaden) periisse, pronunciant; qui morbus scilicet antea sanis intra nychthemeron, cum lethali eventu, accidere potest. Hæc utique mortis subitaneæ causa subinde contingere assolet, quæ, cranio aperto, atque encephalo artificiose dissecto, ad oculum demonstrari potest ac debet; quod tamen boni illi viri modo non semper negligunt, nec cerebri structuram statumque ejus præternaturalem intelligunt. An autem conjecturas suas, non autem visa & reperta, protulisse, hic satis sit, ipsimet Jurisconsulti videant!

CAP. III.

De equorum morbis.

§. I.

Licet in equino genere morbi acuti in commune grassantes haud facile locum habeant; attamen

Acutigrassantes.

men annis nimium pluviiis, qualis seculi hujus septuagesimus secundus erat, febre catarrhali maligna, cum capitis tumore, ophthalmia serosa, palpebrarum conglutinatione, asthma ac tussi conjuncta, plures laborarunt, & vel ipso hoc morbo, intra unam alteramve hebdomadem, vel, illo male judicato, laesosque pulmones relinquente, phthisi pulmonali (an der nassen Lungenfäulniß) denique perierunt. Ejusmodi equos haud vendibiles esse, per se patet. Cum autem ille morbus rarius occurrat; vitiis equorum fonticis (den Hauptmängeln) hactenus haud annumeratus est.

§. II.

*Inflam-
torii.*

Ut in aliis jumentis pecudibusque morbi inflammatorii periculosi locum habent, v. c. enteritis (die Darmgicht) pleuritis, peripnevmonia, pleuropnevmonia &c. ita & in equinum genus iidem cadunt, imprimis si equi, ultra debitum, cursu aliove labore nimio exagitati, ac postea corpori calenti frigida largis haustibus ingesta, vel frigus externum sudantibus ac quiescentibus admissum fuerit; tunc ejusmodi morbi in scirrhus, aut suppurationem, vel in gangrænam & sphacelum (in die nasse oder trockene Fäulniß) transire solent. His interitus causis sub sectione inventis, ex morbi indole, duratione aliisque connexis, an illæ jam ante venditionem adfuerint, vel demum post eam positæ sint? dijudicandum est.

§. III.

§. III.

Quatuor vitia fontica, venditionem equorum irritam facientia, *Vitia fontica.*
(vier Hauptmängel) equifones numerare solent, nimirum I. Asthma chronicum incurabile (Bauchschlägigkeit, Bauchbläsigkeit, Dämpfigkeit) II. Phthisis serosa (der Lungenrost.) III. Mania (der Roller.) IV. Abactus (wenn das Pferd gestohlen worden.) Ultima hæc causa validam quidem venditionem impedit; attamen certo respectu non ad forum veterinario-civile, sed ad criminale pertinet. In principalis Regiminis resolutio d. XXV. Jan. MDCCXV. edito sequentia equorum venditionem concernentia definita sunt: Den Pferdehandel betreffend, so ist der Verkäufer nicht weiter, als für die 4. Hauptmängel zu stehen schuldig: wenn er auch bey dem Handel die Formalia gebraucht hätte, er stehe für alle Mängel; es wäre denn ein anders unter den Contrahenten namentlich und ausdrücklich respective ausgehalten und versprochen worden.

§. IV.

Asthma chronicum insanabile e- *Asthma.*
quos viatorios & vectarios laboribus consuetis exantlandis ineptos reddit, laboriosa anhelatione, ac morbofo musculorum abdominalium motu cognoscitur, & longæ respirationis organorum vitia supponit, & ob dictam & incorrigibilem ejusmodi equorum ineptitudinem. vitiis fonticis accensetur.

§. V.

§. V.

*Phthisis se-
rosa.*

Phthisis serosa (Der Lungenroß) ex catarrho neglecto chronico & male judicato (aus einer eingewurzelten Rehlsucht oder Strengel) ortum ducens, & primo tussi pertinaci, dein saniei acris ac putridæ ex naribus profluvio & denique calore hectico atque corporis contabescencia se prodens, contagiosa est, vires prorsus infringit, & denique necat. Ejusmodi equos mercaturam transire non posse, per se clarum est.

§. VI.

Mania. Duas species equorum mania sub se comprehendit, nimirum sedatam (Den stillen Roller) & furiosam (Den tobenden Roller); utraque curationem modo non semper respuit, & prior usum equorum impeditum ac difficilem, posterior vero periculosum reddit; adeoque, cur morbis fonticis, venditionem impredientibus, annumerata sint, facile apparet.

Obs. I. Ea mania equina species, sub qua in furorem quidem non erumpunt, attamen accessione, ex improvise sæpiusque recurrente, fere inutiles reddunt, sequentibus signis se manifestat: ingruente paroxysmo sub ipso motu subito cessant, caput demittunt ac quatunt, toto corpore tremunt, &, quasi lapsuri, vacillant. Finita accessione, institutum quidem cursum continuant, qui brevi post simili modo iterum interrumpitur.

Obs. II. In mania furiosa speciem ex pavore vehemente equi generosi juniores, male tractati, quandoque conjiciuntur, quæ postea incoercibilem

bilem ut plurimum, mentis potius, quam corporis, morbum constituit.

§. VII.

Equorum fonticis morbis la- *Lex de*
borantium venditio ubique, & apud *his mor-*
nos in supra laudata principali con- *bis.*
stitutione §. V. sequentibus verbis in-

terdicta est: der Verkäufer eines mit dem Roth,
Dämpfigkeit oder Koller behafteten Pferds soll
innerhalb 4. Wochen, mit barer Erstattung des
Kaufschillings, solches zurück zu nehmen schuldig
seyn. Wenn der Verkäufer sich hiezu in Güte
nicht verstehen wollte, oder er ein Ausländer, oder
sonst abwesend ist; so soll das Pferd, auf Kosten
des verlierenden Theils, durch verpflichtete
Kunstverständige besichtigt werden, und soll der
Verkäufer, er komme wieder, wenn er wolle, das
Pferd zurück zu nehmen gehalten seyn.

§. VIII.

Epilepsia, quoniam in equinum *Epile-*
genus raro cadit, morbis fonticis vul- *psia.*
go haud annumerata est; merito ta-
men, quia rectum equorum usum impedit, &
quandoque periculosum reddere potest, causis
venditionem irritam facientibus accenseri debet.
In constitutione principali Comitatum Hanovico-
Lichtenbergensem concernente, MDCCLXIX.
edita, equorum epilepsia (die Kränke oder schwe-
re Roth) inter morbos fonticos venditionem im-
pedientes recte relata est. In constitutione prin-
cipali §. VII. citata de hoc morbo sequentia prae-
cepta sunt: Von der Kränke der Pferde, welche
gar

gar starke Zwischenräume hat, setzen wir den Terminum der Gewährzeit auf ein viertel Jahr.

§. IX.

De equis. Equi annis vel morbis confecti, corruptis. atque ob virium haud restaurabilium decrementum, laboribus minime idonei, mercabiles non sunt, eorumque venditio iuste prohibita est. In mandato principali d. XV. Jul. MDCCXLII. promulgato, ne ejusmodi equi veneant, sequentibus verbis cautum est: Mit alten abgängigen Pferden, welche keine 3. fl. werth sind, soll kein Handel weder in noch viel weniger außerhalb Landes verstatet werden.

CAP. IV.

De boum morbis.

§. I.

Morbi acuti. Inter acutos boum morbos catharr-
hales putridos, choleram, dysenteriam, atque inflammatorios, quandoque late grassantes, interdum vero non nisi sporatice obvios, nec non apoplexiam referimus. Quidam inter illos contagiosi, alii vero, a causis communibus pendent, plures quidem aggrediuntur multamque stragem edunt, sed contagiosi non sunt. Quidquid vero horum sit, boves talibus morbis correpti venire nequeunt, & iis
jam

jam laborantes venditi, ac brevi post mortui, venditoris damno perierunt. Boves lue contagiosa correptos vendere, ob infectionis periculum, admodum exitiosum atque gravi poena dignum esse, supra jam monui.

§. II.

Autumno, nimia cœli varietate *Catarrh* gravi, multumque pluvio, maxime *lesputridi*. in locis uliginosis, morbi catarrhales putridi inter bovillum genus grassari atque contagiosi esse solent. Anorexia, febricula, pulsus celer & debilis, ingens virium prostratio, subita corporis emaciatio, tussis, inflammationis septicæ signa, halitus fœtens, diarrhœa putridum olens, pessimi hujus morbi signa sunt. Post mortem intra octiduum ut plurimum contingentem sanguis fluidus manet, cito putredine cadaver corripitur, & spæceli signa tam in intestinis, quam aliis visceribus, hinc inde reperiuntur. Talis morbus in præfectura Wetteraviæ Bingenheimensi anno hujus sæculi septuagesimo septimo grassatus est.

§. III.

Cholera partim humida, partim *Cholera*, sicca, adulto vere ipsaque æstate cœlo multum calido, boves aggredi ac strages suas edere solet; rarius tamen, quam lues catarrhalis maligna, occurrere videtur. Pro mitiore vel vehementiore æstus gradu morbus lenior vel vehementior fit. Diathesin humorum putrido acrem pro causa habere videtur, qui, versus primas vias delati, inflammationem earum septicam, gangrænam atque sphacelum, & abdominis

nis tumorem, borborygmos in intestinis, continuamque flatuum eruptionem, vel diarrhœam foetidissimam producit. Anorexia, febricula, ingente virium prostratione, & lactis defectu in vaccis morbus incipit. Postea oculi inflammantur & serum acre fortens ex illis, ore ac naribus largiter profluit, a quo cuticula in ore exeditur. Diarrhœam primis statim diebus accessisse ac plures dies permansisse, salutare, eam subito iterum sufflammatam esse, vel quinto aut sexto morbi die demum accessisse, aut prorsus non apparuisse, copiosissimis flatibus vices ejus sustinentibus, semper lethale fuit. Sub continuante diarrhœa convalescentium os, collum, atque in vaccis ubera porrigine multa foedabantur, & crines in collo cadebant. Hi morbum recidivum non patiebantur, licet in eodem stabulo, in quo alii graviter ægrotabant, alique luc exinguebantur, manerent. In cadaveribus, valde emaciatiss & subito putrescentibus, sanguinem fluidissimum, omasum atque intestina crassa maculis sphacelosis hinc inde obsita, echinum cum suis plicis nigrum, sphacelo sicco corruptum ac fragilem, & ventriculum tertium atque intestina tenuia livida nigraque deprehendi. In omaso, ventriculo tertio atque intestinis tenuibus tunica villosa digito abstergi potuit. Omasum pabulum non digestum, quodammodo tamen humidum, echinus digestum, sed siccum & fragile continebant, qualia exsiccata boum in pratis stercore jacere solent. Ventriculus tertius sero subflavo foetidissimo redundabat, atque intestina putrida & griseo colore prædita saburra scatebant. Talis morbus in duobus protodynastiae Giessensis pagis adulto vere atque

atque æstate, cœlo admodum calido anno MDCC-LXXVI. grassatus est.

Schol. Hæc ad jus veterinario-civile non pertinere, facile largior; cum tamen morbus hic non adeo frequenter occurrat, in artis veterinariæ cultorum gratiam, quæ a me in eo tractando observata fuerunt, brevissimis hic annotare volui.

§. IV.

Sub æstatis exitu, cœlo interdiu calido, vespere, noctu ac mane frigido, boves dysenteria, haud raro maligna, invadere multosque necare solet. Cum huius morbi symptomata satis nota sint; ab eorum enumeratione abstineo. Hunc in Thuringia anno, ni fallor, MDCCCLXII. ingentem bovili generis stragem edidisse, memini. Armenta ex terris Magdeburgicis, durante bello ab hostibus abacta, interdiu sub abactu sudantia, & noctu sub cœlo frigido detenta, huic lvi occasionem dederant.

Dysenteria.

§. V.

Morbi inflammatorii, v. c. pe-
ctoris; aliorumque viscerum in bo-
villo genere sæpius sporatice, quando-
que etiam communiter, occurrunt.
Illis causæ particulares, v. c. corporis calentis
sudantisque subita refrigeratio potu frigido hau-
sto, vel frigore extrinsecus admissio, motus vehe-
mens, sanguinem in orgasmum ciens atque in
vasa minima urgens, quiete subito subsequente;
his causæ communes, e. g. frigus cœlum calidum
subi-

*Morbi
inflam-
matorii.*

subito excipiens, vel plethora spissa veris calore expansa, & hi quidem plures aggrediuntur, & sub erronea tractatione, necant, minime autem contagiosi sunt. Ubi morbus inflammatorius particularis in gangrænam atque sphacelum degenerans bovem necaverit (wenn er an der trockenen Lungen- oder Darmfäule zc. gefallen) ex morbi duratione, symptomatibus observatis, cadaveris sectione aliisque connexis, an causa proxima morbi ante venditionem jam adfuerit, nec ne? dijudicandum est. In constitutione Hanovico-Lichtenbergensi §. II. de morte ex tali causa suborta sequens præceptum est: Bey dem Rindvieh soll die Fäule als ein Hauptmangel angesehen werden.

Schol. I. Cum, post inflammatorium pulmonis morbum sphacelo finitum, serum in pectoris cavitate collectum haud raro inveniatur, lanionum atque carnificum quorundam judicia atque enunciationes admodum ambigua, nec satis firma, esse solent; viso enim sero in pectoris cavum effuso, pulmonis sphacelum etiam die nascente Lungenfäule nominant; cum tamen hæc denominatio nonnisi vomicis atque phthisi pulmonali competat.

Schol. II. Lienis intumescencia ac inflammatio (die Milzschwachheit, Milzwehe) bobus frequentior atque perniciosior, quam hominibus, est. Fibrosam splenis in hoc animalium genere substantiam, & hepatis obstructionem annosioribus familiarem, sanguinis ex liene in portarum venam delationi impedimenta ponentem quandoque culpæ proximam esse, arbitror. In hepate obstru-

obstructo bilis secretionem non rite fieri simul clarum est, & hac de causa in boum splenitide bilem deficere, (die Galle habe keinen rechten Trieb) Ianiones asserunt. Huic morbo tamen vulgares inflammationum causas saepe ministrare, credibile est.

§. VI.

Quia apoplexia subito ingruit *Apoplexia*, & saepissime necat, inter morbos acutos jam a veteribus relata est. Boves plethoricos sub coelo multum calido actos sporatice, subinde tamen ex eadem causa plures, aggreditur ac tollit, licet minime contagiosa sit. Secundum principia physico-veterinaria hujus morbi mortisque damnum venditor praestare nequit, & tanto minus, si emtor bovis plethorici impetuosiore, sub coelo calido, abactu vel labore improbo huic morbo occasionem dederit. Hoc autem mortis genus non fingi, sed sectione demonstrari debere, supra jam dictum est.

§. VII.

In boves morbi chronici, partim *Morbi* usum illorum impediētes, & partim *chronici*. insanabiles, cadunt, qui eorum venditionem utique irritam faciunt. Huc mictum cruentum, epilepsiam, vertiginem, phthisin pulmonalem atque saniosa sedium internarum tubercula referimus, quorum succincta enumeratione jam opus est.

§. VIII.

Mictus cruentus nonnisi per *Mictus* longiora intervalla accedens non qui- *cruentus*. dem

dem tam nocivus, quam sæpius recurrens vel habitualis, nimix renum relaxationi vel eorum læsioni debitus, & denique in corporis consumptionem degenerans est. Cum tamen ille temporis successu deterior fieri possit, & hic jam noxius sit; in constitutione Hanovico-Lichtenbergensi hic morbus inter fonticos, venditionem boum impediens, his verbis relatus est: Bey dem Rothseigen soll der Verkäufer, mit Erstattung des Kauffschillings, das kranke Vieh, binnen 4. Wochen von dem Tag des Verkaufs, zurück zu nehmen, gehalten seyn.

§. IX.

Epilepsia. Epilepsia bovinum genus etiam quandoque corripitur, qui morbus illos non solum foeturæ & laboribus rusticis, sed etiam saginationi & mactationi, ineptos reddit, ac venditionem prohibet. In constitutione Hanovico-Lichtenbergensi epilepsia morbis boum fonticis, venditionem irritam facientibus quoque accensetur: Das schwere Leid soll bey dem Rindvieh als ein Hauptmangel angesehen werden, und der Verkäufer soll, mit Erstattung des Kauffschillings, binnen 4. Wochen von dem Tag des Verkaufs, das kranke Vieh zurück nehmen.

§. X.

Vertigo. Inter morbos boum fonticos vertigo, non tamen quævis, sed caduca, usum illorum impediens, refertur. In modo laudata constitutione de hoc morbo ita præceptum est: Als ein Hauptmangel bey dem Rindvieh

vieh soll der Umgang in dem Kops, wenn es in demselben zu Boden fällt, angesehen werden, und der Verkäufer soll sein Vieh, mit Ersetzung des Kauffschillings, binnen vier Wochen zurück nehmen. Wenn es sich aber in dem Paroxysmo aufrecht erhalten kan; so soll dieses kein Hauptmangel seyn.

§. XI.

Inter chronicos boum morbos *Phthisis pulmonalis* (die nasse Lungensäule) haud raro occurrit, quæ *pulmonalis*.
tamquam purulenta ex inflammatione pulmonum male judicata, vel saniosa, ex catarrhis acribus neglectis pulmones exulcerantibus oritur, & hanc phthisin a destillatione veteres nominabant. Si boves in stabulis tepentes primo mane pastum aguntur, vel, coelo diu multumque pluvio, sub dio detinentur; ex transpirationis suppressione & graminis humidi frigidique devoratione, in catarrhos morbosque inflammatorios, malaque eorum consecutaria, incidunt; & sic phthisi pulmonali sæpius via panditur. Cum hæc ad morbos chronicos pertineat, & circa initia sua dijudicatu difficilis sit, & sub incrementis suis per consueta sua symptomata demum cognoscatur; in nonnullis provinciis evictionis terminus trium mensium spatio recte descriptus est. In constitutione Hanovica nonnisi consuetum unius mensis tempus præfinitum est.

§. XII.

In vaccis, potissimum tempore *Saniosa tubercula*.
vernali, rarius in bobus, tubercula, *len.*

lentes, pisa, nuces avellanas magnitudine æquantia, sporatica vel inter se complicata, alba, subflava, rubra, fusca, coerulea, nigra, pus fluidum vel induratum, aut saniem pessime foetentem, continentia, oriuntur. Hæc in pectore pleuram, pericardium, pulmones, in abdomine peritonæum, omasum, echinum, omentum, hepar, lienum ac mesenterium, in utroque septum transversum, obsident, quin & altius in viscerum parenchymata penetrant. Morbum hunc die Perlen, Hirschnacht, & vocabulo minus adæquato die Franzosen, veterinarii nominant. Tubercula pus album fluidum aut spissatum continentia foetorem quidem non spargunt; attamen carnes inutiles faciunt; licet laniones quidam earum usum approbent, & inflammationis benignæ confectarium esse, perhibeant (sie erkennen es für einen hitzigen Trunk.) Cum hic morbus etiam inter chronicos, circa initia sua latentes, referendus sit, diuturnior evictionis terminus ponendus est. In constitutione Hanovica §. II. de hoc morbo sequentia præcepta sunt: Bey dem Rindvieh sollen die Perlen, oder das Hirschnacht seyn unter die Hauptmängel gerechnet werden. §. VI. Der Verkäufer eines mit den Perlen oder Hirschnacht behafteten Viehes soll dasselbe, innerhalb 2. Monaten von dem Tag des Verkaufs, mit baarer Erstattung des Kaufschillings, zurück zu nehmen, gehalten seyn. In dem Weigerungsfall soll eben das, was §. V. bey den Pferden verordnet worden, beobachtet werden.



CAP. V.

De ovium morbis.

§. I.

Rarius acutis, sæpius chronicis, mor- *Ovium*
bis oves corripuntur ac pereunt. *morbi.*
Circa illarum venditionem, respectu damni præ-
standi, hætenus apud nos nulla quidem lex lata
est; sed potius in principalis Regiminis resolutio,
d. XXI. Jan. MDCCXV. edito, sequentia legi-
mus: Wegen der Schafe, weil desfalls keine
Specialverordnung vorhanden ist; wird regula-
riter keine eviction geleistet. At in constitutione
Hanovica leges eorum morbos concernentes uti-
que latæ sunt. Ceteroquin tamen etiam apud
nos in nonnullis ovium morbis emtori vendi-
tor, ex usu recepto, de damno cavere solet.

§. II.

Medio vere, ex pabuli abundan- *Morbus*
tia nimiaque voracitate, (wenn sie sich *majalis.*
überfressen) febre atque delirio acuto
oves corripuntur; quem morbum die Man-
Schwachheit opiliones nominant. Febrem istam
cum synocho convenire, arbitror. Eodem tem-
pore pecus hoc feri vel sanguinis profluvio (schlei-
michten oder blutichten Durchfall) laborare so-
let, cui nimia humorum abundantia occasionem
præbere videtur. In his morbis, breviori tem-
poris

poris gyro transactis, damnum præstari haud solet.

§. III.

Febris inflammatoria.

Tempore autumnali febre inflammatoria septicæ indolis, seu intestinali, oves quoque corripì ac rapi solent, & in earum dissectione echinus (der Falter) atque intestina sphacello corrupta inveniuntur. Nec in hoc morbo, ob dictam causam, evictio præstari solet.

§. IV.

Rabies.

Ovium a canis rabidi morsu in furorem actarum carnes esui non sunt, adeoque venire nequeunt. In pluribus rabies intra primam alteramve post morsum acceptum hebdomadem, in paucis post quintam sextamve demum erumpit. Circa morbi initia stupidi & capite demisso, quasi quid quærerent, incedunt, gregem tamen sequuntur. Duobus diebus post a pabulo potuque abstinere, & capitibus cornibusque oves sanas, canem custodem, ipsumque opilionem petunt, istisque insultant. Duæ rabidæ inter se decertantes tam diu dictas arietationes continuant, usque dum frontes sauciata sanguine diffuant. Furore circa quartum quintumve diem aucto, capita quibusvis objectis, v. c. januis, muris, sine remissione, inpingunt, pedes suos moribus, non autem alios, vulnerant, & die quinto sextove moriuntur. Post mortem vulnus in interiore femoris latere inflictum cicatrice quidem clausum, sed sub hoc femur sphacelo corruptum, renes, omnesque colli muscu-

musculos inflammatos atque ex parte sphacelo infectos vidi. Corpus emaciatum, sanguis fluidissimus, vasa piæ matris atque intestinorum turgida, & cerebri cava sero redundantia reperiuntur. Ventriculus pabulo haud digesto repletus, sed intestina fere vacua erant. Id quod in veterinariæ studiosorum gratiam breviter hic enarrare volui.

§. V.

Pluribus morbis chronicis partim ex aëris inclementia, partim ex mala pabuli conditione, aliisque connexis, orientibus, magnas strages inter illas edentibus, oves subjectæ esse solent. Dictis morbis mania, epilepsia, scabies, hydrops atque phthisis pulmonalis, merito accensentur, atque in illis evictio partim præstatur, partim, refragante consuetudine, locum non habet.

§. VI.

Agnos quidem mania subinde tentat, sed in oves biennio majores perraro cadit. Hoc morbo autumno contingente correpti in gyrum aguntur, & modo non semper balantes, gregem non sequuntur. Mortuorum dissectio, sero encephalum redundare, docuit. Morbo comparente mactari solent, ubi vero post eorum venditionem demum eruperit; menstruum evictionis tempus emtori a venditore præstari solet.

§. VII.

Epilepsia (opilionibus nostris die Schlafschwäche dicta) ovillum genus
F 5

Epilepsia.
etiam

etiam subinde convellitur. Adulto vere & prima æstate contingere, & plures subinde corripere solet. Accedente paroxysmo in gyrum aguntur, concidunt, convelluntur, ac dentibus strident. Nisi mitior morbi gradus fuerit, non convalescunt, sed intra nonnullarum hebdomadam vel duorum mensium spatium emaciati moriuntur. Morbis fonticis, evictionem poscentibus, accensetur; quæ apud nos, secundum consuetudinem, mensis decursum admittit. In constitutione Hanovica §. IV. & VIII. brevius tempus præscriptum est: Bey den Schafen soll das schwere Leid als ein Hauptmangel angesehen werden, und der Verkäufer soll die damit behaftete, nach zwei Wochen und einem Tag, mit Ersetzung des Kauffschillings, wieder anzunehmen, schuldig seyn. In dem Weigerungsfall soll die Besichtigung auch hier statt haben.

§. VIII.

Scabies. Ovium greges scabie sicca vel humida fœdari (von dem Anbruch, nasen oder trockenen Raude) vulgo notum est. Morbus hic carnes inutiles non reddit, adeoque venditionem, mactationis causa factam, irritam haud reddit. At oves scabie infectas, (Schmiervieh) dissimulato morbo, eum in finem vendere, ut gregibus puris (reinem Vieh) adsocientur, ob certissimum contagii periculum, illicitum, ac poena dignum est. In constitutione Hanovica l. c. de hoc morbo sequentia edicta sunt: Bey den Schafen soll die nasse und trockene Raude, oder der sogenannte Anbruch, als ein Hauptmangel angesehen werden, und wenn die Schafe damit.

mit behaftet sind, soll der Verkäufer solche, nach 2. Wochen und einen Tag; mit Ersetzung des Rauffschillings, wieder anzunehmen schuldig seyn.

§. IX.

Cum oves in septis ad ultimum *Hydrops.* autumnum usque ruri male detineantur, pastumque ducantur, & humidi frigidique aëris injuriis exponantur; primo pedum œdematibus & oculorum pallore, ac dein hydropes gregatim afficiuntur. Cum, ob causam communem, morbus hic inter oves frequentissimus sit, evictionem, ne commercium turbetur, non admittit, sed, morbo ex signis suis noto, quantocyus venduntur mactanturque; cum tum temporis carnes adhuc esui, ipsæque oves nondum rejiculae sint.

§. X.

Ex catarrhis & peripnevmonia *Phthisis.* male judicatis in phthisin pulmonalem sanissam vel purulentam (nassee Lungenfäule) oves haud raro incidunt. Pro diversis anni temporibus, quibus initia sua morbus hic capit, in phthisin æstivam ac hibernam (in die Sommer- und Winterfäule) ab opilionibus dividitur. Hac satis cito, illa autem non, nisi autumnis, cognosci potest; quod ex deteriore vel meliore aëris qualitate, celeriore ac tardiore morbi incremento concipi potest. Asthma chronicum, tussis pertinax, febris habitualis, corporis contabescencia, & in sectione reperta pulmonum ulcera, pro hujus morbi signis ac documentis sunt. De evictione tamen respectu ejus venditores haud tenentur; an satis juste? alii videant.

CAP.



CAP. VI.

De suum morbis.

§. I.

Morbi acuti.

Sues morbis acutis, quandoque latragrantibus contagiosisque, corripitur, vulgo notum est. Morbos inflammatorios, maxime anginam, illis, si, cœlo nimium calido, pastum aguntur, accidere, & hac cito necari, experientia evincit. Sues morbo acuto, vel lue contagiosa correptas vendibiles non esse, per se patet. Cum autem morbi hi brevi periodo judicentur; evictio in usu non est.

§. II.

Chronici.

Nec in suillo genere morbi chronici defunt, inter quos si atrophici, epileptici vel glandulosi sunt, referuntur, atque in illis partim evictio locum non habet, partim vero admittitur.

§. III.

Atrophia.

Porcelli justo citius a lacte depulsi, malisque alimentis nutriti, atrophici fiunt, & parvi, contracti macilentique manentes, ad justam staturam non excrescunt, nec saginationi apti sunt. Hac eorum corruptione in sensus cadente, damnum a venditore non præstat, sed illud acceptum emtor, parum cautus, sibi imputet.

§. IV.

§. IV.

Porcos epilepsia periodica quandoque convelli, experientia testatur. *Epilepsia.*

Cum vero morbus hic eorum actum ad saginationem impediat; nec statim, sed suo demum tempore, appareat, evictio a venditore utique præstanda est. In principalis Regiminis resolutio d. IX. Dec. MDCCCLIV. concepto sequentia promulgata sunt: Wenn rechtlich erwiesen werden kan, daß die Schweine, tempore contractus, bereits mit der fallenden Sucht behaftet gewesen; so soll die Währschaft geleistet werden. In constitutione Hanovica suum epilepsia §. 3. & 7. morbis fonticis, venditionem irritam facientibus, quoque accensetur, & redhibitionis terminus mense describitur: Bey epileptischen Schweinen wird der terminus redhibitionis auf 4. Wochen gesetzt.

§. V.

Sues glandulosas (psinnicht) *Sues glandulosas.*
esse, non, nisi in majori hujus morbi gradu, ex tuberculis inferiorem, musculosam linguæ partem obsidentibus cognosci potest; ceteroquin musculosas, maxime in armis & pernis, partes morbosæ istæ glandulæ obsident; & cum major eorum copia carnem abominabilem atque inutilem reddat; damnum a venditore, prout statuta provincialia id ferunt, omnino præstandum est. Secundum principalis Regiminis resolutum d. XXI. Jan. MDCCXV. datum, tertia pretii parte venditor privatur: Bey vorfallenden Schweineverkauf, wenn diese bey dem Schlachten psinnicht befunden werden, soll der Verkäufer einen Drittel an dem Kaufschil-

schilling verlieren. In constitutione Hanovica §§. III. & VII. de hoc morbo sequentia præcepta sunt: Bey den Schweinen sollen die Pfinnen nur in dem Fall als ein Hauptmangel angesehen werden, wenn sie als fett verkauft, und etwa 3. Wochen nach dem Verkauf geschlachtet, und an jemand, der kein Metzger ist, verkauft worden. Wenn ein Schwein pfinnicht ausfällt; so ist der terminus redhibitionis auf 3. Wochen bestimmt, und soll, was in Absicht der Besichtigung bey dem Rindvieh verordnet worden, auch hier statt haben.



P A R S I V .

D E J U R I S P R U D E N T I A

M E D I C O - M I L I T A R I .

C A P . I .

De jure medico - militari.

§. I .

*Jus mili-
tare.*

Milites partim jure communi, partim proprio, ab ipso scilicet eorum munere desumpto, atque a belli Dominis præscripto, uti, notum est. Qui-

Quibus illius peritia opus est, iuris militaris scriptores, v. c. ill. *C. de Khevenhüller* Observationspuncte, *Lünigii* corpus juris militaris, Lips. MDCCXXIV. editum, Dn. *Kostkæ* observationes militares, *Caspartii* Kriegsrechtlichen Unterricht, Dn. *Waga* de natura & constitutione juris militaris, Dn. *Knorrii* Einleitung zum Kriegsproceß, Dn. *Fr. Andr. Gottl. Gnugii* Einleitung zum Kriegsrecht, Jenæ MDCCCL. editam, Dn. *Engelhardt* specimen juris militum, Francof. MDCCCLIV. typis excusam, aliosque bonæ notæ autores adeat, variasque leges bellicas (Kriegsartifel,) a Regibus ac Principibus rogatas, evolvat.

§. II.

Quatenus juris militaris præcepta *Medico-principiis physico-medice* nituntur, *militare*. factorumque secundum illud dirimendorum certitudo ex dictis principiis eruenda pronuntiandaque est, illorum scientia jus medico-militare constituit, ad quod casus obvii, investigandi dijudicandique, rite applicandi sunt.

Schol. Illæleges, quæ ad rempublicam militarem constituendam gubernandamque faciunt, non ad jus militare, sed ad politiam militarem pertinent; licet illi a nonnullis autoribus haud satis adæquate admixtæ sint, v. c. quæ militum vestes, tentoria, sanitati conservandæ approprianda, castra locis sanis tutisque metanda, horum puritatem, sufficientem annonæ militaris quantitatem ac qualitatem, militum mansiones, lectos, hospitalia, adversæ valetudini convenientia, rectam ægrotorum curam, morbo contagioso laborantium a
sanis

sanis, vel alio morbo decumbentibus, separationem, Medicorum ac Chirurgorum castrensi-
 copiam, dexteritatem ac diligentiam, instrumen-
 torum chirurgicorum & medicamentorum pro-
 curationem, caussarum morbificarum averrun-
 cationem, scortorum impurorum abactionem, pe-
 riculorum temere suscipiendorum, itinerum la-
 borumque nimiorum, vires & sanitatem destru-
 entium, evitationem, veteranorum senio multis-
 que stipendiis fessorum emeritorumque alituram
 &c. respiciunt. Secundum digestorum l. XLIX.
 tit. XVI. §. XII. Officium tribunorum, vel
 eorum, qui exercitui præsumt, est, frumentatio-
 nibus commilitonum interesse, frumentum pro-
 bare, mensorum fraudem coercere, valetudina-
 rios inspicere &c. vid. ill. *C. de Khevenhüller*
Observationspuncte pr. I. pag. X. cel. *Lünigii*
corpus juris militaris p. LXXXII. DCCCXLIX.
 DCCCCXIV. MLVIII. I. G. H. *Krameri* me-
 dicinam castrensem, Norimb. MDCCXXXV.
 editam.

§. III.

*Medico-
 rum offi-
 cium.*

Quæstiones medico - militares ab
 artis peritis, Medicis atque Chirurgis
 castrensibus, eruendæ atque distincte,
 ordinatim ac rationabiliter in foro mi-
 litari pronuntiandæ sunt. Neque de morbis
 internis, neque de externis gravioribus soli Chi-
 rurgi decernant, sed Medicorum utriusque me-
 dicinæ peritissimorum consiliis atque auctoritate
 suffulti sint, vid. ill. *C. de Khevenhüller* l. c. pr.
 II. c. X. §. XXXII.

§. IV.

§. IV.

Ubi de criminibus capitalibus, ad principia physico-medica respectum habentibus, iisque dubiis, agitur, acta, sicut in aliis casibus criminalibus consimilibus, ordinum Medicorum dijudicationi subjicienda sunt; quo ad justam sententiam ferendam Juris periti sufficienter instruantur.

*Aetorum
transmissio.*

CAP. II.

De causis a militia excusantibus.

§. I.

In delectu militum habendo tam ad mentis, quam corporis firmitatem respiciendum est, ac non nisi juvenes ac viri sana mente ac corporis robore præditi, ut officia bellica rite sustinere atque implere possint, conscribendi sunt. Omnis igitur status naturalis vel morbosus officii militaribus impedimenta insanabilia ponens militiæ sacramento aliquem obligare impedit. Ætatem impuberem, senectutem, incorrigibilem mentis corporisque imbecillitatem, majorem melancholiæ gradum, maniam, longiora etiam intervalla lucida habentem, monstruosam & vitiosam corporis conformationem, v. c. gibberosam, varam vel valgum crurum constructionem, rha-
chitidem inveteratam, claudicationem immedica-
bilem,

*De mor-
bis gene-
ratim.*

bilem, huc referimus, vid. cl. *Adr. Beierus* in jure militari, Jenæ MDCCXII. edito l. II. tit. III. thes. I.

§. II.

Morbi interni. Dantur morbi interni partim sensationes, partim omnes mentis actiones motusque voluntarios perpetuo, vel saltim certis quibusdam periodis impediētes, corporis vires infringentes, humanamque machinam sensim destruentes, qui, aliquem stipendia mereri, haud sinunt. Surditas, cœcitas, ophthalmia habitualis, aphonia, insanabiles, inveterati articulorum morbi, ancyloses, convulsiones tonicæ universales vel particulares, periodici, semper cum corporis prostratione & mentis alienatione atque eclipsi conjunctæ, v. c. tetanus, emprosthotonus, opisthotonus &c. epilepsia, catalepsis, lipothymia sæpius recurrens, vertigo inveterata, asthma chronicum, cordis palpitatio, chronica atque insanabilia, affectus soporosi chronici, paralytici, apoplectici, viscerum læsiones, phthisis pulmonalis, febris hectica, varix hydropis, species curationem non admittentes, sanguinis & feri profluvia præternaturalia atque habitualia, lienteria, fluxus cœliacus, diabete, incorrigibilia, nephritis calculosa, & vesicæ calculus in hunc censum veniunt. Hos autem morbos non simulandos, sed prudentum Medicorum atque Chirurgorum scrutinio ac testimonio extra dubium ponendos esse, sua luce radiat.

§. III.

§. III.

Ulcera fistulosa ac canerosa, auxiliis medico - chirurgicis haud obedientia, sed denique in corporis consumptionem ac febrem habitualement degenerantia, ossa fracta male curata, membra luxata neglecta ac repositionem non amplius admittentia, variaeque herniarum incurabilium species talia vitia sunt, quæ, militiæ nomen dare, prohibent; licet etiam quædam herniæ reponi atque fasciis quodammodo retineri possint, vim tamen militi competentem multum infringunt, nec duram militiam ferre sinunt.

Vitia externa.

§. IV.

Cum morbi, imprimis interni, non semper sub sensu cadant, nec astutum observari possint; a nomina sua militiæ daturis fideliter indicandi sunt; nam si illos fraudulenter dissimulaverint; ut quosvis sumtus in se impensores resituant, merito adiguntur, vid. Dn. Fr. Andr. Gottl. Gmüge in der Anleitung zu dem Kriegsrecht, p. 56.

Morbi non dissimulandi.

§. V.

Cum juvenum, militiam illis incumbentem detrectantium, & militum militiæ pertæsorum, non desint exempla, qui se unius alteriusve digiti manus detruncatione inutiles fecerunt, vel, certaminibus singularibus temere susceptis, sua culpa inhabiles facti sunt, & damnum inde in Prin-

Vitia dolose producta.

cipem redundat; justum est, ut alius militis surrogatione aut multa damnum præsent, vel poena arbitraria afficiantur, vid. Dn. *Adr. Beieri* jus militare l. II. tit. III. thes. II.



CAP. III.

De justis missionum causis.

§. I.

Senium. Si miles senio decrepito eo usque appropinquaverit, ut vel mentis, vel corporis, aut utriusque vires fractæ ad exantilandos militiæ labores non amplius sufficiant, sacramento solvi sumtibusque publicis ali, utique meruit. Senium vero non tam annorum numero, quam virium ratione, æstimandum est; laboriosum enim ac frugale militum vitæ genus corpus firmat longamque juventutem reddit; cui accedit, milites, inprimis ordinum ductores, veteranos, in officiis militaribus explendis, prudentissimos atque exercitatissimos esse. Notabile hujus rei documentum in supplementis libri II. *Q. Curtii Ruffi* sequentibus verbis propositum est: Alexander ad periculosum persicum bellum non juvenes robustos, nec primæ ætatis flore, sed veteranos plerosque etiam emeritæ militiæ, qui cum patre patruisque militaverant, elegit. Ordines quoque nemo, nisi sexagenarius, duxit, ut, si principia castrorum cerneret, senatum alicujus prisce reipublicæ videre, diceret.

§. II.

§. II.

Omnes tam mentis, quam corporis morbi interni nullam curatio- *Morbi interni*
nem admittentes, atque officia mili-
taria impediētes, iustas missionum causas con-
stituunt; quo omnes cap. II. §. II. enumerati
pertinent. De mania insuper speciatim notan-
dum est, quod, licet curata esse videatur, attri-
men haud raro recurrat, nec ejusmodi subjectis
officia militaria satis tuto concedi possint.

§. III.

Consimilis vitiorum incurabili- *Externi.*
um, labores militares exsequi haud
sinentium, cap. II. §. III. enumeratorum, ratio
est. Dn. *Adrian. Beier* in jure militari l. II.
tit. III. si quis, inquit, in bello vitium contra-
xerit, quod cum inidoneum reddit, caussaria mis-
sione ablegandus est. Sed & morbi interni at-
que externi missionum causas præbituri ab arte
peritis antea investigandi, atque in foro militari
pronunciandi sunt. Digestorum l. XLIX. tit.
XVI. §. XIII. missionis caussaria est, cum quis
vitio animi vel corporis minus idoneus militia
renunciatur. Codicis l. XII. tit. XXXVI. §. VI.
Milites non temere dimittantur; nisi quos con-
flet, Medicis denunciantibus, & judice compe-
tente diligenter examinante, vitium contraxisse.

* * *

CAP. IV.

*De causis temporariam militum vacationem
atque curationem desiderantibus.*

§. I.

Morbi. Cum ad labores militares subeundos exantlandosque virium integritas requiratur, illæ autem variis morbis, tam acutis, quam chronicis, labefactari possint; ut milites iis correpti ab officiis militaribus actutum eximantur, illisque de conveniente dicta, pharmacis atque medicis experientissimis prospiciatur, oppido necessarium est. Militum autem est, ut, in quos inciderunt, morbos præfectis suis statim, antequam exasperentur, indicent, quo tempestiva eorum cura haberi possit, vid. ill. C. de Khevenhüller l. c. pr. I. p. XXXIV.

§. II.

Febres intermittentes. In febribus intermittentibus, etiam diebus febre vacuis, vacatio ægrotis concedenda est; nam etiam in his medicandi sunt, atque necessaria excretionum, imprimis periphericæ ratio habenda est; quæ excubiis, etiam cœlo inimiti noctuque habendis, aliis militaribus exercitationibus, non sine periculo turbarentur.

§. III.

Morborum neglectus damnosus. Leviores etiam morbi, in principio suo neglecti, altiores radices agunt, & curatu difficiliore, sumtuosi-

tuosiores, quandoque etiam incurabiles sunt: ergo incidentes militum morbos negligere, illorum domino damnosum, ipsisque ægrotis, vel sua, vel aliorum culpa, perniciosum, & quandoque exitiosum est, v. c. hæmorrhoidibus fluentibus laborantes nonnullorum dierum quiete integram valetudinem ut plurimum recuperant, illis autem vel aëris injuria, vel valentiore corporis exercitatione retroactis, in gravissimarum inflammationum pericula incidunt. Febris intermittens statim recte tractata curabilis, neglecta vero, vel male tractata curatu perdifficilis est, atque haud rare in febrem habitalem atque hydropem, quævis auxilia respuentes, degenerat. Hernia inguinalis leviora sui signa prodens interdum arceri potest, sed confirmata militiæ inhabilem reddit. Gonorrhœa maligna recens statim recte tractata citam eamque perfectam curationem recipit: at quanti sumtus, quantaque opera, si inveterata sit, vel in luum veneream degeneraverit, impendendi sunt? curatione nihilominus haud semper ex sententia succedente. Consimilis & aliorum morborum neglectorum, vel sinistre tractatorum, ratio esse solet.

§. IV.

Ad labores militares iterum subeundos ipsius morbi profligatio non sufficit; sed convalescentibus exemptio ab illis tam diu concedenda est, usque dum morbi consecutaria etiam cessaverint, atque plenaria virium integritas redierit, v. c. febribus superatis, sudor, vel saltem aucta perspiratio, nonnullas hebdomades, maxime circa horas, quas accessio febrilis antea oc-

Convalescentia expectanda.

cupaverat, continuare solet, & nisi custodiatur, febris redit, atque in corpore iam debilitato deterioris indolis fit, vel illius vices alius morbus fonticus, v. c. hydrops, tabes &c. excipere potest.

CAP. V.

De militum testamentis.

§. I.

Testantium privilegia. In testamento faciendo milites, maxime in castris versantes atque in officiis bellicis exsequendis constituti, pluribus privilegiis gaudent, v. c. quod duo testes sufficiant, nec in illo scribendo juris civilis cautelas ritusque observare teneantur. Digestorum l. IX. §. I. & XL. Imperatores, Nerva ac Trajanus, militibus romanis plenissimam testandi potentiam dederunt, ut quoquo modo testari possent. Sed hæc ad solum forum militare pertinent, atque a cl. *Gnügio* l. c. uberius explicantur.

§. II.

Eorum med. dijudicatio. Quando vero de dubio mentis statu testatoris quæstio incidit, tunc utique ex principiis physico-medice atque ab artis peritis, an testator tum temporis, cum testamentum componendum est, sanæ mentis sit, rite inquirendum atque in foro militari pronunciandum est.

CAP.

CAP. VI.

*De rationibus physico - medicis militum
actiones contra articulos militares ad-
missas ex parte, vel in totum ex-
cusantibus.*

§. I.

Ebrietas. Si miles, non ex mala consuetudi-
ne, sed causa occasionali, ebrius
factus mandatum acceptum non exsecutus fue-
rit, vel alio modo aliquatenus peccaverit, ebrie-
tatis quidem, non autem præcepti neglecti, culpa
tenetur; major enim ebrietatis gradus rationis
usum atque muneris exsequendi capacitatem ad
tempus aliquod tollit. Cui accedit, quod in-
terdum in præfecti, mandatum ad illum defe-
rentis, eumque in summa ebrietate deprehenden-
tis, potestate fuit, ut id loco conveniente indica-
ret, atque sobrii substitutionem procuraret, vid.
cl. *Köstka* observ. militarium p. LIX. Secun-
dum jus romanum per vinum lapsis capitalis
pœna remittebatur, ac militiæ mutatio irrogaba-
tur. Digestor. l. XLIX. tit. XVI. §. VI.

§. II.

Ira. Ubi miles, ceteroquin non rixosus,
aut cerebrosus, magna injuria provoca-
tus, vehementem iram collegerit, illaque flagran-
te illicitum quid commiserit, vehementibus ani-
mi pathematibus, maxime inprævisis, rationis
usum & facti deliberationem excludentibus, illo-
rum,

rum, in sententia ferenda, ratio utique habenda est.

§. III.

Morbi mentis. Miles majori melancholiæ gradu, vel mania, etiamsi nonnisi periodica sit, correptus, præsentem morbo, libere agere, actiones suas ponderare, atque legibus bellicis accommodare nequit. Si igitur in tali mentis statu prohibita patraverit, medicandus, non autem pœna afficiendus est. Apud Romanos juris erat, ne in militem, morbo aut mania correptum, ubi se ipsum vulneraverit, vel mortem sibi consciverit, animadverteretur. Cl. Eberh. Hoyerus in den Anmerkungen über das Churfürstliche Brandenburgische Kriegsrecht in puniendo homicidio, vel attentata avthochiria, ad mentis morbos, v. c. melancholiam & maniam attendendum esse, recte monuit.

§. IV.

Corporis morbi. Morbi nonnulli subito ingruunt, & quidam cum mentis eclipsi conjuncti sunt, v. c. lipothymia, catalepsis, convulsiones tonicæ ac clonicæ, affectus soporosi, insultus apoplectici, quin & febres acutæ interdum statim cum delirio conjunctæ sunt. Si igitur miles in officio constitutus ejusmodi morbo corripitur, illique sustinendo ineptus redditur, tunc pœna locum non habet, sed potius de auxilio quantocyus ferendo cogitandum est. Digestorum l. XLIX. tit. XVI. §. XIV. præceptum est, ut miles, qui comeatu spatium excessit, emansoris vel desertoris loco habendus sit,

lit., nisi se, valetudine impeditum fuisse, probaverit. De morbis milites excusantibus, vid. cl. *Kostka* l. c. p. CCXXXVI. Cl. *Gnüge* l. c. p. CCXCIII.

Schol. I. Si morbus id finit, miles eo correptus aliis, in proxima vicinia excubias agentibus, de auxilii necessitate vociferando signum dare tenetur; quod tamen in morbis cum mentis eclipsi conjunctis & vocis usum impredientibus locum non habet.

Schol. II. An militem in excubiis agendis somno correptum præfectus, vigiliis circumiens, statim occidere possit? quæstio incidere solet; quod prudentiores recte negant; causa enim nondum investigata nulla executio locum habet. Si militi laboribus militaribus jam prorsus fatigato excubiarum officium imponitur, ultra vires niti, & somnum pellere nequit. Nec desunt morbi somni speciem præ se ferentes, v. c. lipothymia, catalepsis, rigor a magno gelu, apoplexia, vid. cl. *Dn. Gnüge* l. c. p. CCXCIII.

CAP. VII.

De tortura.

§. I.

*An lo-
cum ha-
beats?*

Cum plures modi veritatem eruendi dentur, torturam e foris prorsus proscribendam esse, eruditissimorum scriptorum plures judicarunt; de qua

qua re in jurisprudentia medico - criminali uberrius agam. Apud Romanos milites haud tortos fuisse, ex Digestorum l. XLIX. tit. XVI. §. III. elucet. Tortura etiam nunc in foro militari haud facile decernitur, sed militi, de scelere non prorsus convicto, pœna extraordinaria decernitur, vid. *cel. Lünigius* l. c. p. MCCCCXXX. Dn. *Gnüge* l. c. p. CCCCXLIII. inquit: Da die Tortur leicht eine Untüchtigkeit zum Dienst verursachen kan; so muß man nicht leicht zu derselben schreiten.

§. II.

Quando obtineat? Ob prægnantes tamen rationes, v. c. delicta atrocias, dolorifica veritatem eruendi remedia in rigorosa militum quæstione subinde adhibentur, v. c. fustigatio, pollicum compressio in pulveris pyrii pyxide machinis ignivomis annexa, (das Schrauben der Daumen in den Flintenschlössern,) adustio fune ignito; (das Luntenbrennen,) tunc enim non amplius ut milites, sed ut malefici, considerantur, vid. notæ Hoyerianæ über das Brandenburgische Kriegßrecht, art. LXXXVIII. Apud Romanos proditores & transfugæ, non pro milite, sed pro hoste habiti, exauctorati, torquebantur, & capite ut plurimum plectebantur. Digest. l. XLIX. tit. XVI. §. VI. Ne quid tamen nimis fiat ac irreparabile damnum sanitati inferatur, etiam tunc cavendum est, vid. ill. *C. de Khevenhüller* l. c. p. XIX.

§. III.

§. III.

Si miles inquisitus febre acuta vel intermittente, articulorum morbo, lue venerea, aut periodico sanguinis vel feri profluvio laborat, durante morbo nulla quæstionis rigorosæ species locum habet, ne morbus exasperetur, vel dictæ excretiones cum valetudinis damno sufflammentur.

Morbi eam differentes.

§. IV.

Prima adolescentia, senectus provectior, hæmoptysis, phthisis, fonticæ viscerum læsiones, febris hectica, variæque hydropis species, si hæi morbi jam antea extiterint, vel post longiorem in carcere detentionem demum exorti sint, torturam vel prorsus, vel saltem majores ejus gradus, avertunt.

Causse eam avertentes.

CAP. VIII.

De pænis corporum afflictivis, atque ultimo supplicio.

§. I.

Post factorum legibus militari-
bus prohibitorum patrationem,
caussa cognita, pænæ corporis affli-
væ secundum dictas leges, juste qui-

Pænæ corp. afflictivæ.

dem

dem decernuntur atque sumuntur; ne tamen sanitatem destruant, ratio habenda est: ergo I. carceres, in quibus miles poenæ loco detinetur, haud squalidi, frigidi aliove modo insalubres, nec, quibus sustinentur, alimenta corrupta aut alia ratione valetudini nociva sint. II. Opera publica a damnatis exantlanda viribus proportionata sint, ne has infringant ac sanitati inimica sint. III. Si quis fuste, virgis aut loris castigandus est, (mit Spikruthen oder Steigriemen,) talis poenæ modus habendus est, ne puniendus gravium morborum vel vitæ periculum incurrat. Ubi quis poena afficiendus morbo detinetur, illa, usque dum hic transierit, differenda est.

§. II.

*Ultimum
supplicium.*

Si miles alterum in certamine culpose occiderit, post causæ ventilationem, ultimo quidem supplicio, non tamen a carnifice exequendo, afficitur, machinarum, scilicet ignivomarum globulis a commilitonibus suis trajicitur, vid. cl. *Gnigius*, l. c. p. CXXXIII. Malitiosi desertores laqueo suffocari solent. Haud raro tamen a belli Dominis poena extraordinaria substituitur, & v. c. opere publico, poenis §. præd. n. III. enumeratis, gradus imminutione aut ignominiosa missione reus punitur. Digestor. l. XLIX. tit. XVI. §. XIII.

§. III.

§. III.

Dantur tamen scelera, *Supplicium*
 quæ militibus infamia atque ca- *in fame.*
 pitalia sunt, v. c. læsæ majesta-
 tis crimen, proditio, rebellio, dolosum homici-
 dium &c. propter quæ per carnificis manum ul-
 timo supplicio afficiuntur. Apud Romanos
 milites pacis turbatores capite plectebantur. Di-
 gest. l. c. §. XVI.

§. IV.

Non desunt causæ morales *Supplicii*
 atque physicae, propter quas ul- *dilatio.*
 timum militis supplicium aliquam-
 diu differri solet, v. c. ad consternatum animum
 colligendum, poenitandum atque ad solatium ex
 verbo divino recipiendum, aliquod tempus re-
 cte illi conceditur; quin & morborum acuto-
 rum, poenæ capitali subeundæ impedimenta po-
 nentium, transitus expectandus est.

§. V.

Cum miles majori melan- *Causæ sup-*
 choliæ gradu, delirio acuto, aut *plic. averten-*
 mania laborans libere agere ne- *tes.*
 queat; in illo, post damnum
 datum, neque poenæ corporis afflictivæ, neque ul-
 timum supplicium locum inveniunt; cujus rei
 in juris medico-criminalis pertractatione uberio-
 rem mentionem faciam.



PARS



P A R S V.

DE JURISPRUDENTIA MEDICO - ECCLESIASTICA.

C A P. I.

De causis huc spectantibus generatim agens.

§. I.

*Quæst.
juris med.
eccles.*

In foro ecclesiastico quæstiones haud raro ventilantur, quarum decisiones a principiis physico-medice dependent, vel ad hæc saltem respectum habent; adeoque ante eorum decisionem Medici audiendi sunt.

§. II.

Exempla. Quæstiones de monstrosum baptismate, de sacra synaxi in dubio mentis statu, de juniorum ecclesiasticorum observatione, de sacra periculose decumbentium cura, de habilitate ordines ecclesiasticos recipiendi, de causis dignitates atque officia ecclesiastica tollen-

tollentibus vel ea non auferentibus, de illibato virginitatis statu, de ingravidatione, de habilitate ad conjugium ineundum, de justis divortii causis, de verbis & factis irreligiosis in dubio mentis statu constitutorum, de demoniacis atque de autochirorum sepultura, pertinent.

Schol. Quasnam ecclesias christianas hæ vel illæ leges juris medico - ecclesiastici speciatim respiciant, ex illarum doctrinis ac disciplina, & harum tenore, ultro patet.



CAP. II.

De monstrosorum baptismo.

§. I.

Dubium de recens nati sexu sub- *Sexus du-*
ortum accuratiore partium geni- *bis.*
taliū inspectione disenti potest. Pup-
pæ clitoride propendente præditæ, & pusiones
rimam cœcam in perinæo habentes, hermaphro-
ditorum speciem præ se quidem ferunt; cum au-
tem a mentula virili clitoris structura differat,
atque urethra careat, nec non a cunno rima pe-
rinæi cœca multum distet; notis his sexus fœtus
facile distinguitur, vid. *Casp. Bauhini* libri II.
de hermaphroditi monstrosarumque partium na-
tura, Oppenh. MDCXLIV. *Etn. Reyheri* tr.
de hermaphroditis, Arnstad. MDCLXXXVIII.
James Parson a mechanical and critical enqui-
ry in to the nature of Hermaphrodites, Lond.
H MDCCLXI.

MDCCXLI. Comment. Societ. Reg. Scient. Gœtting. tom. I. MDCCCLI.

Schol. Fœtus partibus genitalibus prorsus carens rarissime in lucem editur; ejus tamen exemplum vidi & in jure medico-civili c. IV. retuli. In hoc etiam statu quædam sexus notæ in coccygis osse, costa ultima spuria, atque claviculis supersunt; istud nimirum pusionibus antrotrorsum curvatum, puppis rectum, illa istis brevior, his longior, atque hæ illis magis incurvæ, his rectiores sunt.

§. II.

Monstra humana.

Ex diversi sexus hominibus non nisi homo procreari ac nasci potest; si igitur fœtus humanus vivus a forma consueta plus minusve recedens vel monstrosus, v. c. uno capite & trunco præditus, sed una alterave extremitate abundante, vel deficiente, vel male formata partu editus est; juribus ecclesiasticis gaudet, & sacro baptismatis fonte, ut homo, initiandus est, vid. *Jo. Planci tr. de monst. & monstrosis.* Venetiis MDCCXLIX.

§. III.

Bicorporea.

Quando duo fœtus, ceteroquin perfecti, unius vel diversi sexus, leviter, v. c. circa epigastrium, dorsum, vel lateraliter inter se concreti sunt, his duplicis hominis jura tam civilia, quam ecclesiastica, competere, extra dubium positum est. Interdum vero fœtus humanus monstrosus duplici capite, uno trunco & pluribus extremitatibus, v. c. quatuor brachiis totidemque pedibus, forte etiam duabus unius, vel diver-

diversi sexus partibus genitalibus nascitur, qui etiam duarum animarum actiones inter se discrepantes edit, & duplici nutritione eget, & hic etiam pro duplici homine, simili jure prædito, habendus est. B. m. Dn. *Christ. Gottl. Ludwig* in institutionibus medicinæ forensis, §. CCCCVIII. si biceps, inquit, fœtus est, corpore uno, nec aliis membris duplicatis; ob capitis dignitatem, & hinc nervorum origines distincte productas, duplicem hominem, membris quibusdam mutilatis, natum esse, jure defenditur.

CAP. III.

De sacra synaxi in dubio mentis statu.

§. I.

Cum rectus sacræ synaxeos usus *Locum non*
mentem sanam religionisque *habens.*
plenam supponat; eam delirio acuto, vel chronico perdurante, laboranti exhibere, minime convenit; nec ejus privatio, ob hanc causam, culposa aut damnosa est.

§. II.

Quandoque in febribus acutis *Eum ha-*
male judicatis accidit, ut brevi mor- *bens.*
ituris mens per unius alteriusve horæ spacium redeat ac constet, & tunc quominus ad sacram synaxin admittantur, nihil impedit. Datur etiam mania periodica, longiora intervalli lucidi spatia admittens, quo durante, agrotus a
H 2 *sacra*

facræ cœnæ usu haud excludendus est. Deliriorum autem intermissiones a Medico omnium optime dijudicari, atque Sacerdotibus in tempore indicari possunt.

Schol. Calices sacris usibus destinatos ex auro, argento aut stanno, puris, non autem ex ære vel aurichalco conficiendos esse, in jure canonico Decret. pr. III. distinct. I. c. XLV. recte præceptum est; cum hæc, ob vini naturam, æruginem, vomitus cientem, pariant. Hæc autem cautela ad politiam ecclesiasticam proprie pertinet.



C A P. IV.

De jejniis ecclesiasticis.

§. I.

*Morbi illa
admittentes.*

Dantur morbi quidam jejunia, in ecclesiis quibusdam christianis præcepta, minime tollentes; quin ad nonnullos minuendos vel profligandos hæc potius faciunt, quo illos, qui a plethora originem ducunt, nec non articulorum morbos, refero. Hoc etiam in Decret. pr. III. distinctione V. cap. XXX. recte traditum. Ob illos igitur, ex præconcepta opinione, jejunia detrectantes, erroris sui a Medicis convincendi sunt. Quin dolosam morborum fictionem testimoniis fulcire, Medicum probum, etsi alii cultui divino addictus fuerit, dedecet. Illos errores atque dolos, non autem genuina medicinæ præcepta & Medicos veritatis amantes,

tes ; Decret. l. c. cap. CXXI. sequentibus verbis notatos esse, arbitror : divinæ cognitioni præcepta medicinæ contraria sunt, a jejunio revocant, lucubrare non sinunt, & ab omni meditationis intentione abducunt; itaque, qui se Medicis dederit, se ipsum abnegat.

§. II.

Alii contra morbi ab olighæmia, vel humorum cacoehymia *Morbi illa non ferentes.* pendentes, & cum magna virium prostratione conjuncti, jejunia minime ferunt, sed eorum observatione in pejus ruunt, & in talibus casibus, a prudente Medico dijudicandis atque in foro ecclesiastico pronunciandis, exceptio a regula locum justissimum invenit. Morbosus ejusmodi statibus, etiam respectu Clericorum, Decret. l. c. cap. XVI. XXV. & XXXII. præcepta accommodata sunt : quadragesima observatione summâ observanda est, ut jejunium in illa nullatenus solvatur, nisi quem infirmitas impederit. Monacho, jejuniorum temporibus, carnem gustare non licet, servato tamen pietatis erga aegros moderamine. Non a cibis, sed ab iniquitatibus, abstinere, magnum & generale jejunium est, conf. *Wildvogel* in diss. de eo, quod circa jejunium quadragesimale, antipaschale, adventus, & IV. temporum, justum est.

C A P. V.

De sacra periculose decumbentium cura.

§. I.

Medici officium. **P**lures ob rationes, ut aegros vel eorum consanguineos, curatores, vel

vel dominos, de morbi periculo in tempore modeste admoneant, nec temerariis promissis in-
anem illorum spem alant, necessarium est; ut
scilicet tam respectu sacrorum, quam fortuna-
rum suarum, ea procurare possint, quibus fa-
cto opus est.

§. II.

Alterum. Si ipsi ægroti vel ejus consanguinei &c., licet admoniti, nimium tardi, incurii, atque salutis suæ negligentes sunt; Medici id animadvertentes, illos, penes quos sacra animarum cura est, per nuntium commodum, de periculoso ægrotantis statu recto tempore certiores faciant; quo ad ea, quæ illorum officium requirit, animum advertere, illaque perficere possint. Improvidus harum cautelarum neglectus ne tunc quidem Medicum excusat, si alii ecclesiæ addictus est.

~~~~~

## C A P. V.

*De habilitate & impedimentis ordines & officia ecclesiastica recipiendi.*

### §. I.

*Mentis morbi.* **S**ensu communi carentes & mente capti ad ordines atque officia ecclesiastica suscipienda haud idoneos, adeoque ad illa non admittendos esse, per se clarum est.

### §. II.



§. II.

A. sacris officiis corpore sua *Corporis*  
culpa vitiatu Decret. pr. I. distinct. *vitia.*

LV. c. I. prohibentur. Eos, qui  
se ipsos propria voluntate mutilaverint, v. c. vi-  
talia amputaverint, vel digiti partem volentes ab-  
sciderint, non ordinandos esse, l. c. c. II. stabi-  
litum est. Quin & vitia casu quidem contra-  
cta, sed muneris ecclesiastici executionem impe-  
dientia, ad hoc suscipiendum inhabiles reddunt,  
l. c. cap. LXXVII. qui mutus, surdus aut cæcus  
est, Episcopus non efficitur; ne munera ecclesia-  
stica impediatur.

§. III.

Ubi vero corpus non propria *Casu con-*  
culpa dolove, sed casu, aut vi ex- *tracta.*

terna, vitiatum est, id suscipiendis  
ordinibus atque officiis ecclesiasticis impedimen-  
ta non ponit. Decret. pr. I. distinct. LV. c. VII.  
qui ab hostibus, aut a dominis, aut a Medicis,  
propter languorem, excisus est, ad clerum susci-  
pi, & in eo manere potest. Cap. X. Si quis in  
infirmirate Medicorum incisione claudus efficitur,  
eum ad sacros ordines promoveri, non denega-  
mus. Canon sanct. Apostolorum XX. Si  
quis humana violentia evnuchus factus est, aut  
in persecutione virilia ei amputata sunt, aut ita  
natus fuit, & dignus est, Episcopus efficitur. Ca-  
non sanct. Apost. LXXVI. Si quis oculo defectus,  
aut obtuso crure existat, & dignus sit, Episcopus  
efficitur; non enim corporis illum mutilatio, sed  
animæ inquinatio, polluit.

## §. IV.

*Defectus  
falso cred.*

Quod embryonibus masculis commune est, testiculos non in scroto, sed in sacculo peritonæi celluloso latere, id quandoque etiam in recens natis, rarius in adultis, observatur, scil. quod nonnisi unus, vel nullus testiculus in scrotum descendit, & tunc monorchides vel crypsorchides dicuntur, ac minime impotentes sunt. Masculos genitalibus carentes rarissime nasci, supra c. II. §. I. in schol. dictum est. Quidquid autem horum sit, illud sacris ordinibus atque officiis suscipiendis impedimenta non ponit, uti §. præced. ex canone sanct. Apostol. XX. relatum est. Teste Dn. *Teichmeyero* in med. legal. c. XV. p. CXXVII. crypsorchides ad generandum atque ad clericatum idonei sunt.



## CAP. VI.

*De causis dignitatem & officia ecclesiastica tollentibus vel relinquentibus.*

## §. I.

*Tollentes.*

Quem ad modum voluntaria corporis sui mutilatione honoribus atque officiis ecclesiasticis se indignum quis reddit, ita pari jure in officio ecclesiastico jam constitutus, se ipsum data opera lædens, dignitate atque munere suo excidit. Canon sanct. Apostol. XXII. si quis, cum clericus esset, virilia sibi ipsi ampu-

amputavit, deponitor; sui enim ipsius homicida est.

§. II.

Quædam corporis vitia dig- *Limitantes.*  
nitates atque officia ecclesiastica  
tantum limitant. Decret. Gregor. I. I. t. IX. c.  
VI. Mutilatus manu, si promotus fuerit in  
Abbatem, ab abbazia deponitur, l. III. tit. VI.  
c. II. Presbyter, cui palmæ medietas cum  
duobus digitis est abscissa, missam non celebrat;  
sed cæteris sacerdotalibus fungi potest. Decret.  
pr. I. distinct. LV. c. XIII. Cui oculus erutus est,  
sacerdotis jura præstanda non sunt. Decret. Greg.  
I. I. tit. XX. c. I. Presbyter, qui duello digiti par-  
tem amisit, ex Episcopi sui dispensatione, in ordine  
suo dispensare potest, l. c. cap. IV. Sacerdos, qui si-  
ne caussa virilia sibi fecit abscindi, credens inde  
mereri, de Episcopi dispensatione officium, præ-  
ter altaris ministerium, exercere poterit.

§. III.

Si quis, ad majus malum *Non im-*  
evitandum, & mortis periculum *pedientes.*  
arcendum, corporis sui mutilatio-  
nem, curationis ergo, admiserit, dolo & culpa  
vacans, dignitatem atque officium merito reti-  
net. Decret. Gregor. I. I. tit. XX. c. V. Sacer-  
dos, qui ex justa caussa, virilia sibi abscindi, per-  
misit, sacerdotale officium, ut prius, exercere  
potest.

§. IV.

Corporis infirmitate ad tem- *Morbi ad*  
pus laborans & dignitatem, & be- *tempus ex-*  
neficia sibi collata, merito retinet; *cusantes.*

sed ab officii præstatione tamdiu liber est, usque dum cum valetudine secunda in gratiam redierit, viresque ad munus suum explendum necessarias recuperaverit. Decret. pr. I. distinct. LV. c. XII. Dignitas sanitatis tempore accepta, sequente debilitate, non amittitur. Decret. pr. II. causa VII. quæst. I. cap. XV. & XVI. Ægroti sacerdotis vices alius ejusdem ordinis sustinere potest; sic non solum fragilitati humanæ consulitur, sed etiam sacro mysteriorum Dei honori provida cavetur sollicitudine, l. c. quæst. II. Sacrificiorum celebrationem si quis infirmitatis causa dimiserit, illa, valetudine recuperata, exequi non prohibetur.

#### §. V.

*Officium limitantes.* Si, ob senectutem vel corporis infirmitatem, quis ad quævis sua officia implenda haud idoneus est; ad illa tantum obligatur, ad quæ præstanda vires adhuc sufficiunt. Decret. Gregor. I. I. tit. IX. c. I. Episcopo, qui propter senectutem vult cedere, non datur cedendi licentia, si ecclesiæ suæ necessarius vel utilis sit.

#### §. VI.

*Semper ex-usantes.* Ubi quis decrepita senectute, vel morbo incurabili, ita labefactatus sit, ut officio suo præstando impar sit, dignitatem & beneficia sua merito retinet, atque alii, ad id idoneo, officium interea sustinendum committitur. Episcopo senectute vel morbis gravato coadiutorem dandum esse,

esse, Decret. pr. II. causa VII. quæst. I. c. VII. præceptum est. Hoc etiam Decret. Gregor. I. III. tit. V. sequentibus verbis concessum est: Episcopus senio vel infirmitate perpetua impeditus, de capituli sui consensu, coadiutorem sibi assumere potest, I. c. cap. IV. Si ecclesiæ rector sit leprosus, ab administrationis officio quidem removetur, sed ecclesiæ bonis sustentatur, I. c. tit. VI. c. I. beneficii sui fructus clericus infirmus integre percipit.

\*\*\*\*\*

## CAP. VII.

### *De virginitate.*

#### §. I.

Si I. quædam de stupro sibi, virgini, illato queritur, vel II. ubi virginem se quædam affirmat, & coitum admisisse, negat, ventris inspectio a iudice decerni solet, ut ex signorum virginitatis absentia vel præsentia verum indagetur.

*Quæstiones de illa.*

#### §. II.

Inter virginitatis signa hymen imprimis refertur, qui est ruga valvulosa perforata ex cute atque epidermide facta, in vaginæ ostio, ab inferiore ac posteriore ejus parte, ad urethram usque extensa. In recens natis ut plurimum semicircularis, in impuberibus rotundus, in maturioribus vero falcatus esse solet solique homini datus est. Ejus perpetua in

*Ejus signum præcipuum.*

in virginibus præsentia, contra nonnullorum opinionem, observationibus anatomicis satis confirmata est. Dn. *F. Ruysch* thesaur. anat. III. p. XIII. an detur, inquit, hymen, nec ne? olim sub iudice lis fuit; hoc autem tempore in anatomia magis versatis nihil notius esse potest. Teste Dn. *I. B. Morgagno* de sedib. & causis morb. per anatomen indagatis, l. III. epist. XLVIII. art. I. hymen præcipua, si quæ alia, virginittatis nota est, conf. *F. I. B. Gæringii* diss. de hymene. Argent. MDCCLXIII.

*Obs.* Lascivarum adolescentularum, digito aliove instrumento hymenem rumpentium exempla non desunt; adeoque ex ejus absentia ad admissum coitum non semper tuto concluditur.

### §. III.

*Alia ejus  
signa.*

Ad virginittatis signa vaginæ arctitudo, atque inde pendens dolorifica viri admissio, pertinet. Dein sub primo concubitu contingens sanguinis profusio; cujus signi *Deuteron. c. XXII. v. XVII.* mentio facta est. Denique partium genitalium post primam coitus admissionem cruentatio, intumescencia & inflammatio; quæ vero nonnisi paucos dies durant, postea vero brevi factæ deflorationis signa esse cessant, vid. *Mart. Schurigii* parthenologia. *Dresdæ MDCCXXIX.* *Sev. Pinæus* de virginittatis notis, *Lugd. Bat. MDCCL.* *Car. Frid. Kaltschmied* diss. de virginittate, *Jenæ MDCCL.* *Theod. Tom. Weichhardi* comment. de signis virginittatis & graviditatis, *Lipsiæ MDCCLXXVII.*

### §. IV.

§. IV.

Ventris inspectio, jubente  
 iudice, ab obstetricibus artis suæ  
 probe peritis peragi solet. Di-  
 gest. l. XXV. tit. IV. ut feminam  
 tres obstetrices probatæ artis & fidei inspiciant,  
 præceptum est. In nemesi Carolina art. XXXV.  
 idem his verbis innuitur: Die Dirn soll durch ver-  
 ständige Frauen an heimlichen Stätten besichti-  
 get werden. Huic autem investigationi tunc  
 demum aptæ sunt, si partium genitalium structu-  
 ram & conditionem in virginibus, recens deflo-  
 ratis, gravidis, & partum ante breve tempus eni-  
 xis, sufficienter noscunt; quod vero, ob plurima-  
 rum incertitiam, non nisi in pauciores cadit. Me-  
 dicis ergo, corporis structuram & statum natu-  
 ralem ac præternaturalem, probe intelligentibus,  
 tutius committitur, vid. *Herm. Fried. Teichmeyer*  
 instit. med. legal. c. IV. §. IV. *Georg. Beyer* de  
 lin. jur. crim. p. LIX. *Zittmanni* med. forens.  
 p. DCCXLVII. & DCCXCVII.

*Ventris in-  
 spectio a quibus  
 instit.*

§. V.

Ut muliebria quoad singulas par-  
 tes in loco lucido solum oculis lu-  
 strentur, sed etiam modesta digitorum  
 applicatione interiorum status in tantum investiga-  
 tur, in quantum id quæstio a iudice proposita exigit,  
 accurata ventris inspectio exposcit; quo firmum de  
 virginitate, defloratione recens facta &c. iudicium  
 ferri, atque inventa in foro pronuntiari possint.  
*Jo. Bohnius* de offic. Med. forens. c. IV. p. DCVII.  
 in virginitate dubia, non inspectione tantum, sed  
 manus

*Quo modo  
 instituenda.*

manus quoque admotione, muliebrium habitudo tentanda est.



## CAP. VIII.

### *De ingravidatione.*

#### §. I.

*Investiganda.*

Cum imprægnationem, suspectæ mulieres sæpius dissimulent, quandoque etiam sublestæ famæ subiecta eam, lucri captandi causa, simulent; judicis utique interest, ut de ejus præsentia vel absentia instruatur, & hanc ob causam ventris inspectionem decernit, que ab artis obstetricandi peritis tutissime peragitur; cum vulgarium obstetricum ignorantia minime fidendum sit, vid. *Abr. Vatetti* diss. de ingravidatione dissimulata ac dissimulandi mediis. Wittenb. MDCCXXIV.

#### §. II.

*Ejus signa.*

Plura graviditatis signa, partim certiora, partim incertiora, dantur, quæ tamen omnia simul sumpta artis obstetricandi peritum haud fallunt, ita, ut eam a morbooso abdominis tumore facile distinguat. In hunc censum veniunt I. menstruorum obstructio, non ex causa morboosa contingens, nec cum hujus symptomatibus conjuncta; licet nonnullis primis gestationis mensibus paucus sanguinis vel seri fluxus ex naturalibus contingat, atque earum lotio seri coagula, vellerum instar, innatent, vid. com-



commerc. liter. Norimb. MDCCXXXVIII. p. LXVII. & Dn. *Jo. Hadr. Slevogtii* diff. de mensibus gravidarum. II. Ciborum fastidium ac vomitus matutinus. III. Successiva abdominis intumescencia, & globi duri, seu uteri expansi, in regione hypogastrica sensus, ejusque lapsus in illud latus, in quod femina gravida decumbit. IV. Mammarum intumescencia, pedetentim augmenta capiens, & feri lactis ex papillis profluvium. V. Vaginæ uteri elongatio, atque uterus, in pelvi spatium non amplius inveniens, sursum tractus, vid. *Fr. Ruyschius* in præparat. anat. rariorum catalogo p. CXVIII. & thesaur. anat. VIII. p. VII. VI. Os uteri internum clausum, molle & fere planum, ut digito tangenti oculi palpebris clausi sensum præbeat. *Hippocrates* sect. V. aphor. LII. inquit: quæ utero gerunt, his uteri os comprimitur. Uteri autem vacui os, ut globus protuberans, rima transversa digiti apicem admittente præditum sentitur.

§. III.

Circa medium gestationis tem- *Ulteriora.*  
pus embryo adeo excrevit, ut motibus voluntariis vitæ suæ signa edere possit, quos non ipsa solum gravida, sed etiam alii, manum frigidiusculam regioni hypogastricæ imponentes, clare sentiunt, vid. Dn. *Abr. Vateri* diff. qua uterus gravidus physiologice & pathologice consideratur. Wittenb. MDCCXXV. *G. W. Wedelii* diff. de gravidarum notis. Jenæ MDCCXXV. Dn. *clém. art. obstetr. c. VIII.* Goett. MDCCCLIX. Dn. *Steinii* diff. de signorum graviditatis æstimatione. Goett. MDCCCLX.

*Schol.*

*Schol. I.* Ubi circa graviditatis initium dubia quædam remanent; femina de illa suspecta custodienda est, donec, an graviditas vel morbus catameniorum obstructionem attulerit, satis constet; illius enim signa ultimis gestationis mensibus manifestissima sunt, vid. *Herm. Fried. Teichmeyer* instit. med. legal. c. V. p. XL.

*Schol. II.* Si mola in utero contenta, post foetus obitum, ex placenta utero adhærente succrescens, abdomen successive expandit, & graviditatis speciem præ se fert, non embryonis motus, sed pondus molestum, sentitur, atque abdominis intumescencia ultra modum ac tempus consuetum ascendere solet, vid. *Frid. Ruysch* observ. anat. XXXIII. & XXXVII. & thesaur. anat. II. tab. IV; *Abr. Vateri* diss. de mola prægnante, Wittenb. MDCCXXX. & progr. meum de placentarum uterinarum in molas vesicarias mutatione, Gieff. MDCCLXXVI.



## CAP. IX.

### *De personis conjugio inhabilibus.*

#### §. I.

*Impubes.*

Si utraque vel alterutra persona conjugium initura impubes sit; hoc dissadendum est; quia mentis culturam, corporis incrementum, tum temporis nondum perfectum, ac sæpius fortunarum stabl.

stabilimentum impedit, morbis quandoque omni-  
 nis præmatura venus in utroque sexu ansam  
 præbet & liberi debiles procreantur. Teste  
 b. m. C. G. *Ludwig* instit. physiol. §. DCCCLXX.  
 venus præmatura & libidinosa utrique sexui ex eo  
 nocet, quod illæ inde perdantur vires, quæ ad  
 obfirmandum corporis habitum requiruntur. Igi-  
 tur ad conjugium ineundum pleni pubertatis ac  
 discretionis anni multo melius expectantur.

### §. II.

Ex *Platonis* consilio l. V. de *Testimo-*  
 republ. virgo XVIII. vel XX. anno- *nia.*  
 rum conjugii onera majore securitate  
 ferre potest. C. *Corn. Tacitus* in libro de mo-  
 ribus Germanorum l. XX. majoribus nostris  
 laudi duxit, quod fera juvenum venus, adeoque  
 inexhausta pubertas fuerit, nec virgines festina-  
 tæ sint; sed eadem juvenus, similis proceritas,  
 pares validique missi fuerint, ac liberi parentum  
 robora retulerint. Conf. *Frid. Hoffmanni* diss.  
 de ætate conjugio opportuna, Halæ Magd. MDCC-  
 XXIX.

### §. III.

*Decret. Gregor.* l. IV. tit. II. c. I. *Leges.*  
 cautum est, ne impuberes ambo vel  
 alter, nisi pro bono pacis, jungantur. Im-  
 peratoris *Leonis* constitutione CIX. interdictum  
 fuit, ne matrimonium, sponsa XII. sponso au-  
 tem XIV. annos minore, sacris ceremoniis con-  
 firmaretur.

*Obs.* Cum in utroque sexu corporis vigor  
 interdum præcox sit, atque ad acceleratum incre-  
 I men-

mentum climata symbolam suam conferant; non semper ex solis annis, sed quandoque ex climatum ac singulari personarum conditione, pubertas æstimanda est, vid. b. m. C. G. *Ludwigii* institut. medic. forens. §. CCCXCV.

#### §. IV.

*Ætas senilis.*

Senes, maxime qui libidinofam juventutem exercuere, corpus effœtum habent, nec conjugio idonei sunt, quin & illorum plurimi, qui serius coire inceperunt, post annum septuagesimum impotentes fiunt, & feminæ ad annum quinquagesimum appropinquantes, ob ovariorum strigositatem atque uteri rigorem, concipere ac parere ut plurimum desinunt; a conjugio tam tarde ineundo melius abstinēt. Ubi vero senis atque vetulæ conjugium, ob solum mutuum adjutorium initur, illud, licet sæpius plus incommodi, quam commodi, post se trahat, reipublicæ non nocet. Nec senis cum juvencula initum matrimonium publica incommoda dare solet; an ipsi autem respectu valetudinis &c. utile sit, ipsemet videat. Senex, se a juveneula amatum iri sperans, multum fallitur, pluraque momenta physica atque moralia adsunt, quæ illum ab incepto tam stolido abstertere deberent. At si anus juveni nubit, damnum in rempublicam inde omnino redundat; cum hæc partum edere haud possit; ut jam sanitatis damna, aliaque incommoda, in ejusmodi maritum cadentia silentio premam; ejusmodi ergo matrimonia publicitus melius prohiberentur.

#### §. V.

## §. V.

Evnuchi & spadonis conjugium *Evnuchi*  
 cum anu, cujus pariendi tempus præ- *& Spado-*  
 teriit, vel cum incorrigibiliter sterili, *nis.*  
 mutui auxilii causa initum, ferri  
 potest. Ubi vero juvenculam vel mulierem pa-  
 riendo adhuc aptam ducturi sunt, id in reipu-  
 blicæ damnum cederet, atque a Magistratu publico  
 melius prohibetur. Ne spadones uxores ducant,  
 Imperatoris *Leonis* constitutione XCVIII. inter-  
 dictum est. Conf. *Hier. Delphini* tr. de evnu-  
 chi conjugio, Halæ Magd. MDCLXXXV. *Ben.*  
*Ewald* de evnuchis & spadonibus, Regiom.  
 MDCCVII.

## §. VI.

Cum ad conjugii scopum obti- *Mente 1,*  
 nendum mentis & corporis sanitas *corpore*  
 requiratur; nec furiosus, nec furio- *ægroti.*  
 sa, nec corporis morbis aut vitiis  
 incurabilibus, scopo matrimonii obstantibus, af-  
 fecti, v. c. fonticis viscerum læsionibus, febre  
 habituali, epilepsia, lue venerea, lepra, testibus  
 scirrhis, conquassatis, uteri vagina concreta,  
 partibus genitalibus deficientibus, ulcere can-  
 croso laborantes conjugium inire possunt. Na-  
 turale impedimentum ad coitum, arte Medico-  
 rum irreparabile, matrimonium impedit, vid.  
 Decreti pr. II. causa XXXII. cap. XXVI. &  
 Decret. Gregor. I. IV. tit. XV. c. I.

## CAP. X.

*De divortiorum causis.*

## §. I.

*Non causæ.*

**M**orbi tam mentis, quam corporis, qui, durante matrimonio, sine culpa contracti sunt, illud non solvunt, sed alterutrius miseria ab altero patienter ferenda, atque ægroto auxilia, quantum fieri potest, præstanda sunt. Digestorum l. I. tit. VI. §. VIII. furiosus, licet uxorem ducere non possit, matrimonium tamen retinere potest. Decreti pr. II. causa XXXII. c. XXV. qui matrimonium sani contraxerint, iis, ob infirmitatem, vel corporis damna, conjugia solvi, non licet. Decret. Gregor. l. IV. tit. VII. c. I. lepra superveniens nec matrimonium, nec ejus effectum dissolvit. Leges hæc justo & æquo utique consentaneæ sunt; licet illis constitutiones CXI. & CXII. Imperatoris Leonis refragentur, concedentis scilicet, quod, ob uxoris furorem ultra tres, & mariti ultra quinque annos durantem, matrimonium solvi possit.

## §. II.

*Causæ.*

**I.** Morbi, conjugii tempore culpose contracti, v. c. lues venerea ex impuro coitu orta, adeoque cum adulterio, atque indubio contagii periculo, conjuncta, justam divortii causam suppeditant; nisi pars læsa in matrimonii continuationem sponte consenserit.

**II.** Mor-

II. Morbi insanabiles scopo matrimonii contrarii, ante initum conjugium jam præsentes ac dolose dissimulati, vid. c. X. §. VI. III. Incorrigibilis coeundi impossibilitas in utroque sexu, non demum in conjugio contracta; non autem sterilitas, quæ quandoque non nisi relativa ac temporaria est, justæ divortii causæ sunt, vid. *Hucheri Bellovaci* tr. de utriusque sexus sterilitate, Genevæ MDCIX. & Colonia MDCX. *Jo. Usleber* de utriusque sexus sterilitate, Altorf. MDCLXXII.

§. III.

Viri impotentia vel temporaria, *Impotentia virilis.* & sponte vel arte sanabilis est, v. c. quæ a morbo gravi aliquamdiu relinquitur, a nimio concubitu contracta, vel phimosi naturali aut morbosæ debita; vel perpetua & immedicabilis est. Non illa, sed hæc justam divortii causam suppeditat, v. c. si virga virilis naturaliter deficit, vel ante conjugium amputatione ablata fuit, vel adeo male conformata est, ut ad coitum præstandum prorsus inhabilis sit. Teste *J. B. Morgagno* de sedibus & causis morborum per anatomen indagatis, l. III. ep. XLVI. art. IX. & X. si corpora penis cavernosa majora defunt, vel non tenduntur, aut urethra non nisi semicanalem format, corpus spongiosum minus justo brevius est, & glans sub tentigine flaccida manet; viri, ex mala penis conformatione, impotentes sunt; quin & hypospadiæ, quibus non in glande, sed sub frenulo, urethra patet, uxores raro imprægnant.

## §. IV.

*Leges.* Licet Decreti part. II. caussa XXXII. quæst. I. assertum fuerit, quod propter impossibilitatem reddendi debitum mulier a viro suo separari non possit; officio scilicet conjugium confirmante: attamen Decret. Gregor. I. II. tit. XIX. sequentia cauta sunt: Marito, se uxorem cognovisse, etiam cum juramento asserenti, non creditur; si uxor per matronas attestantes, per ipsius corporis aspectum, contrarium probaverit, l. c. tit. XV. c. I. Marito ad divortium provocante, & se impotentem esse, asserente, & muliere hoc idem fatente, matrimonium indistincte dirimi posse, concessum est. Ubi vero, muliere agente, vir se potentem asserat; nisi per corporis aspectum, vel alio indubitato modo convincatur, mulierem audiendam non esse, viro autem confitente vel convicto, matrimonium separari, atque mulieri contrahendi licentiam dari posse, ibidem legimus.

*Schol. I.* Cum crypsorchides, quorum supra mentionem feci, non solum ad coitum apti, sed aliis etiam salaciores sint; sola scroti vacuitas divortii causam minime suppeditat.

*Schol. II.* Hermaphroditos ad alterutrum sexum pertinere, jam supra monitum est, & si de illis quæstio incidit, an conjugium inire, vel in illo manere possint, nec ne? partium genitalium aptitudo aut ineptitudo ad coitum ab artis peritis investiganda, atque in foro ecclesiastico pronuntianda est, vid. *Nic. Matthieu* diss. an hermaphroditus utroque sexu potens? Paris. MDCLXIX.

## §. V.



§. V.

Ubi de viri impotentia suspicio vel quæstio oritur, ante omnia ab artis peritis causæ frigiditatis investigandæ sunt, & si, ut sæpius accidit, non nisi temporariæ existunt, auxiliis idoneis tollendæ sunt; atque id fieri posse, Medicorum doctioribus atque exercitatoribus satis notum est. Experimentum vero quod ad penis erectionem, calore externo admoto, procurandam vulgo suscipitur, viro pudico, in aliorum præsentia, inconueniens esse videtur, nec natura solo calore externo ad venerem excitandam utitur. Procurata corporis sanitas, mentis otium, corporis quies, diæta laeta, moderatus vini generosi potus, &, ubi opus sit, remediorum roborantium extrinsecus atque intrinsecus aliquamdiu continuatus usus, nec non licita cum iuvenula pulchra conversatio, multo præstantiora ad frigidos excitandos calefaciendosque auxilia sunt. Morosum neonuptarum quarundam ingenium, verba & facta non amorem contemptum mariti manifestantia, haud raro timidos ac frigidos faciunt, quos natura utique potentes redditit. Teste H. F. Teichmeyero in medic. legali, c. XV. p. CXII. Animi affectus venerem primario supprimunt vel excitant. Discordia, morositas, contemtus, iræ, tristitia, corporis immundities ac fætor illam restringunt; hilaritas contra, blandities, formositas veraque amoris testimonia veneris sensum stimulumque augment. Causæ morales vel physicæ superabiles, vel incurabiles, ab artis peritis detectæ, in foro pronuntiandæ sunt, & dein a iudice, an conjugium continuandum

*Potentia viril. investigatione.*

vel solvendum sit, decernendum est, vid. *Russ. Wilh. Krausii* diss. de frigidis, Jenæ MDCLXXVI. *Andr. Gressii* diss. an, ut virginitatis, sic & virilitatis certa indicia? Paris. MDCCXIII. *Mart. Schurigii* spermatologia historico-medica, Francof. MDCCXX.

## §. VI.

*Feminarum sterilitas.*

Cum sterilitatis causæ quandoque curabiles sint, interdum in partibus interioribus lateant, adeoque tunc rite dijudicari nequeant, v. c. in nonnullis internum uteri os clausum est, vel tubæ Fallopiianæ imperviæ, cum ovariis concretæ, aut ipsa ovaria scirrhusa sunt. His tamen non obstantibus, si femina, maritum admittere potest, licet ceteroquin sterilis sit, in matrimonio retinenda est. Si in atretis hymen columna ita firmatus est, ut viri congressum excludat, id vitium sectione corrigi potest, vid. *de Haller* icon. anat. fasc. I. tab. III. fig. VI. lit. c. Ubi vero tota vagina ante matrimonium concreta est, adeoque via arte aperiri nequit; tunc justam divortii causam hoc vitium suppeditat. Uterque atretarum casus ab *A. C. Celso* l. VII. cap. XXVIII. sequenti modo descriptus est: feminarum naturalia nonnunquam, inter se conglutinatis oris, concubitus non admittunt. Idque interdum protinus in utero matris evenit; interdum exulceratione in his partibus facta, & per malam curationem his oris sanescendo junctis. In priori casu membrana ori vulvæ opposita est, in posteriori caro id replevit. Conf. *G. W. Wedelii* diss. de atretis, Jenæ MDCCIX. *J. L. C. Wige-*

*Wigellii* diff. de atretis, Giesse MDCCLXI. Decret. Gregor. l. IV. tit. XV. c. VI. propter mulieris arctationem, si apparet, quod absque periculo corporali habilis reddi non possit, matrimonium separatur. Si, quod tamen nonnisi rarissime accidit, ex connato vitio uterus prorsus deficit, idem obtinet, vid. *Jo. Bapt. Morgagnus* de sedibus & causis morborum &c. l. III. ep. XLVI. art. XIII.

*Obs.* Interdum vaginæ arctitudo, adeoque inde dependens sterilitas nonnisi relativa est, & *Dn. J. S. Strykius* de jure sensuum diff. I. c. I. thes. LV. in casu dubio utrumque sexum, ne judex fallatur & proportio appareat, inspiciendum esse, monuit. Mulieris aliquo modo arctæ exemplum in medicina forensi Lipsensi cent. VI. c. XXIX. relatum est, quæ a marito debili cognosci non poterat. Hanc pro clausa Medicus atque obstetrices declarabant. Forum ecclesiasticum, hac pronuntiatione nixum, matrimonii solutionem concessit. Mulier, a marito separata, postea alium virum admisit, a quo uno coitu imprægnata est. A judicibus interrogata, cur alii corpus subjecisset? se id ideo fecisse, respondebat, quia inhabilis ad matrimonium declarata fuisset.

## §. VII.

In viduis iterum nubentibus in- *Aliæ cau-*  
corrigibilis uteri prolapsus, nec non *sa.*  
vaginæ atque uteri ulcera insanabi-  
lia, coitum periculosum reddentia, justæ divortii  
causæ sunt, vid. *H. F. Teichmeyer* in medic. fo-  
rensi, c. XVI. p. CXXVIII. Quacunque autem

citra culpam, durante matrimonio demum sub-  
orta sunt, pro iusta divortii causa allegari ne-  
queunt; sed patienter ferenda sunt, vid. *Adami*  
*Molnari* diss. de causis sterilitatis in utroque  
sexu, Halæ Magd. MDCCXLVII.



## CAP. XI.

### *De mente laborantium verbis & factis stultis ac irreligijs.*

#### §. I.

*Eorum fa-  
cta non li-  
bera.*

**N**on solum delirio acuto & chro-  
nico, sed etiam majori melan-  
choliæ & mali hypochondriaco-hy-  
sterici gradu laborantes subinde  
verba stulta ac irreligijsa effutiunt, factaque le-  
ges humanas atque divinas impugnantia; & sibi  
aliisque noxia, nisi cohibeantur, committunt. Mo-  
nente *H. F. Teichmeyero* in instit. medic. legal.  
c. XVII. pag. CXLII. quod blasphemias attinet,  
notandum est, omnes delirantes, quales sunt  
phrenetici, melancholici, inprimis vero maniacy,  
hoc vitio plerumque laborare.

#### §. II.

*Inculpa-  
bilia.*

**C**um in phreneticos & maniacy  
atque his similes rationis usus non  
cadat, nec in his semper locum ha-  
beat; nec verba, nec facta sapientia ab illis ex-  
pectanda, nec insulse dicta stulteque facta, iis  
impu-

imputanda, multo minus punienda sunt; hic enim non pœnis corporis afflictivis aut supplicio, sed miserorum custodia ac curatione opus est. *Decreti pr. II. caussa XV. quæst. I.* cautum est, ne ea, quæ alienata mente fiunt, imputentur. Quando igitur ejusmodi deliramenta accidunt, in ægrotorum statum, postulante judice, a Medicis inquirendum est; ut mentis vitio detecto custodiri ac curari possint, vid. cel. *E. G. Bosii* diss. de mentis morbis delicta excusantibus, Lips. MDCC-LXXIV.

### §. III.

Tot verborum factorumque insipientium exempla in Medicorum practico- *Casus.*  
rum observationibus annotata sunt, ut de hac plurium miseria nemo dubitare possit. Ex iis, qui mihi obtigerunt, pace B. L. quædam tantum prolaturus sum. Cum ante VI. iustia Hala Magd. iter Erfurthum facerem, in media via occurrit mihi vir, de cujus statu melancholico tetra facies atque oculi concavi satis testabantur. Hic me inclamans, se prophetam esse, & Dei mandata mihi adferre, profitebatur, gradumque sistere, jubebat. Ut breviter rem expediret, rogavi; cum, cœlo jam advesperascente, longa via mihi restaret. Deum regem ex septentrione meretricem babyloniam perditurum, excitaturum esse, nugabatur. Recte, inquam, & gradus corripere incipiebam. At ille plena voce, diutius, multis restantibus, expectandum esse, jubebat. Ego, an nemo Medicus hic locorum commoretur, cui curandus tradi posset, respondi. Hoc audito, ille insaniens, multis nugis anathema contra

contra me effutiebat; ego vero, deliramentorum ejus pertæsus, cura, ut valeas! respondi, missoque stulto iter meum prosecutus sum. Quis, quæso, huic homini non castigatione, sed potius helleboro opus fuisse, non arbitraretur?

#### §. IV.

*Alter casus.*

Alter casus senem primo melancholicum, dein maniacum, & denique curatum, attinet. Hic temperamento melancholico præditus, maximam juventutis atque ætatis consistentis partem in regione calidiore, rei quærendæ causa, transegerat. Postea in patriam redux, manifesta melancholiæ signa subinde edidit, & notabili fortunarum suarum parte a fraudatore quodam privatus, in tantum mania gradum incidit, ut violentas manus sibi inferens, abdomen suum cultro ita fauciaret, ut quædam vulnera in hujus cavum penetrarent. Inter maniam furor subinde emicabat, per reliqua temporum intervalla taciturnus, morosus, anxius atque timidus erat, &, si quis ædes ejus introiret, lictorem a judice mitti, ut insons ad supplicium raperetur, exclamans, toto corpore tremebat. Præter hanc phantasiâ alia sæpius vexatus, se sine dubio gravidum, foetumque brevi editurum, & sponsores sibi quærendos esse, serio affirmabat. Eo tempore, quo totus in solvendis & successive exturbandis humoribus atrabilaribus occupatus eram, parochus quidam, curæ sacrae causa sæpius illum conveniens, ad peccatorum agnitionem fidemque in optimum Servatorem omni studio illum compellere conabatur. Quæstionem: an peccator esset? semper quidem affirmava-

firmabat; sed alteram: an Christus etiam illius causa mortuus esset? pertinaciter negabat; probabiliter metuens, ne ex ista confessione culpa & pœna in illum recideret. Interea Theologus noster, se illum ad legis, non autem ad evangelii agnitionem perducere posse, sapius querebatur. Cui, me interroganti, id consilii dabam, ut pias preces pro misero ægroto funderet, nec prudentes a stulto responsiones expectaret; me vero omnem lapidem moturum esse, ut, proscripta materia atrabilaria, cum sanitate in gratiam rediret, & interea spondere, a curato tam legem, quam evangelium admissum iri; quod etiam denique factum est. Accedente scilicet febre quartana, ejusque recta tractatione, magna materię atrabilarię quantitas, picis liquatę instar, per alvum excernebatur, ægrotus ad se rediit, & postea a verbis factisque stultis abstinuit. Interea bonus ille parochus nescio quid huic ægroto inesse, & judicium meum de ejus statu suspiciosum, nec satis religiosum, esse arbitrabatur; donec felix morbi curatio utrumque errorem illi eriperet.

## §. V.

In sene melancholico, epilepsia *Tertius.* & cephalę sapius laborante, &, brevi ante apoplexiam lethalem, plura verba irreligiosa, parochus admodum displicentia, proferente, meningum vasa valde distenta, ventriculi cerebri anteriores sero repleti, processus falciformis fere totus in laminam osseam mutatus, hinc inde eminentiis osseis acutis obstitus, totum sinus sagittalis latus dextrum, atque ex parte etiam sinistram

nistrum, ossæa natura præditum, ipsumque cerebrum ac cerebellum duriuscula reperiiebantur; vid. *D. I. W. C. Baumeri* diss. de meningibus, Gieslæ MDCCCLXXV. Consimilis casus a *Dn. I. B. Morgagno* l. c. l. II. ep. XXV. art. VI. relatus est.

## §. VI.

*Quartus.* Alius tristior stulti stolidæ atque injuste tractati casus a *Dn. G. E. Stahl* in diss. de animi morbis, Halæ Magd. MDCCVIII. edita, relatus est; cujus particularia me ex *Dn. Joan. Funckero*, Stahlî discipulo, audire, memini. Sed generalia ex dicta dissertatione hic posuisse satis sit: Vir quidam melancholicus, morbum suum taciturnitate, anxietate, timiditate, & subinde verbis insulis satis declarans, & post fortunarum suarum decrementum, contra providentiam divinam stulta verba proferens, e. g. se satis diu preces perperam fuisse, benedictionemque divinam frustra expectasse; jam se optare, ut Deus res suas sibi habeat, sibi vero etiam suas relinquat, in quadam Thuringiæ urbe, ubi acta judicialia adhuc servantur, contra collegiorum medicorum responsa, primum exilio, & paullo post revertens, & in columbario suo aliquamdiu delitescens, ex hoc protractus, parochæ quodam & urbis quæstore judices instigantibus, contra jus fasque, ad ultimum supplicium raptus, & sub continuis vociferationibus ac supplicationibus, ut sibi sua miseraque vita relinquerentur, se etiam Deo sua relicturum esse, decolatus fuit.

*Schol.*



*Schol.* Homines turbas respectu religionis in republica excitantes sæpius etiam dubiæ mentis sunt. Hi, pro re nata, vel medicandi, vel veris rationibus erroris sui convincendi sunt. Refractarii autem, servandæ tranquillitatis publicæ causâ, vel carceribus coercendi, vel proscribendi, suppliciis autem afficiendi non sunt; etenim sponte resipiscentium, atque phantasmata sua repudiantium, exempla non desunt. Hoc optimus Servator noster Matth. c. XIII. v. 29. indicasse videtur, dissuadendo, ne servi in agro suo, bono semine confito, zizania colligant, & simul cum illis triticum eradicent; sed jubendo, ut utraque ad messem usque crescere sinant, & tum temporis, domini jussu, zizania collecta comburantur, & triticum in horreum recondatur. Nec nos, præjudiciis capti, alios, ut in hanc vel illam turbam concedant, vi adigamus. Veritatis momenta, si id officii ratio postulat, proposuisse, & incapaces vel refractarios fatis suis reliquisse, factis est, nec ullibi, ut ideo ferro, aut igne grassaremur, permissum est. Damnosum potius convertendi pruritum in Phariseis Servator noster merito quoque reprehendit, Matthæi c. XXIII. v. 15. inquiens: vae vobis, Pharisei hypocritæ; quia circumitis mare & terram, ut unum profelytum faciatis, & cum fuerit factus, cum filium gehennæ duplo magis, quam vos estis, facitis.



## CAP. XII.

*De dæmoniacis & sagis.*

## §. I.

*Dæmoni-*  
*aci.*

**T**heologorum sententias de malorum spirituum potentia in corpus humanum varias esse, notum est, nec istas impugnare, aut inter se conciliare, ad forum medicum pertinet. At, ex rerum naturalium & caussarum morbificarum ignorantia, plures a veteribus pro dæmoniacis falso habitos fuisse, & ab imprudentioribus adhucdum haberi, manifestum est; phantasiam corruptam, maniam, furem uterinum, ecstasin, catalepsin, motus epilepticos, variasque spasmodorum rigidorum cum mentis alienatione atque eclipsi conjunctorum species, v. c. tetanum, emprosthotonum, opisthotonum &c. huc referre possumus. Ubi igitur ejusmodi quæstio incidit, ante omnia in illorum statum, qui pro dæmoniacis habentur, a Medicis prudentibus inquirendum, atque, an dolo malo morbus simuletur, aut qualis morbus vere adsit, ex symptomatum collatione dijudicandum, &, re exigente in foro pronuntiandum est; ne fictis, variis ac falsis publicum, imprimis vulgus credulum, ludificetur, vid. *Jo. Casp. Westphali* pathologia dæmoniaca, Lips. MDCCVII. *Georg. Dethardingii* diss. de obfessione eademque spuria, Rostochii MDCCXXIV. *Elia Camerarii* diss. de cauta miraculorum in foro medico dijudicatione, Tubing. MDCCXXXIII.

Dn.

*Dn. Kurella* Gedanken von Besessenen und Bezauberten, Halle 1749. *Dn. D. Joh. Semlers* Untersuchung der dämonischen Leute oder sogenannten Besessenen, *ibid.* 1762.

§. II.

Maleficos homines venenis aliis- *Vene-*  
que malis artibus aliorum valetudinem *fici.*  
lädere, quin eos occidere, posse, nulli dubio sub-  
jacet, multisque casibus criminalibus demonstra-  
tum est. Nociva autem hæc omnia non nisi per  
immediatum contractum lädunt, atque etiam in  
illis casibus, ubi per invisibilia effluvia corpori  
sefe insinuantia, nocent. Pyricam autem in  
corpus distans actionem locum non habere, a  
philosophis dudum demonstratum est. Ubi igi-  
tur quæstio de morbo per magiam excitato aliis-  
que ejus effectibus vulgo creditis oritur, etiam  
in hæc per prudentes physicos atque medicos in-  
quirendum, nec aliorum damnum superstitioni  
litandum est. Providentiæ divinæ, atque viro-  
rum prudentissimorum optimarumque in rem  
publicam partium operæ, debemus, quod pyræ  
tandem ardere cessaverint, nec publica justitiæ  
administratio, in religionis ac rationis humanæ  
dedecus, injustis cædibus commaculetur. Distæ-  
det meminisse, quanta temporibus superstitionis  
mala atque damna inde orta sint. In sola Lo-  
tharingia seculo XVI. nongentos homines, sub  
fortilegii titulo, intra XV. annos concrematos  
esse, *Nicol. Remigius*, Ducis Lotharingiæ a con-  
siliis intimis, in tribus de dämonolatria libris,  
Francofurti MDXCVII. editis, quasi re bene ge-  
sta gloriatus est, vid. *Jo. Wieri* de præstigiis  
K damo-

dæmonum, incantationibus & veneficiis l. v. Basil. MDLXIII. *Frid. Spee* cautio criminalis de processibus contra sagas, Francof. MDCXXXI. & Solisbaci MDCXCVI. *Geor. Abr. Mercklini* sylloge casuum physico - medicinalium, incantationi vulgo adscribi solitorum, cum judiciis & curationibus, Norimb. MDCXCVIII. recusa MDCCXV. *C. Tomafius* de crimine magiæ ut & origine & progressu processus inquisit. contra sagas. *Eliæ Camerarii* diss. qua magici morbi historia attentius pensatur, Tübingæ MDCCXXIV. *Erici Gustavi Toppii* diss. de natura morborum, incantationi falso adscriptorum, explanatione, Lugd. Bat. MDCCXXVIII.



## CAP. XIII.

### *De autochirorum sepultura.*

#### §. I.

*Falso crediti.*

**A** latronibus atque ficariis interfectorum, & in avtochirorum habitum positorum, exempla non defunt. Parochum senem, optimæ famæ, noctu in ædibus suis laqueo a furibus suspensum suffocatumque, pro avtochiro probabiliter habitum, & minus solenniter humatum esse, memini; usque dum, nonnullis annis post homicidio illo a latronibus, ob alia scelera captis, confesso, iusta ipsi solemnia persolverentur. Fur quidam, ergastularius, noctu captivorum, custodiæ

diæ suæ creditorum, quosdam solvere & cum illis multa atque insignia furta in celebri quadam Thuringiæ urbe, sine ulla suspitione facere solebat. Quendam captivum, ob instans liberationis tempus, furtis interesse recusantem, in carcere suspendebat, eumque avtochirum esse, ad judicem defererebat; a quo asinina defuncti sepultura decernebatur. Aliquando post fur ille atque homicida in mandatis a judice accepit, ut, militibus comitatus, captos quosdam fures arcesceret. Ab his pro socio suo agnitus, atque pro insigni latrone declaratus, inter alia sua facinora modo propositum homicidium confessus, & capite plexus est. In dijudicanda igitur avtochiria circumspicte agendum esse, patet.

## §. II.

Sana mente privati, sive id ex *Mente la-*  
delirio acuto aut chronico, malo hy- *borantes.*  
sterico aut hypochondriaco determi-  
nato, melancholia aut mania contigerit, sibi ipsis  
manus violentas inferentes avtochiri dolosi non  
sunt, nec respectu sepulturæ gravius quid con-  
tra illos decernendum est. In *Nemese Carolina*  
tit. CXXXV. de hac re sequentia præcepta sunt:  
Wenn sich eine Person aus Krankheit des Lei-  
bes, Melancholie, Gebrechlichkeit der Sinnen,  
oder andere dergleichen Blödigkeiten selbst tödet; so  
soll die Strafe eigener Tödtung nicht statt haben.

## §. III.

Si quis se ipsum necaverit, & *Sectionis*  
mentis status dubius exstiterit, cor- *legalis ne-*  
poris mortui sectione legali opus *cessitas.*  
K 2 est.

est. In mente laborantium capitibus plura præternaturalia modo non semper deprehendi solent, v. c. mala cranii conformatio, meningum hinc inde orta ossescentia, præternaturalis vasorum encephali, imprimis piæ meningis, expansio ac turgescencia, tumores, scirrhi & ulcera in ipsa cerebri substantia, insolita hujus durities, serum acré cerebri ventriculos occupans &c. quæ non possunt non humorum in encephalo circuitum turbare, & mentis actiones lædere. Præter hæc fontica viscerum obstructio & coalescencia, humores atrabilarii, calculi bilarii &c. inter melancholiæ, quin & maniæ signa merito referuntur. Ejusmodi igitur status morborum in corpore mortuo rite investigandi, atque in foro pronunciandi sunt.

#### §. IV.

*Casus.* Bubulci cujusdam uxor, post partum difficilem, hemicrania dextri lateris fere continua laborabat, ac de dolore in sinistro capitis latere intrinsecus rodente querebatur. Moliminum menstruorum tempore maniaca fiebat, atque aufugiens, nonnullos dies in sylvis campisque commorabatur, & mitescente paroxysmo, ad maritum redibat. Annum quinquagesimum agens, similemque tragœdiam ludens, in sylva vicina veterem quercum, in media altitudine concavam, magnoque foramine apertam ascendens in dicta cavitate se abscondebat, regressuque, ob ejus altitudinem, impossibili, in illo moriebatur. Postea a venatore extremum hominis pedem per foramen minus, in cavitatem majorem penetrans, conspiciente, detecta, atque dein

dein ascibus ex arbore excisa, cultroque anatomico subjecta fuit. In hac digitos ab eluctandis nixibus laceratos cruentatosque, cerebrum diutiusculum, & vasa piæ meningis, in sinistro capitis latere, adeo distenta atroque sanguine repleta vidi, ut diametro naturali triplo majora essent. Quis hanc, miseria sua oppressam, spontanea præmeditataque morte se affecisse, crederet?

§. V.

Ubi vero in avtochiris nulla de- *Avtochiri*  
lirii signa apparuerunt, sed vel homi- *ri veri.*  
nes, perditissimis moribus præditi, vitæ usum  
susque deque habuerunt, aut malefici, majus  
supplicium effugiendi scopo, se ipsos quacunque  
ratione necarunt; tunc utique pro avtochiris  
habendi sunt, atque sepultura infamis merito il-  
lis decernitur. In *Nemese Carolina* l. c. se-  
quens de hac re decretum legimus: Wenn je-  
mand in Recht gesodert oder gebracht wird, von  
Sachen wegen, so er der überwunden, sein Leib  
und Gut vermurkt hätte, und aus Furcht solcher  
verschuldeter Straf, sich selbst ersödter; so soll die  
Strafe eigener Tödtung statt haben.

§. VI.

Re exigente, sepulturam igno- *Sepultura*  
miniosam, vel si de hujus causa suffi- *ignomini-*  
ciente non satis certus est, minus so- *osa.*  
lemnem judex ecclesiasticus, sed avto-  
chirorum atque in reatu mortuorum sepulturam  
asininam, a carnifice in loco infami perficien-  
dam, judex politicus decernit, vid. *Dr. Bocri-*  
*fiii* diss. de eo, quod justum est circa propricida-  
rum sepulturam.



PARS VI.  
DE JURISPRUDENTIA  
MEDICO - CRIMINALI.

---

CAP. I.

*De illa generatim.*

§. I.

*Quæst. huc spectantes.* In nulla juris parte, quam in criminali, tam multæ quæstiones occurrunt, ad quarum solidam discussionem, & justitiam caute administrandam, Medicorum opera judicibus opus est. Huc quæstiones de stupro violento, nociva potulentorum adulteratione, veneficiis, vulnerum lethalitate, de suffocatis, infanticidio, tortura, pœnis corporis afflictivis, ultimo supplicis, atque de inquisitorum ex rationibus medicis defensione, pertinent.

§. II.

*A quibus dijudicanda.* In omnibus casibus, quorum causæ, indoles atque effectus ex principiis physico - medicis dijudicandæ sunt, Medici, tamquam artis periti, audiendi sunt, & judicis eorum operam tunc



tunc negligentis sententia lata omnino nulla est. Ut vero datus casus sollicitè indagetur, & de eo, secundum artis regulas, atque ut res ipsa fert, ad judicem referatur, Medicorum est; quo ille firmum sententiæ juste ferendæ fundamentum habeat.

*Schol.* Qua ratione, ad corpus delicti rite constituendum, ejusmodi investigationes omnium optime perficiantur, in prolegomenis de Medicorum officio in casibus medico-legalibus eruendis, dijudicandis, atque in foro pronunciandis, abunde dictum est.

\*\*\*\*\*

## CAP. II.

### *De stupro violento.*

#### §. I.

Cum in foro criminali de stupro violento agitur, ex viribus accusantis atque accusati inter se probe comparatis, an locum habere potuerit, nec ne? colligendum est. Femina debili a viro robusto vim inferri posse, concipi potest, nefandisque casibus comprobatum est. At a viro debili feminam multum valentem, contra ejus voluntatem, comprimì posse, nisi adjutores adhibuerit, vel malas artes in usum traxerit, omni probabilitate destituitur. Ex ordinis medici Lipsiensis responso in casu virginis XVII. annorum, stuprum violentum sibi a quodam illatum esse, querentis, Dn. Teichmeyerus in med. for. c. IV. p. XXVIII.

*An possibile.*

sequentia retulit; ex connexis, quæ in coëundi actu occurrere soleant, minus credibile esse, masculum aliquem nubilem virginem, excepta impube, tenera aut ebria, absque ipsius consensu, vitare posse; dum feminæ cuique, penis immissionem multis modis impedire, quam viro invitæ intrudere, facilius sit.

*Schol.* De facinoroso marcoticorum, v. c. opii, daturæ, mandragoræ usu, vid. Dn. *Mich. Alberti* system. jurispr. med. prior. I. c. III. §. XVI. & pr. poster. cas. XX.

## §. II.

*Ejus signa.* In virgine tenera a viro robusto recens violata stupri vi illati naturalium tumor, inflammatio, cruentatio, & hymenis atque in impuberibus quandoque unius alteriusve nymphæ dilaceratio, signa sunt, vid. juris medico-eccles. cap. VIII. Brevi post factum signa hæc ab artis peritis, ventris inspectione, investiganda atque in foro pronuncianda sunt. Dn. *H. F. Teichmeyer* l. c. p. XXVIII. duo, inquit, exempla puellarum V. circiter annorum stupratarum mihi nota sunt, in quarum una, a violenta penis intrusionem, non tantum inflammationes enormes, sed etiam exulcerationes sequebantur. In altera, præter modo recensita symptomata, pedum paralysis fere incurabilis superveniebat.

## §. III.

*Signorum absentia.* In feminis viri congressum jam sæpius passis dicta stupri violenti signa locum non habent. Quin & post

post violentam virginis deflorationem, nisi læsio impuberis enormis fuerit, intra hebdomadis spatium, excepta hymenis dilaceratione & vaginæ dilatatione, iterum disparent. Ubi autem mulier a pluribus violenter constuprata fuerit, etiam tumoris atque inflammationis signa in muliebribus paullo post comparent, vid. Dn. I. A. Gerstlacheri tr. medico-legalis de stupro, in usum eorum, qui jurisprudentiæ operam dant, & præcipue eorum, qui in foro versantur.

§. IV.

Abominabilis pæderastiæ signa Pæderastertrigo, excoriatio, inflammatio, fissuræ, excrescentiæ in illis locis, sphincteris laxitas & intestini recti prolapsus sunt, vid. H. F. Teichmeyer loc. cit. c. IV. p. XXXI. & XXXII. & Dn. P. E. Hartmanni diss. de pædicatore noxio & infesto reipublicæ cive. Francof. ad Viadr. MDCCCLXXV.

C A P. III.

*De nociva ac dolosa vinorum adulteratione.*

§. I.

Plura quidem potulenta nocivis artibus adulterari solent, de quibus avertendis atque coërcendis in politia medica, anno proxime præterito a

*Vinorum adulteratio saturninis.*

me edita, c. V. §. LXXII. uberius a me dictum est. Inprimis tamen vinorum adulteratio saturninis, maxime lithargyrio, facta sæpius occurrit, & valetudini admodum inimica, quin deleteria est; hoc enim pessimo mangonio vina austera dulcare, & simul valde noxia reddere, fraudatores solent. Teste Dn. C. G. *Ludwig* instit. physiol. diæt. §. DVIII. vina acida lithargyrio dulcata & corrupta valdopere nocent; non enim ab eo pars spirituosa deficiens vino conciliatur, sed inde ipsi ea potius indoles tribuitur, ob quam humorum lentor & lymphæ spissitudo; hinc lentæ obstructions in corporibus nostris eveniunt. Conf. Dn. *Gækeli* Beschreibung des durch die Silberglöte verführten sauren Weins, und der davon entstandenen vormahlß unerhörten Weinfrankheit. Dn. *Jo. Zelleri* diss. qua docimasi- am, signa, causas & noxas vini lithargyrio mangonifati exhibet, Tubingæ MDCCXVII. Dn. H. G. *Mathiessen* diss. de vinis lithargyrio infectis, & colica peretico-convulsivæ ex eorum haustu oriunda, Gryphsw. MDCCCLXV. Dn. *Sam. Theodor. Quelmalzii* diss. de vinis mangonifatis, Lips. MDCCCLIII. Dn. *F. A. Cartheuseri* progr. de quibusdam vinorum adulterationibus, quæ additamentis mineralibus peraguntur, Giess. MDCCCLXXVII.

## §. II.

*Vegetabilibus peracta.* Dantur etiam vinorum corruptelæ vegetabilibus procuratæ, non æque quidem noxiæ, attamen valetudini adversæ, v. c. salvia sclarea, (exotica) hominino pratenfi, vel sambuci floribus, vinis saporem

porem moschatellinum, sed simul vim quandam narcoticam conciliant. Colocynthis vel turpethi vegetabilis additiene vinum amaritie donant, sed & doloribus colicis occasionem præbent, vid. Dn. F. A. Cartheuser in progr. de quibusdam vinorum adulterationibus, sanitati noxiis, quæ additamentis vegetabilibus perficiuntur, Giesæ MDCCLXXVII.

### §. III.

Si qua vinorum adulteratorum *Adultera-*  
suspicio incidit, judicis est, sine mo- *tionis in-*  
ra procurare, ut ab artis peritis eum *vestigatio.*  
in finem studiose in illud inquiratur;  
quo damnum a civibus avertatur, atque in noxios  
graviter animadvertatur.

*Obs. I.* Quandoque non dolose, sed cul-  
pose, vinorum adulteratio accidit, cujus rei ex-  
emplum a doliario imprudenter commissum, &  
cum nonnullorum mortibus conjunctum, mihi  
innotuit; in quo casu non nisi pœna extraordi-  
naria locum habet.

*Obs. II.* Si Medicus, ab aliis rogatus, do-  
lum in vinis adulterandis privatim detexit, id si-  
lentio tam diu premat, usque dum idem autori-  
tate publica investigatum sit; ceteroquin œnopolæ  
fraudenti cum doliariis, vinorum curam haben-  
tibus, & pretio oblato corruptis, vinorum infe-  
ctorum filtratione, & largiore vini bonæ notæ  
admixtione, novum scrutinium perdifficile, quin  
impossibile, reddere solent.

### §. IV.

## §. IV.

*Eam institu-  
endi modus.*

Vinis lithargyrio aliisque saturninis adulteratis dijudicandis liquor docimasticus, ex auripigmento & aqua calcis vivæ, leni coctione vel digestionem, recens conficiendus, utilis est. Hoc liquore, hepatis sulphuris arsenicalis naturam habente, in vinum suspectum successive ac sufficienter instillato, pro diverso adulterationis gradu, actutum, vel successive, sedimentum rubeum, purpureum vel nigrescens ad fundum agitur, vel, in leviori adulterationis gradu, in ejus superficie color rubeus comparet, totumque vinum turbidum fit. At in vino genuino non nisi sedimentum album conspicitur.

=====

## CAP. IV.

*De venenis.*

## §. I.

*Venenum.* **O**mne corpus, quod, determinata dosi datum, sua natura ac vi, nisi in tempore impediatur, gravem morbum certamque mortem animalibus adfert, venenum, toxicum, pharmacum deleterium, dicitur. Prout venena cito vel tarde nocivos suos effectus producant; acuta vel tarda dicuntur, & prout ex regno minerali, vegetabili aut animali ortum traxerunt, mineralium, vegetabilium aut animalium nomen accipiunt. *Petr. Forestus* obs. &

& curationum medic. l. XXXI. obs. I. p. X. venenum, inquit, licet exiguum sit in substantia; ejus tamen operatio valde magna est; unde accidit, ut nocumentum corpus illico sentiat.

*Schol.* Quædam venena in perparca dosi data vel admodum diluta, pharmacorum vicibus funguntur, v. c. Mercurius acidis variis junctus, acida mineralia, elaterium, opium &c. ceteroquin caute hic semper mercandum esse, nemo non videt.

## §. II.

Venena mineralia partim caustica & corrosiva, partim styptica sunt. *Venena mineralia.* Illis cuprum, aurichalcum ochra cupri naturalis, arsenicum calciforme, crystallinum, flavum, rubrum, (scandaraca, realgar, Rauschgelb) ejus regulus & mineræ, auripigmentum, pyrites arsenicalis (Mistpissel) cobaltum porosum friabile (Fliegenstein), tessulatum, (Scherben-Robold) retiforme (gestrichter Robold), regulus, flores & vitrum antimonii &c. acida mineralia concentrata, acida metallis vel semimetallis juncta, aurum fulminans, crystalli lunæ, lapis infernalis, viride aëris, antimonii hepar, crocus metallorum, butyrum antimonii, mercurius vitæ, mercurius sublimatus, dulcis male præparatus, variæ mercurii præcipitati species, albus, ruber, viridis, luteus, solaris, sal alcalinus, fixus, causticus, accensenda sunt. Ad styptica vel adstrictoria saturnum ejusque præparata, e. g. flores, calces, lithargyrium, alumen, vitriola & gypsum referimus, vid. cel. Dn. Jo. Frid. Gmelini allgemeine Geschichte der mineralischen

lischen Gifte, Nürnberg 1777. *Chr. Gotofr. Stenzelii* diff. de venenis terminatis & temporariis, quæ poudres de succession Galli nominant, Wittenb. MDCCXXX. *Ejusd.* diff. de venenis acutis, ibid. MDCCXXXII.

*Schol.* Quorundam mineralium, v. c. plumbi, mercurii, arsenici, sulphuris, acidi salis communis, (giftige und erstickende Schwaden) calcis vapores, maxime in locis clausis, deleterios effectus edere, satis notum est.

### §. III.

*Vegetab.  
venenata  
acria.*

Ex vegetabilibus venenatis quædam acria, & alia narcotico-acria sunt. Ad illa umbellifera venenata I. Conium maculatum, seminibus striatis, vel cicuta major terrestris Bauh. (der fleckigte Schierling.) II. Cicuta umbellis opposito foliis, petiolis marginatis obtusis vel virosa, aquatica Gesneri, vel sum erucæ folio Bauh. III. *Æthusa* petroselinum similis, vel cicuta terrestris minor. IV. *Oenanthe* crocata, foliis multifidis obtusis, subæqualibus, vel *œnanthe* cicutæ facie, succo viroso, crocato. V. *Oenanthe* fistulosa, stolonifera, foliis caulinis pinnatis, filiformibus, fistulosis. VI. *Phellandrium* aquaticum, vel *cicutaria* palustris tenui folia Bauh. *millefolium* aquaticum. VII. *Cicutaria* vel sum latifolium, foliis pinnatis, umbellis terminalibus, vel apium palustre Bauh. VIII. *Thapsia* foetida, foliis multifidis, basi angustatis. IX. *Chærephyllum* sylvestre Lin. seminibus lævibus, petiolis rameis æqualibus, vel *cicutaria* vulgaris Dodon.



**Dodon.** X. *Chærophyllum bulbosum* Lin. caule lævi, geniculis tumidis, vel cicutaria bulbosa **Bauh.** XI. *Selinum sylvestre*, radice fusiformi, multiplici. XII. *Selinum palustre lactescens* Lin. XIII. *Sphondilium vulgare hirsutum*, foliis pinnatifidis Lin. XIV. Variæ euphorbii species. XV. *Aconitum*, foliorum laciniis linearibus, superne latioribus, vel napellus flore cæruleo. XVI. *Ranunculus sceleratus*, foliis inferioribus palmatis, summis digitatis, fructibus oblongis. XVII. *Veratrum* caule romoso, racemo supradecomposito, corollis erectis, vel helleborus albus. XVIII. *Colocynthis*, vel cucumis foliis multifidis, pomis globosis, glabris. XIX. *Cucumer sylvestris*, asininus, vel momordica pomis hispidis, cirrhis nullis. XX. *Nerium*, vel oleander foliis lineari lanceolatis, ternis. XXI. *Rhus myrtifolia*. XXII. *Taxus* foliis approximatis. XXIII. Varia fungorum venenatorum genera pertinent, vid. Dn. *F. A. Knolle* sched. de plantis venenatis umbelliferis. Lips. MDCC-LXXI.

#### §. IV.

Inter venena vegetabilia narco- *Narcoti-*  
tico-acria variæ solanorum species, *co-acria.*  
aliaque, v. c. I. *Atropa* caule herpaeo, foliis ovatis, integris, bella donna, vel solanum furiosum, lethale, melanocerafus. II. *Solanum vulgatum*, officinarum, caule inermi, herbaceo, foliis ovatis, angularibus. III. *Mandragora*, *atropa acaulis*, scapis unifloris, (*Œschlaf-Äpfel.*) IV. *Datura*, vel stramonium, pericarpis spinosis, erectis, ovatis, foliis ovatis, glabris,  
vel

vel solanum foetidum, flore albo, pomo spinoso, oblongo Bauh. (Tgel = Kolben, Stech = Apfel.) *W.* Hyoscyamus albus, foliis petiolatis, sinuatis, obtusis, floribus sessilibus, & niger, foliis amplexicaulibus, sinuatis, floribus sessilibus. VI. Papaver orientale hirsutum, capsulis glabris, caulibus unifloris, scabris, foliosis, foliis pinnatis, ferratis, ejusque succus inspissatus, opium. VII. Lolium temulentum spica aristata, sciculis compressis, aristatis, referenda sunt, vid. Dn. *J. R. Spielmann* diff. de vegetabilibus Alsatiae venenatis, Argent. MDCCCLXVI. Dn. *J. F. Gmelin* allgemeine Geschichte der Pflanzengifte, Nürnberg 1777.

*Schol.* Dantur etiam vapores vegetabilium noxii, v. c. succorum fermentescentium, (gass Helmontii) prunorum in loco clauso, qui venenis suffocantibus accensentur.

## §. V.

*Animalia.* Cantharides, & venena, quæ viperarum, quorundam serpentum ac brutorum rabidorum, v. c. canum, luporum, felium morsu communicantur, inter venena animalia referenda sunt. Cum autem hæc magis ad pathologico-therapeutica, quam medicinam forensam pertineant; hic ea altius deducendi locus non est. Plura de his lecturus ill. Dn. *Jo. Theod. Ellerum* in philosophia corporis humani sani & morborum p. DCCCCII. &c. adeat,

## §. VI.

*Autores.* Plures, tam ex antiquioribus, quam recentioribus, autores habemus, qui de

de venenorum natura atque effectibus scripserunt, quorum partim in antecedentibus mentionem fecimus, partim in subsequen-  
tibus, re exigente, illorum commemoratio fiet. Jam, historiae causa, quosdam ex illis citaturus sum: *Ben. Schar-  
fii* toxicologia, Jen. MDCLXXVIII. *Geor. Wolf. Wedelii* diss. de venenis, ibid. MDC-  
LXXXIII. *Christ. Vater* de venenis eorundemque antidotis, Vitemb. MDCCVII. *Jo. Lindestolpe* de venenis, Lips. MDCCIX. *Jo. Lanzonii* tr. de venenis, in op-erib. ejus omnibus extans. *Will. Whinry* diss. de viribus venenorum. *Joan. Bäckler* de venenis, Argent. MDCCXXIX. *Christ. Godafr. Stenzelii* toxicologia pathologi-  
co-medica, Vitemb. MDCCXXXIII. *Jo. Jac. Bose* de potionibus mortiferis, Lips. MDCCXXXVI. *Rich. Mead.* mechanica venenorum expositio, Lugd. Bat. MDCCXXXVII. *Io. F. Cartheuseri* diss. de venenis eorumque differente indole, prin-  
cipiis activis, effectu singulari, & curatione spe-  
cifica, Francof. ad Viadr. MDCCXLI. *Andr. El. Büchneri* diss. de venenis, & diverso eorum  
agendi modo, Halle Magd. MDCCXLVI. *Lud. Henr. Leo Hilchen* diss. de venenis, Giesse MD-  
CCXLVIII. *Jo. Andr. Theod. Spragel* experi-  
menta circa venena varia in vivis animalibus in-  
stituta, Göttingæ MDCCCLIII. *Hilsefeldii* ex-  
perimenta circa venena, ib. MDCCCLX. *Val. Henric. Vogler.* diss. de venenis, Helmstad. MDCCCLXI.

## §. VII.

*Absoluta &  
relativa.*

Quædam venena, imprimis mi-  
neralia, deleterios in omnibus ani-  
L mali-

malibus effectus producant, v. c. arsenicum, ejusque mineræ, mercurius sublimatus, butyrum antimonii &c. Quædam venena vegetabilia nonnisi quibusdam animalium generibus noxia sunt, e. g. nux vomica brutis, non æque hominibus, deleteria. Aloë canibus & vulpibus nociva, cocculi indici piscibus & pediculis deleterii, phellandrium aquaticum equis lethale, bobus innoxium. Doronicum canes necat, rupicapras, alaudas & hirundines nutrit. Semen petroselinii avibus, piper suis damnosum est. Amygdalæ amaræ vulpes, feles & gallinas necant. Conii maculati semine sturni, stramonii semine phasiani, lolii temulenti semine coturnices, hyoscyami radicibus sues, sine damno, vescuntur. B. m. Dn. C. G. *Ludwig* in therap. gener. §. MCCCXCV. venenorum inprimis vegetabilium, inquit, operationes, pro animalium, a quibus assumuntur, differentia insigniter variant.

### §. VIII.

*Applicandi modus.* Pleraque venena cum alimentis aut medicamentis dolose exhibentur, vel incaute sumuntur. Quædam tellis veneno infectis vel morsu animalis venenati aut rabidi, aut pharmacis, quibus vulnera aut ulcera nutriri solent, corpori ingeruntur, aliove modo cuti applicantur. Ab inunctionibus arsenicalibus plures febribus lethalibus correptos esse, *Amat. Lusitanus* cent. II. curat. XXXIV. retulit. Nec sub pulvere sternutatorio aut in clysteribus datorum exempla desunt. *Fortunatus Fidelis* de Medicorum responsis l. IV. sect. III. c. II. non ore tantum, inquit, assumpta venena homi-

homines necare possunt; sed etiam non raro in enemate supponi solent; sæpe etiam vulneribus ulceribusque sub specie remedii admoventur.

§. IX.

Unum idemque venenum, pro diversa sua dosi, vehiculo ex quo datum, vires ejus augente vel minuente, ventriculo vacuo vel alimentis pleno deglutitum horum ac pharmacorum antea vel brevi post assumptorum conditione, v. c. lacticiniorum, oleosorum, pinguium, gelatinosorum, ac mucilaginosorum, vel acrium, exæstuantium, opiatorum &c. hominis temperamento, robusta vel imbecilli natura, valetudine secunda vel jam antea adversa; modo mitiora, modo vehementiora symptomata ac damna producit.

*Diversus effectuum gradus.*

§. X.

Hæc a pluribus autoribus dudum observata atque annotata sunt; ex quibus nonnulla b. m. Dni Jo. Bapt. Morgagni testimonia citasse, satis sit. Hic de sedibus & causis morborum per anatomen indagatis l. IV. epist. LIX. art. IV. ut in cæteris, inquit, sic etiam in morbis, qui a veneno fiunt, neque signa, neque effecta eadem in omnibus expectanda sunt. — Aliæ in aliis corporibus tum fluidarum, tum firmarum partium, quæ ad ventriculum præsertim attinent, constitutiones, ejusque præterea inanitas aut plenitudo, hæcque ab unius aut alterius generis alimentis, facere nimirum possunt, ut venena, etiamsi eadem, eodemque pondere, re vera sint; (eadem etiam possunt esse

*Testimonia.*

nomine, sed aliter preparata;) non iisdem tamen signis & effectibus se prodant. *Idem auctor* l. c. art. XVI. in nonnullis, ait, veneni effectus a corporis dispositione augeri, haud negaverim; cum facile agnoscam, a prava ipsa corporis dispositione internum aliquando posse venenum gigni.

### §. XI.

*Consuetudinis efficacia.*

Ipsa etiam pharmaca perniciofa assumendi consuetudo eorum vim atque noxios effectus multum imminuit; uti in Turcis opio adsoctis observamus, qui illud tanta quantitate impune deglutire solent, quantam, sine certo damno, inassueti minime ferrent, vid. Dn. *Henr. Engel-hagen* diss. de drimyphagia, Göttingæ MDCC-XLIV. Dn. *Ge. Gottl. Richteri* progr. de assuetudine venena ferendi in drimyphagis, ib. eod.

### §. XII.

*Veneni acuti signa.*

Si, aliis morbi causis absentibus, in homine antea sano, a re quadam cum alimentis vel medicamentis assumpta, gravia atque deleteria symptomata subito oriuntur; illum, casu vel dolo malo, venenum acutum vel corrosivum accepisse, iusta suspicio est. Facies pallida & cadaverosa, unguum livor, linguæ, faucium, gulæ & ventriculi ardor, cardialgiæ, nausea, atque dolores colici vehementissimi, hyperemesis, hypercatharsis, alvi contractio, faucium constrictio, respiratio difficilis, anxietas, artuum tremor, febris symptomatice valentissima, æstus urens, sitis elamiosa, singultus

gultus, delirium, tremor & rigor artuum, convulsiones, cordis palpitatio, pulsus celer, anomalus, debilis, ingens virium prostratio, lipothymia, affodes, lipyria, dejectiones cadaverosæ, & sudor frigidus, instantis mortis prodromi, huc pertinent, vid. Dn. Mich. Ern. Ettmülleri diss. de veneno ejusdemque assumti signis, Lips. MDCCXXIX. Dn. Wilh. Bernh. Nebel. diss. de signis intoxicationis, Heidelb. MDCCXXXIII.

*Schol.* Horum symptomatum licet non semper omnia, attamen, pro intoxicationis modo & gradu, pleraque, aut saltem quædam adesse solent.

### §. XIII.

Venenorum narcotico-acrium *Nartotici* datorum signa quidem consimilia sunt; & *lenti*. sed & præterea humorum resolutionem, venarum intumescantiam, faciei ruborem, atque affectus soporosos producant. Venena lenta viscerum obstructions ac constrictiones, alvi atque urinæ suppressionem, dolores colicos, paralyces, partium internarum inflammationes ac læsiones, febrem habitualement, corporis contabescantiam, virium decrementum lentamque mortem arcessunt.

### §. XIV.

*Actius tetr. 1. I. c. XLVII. Testimonia.* ubi, inquit, in aliquem placidæ & bene compositi prius mentis, & bonæ itidem habitudinis, accedente etiam iusta ciborum concoctione, statim & derepente variæ accessiones irruant, præsertim ab accepto cibo aut potu, ve-

luti si accedat tussis, foetidi sanguinis per os re-  
 jectio, molesta lotii excretio, dolor in alto nitens,  
 ardor, vehemens sensus tensionis, stuporis per-  
 culsio, tremor, singultus, contractio, eruptio bul-  
 larum, livor, tumor, coarctatio, quarundam  
 partium putrefactio, vomitus foetidus: ex his  
 omnibus si quid, repente ab accepto cibo, sano  
 homini accidat, hunc ipsum veneno infectum es-  
 se, existimandum est. Accepti veneni sympto-  
 mata, absentibus alijs morbi causis, ill. *Joh.*  
*Teod. Elberus* in philosophia corporis humani sa-  
 ni & morboſi, p. DCCCLXXX. sequentem in mo-  
 dum recensuit: Unter die Kennzeichen der Ver-  
 giftung werden vornehmlich gerechnet schleuniges  
 und unerwartetes Brennen, Entzündung des Hal-  
 ses und des Magens, Ekel und Erbrechen, Durch-  
 brüche oder Verstopfung, Krampf und Beklem-  
 mung der Brust und des Zwergfells, Schlucksen,  
 heftiger Durst, grosse Angst, schwerer Othem,  
 außerordentliches Herzklopfen, Ohnmachten, Zit-  
 tern und Erstarrung der Glieder, kalter Schweiß,  
 schwacher Puls, aufgelaufenes und blaues Ge-  
 sicht, Nasen, Zunge, Lippen, schwarze Nägel,  
 Bückungen und der Tod.

*Schol.* Licet quidam, vel naturæ vel an-  
 tidotorum beneficio cur mortem evaserint; mor-  
 bis tamen fonticis, v. c. contracturis, paralyſi, a-  
 trophia febre hæctica, per totam vitam conflictati  
 fuerunt.

## §. XV.

*Signa ca-  
 daverum  
 externa.*

In corporibus humanis veneno  
 corrosivo extinctis facies, fauces at-  
 que abdomen tumida, os nigres-  
 cens,



tens, ejus cavum inflammatum & cruentum, lingua tumida, atque in corporis peripheria hinc inde maculae lividae conspiciuntur, cuticula secedit, atque odor cadaverosus cito oritur. *Galenus* de locis affectis cap. V. si homo, inquit, sanus derepente moritur, ut lethali assumpto veneno fieri solet; corpus aut livens, aut nigricans, aut varium est, &, disfluens, putredinem molestem olet; hunc venenum sumsisse ajunt.

### §. XVI.

In corporum mortuorum dissectione in primis viis, maxime in ventriculo & duodeno, maculae fuscae, lividae ac nigrae, erosiones, sanguinis effusio, inflammationis ac sphaceli signa, & tunicae villosae secessus, loca fracida & perrupta, quandoque ipsum venenum, & venae ventriculi, intestinorum, mesenterii atque epiploës admodum humidæ, quin & cor flaccidum, pulmones, hepar atque renes sanguine turgida & maculis lividis distincta, aut nigrescentia inveniuntur, vid. *Dn. Mich. Alberti* in jurispr. med. pr. II. p. DXXVIII. & DXXXII. III. *Dn. Jo. Theod. Eller* l. c. p. DCCCLXXXI. inquit: Wenn man in dem Magen corrosiven Gift findet, und in selbigem sowohl, als in den Gedärmen, inflammirte, gangränirte, sphacelirte Orte, und durchfressene Löcher vorhanden, oder geronnenes Blut aus zerrissenen ramis von Blutadern zum Vorschein kommen, das Herz außerordentlicher Weise weich und schlaff, und die Lunge, Leber und andere viscera ebenfalls mit schwarzen Flecken besetzt sind; so ist

L 4

an

an der Thätlichkeit und dem gegebenen Gift nicht zu zweifeln.

### §. XVII.

*Veneri de-  
prehensio.*

Haud raro accidit, ut ipsum venenum, tanquam corpus delicti, in ventriculo & intestinis inveniat, & tunc in eorum qualitatem & quantitatem accuratius inquirendum, atque, indole eorum id ferente, visui reperto apponenda sunt, ut Medicorum ordines, sententiam dicturi, firmo fundamento niti possint. Arsenicum forma sua, vel prunis injectum odore alliaco, reductione in regulum, & cupri dealbatione cognoscitur. Consimilia in cobaltum porosum friabile, tessellatum, pyriten album &c. cadunt. Acida mineralia cum adfuso liquore alcalino effervescent, & sub rectis enchirisiis salern medium, suæ naturæ convenientem, producant. Cum mercurio sublimato liquor alcalinus colorem flavum constituit. Inventæ vitri, seminum, fructuum, herbarum atque radicum suspectorum moleculæ, quantum fieri potest, accuratius examinandæ atque servandæ sunt. Quandoque etiam venenorum portio quædam nondum deglutita in inquirentium manus incidit, & pro documento esse potest. Dn. Jo. T. Eller l. c. inquit: Wenn giftige Materien in dem Magen oder Gedärmen angetroffen werden; so muß man solche entweder an Thieren, oder durch chymische experimenta und auf dem Roßsen-Feuer untersuchen.

*Schol. I.* Cum, sub vehementioribus crebrioribusque vomitibus, magna veneni pars ex ventri-

ventriculo exturbetur; si in rejecta inquirendi occasio detur, ea non negligenda est.

§. XVIII.

Non semper talis venenorum *Non semper*  
conditio est, ut ea sub sectionibus *conspicu-*  
legalibus sufficienter detegi atque *um.*  
ad oculum demonstrari possint;  
quedam enim illorum ignota ratione composita,  
vel a vehiculo aut humoribus in primarum via-  
rum canali contentis, ita mutata sunt, ut pristi-  
nam suam faciem exuerit, vel parva dosi data,  
& vomitu quoad maximam partem rejecta, non-  
nisi paucissimas moleculas reliquerint, cum qui-  
bus experimenta chymica instituere difficile est.  
Si igitur, in intricatis ejusmodi casibus, judicis  
expectationi Medicus ad amissum satisfacere haud  
potuit; justam excusationem meretur. B. m.  
Dn. Jo. Bohnius de offic. Med. forens. cap. VI.  
p. DCXXXVII. si venenorum, inquit, compa-  
ges ac facies naturalis per preparationem, &  
cum aliis rebus atque vehiculis commixtionem,  
destructa aut obvoluta fuerit; vel si minor illius  
quantitas experimenta exploratoria sufficienter  
adornare haud concedat, aut veneni arte com-  
positi qualitates sensibiles Medicum exploratorem  
lateant atque eludant; Medicus judicium suum  
suspendere quandoque cogitur.

§. XIX.

Cum plures morbi, v. c. dy- *Morbi ve-*  
senteria, cholera, caryos, febres bi- *nenis simi-*  
liosa, putridæ & pestilentiales, exi- *les.*  
stant, qui vehementibus suis sym-

ptomatibus subito ingruentibus, signisque in corpore mortuo relictis, magnam similitudinem cum veneni effectibus habent; Medico forensi omnis cautio opus est, ut, collatis causis antecedentibus, morbi symptomatibus, atque signis in mortuo inventis, probe inter se collatis, ab intoxicatione ejusmodi morbi rite distinguantur; ne illius culpa judex, cum alterius periculo, erret. Nonnullorum cholera laborantium casus *Hippocrates* epid. l. V. retulit, qui consimilibus symptomatibus, quæ a venenis produci solent, excruciantur.

## §. XX.

*Testimonia.* *Aretæus* de causis & signis a-  
cutorum morborum l. I. cap. VII.  
fucci, inquit, per dentes intra corpus sunt & ex-  
terius medicamentis perniciosus morbi quoque si-  
miles sunt. *Fortunatus Fidelis* de Medicorum re-  
sponsis l. I. sect. III. c. I. interna, inquit, corporis  
vitia ex communi causa ita in nobis nascuntur, ut  
nulli, quavis acuto, veneno concedant. *Idem auctor*  
l. IV. c. III. si quis, ait, ebrietate, syncope vel apo-  
plexia subito extinctus fuit, & c. IV. ubi pesti-  
lentialis aëris fuerit constitutio, aut si quis im-  
prospera antea usus fuerit valetudine, & qui in  
vitæ regimine antea peccaverit, repente moria-  
tur, dubia veneni conjectura est. *Jo. Ferneli-*  
*us* l. VI. c. III. de partium morbis, dum mor-  
tus, inquit, vitiosos ac impetuosiores, quales in  
cholera sunt, observamus, ea perculsos toxicum  
bibisse, autumari possumus. Teste *L. H. L.*  
*Hilchen* in diss. de signis veneni dati diagnosti-  
cis, Giefs. MDCCXLVIII. §. VIII. inquilinos  
cor-

corruptosque humani corporis humores eum acrimoniæ gradum, eamque corroding vim acquirere posse, quæ eosdem edat effectus, quos venena corrosiva sistunt, eandem sordium vomitu rejectarum putrilaginem, fœtorem haud dissimilem, acerrimamque & pelves arrodingentem acrimoniam, certum est. Cholera sæpe violentiore, imo vehementissima, sursum deorsumque facta, excretionem, talique ferocia statum suum decurrere, ac si a veneno nunc demum in corpus ingesto excitata fuisset, observatorum fide constat.

# §. XXI.

Juvenis robustus XXVI. annorum, *Casus.* sub vehemente solis calore arans, vehementissimis alvi torminibus ac cardialgiis, hyperemesi ac hypercatharsi, astu vehemente atque cephalalgia correptus, sub his symptomatibus intra triduum mortuus fuit. Sub sectione legali in primis viis inflammationis signa atque in ventriculo pulvis albus inventus fuit, quocum nulla experimenta physico-chymica Medicus secans instituerat. Ex actis ad ordinem medicum, cujus assessor tum temporis eram, transmissis apparuit, largam cretæ dosin ægroto ab illius pagiludimagistro, auxilii causa, ingestam fuisse. Ex causa antecedente, morbi symptomatibus, atque inflammationis signis in corpore mortuo inventis, ægrotum cholera interiisse judicatum fuit.



CAP.

\*\*\*\*\*

## C A P. V.

### *De venenis speciatim agens.*

#### §. I.

*Particula-  
ris venen.  
pertract.*

Cum quædam attributa atque effectus quibusdam venenorum generibus propria sint, præter ea, quæ generatim de venenis monui, ut jam succinctam eorum, per tria naturæ regna, pertractationem, cujuslibet in corpore animali vivo effectus, atque signa in corporibus veneno extinctis in conspectum venientia, sigillatim proponam, utile esse arbitror.

#### §. II.

*Cuprum &  
aurichal-  
cum.*

Cuprum, atque ex hoc & zinco præparatum aurichalcum, venenis quidem accenseri nequeunt; at si in illis acida vel austera coquuntur, aut alimenta asservantur, æris ærugo ex iis extrahitur, quæ, in majori vel minori copia assumpta, venenorum corrosivorum effectus, v. c. nauseam, tormina colica, hyperemeses, hypercatharses, ischuriam, spasmos, rigores, anxietatem, inflammationes &c. citius vel tardius dat, vid. Dn. Eller l. c. cap. II. p. DCCCXCVII. Plurimum hominum morbos mortesque a cibis in aheno cupreo asservari solitis productas, in politia medica p. XCV. retuli. A caseo ex lacte in vase cupreo parato sex personas, statim a pastu, vehementer

hementissimis vomitibus excruciatos esse, Dn. *Mauchart* cent. I. obs. XXIII. proposuit. Aquas stillatitias in vesicis cupreis stanno non probe obductis nauseam, cardialgias atque vomitus excitasse, aliquoties observavi.

§. III.

Quod de cupri noxa affirmatum est, id pari jure de ejus ochra naturali *Cupri ochra.* cœrulea atque viridi (*Rupfer-grün und blau*) atque de artificiali, viridi æris, (*Grünspan*) valet. Hoc guttur constrictisse, ac vomitus atque primarum viarum inflammationes erosionesque produxisse, experientia docuit, vid. *Jo. Henr. Schulzii* diss. qua mors in olla, vel contagium metallicum in ciborum, potuum & medicamentorum præparatione & asservatione cavendum, indicatur, Altorf. MDCCXXII. recusa MDCCXXIX. *Rousseau* von der Schädlichkeit des Rupfergeschirres in der Haushaltung. *Sam. Theodor. Quelmalzii* progr. de vasis æneis coquinæ famulantibus, Lips. MDCCCLIII. *J. H. J. Bauer* diss. de metallorum noxa in alimenterum & medicamentorum præparatione cavenda, Pragæ MDCCCLVII. *Geor. Casp. Lud. Hueber* diss. de ænea culinaria supellectili, Argent. MDCCCLXVI.

*Schol.* Cum lapis armenius ex cupri ochra atque terra calcaria compositus sit; noxæ causâ facile patet.

§. IV.

Arsenicum calciforme naturale, *Arsenicum.* vel artificiale (*Gistmehl*) sub minerarum

rarum arsenicalium tostione in caminis (Gistfängen) collectum, crystallinum naturale vel artificiale, sublimatione cum sale alcalino fixo paratum, ejusque regulus tessulatus, fragilis cum adjecto phlogisto, celere fusione vel sublimatione, factus, inter caustica venena referenda sunt, & licet parva dosi exhibita non tam cito, quam mercurius sublimatus, operentur; attamen nocentissima & modo non semper letifera sunt. Nec arsenicum fixum, sive detonatione cum nitro, sive cum oleo vitrioli paratum sit, virulentiam suam prorsus deposuit; quod vis caustica, quam in callosis ulcerum oris exedendis exercit, satis declarat, vid. *H. F. Teichmeyer* in instit. med. legal. c. XX. p. CLXVI.

Schol. Cum arsenicum, tamquam venenum efficacissimum, vulgo notum sit, atque sub usus mechanici vel murium necandorum prætectu, expeti ac dein sceleribus patrandis haud raro adhiberi soleat; temerariam ejus venditionem prohibendi necessitas apparet, vid. *Politia medica* a me edita §. XXIX. pag. XXVIII. & *Nemesis Carolinam*, in cujus art. XXXVII. cautum est: Die Obrigkeit soll an jedem Ort die Apotheker, und andere, so Gift verkaufen, oder damit handieren, in Gelübd und Eyd nehmen, daß sie Niemand einig Gift verkaufen, noch zustellen, ohne Anzeige, Vorwissen und Erlaubniß derselben Obrigkeit.

### §. V.

*Symptomata.*

Arsenicum, in parva dosi datum vel sumtum, spasmos, nauseam, dolores cardialgicos atque colicos, vom-



vomitibus, diarrhoeas atque leniores inflammationes excitat. Majori vero dosi exhibitum linguae & faucium ardorem, harum constrictionem, dolores primarum viarum vehementissimos, hyperemeses ac hypercatharises, labrorum tumorem, anxietatem, febrem magnam, periculosas ventriculi atque intestinorum inflammationes, exulcerationes, necroses, phrenitidem, convulsiones, summam virium prostrationem, pulsum celerem, debilem atque anomalum, lipyriam, assodens, sudorem frigidum atque mortem producit.

## §. VI.

Observante Dn. *Quelmalzio*, an- *Casus.*  
cilla robusta, XX. annorum, post arsenicum album crystallinum, quantum cultri cuspide bis capitur, assumptum, nausea, anxietate, cardialgiis atque vomitibus, primo materiae albae spumescantis, dein saburræ varii coloris, vehementissimis, linguae & faucium erosionem, capitis, oculorum venarumque capitis intumescencia, doloribus primarum viarum pungentibus ac rodentibus afficiebatur, &, licet antidota convenientissima data essent, attamen noctu atque altero mane vomitus, ardores, dolores atque intestinorum spasmi recrudescebant, ita, ut abdomen contractum esset. A meridie pulsus admodum celer deprehendebatur. Tertio die, symptomatibus paullo mitescens, dejectiones alvinæ sequebantur, a meridie horrore, aestu vehemente, siti, cephalalgia, pulsu inæquali ac intermittente, atque extremitatum contracturis insequentibus. Quam symptomatum concursus oris amaror, acutissimæ cardialgiæ, capitis dolor gravissimus, oculorum

rum flavedo ac rigor, anomalique motus febriles exceperunt. Horis quarti diei antemeridianis symptomata quidem mitiora erant; sed cachectica faciei inflatio observabatur, atque horis pomeridianis æstus, sitis, ac reliqua mala symptomata, cum ardentibus artuum doloribus, extremorumque contracturis, graviter recrudescebant. Quinto die in pagum natalem, miliare distantem, inscio Medico, delatæ morbus exasperabatur, atque æstus febrilis, pectoris angustia, capitis artuumque dolores illam vehementer excruciabant, erumpente paullo post in tota corporis superficie purpura alba enormi, confluyente, hamoremque acerrimum continente, atque extremitatum paralyti, ita, ut corpus in lecto flectore, aut surgere, manibusve aliquid comprehendere, minime posset. Purpura decem diebus post evanescente, cum pungentibus artuum doloribus, eos movendi impotentia, oedematoso pedum tumore, cordis palpitatione atque convulsionibus conflictabatur, vid. Commore. liter. Norimb. anni MDCCXXXVII. hebdom. XXVIII. p. CCXVIII.

#### §. VII.

*Casus lethalis.*

Vir robustus XXXVIII. annorum ab uxore juvencula, adultera, instigante mœcho, mane in phascolis bis coctis, nauseosum saporem exercentibus, accipiens, statim a pastu vomebat. Venatum, pro officii ratione, abiens, sub vomitibus sæpissime reiteratis, magno ventris dolore vehementeque alvi exoneratione, vix ad pagum quartam miliaris partem ab urbe distantem, admodum debilis,

bilis, pervenire potuit. Ibi interdiu noctuque commorans, mortui instar, pallebat, labris nigredinem & lingua albedinem præ se ferentibus. Eodem tempore vertigine, artuum tremore, frigore, æstu sitique vehementibus correptus, faucium constrictione, vomitibus enormibus, quinquagies circiter repetentibus, exercebatur. Postero die curru pensili domum relatus, sub itinere, atque dein domi, eodem ac postero die, magno æstu, totius corporis tremore, crebrioribus vomitibus, pulsu debili atque anomalo, causo, lipyria atque sudore frigido afficiebatur. Brevi ante mortem, die quarto a meridie contingentem, convellebatur, atque involuntariam materiæ nigrescentis foetidissimæ, cum sanguine remixtæ, alvinam excretionem passus est. Durante morbo, pharmaca convenientia illi minime data, sed potius ab anu improba, mœchæ uxoris complice, nova arsenici portio, ne naturæ beneficio, ut jam aliquoties acciderat, iterum mortis periculo evaderet, sub medicamentis exhibita fuit, vid. Dn. Mich. Alberti in jurisprudence med. tom. II. cas. XXXIX. p. DXXVII.

### §. VIII.

Anus, quæ pastillos ex amygdalis atque arsenico confectos, muribus necandis destinatos, casu devoraverat, cardialgiis, doloribus colicis acerbissimis, vomitibus atque dejectionibus laboravit, atque intra horam duodecimam e vivis sublata est, vid. J. B. Morgagnus l. c. l. IV. epist. LIX. art. III. Pueri casum, qui pastillos ex farina atque arsenico factos, & muribus projectos, temere comederat

M

in

in praxi clinica habui, qui tamen, antidotis tempestive adhibitis, post gravissima perpeſſa ſymptomata, e mortis faucibus ereptus eſt.

### §. IX.

*In mortuo  
reperta.*

In viro, cujus caſus §. VI. enumeratus fuit, abdomen minime tumidum, ſed totum dorſum, a ſcapulis ad femora uſque, nec non totum ſcrotum, colore dilute fuſco, penis ſtria nigreſcente, ac tota glans eodem colore tinſta erant. Vaſa venoſa majora, dexter cordis ventriculus, nec non meningum vaſa, ſanguine atro turgida, & vena cava, inprimis ſub duodeno, nigra, reperiebantur. Hepar, maxime paſe ejus convexa inferior, pulmo ſiniſter atque renes, ſanguine nigro ſuffuſi, atque maxima ex parte nigro colore infecta erant. Nullam bilem cyſtis fellea continebat. Totus ventriculus in ſuperficie ſua externa colore ex fuſco-rubro imbutus erat, intrinſecus autem octo maculæ ex fuſco nigreſcentes cernebantur. Intestinum duodenum, atque circumpoſita, nigra, & reliqua tenuia ex fuſco rubra erant. In ventriculo ſaburræ ex nigro virideſcentis uncia ſex inveniebantur.

### §. X.

*In muliere  
mortua.*

In muliere, cujus caſum §. VII. ex Morgagni ſcriptis citavimus, tota corporis ſuperficies poſterior, ne ſuris ac calcibus quidem exceptis, nigra reperta fuit. Interior ventriculi pars, præſertim ad pylori antrum, hic illic eroſa erat, aſſenico eroſis partibus, inter membranea fruſta, adhærente.

B. m.

B. m. Dn. *Frid. Ruysch* inter præparata sua anatomica., mulieris, quæ, ex vitæ tædio, se ipsam arsenico sumto necaverat, ventriculum servavit, in cujus tunica villosa plura loca erosa, arsenici moleculis obsita, cernebantur, vid. *ejus thesaur. anat. VIII. num. LXX.*

§. XI.

Maritus ab uxore sua arsenico citrino necatus, mox ab ejus assumptione pessime se habuit, & vomitus continuos, anxietates, insignem lassitudinem & denique convulsiones lethiferas passus est. Inspectum corpus mortuum in cute maculas fuscas lividasque, ac papulas nigricantes copiosissimas, ut & abdomen atque intestina admodum tumida, præ se ferebat. Intestinorum ac mesenterii vasa turgida, in ventriculo liquamen fuscum foetidumque, & hujus tunica interior manifeste erosa cernebantur, vid. *Jo. Bohnius de offic. Med. forens. cap. VI. p. DCLIII.*

§. XII.

Sandaracham adurentis facultatis esse, & potam ventris atque intestinorum cruciatum, cum vehemente erosionem, facere, apud *Dioscoridem* l. V. cap. XXIX. & *Paulum Æginetam* lib. VII. legimus. Teste *Petr. Foresto* obs. & cur. med. lib. XXX. obs. VIII. in scholio, realgar sitim atque æstuationem inducit, ita, ut æger, nisi brevi curetur, aut moriturus, aut in membris contractus supersteret. *Schenckius* obs. med. l. VII. obs. CCXIV.

M 2

cui

cui realgar, inquit, in potu datur, patietur sitim & exæstuationem, & nisi cito occurratur, aut morietur, aut paralyticus & contractus manebit. *Idem* se juvenem vidisse, qui ex hac causa circa omnes juncturas immobilis mansisset. Puerum, post sandarachæ deglutitionem, die quarto post, convulsus periisse, a Morgagno l. c. l. IV, ep. LIX. art. III, relatum est.

### §. XIII.

*Auripig-  
menti.*

Auripigmentum, sandarachæ instar, adurenti facultate præditum esse, atque deglutitum ventris & intestinorum cruciatus, cum vehemente erosione, producere, *Paulus Ægineta* & *Dioscorides* locis citatis testati sunt. Mulierem, post duas drachmas auripigmenti assumptas, cardialgiis, torminibus alvinis, hyperemesi, hypercatharsi, æstui, siti, convulsionibus, strangulatione & syncope affectam fuisse, apud *Jo. Schenkium* l. c. obs. CCXII. legimus. *Idem* minerale haustum ardoris sensum, vomitus atque dejectiones excitasse, in *Ephem. A. C. N. C.* dec. III. ann. V. & VI. obs. CLXXIII. enarratum est.

*Schol.* Ex hactenus dictis, arsenicum in sandaracha, arsenico flavo sive naturalia, sive artificialia sint, atque auripigmento, sulphuris additione paullo quidem mitigari, minime vero virulenta atque noxia natura sua privati, satis clarum est.

### §. XIV.

*Cobalti.*

Cum cobaltum arsenicale nil, nisi arsenicum larvatum sit; ab illo non  
mitio-

mitiora symptomata atque effectus, quam ab ipso arsenico, expectanda sunt. Tres personas, post cobaltum arsenicale assumptum, vehementissimis torminibus, enormibus vomitibus, frigidisque sudoribus confestim laborasse, brevique obiisse, in actis A. C. N. C. tom. V. obs. CII. relatum est. Seni decrepito a nepte sua larga cabalti friabilis portio in jusculo data fuit, quo deglutito, nausea, anxietate, vomitibus, diarrhoea & denique lipyria ac sudore frigido pessime affectus fuit, ac horis viginti post fatis cessit. Corpora mortua extrinsecus livida, primæ viæ inflammata, & extus rubra, intus, maxime ventriculus, maculis lividis distincta, atque illarum vasa sanguifera erosa erant, vid. M. Alberti jusprud. med. part. I. append. obs. XXVIII. p. CLXVII.

### §. XV.

Antimonii regulus, flores ac vitrum vi drastica prædita sunt, & cardialgias, dolores colicos, anxietatem, hyperemesin, hypercatharsin, gravissimas primarum viarum inflammationes, febrem, sitim, convulsiones, lipothymiam, ipsamque mortem producant. A florum antimonii deglutitione largissimum salivæ profluvium, atque apoplexiam lethalem orta, atque in capite, thorace ac ventriculo mortui multam colluviem serosam inventam esse, b. m. Dn. J. Frid. Cartheuser in diss. de venenis, §. VI. p. XX. refulit. Dn. J. Th. Eller l. c. app. c. II. §. XXXI. inquit: Die Wirkungen, so das vitrum und flores antimonii &c. machen, sind Efel, übermäßi-

mäßiges Brechen, scharfe Durchfälle, heftige Schmerzen in den Gedärmen, Verhaltung des Urins, unerträglicher Durst, Spasmi, Erstarren der Glieder, heisser Brand, Ohnmachten, unerträgliche Angst und der Tod.

*Obs.* Ipsum antimonium improvide super ignem tractatum, sulphure partim abacto, regulinum atque nocivum fit; id quod in morsulorum restaurantium Kunckelii præparatione notandum est.

### §. XVI.

*Acida mineralia.*

Acida mineralia concentrata, oleum vitrioli, spiritus nitri & salis communis, aqua regia, humoribus coagulum inducunt, os, linguam, fauces, oesophagum atque intestina arrodunt atque inflammant, fauces strangulant, tussim convulsivam & motus epilepticos ciunt, & denique gangræna necant. Lethalia symptomata tanto citius excitare possunt, quo concentratiora sunt, majorique portione exhibentur. Aqua forti in aliorum perniciem facinorosos ex plebe quandoque uti, Dn. *Seidelius* in tr. de morbis incurabilibus, p. XIII. testatus est. Exempla pessimorum symptomatum ab aqua forti productorum, vid. apud *Jo. Schenckium* obs. medic. I. VII. obs. CCXV - CCXVII.

### §. XVII.

*Metalla acidis juncta.*

Metalla ac semimetalla, etiam si per se innocua fuerint, acidis mineralibus juncta, vim causticam acquirunt, & arsenici instar agere, atque



atque periculosissimas arrosiones, inflammationes aliaque deleteria symptomata producere solent. Dn. Jo. Theod. Eller l. c. p. DCCCXCVII. inquit : Die solutiones metallorum bringen corrosiones, inflammationes, gangränöse escharas, Ekel, Erbrechen, scharfe Durchfälle, grausame tormina, passionem iliacam, Speichelfluß, Ohnmachten und den Tod, in dem menschlichen Körper hervor. Hæc vero, plebi ignota, perraro intoxicationis scopo adhibentur. Aurum fulminans aquæ regię particulis fetum, crystalli lunæ, ex argento & aqua forti factæ, lapis infernalis ex illis fusus, hepar antimonii ex æquis antimonii & nitri partibus detonatione factum, crocus metallorum ex illo aqua loto factus, butyrum antimonii, ex partibus hujus regulinis atque acido salis concentrato enatum, mercurius vitæ, inepte sic dictus, seu partes antimonii regulinæ multa aqua ex ejus butyro ad fundum actæ lotæque, quin & tartarus emericus, justo majori dosi datus, in hunc censum veniunt.

### §. XVIII.

Mercurius acidis vario modo junctus corrosivam indolem etiam acquirit, ac dosi justo majori, aut incongruo vehiculo, exhibitus periculosissima, quia deleteria symptomata excitat. Mercurius sublimatus ex mercurio atque acido salis concentrato factus, mercurius dulcis non satis dulcatus, mercurius præcipitatus ruber, acido nitri fetus, præcipitatus albus, ex spiritu nitri ope acidi salis ad fundum actus, præcipitatus viridis, cupri particulis atque acido nitri in-

*Mercur.*  
*cum acidis*  
*combin.*

quinatus, præcipitatus luteus (turpethum minerale) cum acido vitrioli concentrato mixtus, quin & mercurius diaphoreticus fixus, pro diversa præparandi methodo, acidum vitrioli aut nitri in sinu suo fovens, huc pertinent, vid. B. m. Dn. *Car. Frid. Hunderimärck* in tr. de mercurii vivi cum salibus varie mixti summa in corpus humanum vi atque efficacia &c. Lips. MDCCLIV. & notas meas in B. m. Dn. *Henr. Bassii* tr. de morbis venereis, p. LXXVI. *Jo. Conr. Barchhausen* in pyrotech. p. CXCI.

*Schol* Varias has mercurii cum salibus mixti species, aliaque metalla ac semimetalla simili ratione mutata, iterata ex aquæ lotionem vel coctionem, deflagrationem cum spiritu vini, & tritura cum sale alcalino fixo, vel auri foliis, nonnulli dulcare satagunt; sed, cum particulis metallicis ac semimetallicis sales acidi firmissime adherent, illæ quidem quodammodo mitiores fiunt, sed acrem atque subdolan suam indolem minime profus exuunt, & majori dosi vel inconveniente vehiculo, datæ noxios effectus exercere solent.

### §. XIX.

*Mercurius sublimatus.* Si quod unquam, mercurius sublimatus venenum acutissimum præsentissimumque est. Assumptus linguam, gingivas, palatum & fauces statim arrodit, inflammat, constringit, primas vias excoriat, vehementem ardorem, anxietatem, cardialgias, enormes vomitus eosque cruentos, dolores intestinorum pungentes, immanissimos, dejectiones acerrimas, sitim clamosam, febrem ardentem, singul-

tingultum, syncopen atque convulsiones excitat, & ni valentissimis auxiliis cito succurratur, ene-  
cat, vid. b. m. Dni *Valentini* med. legal. pr. I.  
sect. VI. p. CCXXV. *Ardoynus* de venenis, l.  
II. c. V. III. D. *Jo. Theod. Eller* l. c. append.  
c. II. p. DCCCXCIX. inquit: Unter die schärf-  
sten Gifte gehört der Sublimat &c. Dieser verur-  
sacht erosiones, Entzündungen, Brennen, Schmer-  
zen, Trockenheit, und zwar anfänglich in den  
verletzten Theilen, hernach in dem ganzen Kör-  
per; weßhalb der Mund, Gaume, Schlund,  
Magen und Gedärme zusammengezogen, und mit  
dem heissen Brand angegriffen werden, und Er-  
brechen, schmerzhafter Durchfall, Darmgicht,  
grosse Angst, convulsiones und der Tod erfolgen  
werden.

*Schol.* Deleterio hoc pharmaco, tamquam  
placui ignoto, atque effectus suos citissime mani-  
festante, malefici rarius utuntur. Patrati ta-  
men hujus veneficii exempla quædam a Dn. *Jo.*  
*Schenckio* obs. med. l. VII. obs. CCI-CCIV. at-  
que a Dn. *Valentino* pandect. medic. legal. pr.  
I. p. DCXLI. & DCXLIII. proposita sunt.

*Obs.* Nec externum mercurii sublimati usum  
semper tutum esse, Dn. *Petr. Borellus* alii-  
que observarunt, vid. illius observ. cent.  
II. obs. XCII.

## §. XX.

Mercurius dulcis rite præpara- *Mercur.*  
tus, compactus sapore destitutus, in *non satis*  
aqua calcis vivæ nigrescens atque in li- *dulcat.*  
quore salis tartari, colorem aurantium non in-  
ducens, innocuum omnino pharmacum est. *Ac*

M 5

suffi-

sufficiente mercurii portione, reiteratisque sublimationibus, haud satis dulcatus, corrosivam indolem ex parte retinet, atque usibus internis haud aptus est. Inter pharmaca nociva atque venena quævis medicamenta mercurialia male præparata atque acore peccantia ab ill. Dno *Eltero* l. c. merito relata sunt.

### §. XXI.

*Casus.* Viro cuidam lue venerea atque faucium exulceratione laboranti internum mercurii dulcis cum lapidibus cancerorum commixti, & quidem illius grana tria, pro dosi singulo vespere sumenda, interpositis laxantibus, me præscribere, memini: at uno alterove die elapso, se hunc pulverem ulterius deglutire posse, negavit; quia vehementem in lingua, faucibus, œsophago & ventriculo ardorem excitasset. Hoc audito partimque viso, illos seponere jussi, & pharmacopolium visitans, mercurium dulcem nec dulcatum, nec compactum, sed acrem ac retiformem, deprehendi, ejusque meliorem præparationem serio commendavi. Consimilia Dn. *Wagnitius* in medit. med. de mercurio dulci, Quedlinburgi MDCCII. edita, proposuit.

### §. XXII.

*Mercurii præcipitati.* Non tanta quidem vi, ac mercurius sublimatus, variæ mercurii præcipitati species, utcunque edulcata, agunt; attamen majori portione, vel sine aut ex incongruo vehiculo data, non sine gravi noxa sunt. Faucium, œsophagi, ventriculi atque intestinorum inflammationes, cardialgias, dolores colicos, horren-

horrendos spasmos, hyperemesin, hypercatharsin, febrem inflammatoriam, phrenitidem, ipsamque mortem, ab improvido illarum usu producta esse, pluribus exemplis constitit. In hoc modo interemtorum primis viis inflammationis signa, maculae rubrae atque lividae, inventa fuerunt, vid. Acta A. C. N. C. decad. II. anni VIII. obs. LXV. *Ejusd.* Acad. miscell. physico-med. mathem. anni MDCCXXIX. *Jo. Schenckii* obs. medic. I. VII. obs. CCV. *Dn. Fr. Hoffmann* diff. de medicamentis infecuris.

### §. XXIII.

Mercurius vivus purus, intrinsecus vel extrinsecus rite adhibitus, innocuus quidem est. At ejus vapores per respirationis organa, atque cutis spiracula, corpus humanum intrantes, vertiginem, nauseam, strangulationem, aphoniam, artuum tremorem & convulsiones excitant; quin, majori copia simul ac semel admissi, actiones vitales repente sufflaminant.

*Mercurii vapores.*

### §. XXIV.

Sales alcalinos cum calce viva, metallo aut semimetallo fusos, quibus lapis infernalis alcalinus, septicum Sutorianum, &c. accensenda sunt, causticam indolem acquirere, venenorum acrium instar agere, partes animales arrodere, inflammare, exulcerare, & febrem symptomaticam phrenitidemque producere, usu constitit. A cerevisia, cum saponariorum lixivio largiter remixta, potu plures morbis inflamm-

*Sales alcalini caustici.*

flammatoriis correptos & nonnullos celeriter extinctos esse, Dn. *Henr. Schütze* in diff. de cauta & circumscripta veneni dati accusatione, retulit.

### §. XXV.

*Venena styptica.* Ad venena mineralia styptica facturnus ejusque vapores, flores, vitrum, saccharum & calces, cerussa, minimum, lithargyrium, alumen, variaeque vitrioli species pertinent; de quorum damnis primo generatim, dein sigillatim acturus sum.

### §. XXVI.

*Eorum noxa.* Venena styptica humoribus coagulum inducunt, partes solidas constringunt, partimque simul arrodunt, vasa obstruunt, viscerum obstructions, abdominis duritiem, partium contracturas, nervorum debilitatem, paralyses, obstructionem alvinam, dysuriam, spasmos, colicam rebellem, passionem iliacam, lentas viscerum inflammationes, & febrem habitualement, in scenam producunt; quin non desunt exempla, ubi, noxia sua symptomata sat cito excitantia, morbis acutis occasionem dederunt; cujus rei mox uberio rem mentionem faciam. B. m. Dn. *Jo. F. Cartheuser* in diff. de venenis, §. IX. toxica, inquit, dantur, quæ pedetentim, more febris lentæ & hecticæ, sanitatis fulcimenta dejiciunt, lentamque mortem adducunt; quod in specie de saturninis notissimum est.

### §. XXVII.

*Saturni vapores.* Saturni vapores noxios esse, fiores in plumbi metallis opus facientes, nec

nec non fusores , argentum saturni ope in cineritio magno depurantes , ingente suo damno experiuntur; cum asthmate enim rebeli, colica saturnina, viscerum obstructionibus, partium contracturis, paralyfi ac febre habituali conflictantur, vid. b. m. Dn. *Jo. Fr. Henckel* tr. von der Berg-Sucht und Hüften-Rake, Dresden 1745. Figulos, saturnum saepe in igne tractantes, cachecticos, asthmaticos atque paralyticos fieri, haud ignotum est, vid. Dni *Jo. Andr. Fischeri* diff. de saturni natura, usu & noxa, Erfordiae MDCCXX.

§. XXVIII.

Saturnina acidis soluta, v. c. Saturnino-saccharum saturni, acetum lithargyrii, vina saturninis largiter adulterata, ore hausta non semper lente, sed quandoque satis impetuose agere solent. Me, post nonnullas vini lithargyrio imbuti uncias haustas , statim spasms in faciei musculis, nausea & vomitibus , alios doloribus colicis, febre acuta, nonnullis lethali, & convulsionibus correptos esse, memini. Dn. *Christ. Godofr. Stenzelii* in diff. de venenis acutis, Vitemb. MDCCXXXII. edita, plures, inquit, lithargyrii usu febre continua & convulsionibus correpti, & repentina morte sublati sunt. Teste Dn. *Percivall* in den Beobachtungen und Erfahrungen über die Bleigifte, venena saturnina hominibus & brutis, morbos acutos vel chronicos producendo, nocent; nec eorum usus externus semper innocuus est. Dn. *Jo. Theod. Ellerus* l. c. p. DCCCXCVIII. inquit; Die präparata aus dem Blei und dessen minerale, als minium, calx saturni, cerussa, lithargy-

thargyrium, vitrum saturni, acetum lithargyrii und besonders das saccharum saturni, woraus die basis des sogenannten Succisions - Pulvers genommen wird, constringiren, obstruiren, verdicken die flüssigen Theile, schwächen die Nerven, und verursachen also meistens nicht einen gar zu geschwinden, doch gewissen Tod.

## §. XXIX.

*Aluminis.*

Alumen, maxime autem calcinatum, insigni vi styptica gaudet, omnesque noxas venenis stypticis proprias dare potest. Teste *Betrutio*, alumen deglutitum tussim vehementem facit, quæ perdurans ad phthisin paulatim disponit. Juvenem laboribus sub cœlo calido exæstuatam, post aquæ aluminosæ potum, nausea, vomitu atque scabie ferina correptum esse, recordor.

## §. XXX.

*Vitriolorum.*

Vitriolum, calcanthum, in martiale (viride), venereum (cæruleum) & zinco - saturninum (album, Baisenstein) dividitur; prout scil. acidum primumgenium aqua dilutum marte, venere, zinco plumboque conjunctum est. Dari etiam vitriola composita, experientia docet. Vitriolum martis purum natura non suppeditat, sed cupro plus minusve inquinatum, vid. histor. acad. regiæ scient. Paris. MDCCVII. p. L. Omnes autem vitriolorum species vi styptica & caustica & venereum inprimis caustica gaudet. B. m. Dn. *Jo. Fridr. Cartheuser* mater. med. pr. I. sect. VI. §. VI. vitriola, inquit, per se, ob principia metallica rudi-



rudiora, & vires summe stypticas, quin causticas, (quod posterius de vitriolo veneris maxime valet) internum usum nunquam inveniunt. Ill. Dn. Jo. Th. Eller l. c. inquit: Daß vitriolum veneris, und einige præparata aus dem Kupfer, verursachen Ekel, Erbrechen, Durchfälle, heftige Schmerzen in den Gedärmen, Durst, Erstarrung der Glieder, gangrænam und den Tod.

§. XXXI.

Dum gypsum, cum humoribus animalibus indurefcens, primas vias atque vasa chyliifera pertinaciter obstruit, nullamque solutionem iterum admittit, non potest non deglutitum certissima mortis causa existere. C. *Proculejum*, cui propior cum Augusto familiaritas erat, gypso, contra stomachi dolorem poto, mortem sibi conscivisse *Plin. histor. nat. lib. XXXVI. c. LIX. retulit.* Perfidia *Emanuelis*, imperatoris Bizantini, nota est, qui gypso, pulverato farinæ triticeæ admixto, magnam imperatoris Conradi III. exercitus partem, circa seculi duodecimi medium necaverat, & sic hujus expeditionem bellicam contra infideles irritam fecerat.

§. XXXII.

Noxios vegetabilium acrium *Veget. acr.* venenatorum effectus a sale acido *venenat ef-* caustico, pendere, b. m. Dn. J. Fr. *fectus.* *Cartheuser* in diss. de venenis, sect. III. §. II. asseruit, vertiginem, oculorum caliginem, remulentiam, cephalalgiam, lassitudinem, constrictionem atque ardorem in faucibus & primis

mis viis, erosiones, inflammationes, cardialgias, vomitus, febrem, sitim, phrenitidem, singultum, convulsiones, soporem, lipyriam ipsamque mortem comesta producant.

### §. XXXIII.

*Conii mac.* Conio maculato, vel cicuta ma-  
*Et cicut. a-* jori terrestri, atque cicuta aquatica  
*quat.* Gesneri noxii vegetabilium vengeratorum effectus modo enumerati competunt. *Paul. Aegineta* l. V. c. XLII. cicutam, inquit, potam caligo vertiginesque insequuntur; ut nec minimum videre liceat; item singultus, mentis alienatio & artuum pruritus comitatur, ultimoque convulsi præfocantur. Ejusdem damna *Un. Jo. Theod. Eller* l. c. pag. DCCCLXXXIII. sequenti modo describit: Die an jumpyigten Orten wachsende cicuta major, vel aquatica, verurrsachet heftiges Brennen, convulsiones, starkes und brennendes Uriniren, heftiges Erbrechen, Schlucken, Znschnürung der Kehle, Angst, Schwindel, Aufschwellen des Leibes, Tollheit, Brand und den Tod. Statim a radicis cicutæ aquaticæ esu in nonnullis personis temulentiam, postea insignem lassitudinem, vomitus atque deliria orta esse, in commerc. lit. Norimb. MDCCXL. hebd. XLV. pag. CCCLIII. traditum est. De mortifera cicutæ vi *Jo. Schenckius* obs. med. l. VII. obs. CXXXIII. nonnullos casus proposuit. Radicis cicutæ aquaticæ esum dolorem acutum in ventriculo, spasmos terribiles, trismus, oculorum distorsionem, inanes vomendi conatus, præcordiorum distensionem, singultum, atque aurium hæmorrhagiam produxisse, post

post mortem continuum spumæ viridis ex ore profluvium contigisse, atque ventriculum inflammatum intus maculis rubris variegatum, & circa utraque orificia constrictum inventum fuisse, *J. Jac. Wepfer* in tr. de cicuta aquatica, Basil. MDCXCVII. edita, p. LX. testatus est.

*Schol.* Atheniensium cicuta pharmacum compositum fuisse, creditur, v. *Sigm. Frid. Dresigii* diss. de cicuta publica Atheniensium poena.

*Obs.* Cicutam in Italia non adeo exitiosam esse, & asinos eam depascentes in somnum atque torporem adeo profundum incidisse, ut plane mortui viderentur, at sub ipsa pellicula detractioe non sine magno excoriantium terrore & spectantium risu expergiscerentur, *Matthiolus* in comment. ad Dioscor. l. IV. c. LXXIV. retulit.

#### §. XXXIV.

*Æthusa*, vel cicutæ minoris, *pe- Æthusa*. troselino similis, virulentia quidem minor, quam reliquarum cicutæ specierum, est, eam tamen pro innoxia minime habere possumus. Ab ejus esu vertiginem, cephalalgiam, cardialgiam, atque amentiam ortas esse, in commerc. liter. Norimb. MDCCXL. hebdom. XLIX. p. CCCLXXXVIII. legimus. Eandem vescantium mentes graviter turbare, *Jo. Schenckius* l. c. obs. CXXXIV. testatus est. Illam cuti extrinsecus impositam hanc inflammare, notum est. Conf. *Commerc. lit. Norimb.* MDCCXLI. pag. LXXI.

N.

§. XXXV.

## §. XXXV.

*Oenanthes.* *Oenanthen crocatam totam venenatam esse*, b. m. Dn. *Herm. Bærrhaave* in hist. plant. p. LXXIX. asseruit. Homines a solo ejus gustu intra bihori-um obiisse, Dn. *Stalpart van der Wiel* in obs. rarior. Amstelodami MDCLXXXII. edit. pag. CXXXIX. retulit. Ab esu radicis *oenanthes crocatæ* septem puellas interiisse, in transact. philos. MDCCXLVI. pag. CCXXVII. propositum est. Ab eadem causa XXXVI. milites convulsos, & præter unum, emeticis salvatos, in illo autem intestina maculis gangrænosis obsita fuisse, in Dni *van der Monde* diario ad med. chir. ac pharm. pertinente, Paris. MDCCLVIII. edito, tom. IX. p. CCCCXXX. relatum est.

## §. XXXVI.

*Sii latifolii.* *Sii latifolii, apii palustris, vel cicutariæ, radicem venenatæ indolis esse*, in actis acad. reg. Sueciæ MDCCCL. trimestri ult. n. IX. testatum est. De hac planta ejusque radice & succo, Dn. *J. Th. Eller* l. c. pag. DCCCLXXXIV. inquit: Sie sey der stärkste zur Zeit bekannte Gift aus dem regno vegetabili; und bringe die heftigsten Symptomata hervor: 3. E. Benehmung des Verstandes, Todtenfarbe, Cardialgien, Erbrechen, Schluchzen, Convulsionen, den Brand und in wenig Minuten den Tod. Bey der Eröffnung der daran verstorbenen Leichen hat man den kalten Brand, extravasirtes Blut, und bey manchen einen durchlöchernten Magen angetroffen.

## §. XXXVII.

§. XXXVII.

Venenis vegetabilibus acribus *Thapsia*,  
*thapsia foetida* merito accensetur, vid. *Chære-*  
 Dn. *Cranzius* in mater. med. tom. III. *phyll. &c.*  
 p. LIII. *Chærephylli* sylvestris fo-  
 lia & radices deliria mortemque produxisse, a  
 Dn. *Jo. Bauhino* hist. plant. III. p. CLXXXI.  
 & Dn. *Heldio de Hagenheim* in miscell. Wra-  
 tisl. MDCCXXXVII. p. DLXXVIII. testatum est.  
*Chærephyllum* bulbosum ad cicutæ naturam pro-  
 xime accedere, Dn. *Herm. Bærhaave* hist. plan-  
 tar. I. p. CXII. *Selini* sylvestris atque palustris  
 radices acerrimum succum fundere & hunc gu-  
 statum os faucesque inflammare, ab eodem l. c.  
 p. CIX. discimus. *Heracleum*, sphondilium vul-  
 gare, hirsutum, peracre esse cutimque inflam-  
 mare *idem* l. c. p. CVIII. & Dn. *Gmelinus* flor.  
 Sibir. tom. I. p. CXXIV. testati sunt.

§. XXXVIII.

Succum acerrimum variae eu- *Euphor-*  
*phorbiarum* species quoque continent, *biarum.*  
 qui nauscam, hyperemesein, inflammationes, ero-  
 siones, singultum atque convulsiones excitant.  
 Idem de euphorbiæ aculeatæ lacrymis (euphor-  
 bio) statuendum est. *Petr. Forestus* obs. & cu-  
 rat. med. l. XXX. obs. X. euphorbium, inquit,  
 nimia quantitate assumptum, ventriculi atque inte-  
 stinorum ardorem, dolorem, inflammationem,  
 singultum & ventris fluxum excitat. Casum  
 viri, post euphorbium ab empirico datum, intra  
 nycthemeron diarrhœa dolorifica extincti, *Alex.*  
*Benedictus* pract. l. XII. c. XVII. retulit. Dn.

*Jo. Th. Eller* l. c. p. DCCCXCIV. inquit: Das Euphorbium ist sehr hitzig und scharf. Wenn es auf die Haut gelegt wird; so verursacht es Entzündungen, und ziehet Blasen. Innerlich gegeben macht es Hypercatharres, grausame Tormina, Schluchzen, Entzündungen, Zittern, Ohnmachten, kalten Schweiß und den Tod. Der üblen Folgen wegen hat man die daraus bereite- tete Arzenei-Mittel abgeschafft; welches auch bil- lig mit den granis tiglicæ, semine cateputiæ, coc- cognidii &c. geschehen sollte, welche alle, beyna- he wie das euphorbium, deleterische effectus pro- duciren.

*Schol.* De gummi gutta, vel gambogia succo inspissato, resina scammonii & gialappa ma- jori dosi datis consimilia affirmari possunt.

### §. XXXIX.

*Aconiti.* Aconitum, napellus flore cœru- leo, venenum causticum, validissi- mum atque ocysimum est, atque ad cicuta viru- tentiam accedit. Solum ejus odorem lipothymi- am excitasse, memini. Tela napelli succo illi- nita intra horæ spatium interficere, *Petr. Forest.* l. c. l. XXX. obs. I. in schol. testatus est. As- sumtus vertiginem, vehementem cephalalgiam, cardialgias, deliria atque convulsiones concitat, & in cerebrum nervosque potissimum agere vide- tur. *Dioscorides* de medicinali materia l. VI. c. VII. aconitum, inquit, statim in lingua inter bibendum, cum adstrictione quadam, dulcescit, & subinde, potissimum cum exfurgere conantur, vertigines offundit, lacrimas ciet, gravitatem pe- ctori & prae cordiis affert, simulque cerebri spi- ritus

ritus deflantur. *Jo. Schenckius* l. c. l. VII. obs. CXXXVI. aconitum, inquit, velocissimum venenum est, & horrenda atque lethalia symptomata producit. Dn. *Jo. Theod. Eller* l. c. pag. DCCCLXXXII. ait: Die Kennzeichen des eingenommenen Napelli sind Erstarrung der Augen, Schwindel, grosse Angst, Brennen in dem Magen, Brechen, Schluchzen, Colic, Fieber, Tollheit, Convulsionen, Schlafsucht und Brand. Die Leichen bekommen gemeiniglich eine Bleifarbe davon und schwärzlich. Conf. Dn. *Wepferus* l. c. c. X. & *Acta A. C. N. C.* dec. II. anni III. obs. CXV. ac dec. III. anni IX. obs. LII.

*Obs.* Etsi napello intoxicati quandoque evaserint; attamen in hecticam atque hydropem inciderunt, vid. Dn. *Ellerus*. l. c.

§. XL.

*Ranunculus palustris flore Ranunculi miniato, sceleratus, herba sardonias, scelerati.* peracris est, erosiones, inflammationes, deliria, convulsiones, trisimum, risum sardonium, &c. excitat. *Paul. Aegineta* l. V. c. LI. quæ sardonias, inquit, herba nominatur, ranunculi species est, quæ comesta vel pota mentem adimit, atque convulsiones adfert, cum laborum contractione, ut risus imaginem præbeat. Juvenes quosdam hanc herbam in acetario edisse, brevique extinctos esse, ab *Amato Lusitano* in comment. ad *Dioscoridis* l. VI. c. XIV. enarratum est. Conf. *Actius* l. XIII. c. LXVI.

§. XLI.

*Veratrum (helleborus albus) Helleborofauces inflamat, cardialgias, tormi-*

na colica, hyperemeses, hypercatharſes, ſitim, febrem, deliria, convulſiones, ſingultum, ſyn-  
copen, ſudorem frigidum &c. producit. *Hip-  
pocrates* ſect. IV. aph. XVI. helleborus, inquit,  
periculofus eſt; convulſionem enim inducit. Vi-  
rum ab helleboro albo ſumto in convulſiones,  
mulierem ab infuſo ejus vinoſo in vomitum e-  
normem, choleram, animi defectum & anhel-  
tus præfocationem incidiſſe, ac vix ſervatos eſſe,  
*Jo. Schenckius* l. c. I. VII. obſ. CLXXVI. Vi-  
rum, ſequi ejus drachmis ſumtis, extinctum fu-  
iſſe, *idem auctor* l. c. obſ. CLXXVII. retulit.  
A tali infuſo mulierem vomitu enormi, ventris  
torminibus ac tumore, præfocatione, cordis pal-  
pitatione, animi deliquio atque convulſionibus  
correptam eſſe, *Petr. Foreſtus* l. c. I. XXX. obſ.  
IX. memoriæ prodidit. Ex helleboro nigro vo-  
mitum copioſum, atque enormem ventris flu-  
xum mulieri cuidam accidiſſe, apud *eundem*  
l. c. legimus. Hellebori nigri extracto primas  
vias inflammatas eſſe, Dn. *J. B. Morgag-  
nus* obſervavit, vid. de ſedibus & cauſſis mor-  
bor. l. IV. ep. XLIX. artic. XIV. & XV. Vul-  
nera telis ſucco hellebori nigri imbutis facta ab-  
ſolute lethalia eſſe, Dn. *J. Frid. Cartheuſer* in  
diſſ. de venenis, §. VII. aſſeruit.

## §. XLII.

*Colocyn-  
thidis.*

*Colocynthis* draſticum purgans eſt,  
ac vehementiſſima tormina excitat.  
Referente *Guainerio*, mordicationem  
in ſtomacho ac ventre, cum tanta virium pro-  
ſtratione, inducit, ut, niſi cito ſuccurratur, æger  
iutra diem tertium moriturus ſit. Eam ſupra  
modum



modum stomacho adversari, *Dioscorides* l. IV. cap. CLVIII. docuit. Eandem nervos afficere, atque ulcera concitare, a *Paul. Aegineta* lib. VII. c. IV. traditum est. Mulieribus suspectis, ob drasticam vim, nunquam porrigi debet.

§. XLIII.

Cucumeris sylvestris, vel asini- *Cucumeris*  
ni, succus salem acrem continet, ac *sylvestr.*  
drasticum purgans est, quod etiam de  
ejus extracto, elaterio, valet. *Actius* l. XIII. c. LXXXI. ex his, inquit, quæ homini aliquando periculum inducunt, elaterium est. Referente *Bertrutio*, cucumeris sylvestris succus ventris fluxum, ad syncopen & mortem usque, concitat. *Dn. Jo. Theod. Eller* l. c. p. DCCCXCIV. inquit: Das Elaterium wird billig für ein scharfes und größtentheils giftartiges Medicament gehalten, dessen Gebrauch sehr angreifend ist, und öfters fluxum cruentum nach sich zieht; welches auch von andern scharfen Purgiermitteln, z. E. des gummi guttæ, scammonio, asaro, cortice mezeræi, gratiola &c. gilt.

§. XLIV.

Nerium (oleandrum) ejusque suc- *Nerii.*  
cum, intra paucas horas necare, experientia docuit. *Petr. Forestus* l. c. lib. XXX. obs. X. in scholio inquit: qui oleandri folia vel succum sumserit, anxietatem, ventris inflammationem, & tandem syncopen, patietur. Anus, quæ rhododaphnes succum cum vino biberat, in vomitus vehementes incidit, siti laboravit, & hora nona, post epotum succum,  
N 4 inter-

interiit. Post mortem in probo corpore omnia a capite ad calces usque livida erant. Vena primarum viarum atque omenti valde distenta animadvertebantur. Pulmo dexter a tergo valde rubebat. In ventriculo ac duodeno humor viridis, nullæ autem læsiones, invenièbatur, vid. Dn. I. B. Morgagnus l. c. I. IV. ep. LIX. art. XII. A carnibus in veru ex oleandri ligno facto, assatis nonnullos mortuos esse, Dn. Jo. Schenckius l. c. I. VII. obl. CXXXV. retulit.

#### §. XLV.

*Rhus myrtilifolia.* *Rhus myrtifolia* non modo pleuritis, sed etiam hominibus, perniciofa est, vid. *Galenus* de simpl. medicamentorum facultatibus, l. VIII. Ab illa horrendam citoque lethalem convulsionem excitatam esse, Dn. *Sauvages* in actis acad. regie scient. Paris. MDCCXXXIX. retulit. Taxi succus in regionibus calidioribus virosus est. *Dioscorides* l. alexiph. c. XII. taxus, inquit, in potu adhibita stragulatam, universi corporis frigus atque interitum celerem infert.

#### §. XLVI.

*Fungorum venenatorum nota.* Inter vegetabilia, quæ virofa acrimonia nocent, fungi sale caustico feti merito referuntur. Quædam signa eorum diagnostica sic satis communia, at non perpetua habemus, v. c. colorem luridum, odorem fetrum ac nauseosum, mollitiem, succum, quem continent, lacteum, & quo obducuntur, viscidam, facilem in liquamen facti-

foetidum nigrumque dilapsum, & loca, in quibus crescunt; palustria.

# §. XLVII.

In fungorum venenatorum censum veniunt: I. Agaricus piperatus *Eorum species.*  
*Lin.* vel agaricus albus, acris *Gleditschii.* II. Agaricus lividus fimetarius *Lin.*  
*(per Kröten: Schwamm, Mist: Schwamm.)* III. Agaricus acris, pileolo convexo, in centro depresso, margine rugoso striato, vel amanita petiolo farto, pileolo convexo, umbilicato, oris rugosis, lamellis albis. IV. Agaricus muscarius *Lin.* pileolo rubro vel fusco, maculis albis. *(Stengen: Schwamm.)* V. Agaricus pileolo cucullato, viscido, nigro, petiolo fistuloso candido, *Gleditschii.* VI. Agaricus ex una basi multiplex, pileolo croceo plano, maculis spadiceis variegato, lamellis viridibus, petiolo cylindrico annulato, fistuloso, dilutius flavescente, *Gleditschii.* VII. Amanita pileolo pallido, maculis nigricantibus notato, pedicelo bulbiformi, *Dillenii.* VIII. Amanita fasciculosa, pileolo ex rufo fusco, maculis nigricantibus distincto, *Dillenii.* IX. Fungus bufonius, orbiculatus C. B. flavus vel fuscus, maculis albis & nigris distinctus. X. Agaricus varii coloris, squamosus *Maur. Hoffmanni.* XI. Boletus arboreus, perniciosus *Tournefortii*, vel polyporus sessilis, cespitosus, planus, hirsutus, annulis versicoloribus, *Halleri.* XII. Boletus laevis, viscidus, superne coloris fusci, inferne lutei, *Dillenii.* XIII. Phallus impudicus *Lin.* De his Dn. F. Aug. Cartheuser in duobus progr. de fungorum venenatorum

notis, Giesse MDCCCLXXVII. editis uberius egit.

§. XLVIII.

*Eorum* . . . Periculosa fungis noxiis debita symptomata eo redeunt, ut iis intoxicati strangulatione, ventriculi inflatione, ardore, cardialgiis vehementissimis, doloribus colicis, dysuria, mictu cruento, dysenteria, febre, siti, delirio, singultu, artuum tremore, trismo, convulsionibus, affode, lipyria, syncope, comate somnolento, & sudoribus frigidis laborantes, cito morte rapiantur. Sola etiam aepsia fungi noxam inferre possunt; hinc illos, qui in coquendo duriores sunt, *Plin.* l. XXII. c. XXIII. merito damnavit. Conf. *Actius* lib. XIII. cap. LXXIII.

§. XLIX.

*Testimonia.* . . . *Dioscorides* de medicinali materia l. VI. c. XXIII. fungorum, inquit, alii genere, alii copia, laedunt. Omnes tamen strangulatus, suspensio similes, generant. Teste *Guainerio*, fungos malos edentes ventris & stomachi inflationem incurrunt, cum pectinis dolore atque urinae retentione, iisque postea pulsus parvus, strangulatio, syncope, sudor frigidus, ac tandem mors, succedunt. *Dn. Jo. Theod. Eller* l. c. pag. DCCCXCV. inquit: Die Wirkungen, so die vergiftete Schwämme in dem menschlichen Körper hervorbringen, sind folgende: Aufblasen des Magens, Schluchzen, Brennen, Durst, Colic, blasse Farbe, Suppressiones des Urins, Erstarren der Glieder, Inflammatio-

mationes, Dysenteria, kalter Schweiß, schwacher Puls, Ohnmachten, Convulsiones, Soporés, Deliria, und, wo nicht bald Hülfe geschafft wird, der Tod.

§. L.

Ex fungorum venenatorum e- *Exempla.*  
fu multos e vita raptos esse, *Galenus* de alimentorum facultatibus, l. II. c. LXIX. testatus est. *Plinius* l. c. fungi suilli, inquit, venenis accommodatissimi sunt. Familias nuper interemerunt & tota convivia, Anneum Serenum, præfectum Neronis vigilum, & tribunos, & centuriones. Quæ voluptas tanta ancipitis cibi? Casum virginis, post fungorum venenatorum esum, vehementissimis convulsionibus clonicis atque tonicis affectæ *Petr. Forestus* l. c. l. X. obs. CXVI. & *Jo. Schenckius* l. c. l. VII. obs. CLXXX — CLXXXIII. nonnullos tragicos casus consimili causæ debitos, retulerunt. A fungis venenatis comestis nonnullos juvenes intra XXXVI. horas periisse, *Dn. Stalpart van der Wiel* observ. rariorum cent. I. historia XL. memoriæ prodidit.

§. LI.

A baccis atropæ comestis faciei *Atropæ.*  
tumor & rubor, vertigo, artuum tremor, anxietas, nausea, vomitus, cardialgia, dolores colici, alvi & urinæ obstructio, vomitus, strangulatio, sitis, febris, delirium, rigores, convulsiones, sopor, sudores frigidi &c. oriuntur. Dorycnium potum, quod aliqui solanum furi-  
sum

lum nominant, teste *Paulo Aegineta* l. V. c. L. gustum quidem lactis repræsentant, sed singultus crebros facit, lingæ humiditatem, & cumulatam sanguinis eductionem. Per alvum mucosa feruntur, simillima torminosi. Dn. *Jo. Theod. Eller* l. c. p. DCCCXCI. inquit: Das Solanum majus, oder Bella Donna, ist den Menschen ein Gift. Am schädlichsten sind die Beere, welche toll und unsinnig machen, und die Menschen, durch einen tiefen Schlaf und kalten Schweiß, um das Leben bringen. Bey Kindern hat man wahrgenommen, daß selbige bald darauf unter Convulsionen sterben.

### §. III.

*Casus.* Adolescens & anus quædam paucas, at alia anus plures, & senex quidam tot, quot media pilei cavitas capit, maturas atropæ baccas in sylva, horis meridianis comederant. Paulo post vertigine, artuum tremore, nausea sitique corripiebantur. Domum redeuntés adolescens atque anum altera, qui nonnisi paucas baccas deglutierant, præter dicta symptomata, cardialgiis, doloribus colicis, spasticis colli ac dentium doloribus, alvi obstructione atque ischuria laborabant, illorumque venæ tumidæ conspiciebantur. Oxyrato largiter ingesto, saburram æruginosam vomitu rejiciebant, nec ulteriora mala symptomata patiebantur. At altera anus, quæ plures baccas devoraverat, vehementer anxietate, vomitu, delirio, convulsionibus, apertinaci alvi atque urinæ obstructione, laboravit, & venæ ejus admodum tumidæ erant. Altero mane in delirium atque trisimum incidebat, oculi

oculi rigeabant, fluida averfabatur, multoque sudore diffuebat. Attamen & hæc, adhibitis antidotis, orei faucibus erepta fuit. At senex, baccis istis lethiferis ad satietatem usque repletus, faucium strangulatione, delirio, extremitatum rigoribus, convulsionibus clonicis, sensuum abolitione, sopore ac stertore afficiebatur. Facies intense rubebat, pulsus celer & magnus, venæque admodum tumidæ erant. Ex vena in brachio secta sanguinis fluidissimi uncia XII. sine levamine mittebantur. Pharmaca data nihil auxilii spondebant, & proxima nocte miser mortem cum vita commutavit. Casus hos cl. Dn. D. Müller, Physicus comitatus Hungensis, cum societate Academ. Hassiaca communicavit.

### §. LIIL

Dux feminae atque puer decennis, & quidem illarum altera paucas, *Alii canis*, & quidem illarum altera paucas, *pus*. altera paullo plures, puer autem copiosas solani furiosi baccas, ad sitim fallendam, comederant. Temulentia, capitis rubore ac tumore actutum omnes afficiebantur. Feminarum alteri, quæ paullo plures deglutierat, æstus insuper atque deliria accidebant. Puer autem, emeticis incassum adhibitis, nocte proxima obiit, spuma sanguinea post mortem ex ore illius copiose effluente; vid. commerc. liter. Norimb. MDCCXXXI. p. CCCXXXII.

### §. LIV.

Puerulus trimulus versus vespere- *Ultimus*. ram solani baccas in sylva vicina devoraverat. Hora ejusdem diei octava vesperti-  
na

na de ventris dolore querebatur, brevi post, oculis distortis, furore corripiebatur, & in misero tali statu matris, hora sequentis diei octava matutina moriebatur. In corpuseulo mortuo abdomen quodammodo inflammatum erat. Cuncta intestina, imprimis jejunum atque colon, flabibus turgida ac inflammata, & ex visceribus mesenterium atque pulmones inflammatione etiam correpta erant. In ventriculo dictarum baccarum pelliculæ multaque semina, atque in intestino recto integra bacca cum multis seminibus inveniebantur, vid. commerc. liter. Norimb. anni MDCCXLIII. hebd. VIII. p. LXI. conf. Miscellanea A. C. N. C. dec. II. anni X. obs. CVIII. & CXVIII. *Jo. Schenkii* obs. medic. I. VII. obs. CLXIV. *Dan. Seunerti* l. VI. pr. VII. c. IX. *Mich. Alberti* jurispr. med. tom. III. casus XXXVIII. *Dn. Christ. Sicelii* tr. de bella donna, vel solano furioso. *Cel. Dn. Ant. Wilh. Plazii* diss. de atropa bella donna, Lips. MDCC-LXXVI.

#### §. LV.

*Solani officin.* Solanum nigrum, vel officinarum, ad atropæ virulentiam quidam non accedit, minime tamen innoxium est, sed ad narcotica pertinet; adeoque ab usu ejus interno abstinendum est. Stupefacientibus minus tutis *Dn. I. L. L. Læsecke* in materia medica p. DLXIX. illud accensuit. Ejus baccas infaniam producere, ill. *Ellerus* l. c. p. DCCXCI. perhibuit. *Jo. Schenckius* observ. med. I. VII. obs. CLXIII. dissimulandum, inquit, non est, baccas solani somnum inducere, quod ipse tribus  
aut



aut quatuor ex eo genere degustatis acinis expertus sum; admonendi ergo sunt omnes, ut a nimio eorum usu abstinant. Scripsit ad me D. *Geor. Olinger* Norimbergensis, quosdam pueros per imprudentiam plures, quam par erat, solani acinos devorasse; ita quidem, ut duo ex illis occubuerint, tertio superstiti.

### §. LVI.

*Hyoscyamus* albo-niger quidem perniciosior est; sed & ille noxa non caret; uterque enim, diverso tamen gradu, vertiginem, cephalalgiam, stuporem, anxietatem, inflammationem, delirium, convulsionem, rigores, lipothymiam, affectus soporosos, sudorem frigidum & apoplexiam producit. Ab *hyoscyamo* dolorem in corporis peripheria, ac si flagris caesa fuisset, oculorum ruborem ac pruritum, corporis jactationem ac distortionem produci, *Aetius* l. VI. c. XVIII. testatus est. *Hyoscyamum* potum aut comestum similem ebriis abalienationem movere, *Dioscorides* lib. VI. c. XV. asseruit. Eundem *Galenus* simplic. l. VIII. deleterium nominat. Ex comestis *hyoscyami* nigri seminibus puellam anxietate, delirio, convulsionibus atque tetano lethali correptam, atque infantem quadrimum ex eadem causa faciei rubore, delirio, somnolentia atque stupore affectum esse, in miscell. A. C. N. C. anni III. obs. XXI. relatum est. Virum nobilem, XV. grana feminis *hyoscyami* contra lateris dolorem sumentem, in phrenesin incidisse & puerulum ex simili causa convulsiones per nychthemeron passum esse,

esse, *Jo. Schenckius* l. c. l. VII. obs. CLII. memoriae prodidit.

*Obs.* Seminis accensi fumum enormes vomitus, vertiginem atque maniam produxisse, *Dn. Borellus* obs. med. physic. cent. IV. obs. V. testatus est. Viri casum, qui ex eadem causa in phrenesin inciderat, apud *Dn. Schenckium* l. c. legimus.

### §. LVII.

*Lolii temulenti.*

*Lolium temulentum* vertiginem, cephalalgiam stuporem, amentiam, nauseam, vomitum, debilitatem, spasticas affectiones, inflammationes, soporem, humorum cacochymiam atque exanthemata cutanea excitat. *Galenus* l. VI. simpl. & l. I. de aliment. facult. cum anni, inquit, constitutio prava fuisset, lolium tritico affatim innasci contigit; quod cum, ob paucum tritici proventum, neque agricolae, neque pistorum accurate purgassent; statim multis caput dolore coepit; ineunte vero aestate in cute multorum ulcera, aut alia symptomata, quae humorum pravitatem indicarent, subsecuta sunt. Ill. *Jo. Theod. Eller* l. c. pag. DCCCLXXXIV. inquit: Wenn das *Lolium temulentum*, (Trespe) reichlich unter das Brod gebacken, oder unter das Bier verbrauet wird; so äussert es eine starke vim narcoticam, und verursacht Schwindel, starken Kopfschmerzen, Dummheit, Tollheit, Ekel, Erbrechen, Herzensangst, Schwäche des generis nervosi und ganzen Körpers, allerhand krampfhafte Krankheiten und Entzündungen.

### §. LVIII.

§. LVIII.

Inspissatus papaveris orientalis hirsuti succus, opium, in nervos eorumque spiritus maxime agere videtur. In parva dosi somnum indolentiam gratamque ecstasim efficit, excretionemque, præter periphericam, retardat, vel aliquamdiu sufflammat. In adfuetis orientalibus non nisi ejus drachma media vel integra summam ebrietatem produci asserunt. In non adfuetis a dosi ejus, vel præparatorum, inprimis spirituosorum aut fermentatione exaltatorum, jussu majori pulsus augmentum, sanguinis solutio, orgasmus, versus encephalum regurgitatio, vasorum expansio, cerebri pressio, vertigo, oculorum tenebrositas, stupor, veternus gravis, pruritus in cute a somno subinde excitans, respiratio parva atque difficilis, labrorum intumescencia, plumbeus faciei color, unguium livor, convulsio, maxillæ paralyxis, lipyria, frigidus sudor, opium redolens, & , nisi cito succurratur, apoplexia ipsaque mors in scenam producuntur, vid. *Aetii Amideni* operis med. I. V. c. XXXIV. I. VI. c. VII. I. XIII. c. LXVIII. Teste *Dioscoride* de re medicinali, I. VI. c. XVII. epoto papaveris succo, quem meconium vocant, veternus cum pruritu vehemente oritur, ita, ut sæpe, invalescente veneno, tanta prurigo erumpat, ut hominem excitet.

*Obs.* Sola opii effluvia stuporem atque soporem excitasse, observatum est.

§. LIX.

Mulierem, post opium assum- *Casus &*  
tum, altero die mortuam inventam esse, *inventâ.*

O

*Petr.*

*Petr. Forestus* l. c. l. XXX. obs. X. in scholio testatus est. Viro opii drachmam deglutitam intra VII. horas mortem attulisse, apud *Fallopium* in tr. de composit. medic. legimus. Nonnulla subitanæ mortis exempla ab opio, sub clysteris vel suppositorii forma, dato, aut corpori illito, *Jo. Schenckius* l. c. lib. VII. §. CLXXXVI. memoriæ prodidit. In corporibus mortuis interna ventriculi superficies, mucō quasi deterſo, hic illic rubea, ut in inflammationis principio, inventa, ac pylorus clausus fuit.

*Obs.* Nimius croci usus consimiles, ut opium, effectus edere solet, nimirum somnolentiam, dementiam &c. Agasonem quendam super duabus croci farcinulis dormientem eadem nocte obiisse, ab *Amato Lusitano* ad Dioscoridis l. I. c. XXV. enarratum est.

## §. LX.

*Cantharidum.* Morbi a viperarum, quorundam serpentum atque animalium rabidorum morſu ortum ducentes ad medicinam practicam, non autem ad forensem, pertinent. Noxarum autem a cantharidibus culposæ vel dolosæ copiosius datis ortarum ratio in jurisprudentia medica utique habenda est. Illas euti applicatas eam inflammare atque exulcerare, vulgo notum est. Intrinsecus temere sumtæ, vel dolosæ datæ, non solum ardorem in toto corpore producunt, & fauces ac primas vias, sed etiam partes remotiores, v. c. renes & vesicam urinariam inflammant atque exulcerant, quin etiam mixtum cruentum ominosum excitant, qui sub-

subinde etiam improvidum illarum usum exter-  
num secutus est, vid. ill. *Jo. Theod. Eller* l. c.  
pag. DCCCCV.

§. LXI.

Annotante *Petro Foresto* obs. & *Casus*,  
curat. medic. l. XXX. obs. VI. vir, cui  
cantharides exhibitæ fuerant, erosionis sensum  
ab ore ad vesicam usque habuit, & dextrorum  
præcordiorum inflammatione, dysuria, mictu  
cruento, dysenteria, vertigine atque animi deli-  
quio correptus est. A rhabbarbo in morta-  
rio, cantharidum pulveratarum reliquiis inqui-  
nato, contuso mictum cruentum & vesicæ exul-  
cerationem orta esse, apud *Jo. Schenkium* l. c.  
l. VII. obs. CXXIII. legimus. Ab eodem *auto-  
re* l. c. obs. CXXVI -- CXXVIII. quidam earum  
effectus lethales propositi sunt, vid. *Dn. C. G.  
Stenzelii* diss. de cantharidibus, *Wittenbergæ*  
MDCCCLX. *Dn. C. F. Jæger* diss. de canthari-  
dibus earumque actione & usu, *Tubingæ* MDCC-  
LXXII. *Dn. R. Forstenii* disquisitione medica hi-  
storiam cantharidum naturalem, chemicam &  
medicam continens, *Argent.* MDCCCLXXVI.

§. LXII.

Ubi, veneni dolose vel culpose *Medici*  
dati, aut temere, aut casu assumti, sus- *officium.*  
picio inciderit; Medicus ex sympto-  
matibus præsentibus, causis prægressis aliisque  
connexis, quænam veneni species culpæ proxi-  
ma sit, quantum fieri potest, sollicite inquirat  
eique antidota convenientissima in tempore op-  
ponat.

## §. LXIII.

*Judicis officium.* Morte, sani maxime hominis, post vehementia symptomata, subito accidente, & veneni culpose vel dolose dati suspicionem faciente, ut, festinata sepultura prohibita, corporis mortui sectione legali tempestive instituenda, in morbi ac mortis causam inquirat, atque detecta culposa vel dolosa hominis intoxicatione in reum debite animadvertat, judicis officium est. *Lege Cornelia Instit. juris l. IV. tit. XVIII.* præceptum est, ut venefici, & qui mala medicamenta publice vendiderint, capite damnentur. Qui venenum, necandi hominis causa, fecerit, vendiderit, vel habuerit, plectitur. *Digest. l. XLVIII. tit. VIII. §. III.*

\*\*\*\*\*

## CAP. VI.

*De philtis.*

## §. I.

*Amorem conciliantia.*

*V*enustas, juvenus, familiaritas, virtus atque officiosa urbanitas in utroque sexu amoris conciliatrices sunt, & amorem amore conciliari, cæteris paribus, verissimum est. Præter ea diætam lautam, vinum generosum atque otium venerem excitare, at sine venere ac baccho illam frigere, veteribus, non sine causa, creditum est. Hæc philtis physica atque moralia esse, tantum abest, ut dubio subiaceat, ut potius quotidiana confirmetur experientia.

§. II.

## §. II.

Nec defunt varia aphrodisiaca : *Venerem*  
 atque diuretica venerem excitantia, *stimulan-*  
 vanc. radices diureticae petroselini, *tia.*  
 apii, asparagi, balsama naturalia, tin-  
 cturae alcalicae, sinci marini sale conditi; quo-  
 rum moderatus usus quidem non adeo damno-  
 sus, minime tamen suadendus est.

## §. III.

Dari autem remedia amorem de- *Philtre.*  
 terminatum erga personam quandam  
 excitantia, philtorum nomine vulgo venientia,  
 neque certis experimentis demonstratum, neque  
 verosimile est. *Jo. Frid. Cartheuser* in diss.  
 de venenis, sect. IV. §. I. p. LXI. autumantibus,  
 inquit, philtis amorem determinatum conciliari  
 posse, assensum largiri nequeo.

## §. IV.

Melancholicorum atque mania- *Phantas-*  
 corum, sese philtis intoxicatos esse, *mata.*  
 contententium opiniones atque asser-  
 ta nil, nisi corruptae phantasie ludibria, sunt.  
 Ex vehemente amore, imprimis frustrato, homi-  
 nes morbosos atque maniacos fieri, ex arcta men-  
 tis corporisque connexionem mutuisque in se in-  
 vicem nocivis actionibus concipi potest, multis-  
 que exemplis tragicis confirmatum est, vid. *El.*  
*Henr. Henchelii* tr. de philtis eorumque effi-  
 cacia & remediis, Francofurti MDCXC.

## §. V.

*Pharmaca  
noxia.*

Pharmacis noxiis, v. c. cantha-  
ridibus aliisque nocivis, philtro-  
rum loco, male feriatos homines  
abuti posse, concedimus, & tunc pharmaco dam-  
noso malisque ejus effectibus ab artis perito de-  
tectis, dolus, pro damno dato, puniendus est.  
Modo laudatus Dn. *Jo. Fried. Cartheuser* l. c.  
philtro, inquit, stricte sic dicta toxica sunt, sani-  
tatem graviter turbant, atque amoris loco, insa-  
num æstrum venereum, quin sapius mortem,  
producent. Conf. *Christ. Godofr. Stenzelii* diss.  
de philtis rite examinandis ac judicandis, Wit-  
tenb. MDCCXXVI.

XXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXX

## CAP. VII.

*De suffocatis.*

## §. I.

*Suffocatio.* Quidquid respirationis actum in na-  
tis atque aëre communi fruen-  
tibus animalibus tollit, circulum sanguinis mi-  
norem, inter cor atque pulmones contingen-  
tem, simul tollit, sanguini a capite ad cor reditu-  
ro impedimenta ponit, atque hac ratione efficit,  
ut animalia sic affecta apoplectica pereant. Hoc  
vel a morbo, v. c. cynanche, peripnevmonia, ca-  
tarrho suffocativo, vel casu, e. g. a corpore soli-  
do peregrino in laryngem illapso, a vaporibus  
sulphureis, salinis, stypticis, musti fermentan-  
tis, prunarum, calcis, in loco clauso, aërem  
elasti-



elasticitate privantibus, aëris defectu, v. c. sub antia pneumatica exhausta, in aqua vel alio fluido aëre crassiore, vel dolo malo, aëris itinera variis modis comprimendo, constringendo vel obturando, effici potest. Omnia autem hæc in obviis casibus forensibus rite investiganda, inter se distinguenda, atque ex causis atque symptomatibus suis determinanda sunt.

## § II.

In suffocatis facies rubet ac tumet, externæ corporis partes, apoplecticorum instar, hinc inde livent, pulmones cum vasis suis, maxime venosis, turgent ac livent, in aspera arteria atque bronchiis serum spumofum deprehenditur, dexter cordis ventriculus cum auricula sua sanguine turget, & hic etiam in variarum corporis partium, v. c. piæ meningis, tunicæ oculorum albugineæ venis & jugularibus stagnat illasque extendit. Ex facie rutila, vasis piæ meningis & albugineæ oculorum tunicæ præter naturam, & potissimum pulmonibus lividis ac cruore repletis, spūmaque in trachea reperta, recens natum suffocatione periisse, Dn. D. Treu conclusit, vid. commerc. liter. Norimb. MDCCXXXV. p. X.

*Suffocatorum signa commun.*

## §. III.

Respiratio variis modis dolose intercipi solet, v. c. I. violenta corporis solidi, v. c. terræ, panniculi &c. in fauces intrusionem, illarumque obturationem; qua ratione recens nati subinde

*Varii suffocationis modi.*

interimi solent. II. Diuturniore narium atque oris compressione, manu, vestimentis, culcitris facta. *Tiberium Neronem*, senio morboque confectum, pulvino injecto necatum esse, nonnulli tradiderunt, vid. *Caji Suetonii* vita *Tiberii*, c. LXXIII. III. Submersione in aqua vel alio fluido aëre densiore. IV. Laqueo collum constringente, quo partim respiratio, partim sanguinis a capite regressus, impediuntur.

#### §. IV.

*In aqua suffocatorum signa.*

In submersis, præter communia suffocatorum signa, spuma os atque fauces occupans, diaphragma depressum, pulmones turgidi, abdomen tumidum & digitorum apices a validis eluctandi nisibus quandoque lacerati, inveniuntur; quod ultimum tamen signum in recens natos, melancholicos, ebrios atque epilepticos submersos non cadit. Ob denegatum aëris in organa respiratoria accessum, non autem ab hausta aqua, submersi suffocari videntur; nec spuma in viis pulmonum aëreis atque trachea inventa aquæ hauste, sed eam potius arteriolis atque glandulis serosis adscribendam esse credo, in submersis etiam glottis epiglottide arcte clausa sæpius deprehenditur. B. m. Dn. *Jo. Bohnius* plures infanticidas culci supplicio necatas secans, nihil, aut parum aquæ in illarum pulmonibus atque abdomine deprehendit, vid. *ejus* tr. de renunciat. vuln. pag. CXCIV. Quin & in submersorum ventriculo nonnisi pauca aqua, sub respirationis contaminibus forte deglutita, reperitur; quod etiam academia regia scient. Parisiensis diserte agno-

agnovit, atque in monito illo de ope submersis ferenda, MDCCXL. publicato proposuit. In illos, qui jam mortui in aquam projecti sunt, signa modo enumerata non quadrant.

*Schol.* Non tamen desunt observationes, imprimis cum animalibus junioribus in aqua suffocatis captae, quae glottidem apertam & aquam in pulmonibus & ventriculo inventam esse, ostenderunt. Brevior vel diuturnior submersorum in aqua detentio ad observationum diversitatem symbolam suam conferre videtur; in mortuorum enim pulmones atque ventriculum aqua penetrare potest.

## §. V.

De morte & signis in aqua submersorum sequentes autores evolvi possunt: *Jo. Conr. Becker.* tr. de submersorum morte, sine aqua pota, Jenæ MDCCXX. *Jac. Smith.* diss. de submersorum morte, Pragæ MDCCXXVII. *Chr. Willh. Carisii* diss. de morte submersorum in aqua, Regionont. MDCCXXXV. B. m. Dn. *Jo. Godofr. Brendelii* diss. sistens experimenta circa submersos in animalibus instituta, Gœttingæ MDCCCLIII. Dn. *Champeaux* und Dn. *Faissole* Erfahrungen und Wahrnehmungen über die Ursache des Todes der Ertrunkenen. Dn. *Mich. Christoph. Hanovii* Seltenheiten der Natur 2c. aus den Dänziger Erfahrungen und Wahrnehmungen von Joh. Dan. Titius ausgezogen, Leipzig 1753. Dn. *Jo. B. Morgagni* epist. anat. XIX. art. XLI. - XLIV. & epist. LXIV. art. IV.

## §. VI.

*Suspen-  
sorum sig-  
na.*

In laqueo strangulatis hujus ve-  
stigia in collo, non continua quidem,  
sed interrupta, atque hinc inde sug-  
gillata, conspiciuntur. Facies tumet  
ac livet, oculi tumidi sunt ac rubent. Capitis  
& piæ meningis venæ turgent, pulmones valde  
distenti eorumque venæ, etiam minimæ, multo  
sanguine nigro infarctæ sunt. Serum spumeum  
in ore, arteria aspera atque bronchiis deprehen-  
ditur, lingua admorsa esse, atque involuntaria  
lotii & fecum alvinarum excretio ipsis accidere  
solent. Omnia hæc signa in vetula a latronibus  
noctu, in lecto suo, laqueo suffocata vidi. *Boh-  
nius* de offic. med. forens. cap. IV. p. DCXVII.  
in suspensis funis vestigia, livor ac tumor faciei,  
oculorum prominentia, & spuma ex ore naribus-  
que prodiens, & asperam arteriam hujusque ra-  
mos replens, observantur, vid. Dn. *Jo. Georg.  
Ræderer* progr. quo observationum de suffocatis  
saturam exhibet, Gœtingæ MDCLV. Dn. *Ant.  
de Haen* Abhandlung über die Art des Todes der  
Ertrunkenen, Erhenkten und Erstickten, Leipzig  
1772.



## CAP. VIII.

*De vulnerum lethalitate generatim agens.*

## §. I.

*Medici.  
officium.*

**M**edicus forensis facti certitudi-  
nem ex rationibus physico-me-  
dicis definiturus ipsam læsionem, ejus  
conne-

connexa atque consecutaria cum causa progressa comparet, & quomodo ab hac sola, vel aliis concurrentibus, variae corporis actiones perturbatae, vel sublatae sint, aut mors secuta fuerit, dijudicet atque in foro pronunciet, vid. *Ambr. Parai* tr. de renunciationibus, in ejus operibus Parisi. MDLXXXII. editis obuius. *Jo. Dan. Majoris* diss. de recte ferendis vulnerum indiciis, Kiloniae MDCLXXXV. *Jo. Bohnii* tr. de renunciatione vulnerum, Lipsi. MDCLXXXIX, *Ejusd.* tr. de officio Medici duplici, Lipsi. MDCCIV. *Ejusd.* tr. de renunciatione vulnerum & de partu enecato, ib. MDCCXI. *Petr. Gerike* diss. de vulnerum renunciatione, Rintel. MDCCI.

## §. II.

Læsiō vel ita comparata est, ut plenariam curationem admittat, nullaque mala consecutaria in corpore relinquat, & tunc illa sanabilis ejusque curatio perfecta dicitur. Ubi vero, subsistente vita, quædam actiones a causa lædente, adhibitis auxiliis appropriatis non obstantibus, imminutæ vel sublatae fuerunt, damnum minus vel majus irreparabile datum, sanitas plus minusve labefactata atque curatio imperfecta est. Si non ex læsione, scilicet per se curabili, sed potius ex culposo auxiliorum neglectu, admissis erroribus, aliisque connexis, mors sequitur, adeoque hæc non cum læsione, sed cum aliis causis accidentalibus connexionem causalem habeat; læsiō per accidens lethalis dicitur. Ubi vero læsiō ita comparata est, ut nullam medelam admittat, sed mors ex illa sola, brevior vel longior

giore temporis intervallo oriatur, & perpetua  
 connexio inter causam, symptomata & mortem  
 appareat; tunc læsio absolute lethalis est. A  
 vulneratæ partis natura, nec unquam aliunde,  
 vulnerum differentias Hippocrates desumfit, vid.  
*Melch. Sebixii* examen vulnerum singularum  
 corporis humani partium, prout lethalia, sana-  
 bilia vel incurabilia sunt, Argentorat.  
 MDCLXXXIII.

### §. III.

*Dies critici.* In dijudicandis læsionibus absolu-  
 te lethalibus dies critici, uti in febri-  
 bus acutis, nec locum habent, nec  
 attendendi sunt. *Jo. Bohnius* de vulnerum re-  
 nunciatione, p. LXIV. nulla, inquit, apparet ra-  
 tio, cur vulnus tardius interficiens minus per  
 se enecet; modo vulneris conditio eventui sit  
 adæquata, id est, tale hoc extiterit, cui nihil me-  
 dicæ manus medica adferre potuerit, actio ni-  
 hilominus hinc læsa œconomiam vitalem enor-  
 miter, quamvis lento motu, evertat. *Idem*  
*autor* l. c. p. LVII. ait: ubi symptomata a  
 vulneris conditione orta a principio ad mortem  
 usque perseveraverunt, vel post aliquam remis-  
 sionem recidiva sint, ejus lethalitas cognosci-  
 tur. De tardius post læsionem morientibus  
 in *Nemefi Carolina* art. CXLVIII. ita consti-  
 tutum est: So einer geschlagen wird, und  
 über etliche Zeit darnach stirbt, also daß zwei-  
 felhaft wäre, ob er der geklagten Streiche hal-  
 ben gestorben wäre, oder nicht? In solchen  
 Fällen mögen beyde Theile zur Sache dienstli-  
 che Rundschaft stellen, und sollen doch, sonder-  
 lich

sich die Wundärzte, der Sach verständige und andere Personen; die da wissen, wie sich der Gestorbene nach dem Schlagen und Rumor gehalten habe, zu Zeugen gebraucht werden; mit Anzeige, wie lange der Gestorbene, nach den Streichen, gelebt habe. Ex quibus satis apparet, mortem etiam tardius accidentem aggressorem haud excusare, sed causam coram iudice ventilandam esse, vid. *Geor. Wolfg. Wedel. diss. de efficacia dierum criticorum in vulnere lethali*, Jenæ MDCCXII. *Jo. Eisenhard. diss. de die vulnere ac percussione lethali critico*, Helmst. MDCLXXIX.

§. IV.

Ante aliquot annos sequens casus *Casus.* ordini nostro propositus fuit: viri cuiusdam antea recte valentis caput a duobus aggressoribus ita fustibus contusum fuit, ut in terram sine sensu procideret. Paulo post, iterum ad se rediens, domum ducebatur, vertigine laborabat & febre. Licet Medicus atque Chirurgus quasvis artis regulas applicassent; attamen a latione morbus continuabat, atque agrotus, mutato illius schemate, in febrem habitualem & corporis contabescientiam incidens, anno post fatis functus est. In basi cranii insignis contrassura atque ulcus reperta sunt, & latio pro absolute lethali recte declarata fuit.

§. V.

Læsiones, a quibus omni arte elusa, actiones vitales, nimirum *Læsiones absolute lespiri-*

*thales.* spirituum animalium per encephalum & nervos, sanguinis per vforum systema circuitus, & respiratio, immediate vel mediate tolluntur, absolute lethales sunt. *Jo. Boknius* de vulnorum inspectione p. XIX. vulnorum, inquit, lethalitatem non ex eventu deplorando tantum prudentiores concludunt; sed quod, ut tale, mortis insequentis causa extiterit, & quia, ut non sanabile, mortem intulerit, vid. *Godofr. Welschii* rationale vulnorum lethaliu judicium. Lips. MDCLX. *Henr. Maibomii* diss. de vulnorum lethalitate, Helmst. MDCLXXIV. *Geor. Wolfg. Wedelii* diss. de fundamentis lethalitatis vulnorum, Jenæ MDCXCV. *Petri Ammanni* praxis vulnorum lethaliu, Lips. MDCCI. *Ern. Stahl.* diss. de vulnorum lethalitate, Halæ Magd. MDCCIII. *Joh. Christ. Baugmanns* Unterricht von tödtlichen Wunden, Leipzig 1707. *Woyts* Unterricht von tödtlichen Wunden, Dresden 1716. *Bernh. Suevi* tr. de inspectione vulnorum lethaliu atque insanabiliu præcipuaru corporis humani partium, Marb. MDCCXXIX. *Jo. Henr. Respinger.* diss. de vulnorum lethalitate, Basil. MDCCXXXIII. *Frid. Aug. Hommel.* diss. de lethalitate vulnorum & cadaveris inspectione, post hominem occisum, Lips. MDCCXLIX. *Jo. Torkos* diss. de renunciatione vulnorum lethaliu, Göttingæ MDCCCLVI. *Christ. Gottl. Büttners* Anweisung vor angehende Arzneybeßißene über tödtliche Verletzungen, Königsberg 1768. recusa ibid. 1776.

## §. VI.

Enceph. me.

Profundiores cerebri ac cerebel-



rebelli læsiones ac destructiones, atque ex hac causa factæ in cerebri corpore calloso, ventriculis vel cavis præternaturalibus ortis, aut in calvariae basi sanguinis vel feri effusiones, mortem vel subito vel successive arcessunt nullamque medelam admittunt; adeoque absolute lethales sunt. In hunc censum medullæ spinalis atque nervorum principalium in corpore distributorum plexuumque nervosorum fonticæ læsiones ac destructiones veniunt; quia non solum progressivum ad partes nobiliores, vitam sustinentes vel proxime juvantes, spirituum animalium motum tollunt, sed etiam periculosissimis inflammationibus occasionem præbent.

## §. VII.

*Hippocrates* Coac. prænot. *Autorum* sect. II. n. DIX. si cerebrum ali- *testimonia.*  
cui vulneratum fuit, aut spinalis  
medulla, mors ex vulnere contingit. Intereunt  
etiam, quibus nervi interiores vulnus acceperint.  
*A.C. Celsus* de medicina, l. V. cap. XXVI. cui ba-  
sis cerebri vel medulla spinalis percussa est, ser-  
vari nequit. Medulla, quæ in spina est discissa,  
nervi resolvuntur, aut distenduntur, sensus inter-  
cidit, interposito tempore aliquo, sine voluntate in-  
feriores partes urinam vel etiam stercus excernunt.  
*Fortunatus Fidelis* de Medicorum relationibus,  
c. IV. p. m. DXLIII. Cerebrum, inquit, si vul-  
nus accipiat, sanguis per nares, quibusdam etiam  
per aures exit, fereque bilis vomitus insequitur,  
quorundam sensus obtunduntur, aut torvus vul-  
tus fit, aut oculi quasi resoluti huc atque illuc  
moven-

moventur, fereque tertio aut quinto die delirium accedit, multorum etiam nervi distenduntur. Percusso autem cerebro, ægri concidunt, vox nihil sonat, facies pervertitur, & bilis vomitus accidit. *Joan. Bohnius* de vulnerum renunciatione, pag. XXIX. violentiæ, inquit, cerebro & nervoso generi, omnibus partibus vim moventem suggerentibus, ita illata, ut cordi potentia motiva subtrahatur & pulsus tollatur, absolute mortiferæ sunt. *Idem* autôr l. c. p. LXIX. illorum, asserit, nervorum vulnera per se mortifera existunt, quorum profunde sitorum puncturis, in convulsiones universales conjicientibus, vel aliis læsionibus enormibus, quibus organa vitalia activitate sua defraudantur, conveniens medela adhiberi non potuit.

## §. VIII.

*Viscerum*      Cordis, viscerum, atque vasorum  
*Vasorum.*      majorum profundæ læsiones, ex quibus incöercibile sanguinis profluvium accidit, læsionibus absolute lethaliibus merito etiam accensentur. Quin & vehementes viscerum contusiones, ecchymoses irresolubiles, magnæ inflammationes atque rupturæ, læsioni externæ debitæ, in eundem censum veniunt. Cum internarum partium læsiones ab earum situ, excretis, dolorum proprietate, actione læsa, propriisque symptomatibus generatim deducendæ sint; fonticas viscerum vasorumque læsiones ex magna hæmorrhagia, summo actionum vitalium languore illico succedente, pulsu parvo & inæquali, celerrima cordis palpitatione, corporis prostratione, convulsione, pallore atque frigido sudore.

sudore, cognoscimus. Ubi non continuo filo, sed subsultim sanguis copiosus ex vulnere profluit; tunc arteriam incisam esse intelligimus.

*Obs.* Vasa ejus, qui vivus fauciatu fuit, floccida atque inania, sed post obitum vulnerati sanguine turgida cernuntur.

§. IX.

*Autorum testimonia.* Hippocrates sect. VI. aph. XVII. &c. id lethale est. *Coac. prænot.* sect. II. n. CCCXXVIII. qui ex vulnere, subinde rigentes, sanguinem profundunt, ii pessime se habent, & inter loquendum derepente moriuntur. *Ibidem* n. DIX. si cui quædam grandis vena, aut cor, aut jecur, aut pulmo &c. percussa fuerint; ex vulnere mors contingit. Teste *A. C. Celso* de medicina, l. V. c. XXVI. cui cor, aut jecinoris portæ, aut pulmo medius, aut renes, aut grandes venæ circa fauces percussa sunt, servari non potest. *Fortunatus Fidelis* l. c. c. IV. pag. DXLIII. corde, inquit, percusso, sanguis multus effertur, arteriæ languescunt, color est pallidissimus, sudores frigidi & mali odoris, ac, extremis partibus frigidis, matura mors sequitur; p. DXLV. si venæ, aut arteriæ, quæ in imo sunt corpore, vulnus accipiant; illæ ingentem nigri sanguinis copiam fundunt, pallent ægrotantes, ac promptissimus est interitus. Hæ autem tenuem, flavum & spumantem sanguinem effundunt, arteriæ statim immutantur, & mors non multo post sequitur. *Jo. Bohnius* de vulnerum renunciatione, p. XXVIII. vulnera, inquit, quæ viscera ac vasa lædendo, sanguinis

nis vel lymphæ circulum tollunt, omnium brevissime ac certissime necant.

### §. X.

*Casus.* Juvenis, cui gladio in poplitem dextrum adacto & fursum directo arteria cruralis, in femoris principio, incisa fuit, auxiliis irritis, atque arteriæ ligatione membrique detractione impossibilibus suborto totius extremitatis inferioris dextræ aneurismate spurio atque sphacelo, intra quatrimum decessit. Conf. *Fr. Henr. Werckmeister* diss. de absoluta vulneris arteriæ magnæ lethali- tate, Halæ Magd. MDCXCIV.

### §. XI.

*Plurium vasorum minorum.* Ex plurium vasorum minorum læsionibus, nisi auxilium in tempore adferri possit, in hæmorrhagiam lethalem vulneratus incidere potest.

*Io. Bohnius* de offic. med. forens. p. DLXXXIII. plurium, inquit, vasorum minorum læsio hæmorrhagiam lethalem, notabilemque cruoris in cavitate congestionem producere potest. *Idem* de vulner. inspect. p. XII. nulla diversarum læsionum inferendæ mortalitati sufficiente, num earum binæ vel trinæ idem præstent, Medicus eruat. B. m. Dn. *Zach. Platner* instit. chir. ration. §. CCCLXVIII. homo, inquit, si ei plures plagæ, quæ singulæ facile sanari potuissent, inflictæ sunt; earum numero conficitur, atque e medio tollitur.

### §. XII.

*Casus.* Mulieri a duobus latronibus plura vulnera cultris, in capite, fronte, facie

cie atque brachiis inflicta erant. Hæc paulo post in sylva inventa, in pagum vicinum vecta atque curæ meæ credita, tantam hæmorrhagiam perpeſſa erat, ut arteriarum pulſus vix ſentiri poſſet, illa integrum triduum anæſtheſia laboraret, & nonniſi ſollicita longaue curatione ſanaretur. Hæc ſi diutius, ſine vulnerum deligatione aliaque recta tractatione, jacuiſſet, ex vulneribus pluribus non absolute lethaliſus ſine dubio interiſſet.

### §. XIII.

Vaſorum lymphaticorum majorum, ad quæ acceſſus non datur, Vaſorum lymph. & vaſorum chyliſiferorum, receptaculi chyliſifer. lumbaris atque ductus thoracici læſiones, ob lymphæ atque chyli effuſionem lethales ſunt. Jo. Bohnius de renunciatione vulnerum, p. XXVIII. quædam, inquit, vulnera mediate ac lente magis perimunt, v. c. organorum chyli productioni, exaltationi ac diſpenſationi miniſtrantium.

### §. XIV.

Humorum circuitum continuitas quorumvis organorum in cavitat. ſoluta incorrigibilis etiam lædit; effuſio. hujus enim culpa tam fluida laudabilia, quam excrementia, v. c. bilis, chylus, ſanguis, lymphæ, lotium, feces alvinæ, extra canales & receptacula ſua in hoc vel illud cavum, ſibi haud competens, elabuntur, ibique coacervata, mole, acrimonia, atque putredine vitalem ſanguinis circuitum impediunt mortemque arceſſunt, vid. Jo. Bohnius l. c. p. XXIV.

## §. XV.

*Contusiones  
vehementio-  
res.*

Vehementiores plurium partium in primis nervosarum contusiones, indeque exortæ circuli humorum turbationes, graviores inflammationes, altius sæpius penetrantes, instrumentis obtusis, gravibus ac duris, vi adactis, calcitrationibus &c. excitatæ absolutam lethalitatem, ex casu individuali dijudicandam, quandoque inferunt. *Jo. Bohnius* l. c. p. XXI. plurimum, inquit, membrorum contusiones, lacerationes & vulnera multos dolores, inflammationes ac spasmos producunt; adeoque sanguinis & spirituum motum hinc inde enormius turbant. Quin severiores fustigationes & flagellationes, instrumentis durioribus factæ, interficere, experientia constat. *Idem autor* l. c. pag. CLXVII. Læsiones, quæ fustibus, calcitrationibus, vel quibusvis instrumentorum duriorum ictibus inferuntur; quibus carni compages contunditur, vascula rumpuntur humoresque effunduntur, quarumque contusionum impetus non raro ad interiora se extendit, inopinam mortem aliquando arcessunt. Casum de pluribus plagis externo corpori illatis absolute lethalibus, vid. in *Mich. Alberti* jurispr. medica part. poster. append. cas. XXVII. p. CLXI.

## §. XVI.

*Vulnera a  
machinis  
pyriis.*

Vulnera a machinis pyriis producta, cum insigni partium dilaceratione, magna humorum stasi, inflammatione ac livore conjuncta cito in gangrænam atque sphacelum transire, certam-

certamque mortem adferre solent. *Jo. Bohnius* l. c. p. XXXIX. vulnera, ait, sclopetorum globulis illata, ratione contusionis ac lacerationis enormioris atque inflammationis ad necrosin disponentis, simplicioribus puncturis & incisionibus, semper graviora atque periculosiora sunt, vid. *Botalli* tr. de sclopetorum vulneribus. *Fabr. Hildani* tr. de sclopetorum vulneribus. *Franc. Plazzoni* tr. de sclopetorum vulneribus, Pataviæ MDCXLIII. *Jo. Nic. Pechlini* tr. de vulneribus sclopetorum in genere, Kiloniæ MDC-LXXIV. *Rud. Wilh. Crause* de sclopetorum vulneribus, Jen. MDXCV. *A. Rapsii* diss. de vulneribus sclopetorum, Lugd. Bat. MDCCIV. *Ab. Vater* diss. de vulnere sclopetario die septimo demum lethali, Wittenb. MCCXXII. *Laur. Heisteri* diss. de machinarum ignivomarum vulneribus, Helmst. MDCCXLIV.

*Schol.* Globulis ex machina pyria interfectum, se ipsum improvide necasse, interdum temere contenditur; sed hoc ex globulorum divaricatione aliisque connexis facile redarguitur.

## §. XVII.

Vulnera armis venenatis inflicta *Vulnera*  
atrocibus citoque lethalibus sympto- *venenata.*  
matibus stipata sunt, sanguini enim venenum  
immediate communicatum per totum corpus cito  
diffunditur, vulnus livet atque in gangranam  
ruit, cor palpitat, corpus convellitur ac friget,  
læsus delirat, in animi deliquium incidit, & ni  
cita medela adferri possit, fati cedit. *Paul.*  
*Zacchias* in quæst. medico - legalibus, Romæ  
MDCXX. Francos. MDCLXXI. & MDCL-  
XXXVIII. Venetiis MDCCXXXVII. editis, quæst.

II. & VI. arma, inquit, venenata præsumtionem lethalitatis adeo urgentem constituunt, quæ ex se sola evidentissimam facere possit conjecturam, quod vulneratus ex vulnere mortuus sit, cæteris omnibus conjecturis & præsumtionibus, ipsius quoque partis natura, quæ urgentissima est, in contrarium facientibus.

### §. XVIII.

*Respiratio-  
nis sublatio.* Omnes læsiones respirationem adeoque per consequens sanguinis circulum tollentes, v. c. insignes pulmonum, diaphragmatis atque thoracis læsiones ac destructiones, aliæque suffocationis causæ, mortem absolutam inferunt. *Fa. Bohnius* de renunciatione vuln. pag. XXVIII. cunctæ, inquit, violentiæ externæ, quæ organa respiratoria horumque functionem enormiter lædunt, v. c. vulnera & percussiones diaphragmatis ac pulmonum, asperæ arteriæ obturationes, constrictiones ac læsiones quævis inemendabiles, absolute lethifera appellandæ sunt.

### §. XIX.

*Vulnerati  
derelictio.* Si graviter vulneratus a doloso aggressore in loco solo relinquitur, nec ejus vires ad loci mutationem vel ad auxilium aliorum implorandum sufficiunt, adeoque a læsione, v. c. capitis contusione, hæmorrhagia &c. læsus moritur; licet vulnera, auxilio in tempore allato, absolute lethalia haud fuissent; hoc aggressorem minime excusat; sed potius dolosi homicidii reum facit.

### §. XX.



§. XX.

Novam vulnerum per se, vel *Vulnus per se lethale.*  
ut plurimum lethaliū, firmo ta-  
lo haud nixam, nec in foro valen-

tem, nonnulli jam enumeratis addunt. Rario-  
res, nimirum ajunt, subinde casus occurrere,  
in quibus vulnera, ceteroquin absolute lethalia,  
sanationem, præter expectationem, admiserint.  
Sed in casibus forensibus eruendis pronuncian-  
disque ab uno, rarissime, naturae vel connexo-  
rum beneficio, accidente, ad alterum, vel plures,  
concludere minime licet; sed quid in casu dato  
arti possibile fuerit, nec ne, & a quibus causis  
mors jam consecuta pendeat? ex ipsa læsionis  
atque connexorum conditione ostendendum est,  
vid. b. m. Dn. *van Swieten* in comment. ad a-  
phor. Boerhaavii pr. I. p. CCXXV. *Rud. Wilh.*  
*Crause* diff. de vulneribus per se lethalibus, Jen.  
MDCLXXXIV. *Jo. Frid. de Pre* diff. de vul-  
neribus lethalibus per se & per accidens, Erford.  
MDCCXXVI. *Christ. Ehrenfr. Eschenbachii*  
comment. qua vulnerum ut plurimum lethaliū  
nullitatem demonstrat, Rostoch. MDCCXLVIII.  
*Jo. Wilh. Werneri* diff. qua; medicinam fo-  
rensem, præter differentiam vulnera in absolute  
& per accidens lethalia distinguentem, nullam  
prorsus agnoscere, ostenditur, Regiom. MDCCCL.  
Dn. *Ern. Bosc* diff. de vulnere per se lethali,  
Lips.

*Schol.* Respectu vulnerum per se lethali-  
um ab observatoribus haud satis oculatis casus  
quandoque non satis investigatos, adeoque vitia  
subreptionis admissa esse, mihi verosimile sit,

v. c. de carotide vel arteria crurali incisus solaque ligatura curatis, exempla proponunt.

### §. XXI.

*Testimonium.* Dn. Jo. Bohnius de vulnerum renunciatione, p. XXI. distinctio, inquit, vulnerum per se seu ut plurimum, atque absolute lethaliū in foro non admittitur; nam a Medico, non quid sub aliis connexis quandoque contingat, sed quomodo datus casus se habeat, eruendum, atque in foro pronuntiandum est. Potest aliquando plaga in se ut plurimum lethalis existere, ac vulneratus nihilominus convalescere; quem ad modum alii morbi, tametsi sua natura ut plurimum lethales sint, interdum & a quibusdam superantur; ita possibile est, ut lethaliter vulneratus per singularem corporis texturam & naturæ robur sanetur; alius ex constitutione contraria diem supremum obeat. *Idem auctor* l. c. p. CXXI. ait: naturæ opera, quorum successus incerti, iudicio super lethalitatem enunciando normam suppeditare non possunt; cum non de hujus, sed de artis potentia, ubi de lethalitate deponendum, quæstio est.

### §. XXII.

*Vulnus per accidens lethale.* Si non ex ipsis læsionibus, sed ex connexis antecedentibus, concomitantibus & subsequenter, v. c. morboſo corporis ſtatu jam antea præſente, neglecta curatione, erronea atque damnoſa tractatione, malo noxiſſimoque vulnerati regimine, lethalis exitus accidit, illas non niſi per acci-

accidens lethales fuisse, statuimus: Ergo, ut in quovis casu non solum ad ipsas læsiones earumque effectus, verum etiam ad quævis connexa eorumque sequelas, Medicus forensis animum attentum afferat, omniaque hæc rite eruat atque in foro pronunciet, necesse est, vid. *Burch. Dav. Mauchardi* diss. de lethalitate per accidens, Tubingæ MDCCL. *Phil. Conr. Fabricii* progr. quo causas infrequentia vulnerum lethaliū, præ minus lethiferis, ex anatomica corporis humani fabrica partiumque situ, eruit, Helmst. MDCCLIII.

§. XXIII.

*Testimonia.* Teste Dn. *Jo. Bohmio* l. c. p. XX. nus per accidens lethale dicitur, ex quo, ut tali, seu immediate, nullus vulneratorum perit; sed percussi modo convalescunt, modo fati cedunt; pro diversa nempe medentis industria ac peritia, ægri probo pravoque regimine, similibusque connexis, ut causis intermediis, ex vulnere non mortali aliquando lethale facientibus. B. m. Dn. *Jo. Zach. Platner* in chir. rat. §. CCC-LXVI. inquit: si adversus vulnus, ceteroquin non lethiferum, nulla, nimis fera, invalida, vel prorsus aliena auxilia adhibita fuerunt: si etiam ipse æger non obsequens fuit, & se haud continuit, nec appetitiones animique commotiones rexit, neque fatigationem, cruditatem, frigus, calorem, libidinem vitavit: si corpus jam alio morbo infirmum est; levioze noxa illud aliquando opprimitur.

## §. XXIV.

*Morbus præcedens.* Ubi læsionem levem minimeque lethalem, ex solo morboſo corporis ſtatu mors conſecuta fuerit, v. c. ſi ex ſolius cutis vulneratione, hyprope atque febre habituali determinatis laborans gangræna atque ſphacelo corripitur atque e vivis tollitur; tunc lethalis exitus non ex læſione, ſed ex morbo deducendus eſt. Dn. *Jo. Bohnius* l. c. p. XLIX. ſi vulnus, inquit, ratione levitatis tantis ſymptomatibus inferendis proportionatum haud fuerit, vel illa minime a vulnere; ſed a corporis procataxi emergere, alias evidens ſit, v. c. ſi vulneri cruris parvo, in cachetico, gangræna ſupervenit; hoc lethale dicendum non eſt. Conf. b. m. Dn. *Jo. Ern. Hebenſtreit* diſſ. de læſionibus ex morboſa vulnerati diſpoſitione lethiferis, Lipſ. MDCCLV.

## §. XXV.

*Non excuſans.* Ubi autem læſio abſolute lethalis fuerit; morboſus læſi ſtatus aggreſſori minime patrocinator; nam ægroſum, v. c. hecticum, hydropicum, phthiſicum, calculo laborantem &c. occidere, idem eſt ac talem perimere, qui vel, pro diverſo morbi ſtatu, cum ſanitate in gratiam redire, vel vitam ſaltim aliquamdiu protrahere, potuiſſet. *Jo. Bohnius* l. c. p. XLVII. ſi valetudinarius, inquit, vulnere abſolute lethali deceſſerit; hoc aggreſſori non favet.

## §. XXVI.

*Læſio &*

Quandoque nec læſio, nec hanc ſecu-

secuta mors, ipsi facto, sed solis *mors ex*  
*connexis* externis attribuendæ sunt, *connexis*.  
 & tunc neutra factum patranti at-  
 tribui possunt, sed ex dictis *connexis* derivan-  
 dæ sunt; id quod exemplo haud ita pridem ac-  
 cidente illustraturus sum.

## §. XXVII.

Adultus pistoris filius, optima *Casus*.  
 fama gaudens, minimeque cerebrofus,  
 parentis jussu, secalis modium a villico quodam  
 petiturus, sacco vacuo humeris imposito illius  
 loci cauponam præteribat. Ibi ab æque adulto  
 venatoris filio, homine rixoso atque ebrio, jur-  
 giique causam inferente, illi maledicebatur, qui  
 vero, perditos hujus mores noscens, nullo dato  
 responso iter suum profecutus est. At hic, ar-  
 repto cochleari ferreo majori, quo aquam ex cu-  
 pis mulieres haurire solent, illum persecutus est.  
 Qui, hostis advenientis strepitum audiens, atque,  
 ut ictum capiti imminentem averteret, se vertens,  
 sacco vacuo aggressoris collum lateraliter ferit,  
 qui temulentus, non circumspecte, sed stipitis  
 instar, in latus oppositum, spectantibus non-  
 nullis personis, iter illuc habentibus, cadens,  
 caput lapidi majori anguloso, nimiam currum  
 ad ades appropinquationem arcenti (*Weichpfahl*)  
 adeo illisit, ut, confracto osse bregmatis dex-  
 tro, cerebroque vehementer læso, magnam san-  
 guinis copiam actutum, vitamque brevi post per-  
 deret. Hic sane non facto innocuo se modo  
 defendentis, sed aggressoris ebrietati, atque la-  
 psui infausto, ipsa læsio lethælisque ejus eventus  
 plane adscribenda fuerunt.

## §. XXVIII.

## §. XXVIII.

*Læsi er-  
rores.*

In læsione accidentali demonstra-  
stranda omnia aggressori favent,  
quæ, cum læsionis per se curabilis  
exasperatione, ab ægro, vel aliis, aut male com-  
missa, aut cum periculo omissa, fuerunt, v. c. si  
potulentis spirituosus abusus sit, aëris injuriis cor-  
pus temere exposuerit, congruorum remediorum  
usum repudiaverit, vulneris fasciationem avulse-  
rit, vel, neglectis auxiliis appropriatis, aliena  
atque noxia adhibuerit. *Jo. Bohnius* l. c. pag.  
LIX. inquit: si constet, ægrum errorem enor-  
miorem commisisse, symptomata hunc excipien-  
tia, si talia sunt, quæ ut effectus illum sequi  
queant; pravi illi gubernationi verosimiliter  
tribuimus.

## §. XXIX.

*Casus.*

Fratrem falce minore, qua gra-  
men mulieres demetere solent, juve-  
nis rusticus in scapula vulnerans, illius arteriam  
dorsalem inferiorem disciderat. A bubulco  
vulneri, nescio quod, emplastrum cum super-  
stitiosis ritibus (*Bûsen* vulgo nominant) im-  
positum, & sic, sine ulla depuratione, sibi relictum  
fuerat. Cælo tum temporis multum calido,  
nonnullis diebus post, locus læsus gangræna,  
cito in sphacelum abeunte, correptus, & sic ex  
neglectu eventui lethali causa temere posita fuit;  
ipsa læsione absolutam lethalitatem minime affe-  
rente.

## §. XXX.

*Meden-*

Ubi læsio per se sanabilis me-  
dentium

dentium inscitia, vel negligentia, lethalem eventum sortita est ; tunc *tuum errores.*

hic non aggressori, sed temere ac negligenter medicinam facientibus, adscribendus est ; & tanto magis, si hi ipsi in relationibus suis ignorantiae atque negligentiae documenta dederint ; ejusmodi exempla Medicorum ordinibus quandoque obvenire, ipsa experientia constitit.

### §. XXXI.

Vulnus in crure viri gladio temere factum, quo arteria tibialis anterior, ubi ligamentum osseum perforat, discissa erat, a Medico non rite inspectum, insuper postea neglectum, atque antea tamquam periculo carens in foro renunciatum erat, superveniente sphacelo, lethalem eventum brevi post se trahabat. *Casus.* Virgini vetulae plura vulnera, contusiones atque duarum costarum verarum fracturas asciola factas ancilla intulerat, medentibus nonnisi de vulnere atque contusionum, sensus scilicet incurrentium, curatione sollicitis ; licet aegra saepius de vehemente lateris dolore conquesta esset. Hæc denique in febrem habitualement incidit, & post plures menses extincta est, sectione legali errorem denique detegente. Hoc officio suo satisfecisse, nemo prudens arbitratur.



## CAP. IX.

*De capitis læsionibus.*

## §. I.

*De iis generatim.*

Tam respectu partium externarum, quam internarum, capitis contusiones, vulnera, humorum effusiones atque encephali commotiones occurrere possunt, quæ partim periculo carent, partim vero absolutam lethali-  
tatem inferunt. Horum quidem nonnulla ita comparata sunt, ut, læsionis externæ notis carentia, in principio nonnisi symptomatibus mitioribus se prodant, temporis autem successu, pessimis compareat, atque se absolute lethalia esse, manifestent. *Fortunatus Fidelis* de Medicorum relationibus, l. IV. sect. II. cap. VI. capitis, inquit, læsiones, partis naturâ, errandi facilitate atque curandi difficultate, deteriores sunt.

## §. II.

In illorum igitur investigatione, *Medici* renunciatione atque tractatione *offic.* Medici forenses quam accuratissimi sint, & morbi decursum eo usque expectent, donec, indole ejus propius cognita, certi quid statuere possint, nec, in prospero morbi eventu promittendo, temere atque prolixè agant. Teste Dn. *Zach. Platnero* instit. chir. rat. §. DXIII. nulum vulneris genus est, in quo signa futuræ salutis



lutis ac mortis adeo incerta sunt, quam in iis, quæ caput male habent. Conf. *Jo. Petr. Passeri* tr. de causis mortis in vulneribus capitis & recta eorum curatione, Bergom. MDXC. *Tob. Baumgärtner* diff. de vulneribus capitis, Basil. MDCLX. *Geor. Phil. Nenteri* diff. de capitis vulneribus, Argent. MDCCIX. *Alex. Culpi* meletemata de capitis læsionibus medico-chirurgica, cum adjectis observationibus, Hafniæ MDCCLXXVII. *James Hill* chirurgische Beobachtungen, welche hauptsächlich die Verletzungen des Kopfs u. betreffen. Leipz. 1777.

### §. III.

Solæ externarum capitis partium, v. c. integumentorum communium, musculorum, galeæ aponevroticæ atque pericranii, læsiones, tumores, fuggillationes, ecchymoses, vulnera, lethalia non sunt; sed potius in subjectis ceteroquin sanis, accedente recta tractatione, facilem curationem ut plurimum recipiunt. Læsiones cum particulari cranii ablatione vel corruptione conjunctæ curatu quidem difficiliores attamen sanabiles sunt; modo tempestiva corrupti ablatione atque accretionis novæ pericranii promotione, officio suo medentes satisfaciant.

### §. IV.

Temporum, frontis, malarum atque maxillæ vulnera quandoque occurrunt, quæ, malis symptomatibus stipata, curatu difficillima, quin interdum lethalia.

lethalia, sunt. Temporum musculos male affectos febrium, soporum, amentiarum atque convulsionum causas interdum esse, *Andreas Vesalius* testatus est; quod tamen non ipsius musculi, sed ossis teneri subjecti ipsiusque cerebri, læsionibus adscribendum esse, autumo. *Hippocrates* coac. præn. sect. II. text. CLXXXVIII. ossium, inquit, ad tempora effracturæ convulsionem accendere solent. Vulnerum, orbitis oculorum superioribus illatorum, par ratio est; hæc enim, ob nervi ciliaris, atque ipsius cerebri, nonnisi tenero osse ibi tacti, læsionem, utique ominosa sunt. Si in interioribus malarum atque maxillæ sedibus, ad quas accessus non datur, arteriæ vel nervi ita læsi sunt, ut hæmorrhagia incoercibilis inde oriatur, vel nervorum distensio; morte ex tali causa subsequente, ex partium læsarum conditione, atque auxilii adferendi impossibilitate, absoluta lethalitas demonstranda est.

#### §. V.

*Casus.* Exemplum viri baculo in orbita oculi sinistri superiore icti, *Frid. Ruyschius* obs. chir. anat. obs. LXXIV. p. LI. retulit, cujus cerebrum satis profunde læsum erat; licet extrinsecus nonnisi leve vulnusculum parvaque ecchymosis cernerentur: indeque argumentatus est, orbitarum vulnera non flocci facienda esse; cum primis si instrumento non adeo obtuso facta fuerint, & vulneratus vertiginosus, somnolentus, nauseabundus, febricitans atque convulsus sit. *Conf. Zach. Platneri* progr. cur vulnera superciliis illata cæcitatem faciant? Lips. MDCCXLI. quod

quod etiam ejus opusculis conjunctum editis tom. II. p. CLXVI. insertum est.

### §. VI.

Ossium cranii læsiones, v. c. si *Cranii fractura & fissura.*  
pars ejus ablata, aut confracta, atque hæc aperta est, ut fragmenta eximi possint, neutiquam lethales sunt.

At ejus depressiones cum lamina vitrea collisione conjunctæ, vel si, lamina exteriori integra, interior confracta est, hujusque festucæ encephalum pungunt, nec non fissuræ & contrafissuræ, non quidem per se, sed quia cum cerebri irritatione, concussione, vasorum ruptura, humorum effusione, conjunctæ sunt, quandoque etiam exulcerationem in cerebro post se trahunt; nisi vitium superficiale sit, atque modiolis succurri possit absolute lethales sunt. Ex malis symptomatibus, pro læsionis conditione citius tardiusve succedentibus, periculosior ejusmodi læsionum status dijudicari potest.

### §. VII.

*A. C. Celsus de medicina, l. VIII. Testimonia.*  
c. IV. inquit: Calvaria percussa, protinus requirendum est, an bilem is vomuerit, num oculi ejus obcæcati sint, num obmutuerit, num per nares auresve sanguis ei effluerit, num conciderit, num sine sensu jacuerit? quæ non, nisi osse effracto, eveniunt. Si vero etiam torpor accessit, si mens non constat, si nervorum resolutio vel distensio consecuta est; etiam cerebrum violatum esse, verosimile est.  
*Jo. Bohnius de vulnere renunciatione, sect. II.*

Q

c. I.

c. I. p. LXXVIII. calvaria, inquit, fractura in se mortem nunquam infert; sed propter adjuncta, sine quibus rarius contingere solet, v. c. cerebri commotionem, vasorum internorum rupturas, fragmenta meningibus & cerebro infixas, aut hujus compressionem vel lacerationem. *Idem autor* l. c. p. LXXX. si tabula, inquit, externa ictui haud cedit, interna tamen finditur; ob vasa lacerata, & sanguinis ad interiora profusionem, lethalitas plerumque sequitur.

*Obs.* Ex vasis in cranii diploe ruptis, temporis successu, cariem ortam, & lamina interiore exesa, materiam acrem defluentem meningis vitiasse, & denique mortem attulisse, Dn. I. B. Morgagnus de sedib. & causis morbi. l. IV. ep. LII. art. XXXVII. testatus est.

### §. VIII.

*Casus.* Exemplum cranii a ligni gravioris illapsu fracti, atque in lamina interiore aliquoties fissi, suborta in cerebro suppuratione, post nonam hebdomadem demum lethalis, cl. Dn. D. Phil. Dav. Busch, Physicus Giessensis, in actor. societ. acad. scient. Hassiacæ tom. I. pag. CXXX. retulit.

### §. IX.

*Alter.* Enormium fracturarum fissurarumque, cum vasorum nervorumque dilaceratione junctarum, per totam cranii basin a machinae vi productarum casus ante proximos hos VI. menses mihi obtigit, cujus, ob raritatem, mentionem facere, visum est: Mulieris LII. annorum, molam, qua oleum ex seminibus extundi-

tunditur, improvide perreptantis, caput circa aurem sinistram ab ergata arreptum, atque altera aure contra trabem, machinam istam circumdantem, (zwischen der Walze und dem Geleite) ita compressum est, ut fere rota cranii basis multis modis contracta atque fissa esset. Squamosa ossis temporum sinistri pars fissura, in meatum auditorium externum penetrante, duas pollices longa, duasque lineas dehiscente, divisum erat; in cuius medio ossis pars, medium pollicem longa ac tres lineas lata, contracta erat. Ab hac fissura alia, antrorsum pergens, in os frontis usque ascendebat; a cuius fine alia per orbitam ad externam imamque ossis cribrosi partem ducebatur, & hoc simul contractum erat. Ab ima primæ fissuræ parte alia, ante os petrosum sinistrum, trans posteriorem ossis sphenoidæ partem, atque ante os petrosum dextrum, in os squamosum ejusdem lateris ferebatur. Utrunque os petrosum in extremitate sua externa contractum ac mobile erat. Alia fissura, sellam turcicam circummeunte, hæc tota a reliquis ossis basilæ partibus separata erat. Denique ima ossis occipitis pars, pone foramen magnum, fissura transversali ex toto divisa erat. Omnes hæc fissuræ integram lineam atque ultra patebant. Ima cerebelli vasa dilacerata, & nervi medullæ oblongatæ posteriores disrupti erant, atque notabilis cruoris quantitas in cranii basi reperiebatur, maxima autem sanguinis pars ex ore, naribus atque auribus antea effluxerat. Quanta vi machinæ agent, ex hoc casu simul patet.

§. X.

Fissuræ atque contrafissuræ cranii. Fissura.

Q 2

vii,

nii, ob vasorum dilacerationem ac sanguinis effusionem, nisi modiolò succurri atque humoribus loco peccantibus exitus dari possit, absolutam mortem quoque inferunt. *Io. Bohmius* l. c. p. XXXVII. fissuræ, ait, calvariæ, cum vasorum subtus latentium rupturâ, & sanguinis effusi congestione, aut fragmentorum secessu, nisi modiolò amplientur, certissima mortis causa existunt. *Idem* l. c. p. LXXIX. si fissuræ, inquit, capillares & contrafissuræ detegi haud potuerunt, & æger subitanæ vel lentæ morti succumbat, mortisque causa sub capitis sectione reperiatur, per se lethales sunt, nec medentibus malus exitus imputari potest.

*Obs.* Cranii suturas ad interceptiendum fissurarum cursum non facere, *Dn. Fr. Ruysch* obl. chir. anat. obs. XLVII. exemplo demonstravit.

*Schol.* In infantum capitibus, ob ossium molliem, atque suturas nondum inter se concretas, cranii quidem depressiones, non autem fissuræ atque contrafissuræ, locum habent, vid. *Dn. Georg. Lud. Alefeld.* diss. an contrafissura in cranio infantis æque, ac adulti, generari queat? *Gießen* MDCCLXIX.

## §. XI.

*Testimonia.* *Hippocrates* de capitis vuln. alia, inquit, parte os findi potest, quam ubi percussum fuit. Teste *A. C. Celso* l. c. l. VIII. c. IV. solet evenire, ut altera parte fuerit ictus, & os alterâ fiderit. *Conf. Jac. Berengarii* egregius tr. de cranii fractura, *Lugd. Bat.* MDCLXXIX. *Conr. Vict. Schneider.* diss. de cranii

cranii fracturis, Wittenb. MDCLXXIII. *Henr. Maibonii* diff. de cranii læsionibus a causa violenta externa, Helmst. MDCCCLXXIV. *Ioan. Matth. Müller.* de cranii effractura, MDCCXII. *Io. Salzmann.* diff. de mira cranii fractura in homine per XL. annos superstite, Argent. MDCCXVIII. *Lud. Henr. Leon. Hilchen.* diff. de cranii vulneribus, Gieß. MDCCXVIII. *Cel. Dn. I. D. Metzger* in advers. med. §. IV. p. XXIII.

## §. XII.

In viro, post cranii fracturam, vnl- *Casus.*  
nus integras VI. hebdomades sanationis

spem præ se ferebat. Postea vero, febre symptomatice vehementissima atque sopore accedentibus æger intra XXX. horas rapiebatur. In sectione os basilare fissura, sellam equinam transeunte, divisum, & theca spinalis sero sanguinolento repleta inveniebantur, vid. Dn. *Olof Acrell* in obs. chir. Holmiæ MDCCCLXXV. editis. Post lapsum graviores vir quidam capitis dolore laborabat, atque ex illius aure saniei aliquid emanabat. Post lapsum reiteratum, magnum in aure ulcus observabatur, septimoque die ægrotus fatis cedebat. Sub sectione ossa bregmatis fracti, ac temporis, carie adesa reperiebantur, & fissura tres pollices longitudine æquans, futuramque transiens in os squamosum penetrabat, vid. Dn. *Christoph Kahl*, progr. de fractura ossis bregmatis, cum fissura per futuram in os temporum prætervecta, Lips. MDCCCLXXVII.

## §. XIII.

Cum dura meninx nervis careat, ac sine periculo incidi possit, eius *Meningum læsiones.*

læsiones ad quæ vel ipso vulnere, vel apertura, arte facta, accessus datur, minime lethales sunt, & par, sub iisdem conditionibus, læsionum piæ meningis ratio est. Sinuum duræ matris vulnera, nisi levissima sint, propter enormiores sanguinis profusiones, *Io. Bohnius* semper quidem lethalia pronunciavit, vid. l. c. p. LXXXVII. quod tamen, sub connexis modo allatis, locum non habere, arbitror. Ex sinus duræ matris sagittalis vulnere nulla mala consecutaria orta esse, cl. Dn. *D. Henr. Callisen* testatus est, vid. *Societ. med. Hafniens. collect. tom. I. Hafniæ MDCCCLXX. edito.*

## §. XIV.

*Quando lethales?*

Ubi vero ad meningum, sinuum duræ matris vel ad utriusque vasorum vulnera nec accessus adest, nec arte parari potest; hunc, ob incoercibilem sanguinis profusionem, pessimaque hujus consecutaria, absolute lethalibus utique accensenda sunt. *Io. Bohnius* l. c. p. LXXXV. duræ & piæ, inquit, meningis vulnera inter lethalia haud referenda sunt; nisi reliquorum connexorum, v. c. vasorum rupturæ, cerebri concussionis, aut vulneris insignioris intuitu, mors aliquando superveniat. *Idem* l. c. p. LXXXVI. ait: si in parte laterali vel a fractura cranii remotiore ac profundiore, cui remedia commode administrari nequeunt, meninges laceratæ sunt; lethalitatem ut plurimum consecutariam habent. Conf. Dn. *D. Io. Wilh. Christiani Baumer.* diss. de meningibus, §. XI. *Gießæ MDCCCLXXV.*

## §. XV.

*Superfic. cerebri læs.*

Superficiales cerebri atque cerebelli læsiones, & sanguinis vel feri in



in alterutrius vel utriusque superficie effusiones, vel ipso vulnere sub oculos cadentes, vel ex signis cognoscendæ, arteque patefaciendæ; cum humores loco errantes educi, & vulnera depurari atque consolidari possint; ex læsionum lethalium numero merito eximuntur, vid. b. m. Dn. *Andr. Eliæ Büchneri* diss. de cerebri vulneribus non semper lethalibus, Halæ Magd. MDCCL. b. m. Dn. *Phil. Conr. Fabritii* progr. quo observationes anatom. exhibet, Helmstad.

§. XVI.

Ad periculosissimas encephali læsiones cerebri commotio & subsidencia, *σίσσις* Hippocrati dicta, pertinet, quæ, cranium haud fracto, post lapsum vel graviorem capitis contusionem quandoque accidit. *Hippocrates* sect. VII. aph. LVIII. quibus, inquit, ex aliqua causa cerebrum concussum fuit, eos statim voce privari, necesse est. Cerebri commotiones ab explosis machinarum ignivomarum globis, licet caput vix tetigerint, periculi plenissimas esse, gravia illius symptomata, v. c. sensuum abolitio, obmutescencia, vomitus, delirium, nervorumque distensiones, satis manifestant, vid. cel. Dn. *I. D. Metzger* in adversariis medicis p. XXXVI. Trajecti ad Mosam, MDCCLXXIV. editis. Conf. *Christ. Vateri* diss. de cerebri commotione, Wittenb. MDCXCIX.

§. XVII.

Teste *Io. Bohm* in tract. de Testimoniis. vulnerum p. X. licet, post cerebri commotionem, nulla vasa rupta

Q 4

humor-

humoresque effusi observentur; ex gravioribus tamen symptomatibus mortisque præcipiti, tenerimam cerebri texturam, hujusque canaliculorum molliſſimorum fasciculos enormiter contractos, complicatos, aut quacunque ratione a statu & habitudine naturali dejectos esse, auguramur. Si, post graviores cranii concussiones, post modestam cranii ablationem, subsidentie cerebri observanda animum satis attentum secantes semper adferrent; eani sapius deprehendi posse, arbitror; hæc *Bohnius* noster in tr. de offic. Medici forensis p. DCLXI. in contrariam sententiam abeat, ubi inquit, cerebri commotionem a graviore capitis allusione vel percussione factam esse, per rationem & experientiam frequentiorum edocemur; minime vero, aut rarissime saltem, individualiter per autopsiam illam lethality causam demonstrare, conceditur.

### §. XVIII.

*Casus.* In sectione juvenis malefici, qui, post capitis allusionem in murum, subito obierat, cerebri solito durioris, internam cranii cavitatem non exacte replentis, subsidentiam *Dn. Littre* observavit, vid. *histoire de l'Academie Royale des Sciences* 1705. p. 69. In vetula, post graviolem verticis sinistri sub lapsu allusionem, tertiam anteriorem hemisphærii sinistri partem compari suo humiliorem atque molliorem, ad basin usque, *J. B. Morgagnus* deprehendit, vid. de sedib. & caus. morb. l. I. ep. XI, art. XVI.

### §. XIX.

**§. XIX.** Huius superiorum  
Vulnera casum vel punctum, *Profund.*  
aut globulis ex machina ignivo- *cerebri vul-*  
ma projectis, facta profundiusque *nera.*  
in medullarem encephali substan-  
tiam, ejus ventriculos, corpus callosum, forni-  
cem, corpora striata, medullam oblongatam, ner-  
vosque cerebri penetrantia, absolute lethalia sunt;  
his enim non solum sedes encephali nobilissima,  
nervorum principia suppeditantes; sed etiam  
vascula minima, interiorum cerebri substantiam  
perreptantia, plexus choroideus, nervique gra-  
viter afficiuntur.

**§. XX.**

*A. C. Celsus de medicina, l. Testimonia.*

**V. c. XXVI.** si cerebrum, inquit,  
vulnus accepit, sanguis per nares, quibusdam  
etiam per aures exit, fereque bilis vomitus se-  
quitur, quorundam sensus obtunduntur, appella-  
tique ignorant, quorundam trux vultus est, quo-  
rundam oculi, quasi resoluti, huc illuc moventur,  
fereque tertio aut quinto die delirium ac-  
cedit, multorum etiam nervi distenduntur, *Jo.*  
*Bohnius de renunciatione vulnerum, pag. XCVI.*  
corporis ait, callosi, fornicis, corporum striato-  
rum, tam crurum, quam caudicis hujusque pro-  
tuberantia, nec non cerebellum subeuntia, vul-  
nera per se mortifera deprehenduntur. *Jo. Bapt.*  
*Margagnus, l. c. l. I. ep. XI. art. XII.* quas-  
cunque, ait, corporum striatorum, nobilissimæ  
cerebri partis, maximam crurum ejus portionem,  
& medullæ oblongatæ principium, constituen-  
tium,

tium, læsiones funestas cerebri totiusque corporis morbos cito producere, observatum est.

### §. XXI.

*Humorum effusio.* Ubi profundiora encephali vasa læsa tantam sanguinis, vel feri copiam, quæ resorberi nequeat, in corpus callosum, cerebri ventriculos vel caveas præternaturaliter factas, cranii basin & thecam spinalem effunderint; absoluta lethalitas vel citius, vel tardius sequitur; ejusmodi enim humores loco errantes nulla ars educere potest. Licet ejusmodi vasorum læsiones, humorumque effusiones sub sensus non cadant; attamen ex pravīs symptomatibus, citius tardiusve accedentibus, cognosci possunt, v. c. si percussus mox ab ictu prosternatur, actiones animales intercipientur, sanguis ex ore, naribus, auribusque effluat, ægrotus vomat, & remittentibus etiam his signis, æger vertigine, capitis gravitate, atque sopore, urgeatur. *Jo. Bohnius* de vulner. renunciat. p. LXXXVIII. si vasorum, inquit, encephali, & plexus choroidei tales fuerint, per quas enormior sanguinis profusio contingat, lethales per se censentur. *Idem autor* l. c. p. II. capitis, ait, plagæ, facie sua externa sæpe levissimæ, multum periculi nihilo minus involvunt, imo, ob rupta vasa recondita, interioresque cerebri recessus laceratos, non raro interficiunt. Apud. *eundem* l. c. p. CII. sequentia legimus: Ubi, post capitis contusiones, serum ex vasis effluit, atque ad cerebri interiora, v. c. ventriculos, deponitur; vel solum, vel propter medullares illius tractus simul læsos, enecat.

### §. XXII.

§. XXII.

Uno alterove vasculo minimo læso, humoreque nonnisi sensim promanante, subdolam ac periculi plenissimam indolem suam non nisi aliquot diebus, imo hebdomadibus post producunt, inopinatamque mortem post se trahunt. Teste *Jo. Bohnio* l. c. p. LXXVI. dantur etiam leviores vasorum læsiones, quæ non mox in principio, sed temporis progressu, propter effusionem cruoris minorem, gravia symptomata producunt, ac præter opinionem enecant. *Dn. Jo. Bapt. Morgagnus* de sedibus & causis morborum per anatonien indagatis, l. IV. ep. L. art. IV. sanguis, inquit, intra calvariam effusus non continuo, sed pluribus diebus post, effusionis suæ signa dare incipit; quia tenui ex vasculo tenuissimæ guttulæ sensim destillantes, non nisi interjectis aliquot diebus, ad eam copiam, quæ manifesto lædit, atque ad eam corruptionem, quæ meninges cerebrumque vitient, & febrem, deliria, convulsionem, affectus soporosos, ac mortem post se trahant, pervenire possunt.

§. XXIII.

Referente *Jacobo Berengario*, Car. Casus. pensi, in tr. de fractura cranii, p. VII. vir, qui plures capitis contusiones a re ponderosa, nullam autem cranii rupturam habuit, omni cura per Medicos adhibita, tandem mortuus est. Hunc ex venula rupta & sanguine effuso putrefacto periisse, ille censuit. *Jo. Bohnius* in viro post ictum mortuo, præter fracturas & fissuras cranii, diversas cerebri a fragmentis laceratio-



dam suggillatio; digitum longitudine, & quatuor lineas latitudine æquans, in galea aponevrotica ac pericranio, ubi pars futura lambdoidea superior sagittalis fini contigua est, observabatur. Cranium, caute sublatum, nec extrinsecus, nec intrinsecus ullum fissuræ vel fracturæ vestigium præ se ferebat. Meningum vasa, atque exterioris sinus, fluido sanguine turgabant. In ipsa dura meninge sub dictarum futurarum confinio & supra dicta suggillatione paucus cruor effusus hærebat. Diductis cerebri hemisphæriis, in corpore calloso, maxime in posteriore ejus parte, serum album, pellucidum, copiosum, stagnabat. Cum cerebro lamellatim resecto, ad anteriores ejus ventriculos ventum esset; ibi, nondum incisi, ad medii pollicis altitudinem intumescébant, &, post eorum incisionem, sero albo pellucido plenissimi erant. Ventriculus tertius & quartus sero rubeo etiam prorsus repleti reperiebantur, & consimilis humor tanta copia, quantam duo cochlearia vix capere poterunt, in basi cranii latebant. Reliqua viscera nihil præternaturalis ostendebant; nisi quod ventriculus, pilæ parvæ instar, contractus esset.

#### §. XXV.

Cum in subjectis cachecticis atque hydropicis consimilis colluviès morborum serosa in cerebri ventriculis redundet, & medicinam facientibus haud ignotum sit, hydropes, in primis anasarca, antea laborantes, etiam post plenariam aquarum educationem, corporis debilitate, pulsu inæquali, respiratione non satis libera, morbosæque somnolentia



lentia remanentibus, apoplexia serosa citius tardiusve haud raro mori; horum mala consecraria cum læsionum externarum effectibus minime confundenda sunt.

## §. XXVI.

*Cerebri ulcera.* Quod de humorum effusione dictum est, eam, pro loci differentia ac notitia, modo periculo carere, modo maxima mala ipsamque mortem post se trahere; id etiam de cerebri ulceribus valet; superficiales enim, accessum concedentes quandoque sanabiles sunt. At profundiores ob auxiliorum exclusionem, partiumque nobilissimarum destructionem, absolute lethales sunt. *Bohrius* de vuln. lethal. p. CVII. in cerebri, inquit, suppuratione a calvariae perforatione nihil certi promittendum, & pauci illorum, quibus ejusmodi suppuratio aut potius corruptela saniosa contingit, evadunt, sanie quamvis copiosius promanante.

*Schol. I.* Cum aer externus, cranio illaeso, ad sanguinem in encephalo effusum nullum accessum habeat; suppurationes tardius ibi procedunt, sæpiusque nonnisi post nonnullos pluresve menses effectum lethalem producunt.

*Schol. II.* Suppurationes, quæ in cerebro post phrenitidem vel paraphrenitidem male judicatam accidunt, atque in maniam, febrem hecticam & mortem degenerant, ab illis, quæ læsionibus externis debentur, probe etiam distinguendæ sunt.

CAP.





CAP. X.

*De colli læsionibus.*

§. I.

Cum plures colli partes, v. c. ver- *Læsionum*  
tebræ, medulla spinalis, ner- *concurfus.*  
vi, vasa sanguifera, œsophagus, ar-  
teria aspera, pharynx, larynx, glandulæ ac mus-  
culi inter se admodum vicinæ sint; earum unam  
tantum lauciari vix unquam contingit; adeoque  
per plurimum, læsionibus male habitatarum, con-  
cursum lethalitas non raro oritur.

§. II.

Vera vertebrarum colli luxatio, *Vertebra-*  
nisi illæ simul fractæ sint, ob firmum *rum læsio.*  
processuum cum corpore suo coali-  
tum, arctam illarum inter se articulationem, li-  
gamentorumque firmitatem, in adultis locum  
non invenit. A graviore tamen ictu vel lapsu  
earum subluxatio contingere potest; quam ex  
partium subjectarum paralyti, & prout hæc in-  
trorsum vel extrorsum facta sit, processus spi-  
nosi depressione, vel elevatione, dijudicare possu-  
mus. In infantibus autem ac pueris, in quibus  
vertebrarum processus nondum in corporum apo-  
physes mutati, ac ligamenta adhuc laxa sunt,  
vertebrarum dislocatio utique accidit. Sive  
igitur a vi externa in adultis vertebra fracta &  
luxata, vel subluxata, aut in prima ætate luxata  
sit,

fit, medulla spinalis læditur vel saltem comprimitur; omnia hæc, nisi cita vertebræ restitutio locum habeat, absolutam lethali-  
tatem adferunt.

*Schol.* Quod de vertebrarum colli luxatione, subluxatione harumque malis symptomatibus atque effectibus dictum est, id de similibus vertebrarum dorsi ac lumborum vitiis quoque valet.

### §. III.

*Vasorum.* Venarum jugularium externarum atque carotidis externæ plurimum ramorum, v. c. temporalium, frontali-  
um, nasalium ac maxillarium externarum, compressionem, deligationem atque consolidationem admittentium, læsiones ad absolute lethales haud pertinent. At venarum jugularium internarum, venarum vertebrali-  
um, articularum carotidum, vertebrali-um, spinalium, ac ramorum carotidum externarum majorum ac profundorum, e. g. thyroidearum, pharyngearum, maxillarium internarum, atque in malas  
profunde se demittentium, vulnera, quia, accessu ad illas denegato, hæmorrhagia compesci nequit, absolute lethalibus merito accensenda sunt.

### §. IV.

*Nervorum.* Nervorum majorum per col-  
lum descendentium, paris intercostalis, vagi, cardiaci, phrenici, actionibus naturalibus ac vitalibus inservientium, vulnera absolute lethalia sunt. Idem de insignibus nervorum plexibus, ex nervis cervicalibus ad brachia deductis, affirmari potest; ex horum omnium

nium enim læsionibus actiones vitales immedia-  
te, vel mediate læduntur, atque dolores, convul-  
siones, gangræna & sphacelus cito oriuntur, vid.  
b. m. Dn. H. Boerhaave de cognosc. & curandis  
morbis, aphor. CLXII.

§. V.

Dn. Jo. Bohnius de vulnerum *Testimonia.*  
renunciatione, p. LV. quorundam,  
inquit, nervorum vulnera in se quidem vix le-  
thalia, intuitu tamen organorum magni ad vitam  
usus ac necessitatis, quorum actiones illa suffla-  
minant, lethifera dici merentur. *Idem* l. c.  
p. LVI. majorum, ait, nervorum in cavitatibus  
reconditorum læsiones, convulsionem funestam  
producentes, per se lethales sunt; p. LXIX. vul-  
nera paris octavi, intercostalis & phrenici per se  
lethalia existunt.

§. VI.

Enormes laryngis destructio- *Laryngis*  
nes, ac vulnera arteriæ asperæ, sub *& tracheæ.*  
ossis pectoris principio inflicta, aëre  
externo tunc non pulmones, sed pectoris cavi-  
tatem subeunte, & hos non dilatante, sed potius  
comprimente, ut & illa, quibuscum vasa majora  
adjacentia simul læsa sunt, absolutam lethalita-  
tem adferunt. Alia, quibus plures annuli car-  
tilaginosi discissi sunt, accedente inprimis mayo-  
ri emphysemate, ex gradu suo dijudicanda ve-  
niunt, & Medicum forensi, de lethalitate judi-  
cium laturum quandoque in dubio manere co-  
gunt. Anteriori autem tracheæ parti, sub  
larynge & glandula thyroidea, inter cartilagine-  
R  
infi-

inflīcta sine mortis metu sunt; quod tracheotomia, sacra contra cynanchen anchora, extra dubitationis aleam positum est.

## §. VII.

*Oesophagi.* Oesophagi vulnera in collo accidentia, nisi simul nervi ac vasa sanguifera ibi decurrentia læsa sint, curatu quidem difficilia; attamen haud absolute lethalia sunt. Totalis vero illius præcisio, quæ insuper sine prædictarum partium læsione accidere nequit, ut & ejus vulneratio in thorace absolutam lethalitatem inferunt; in posteriori enim casu non solum nullus auxiliis locus datur; sed etiam deglutita in pectoris cavum delapsa in putredinem spontaneam abeunt, pessimaque symptomata post se trahunt.



## C A P. XI.

### *De thoracis & partium in illo contentarum læsionibus.*

#### §. I.

*De iis generatim.*

**C**um ad respirationem perficiendam & sanguinis circulum minorem procurandum thoracis mechanismo atque actione opus sit; hujus læsiones, illam integram relinquentes, absolute lethalibus minime annumerandæ sunt. Ubi vero ea

ea illarum idoles est, ut spiritum trahere atque emittere non sinant, utique mortiferæ sunt.

## §. II.

Ubi latus thoracis alterutrum, in- *Thoracis*  
ter collas, vulnere magno perfossum *vulnera.*  
est, in pectoris cavum aër exter-  
nus elasticus intrans ejus lateris pulmonem ita  
premit, ut rite extendi nequeat, ac respiratio  
admodum molesta sit. Cum autem alterius la-  
teris pulmo officio suo rite fungi potest, atque  
interea læsi lateris sanationi locus conceditur;  
ejusmodi læsionem absoluta lethalitas hæud se-  
quitur; ubi autem utrumque thoracis cavum  
magno vulnere percussum est, quod insuper sine  
aliarum partium læsione contingere nequit,  
vel si ab unius cavitate vulnere mediastinum si-  
mul perforatum est, aërem externo in utrumque  
pectoris cavum irruente, atque aërem per glot-  
tidem intrantem æquilibrante, pulmonum pres-  
sionem, & propria contractilitate in minus spa-  
tium sese contrahentium, expansio impossibilis  
fit, & respiratione atque sanguinis circulo suf-  
flaminatis, mortis necessitas sequitur.

## §. III.

Si arteriarum intercostali- *Arter. in-*  
um vulnera comprimi, hæmorrha- *tercostal.*  
gia coërceri, ac sanguis effusus para-  
centhesi thoracis educi potest; tunc nonnisi ac-  
cidentale in lethalitatem adferunt. Ubi vero  
in tali loco, ad quem accessus non datur, v. c.  
circa exortum suum; ubi apophysibus verte-  
brarum

brarum lateralibus ac museulis dorsalibus testæ sunt, medela locum non habet; sed vulnerratum mors inevitabilis occupat.

#### §. IV.

*Sterni  
depressio.*

Pectoris osse vi externa, v. c. calcitracione depresso, quod in infanti atque puerili ætate, cartilaginibus nondum obfirmatis, facile contingere potest, pulmones comprimuntur, quin vehementer læduntur, ac respiratione & sanguinis circulo sublatis, mors necessario sequitur, nec ulli auxilio locus est. Pueri octennis exemplum mihi innotuit, cui, in humum prostrato, frater ejus natu paullo major vehemente calcitracione in pectus totum sternum deprefferat, & compressis ruptisque pulmonibus, hæmoptysin enormem atque actutum lethalem produxerat.

#### §. V.

*Costæ  
fractæ.*

Una alterave costa solummodo luxata vel fracta, cum restitutio atque consolidatio illarum locum inveniat, absoluta lethalitate haud stipatæ sunt. Plurium autem fracturæ cum magna thoracis destructione, vasorum intercostalium ac fontica pulmonis læsione combinatæ moriendi necessitatem adferunt.

#### §. VI.

*Septi trans-  
versi.*

Septi transversus musculofo-  
tendineus, ad respirationis actum  
maxime facientis, superficiales in  
parte

parte carnosæ læsiones non quidem a magnæ inflammationis periculo aliisque ominosis symptomatibus liberæ sunt; attamen nonnisi accidentalem lethalityatem producere, vulgo creduntur. Hanc autem sententiam, si majus vel duplicatum vulnus inflictum, vel arteria insignior, aut major nervi phrenici ramus læsionem acceperint, limitandam esse, arbitror. Perforata autem tendinea ejus parte, in qua motus centrum est, multique nervi vasaque sanguifera decurrunt, læsiones absolute lethales esse, experientia confirmatum est, nullique dubio subjacet. Vehementiores etiam septi transversæ contusiones interdum subito lethiferas fuisse, experientia quoque docuit, vid. Dn. *Mich. Ernest. Ettmüller*i progr. de periculosa diaphragmatis vulnere, Lipf. MDCCXXX.

## §. VII.

Dn. *Jo. Bohnius* de vulnere *Testimonia*.  
 rum renunciat. p. XXX. tendineæ, inquit, diaphragmatis substantiæ vulnera, nisi forsan exilissima, insanabilia, & ratione metuendæ inflammationis actionisque respirationis turbata lethalia manent. *Idem* l. c. p. CXXXVII. utriusque, ait, diaphragmatis substantiæ vulnera per se lethalia sunt; quia nervæ semper, carneæ vero ut plurimum talia sunt. Teste *eodem* l. c. p. CXXXVIII. vehementior diaphragmatis contusio momentaneam suffocationem inferre solet; sine dubio, quod spassum ejusmodi compressivum læsus experiatur, per quem intercepta ad tempus respiratio percussum e vivis rapit. Dn. *Jo. B. Morgagnus* l. c. l. IV. ep. LIII. art. IV. in diaphragma

phragmatis, inquit, vulneratione tussis molestissima atque adeo gravis, ut vix ferri possit, adesse solet. *Eodem teste*, l. c. ep. LIV. art. II. carneæ, nedum tendineæ, septi transversæ partis vulnera plerumque, nec intra longum tempus, lethalia sunt. *Jo. Zach. Platner.* in chir. ration. §. DCLXII. Ubi septum, inquit, transversum percussum fuit, præcordia vehementer dolent, spiritus ægre ducitur, inflammatio & febris accedunt, læsus crebrius singultit, & nonnunquam vomit; quæ omnia asperiora sunt, si ejus medium nervosum percussum fuit, §. DCLXXII. quibus diaphragma percussum est, vix ad sanitatem perveniunt, atque, icta media ejus parte, certior desperatio est.

### §. VIII.

#### *Casus.*

Sequentem casum contusionis septi transversæ lethiferæ *Jo. Bohnius* de vulnerum inspectione, pag. X. proposuit: dissectui, ait, corpus viri mortuum, qui a jactu lateris dimidii aliquot librarum, hypochondrium dextrum feriente, subito concidens animam exspiraverat; in quo nihil integumentorum, viscerum vasorumve læsum aut laceratum offendi; nisi quod in illo diaphragmatis loco, quo costis nothis ejusdem hypochondrii hoc contiguum, aliquid contusionis ac suggillationis, ambitu suo vix medium imperialem æquantis, viderim. Per diaphragmatis vulnus ventriculum, atque in alio casu intestini coli portionem in thoracis cavum ascendisse, ac pulmonis cordisque actiones turbasse, a. b. m. *Ön. de Swieten* in comment. ad *Boerhaavii* aphorif. pr. II. p. CCLXXII. retulit.

*Schol.*



*Schol.* Ob diaphragmatis [fornicationem, in posteriora declivitatem, ejusque, ex quacunque causa, ad superiora compulsionem, inter costas suprema ventris pars recipitur; hinc vulnera inter costas subeuntia non semper ad solum thoracem pertinent, & quæ supremæ abdominis parti inflicta sunt, longiusque penetrant, non ventris solummodo, sed & thoracis viscera cum diaphragmate fauciant. vid. *Jo. B. Morgagnus* l. c. ep. LIII. art. XLI.

### §. IX.

|                                                        |                   |
|--------------------------------------------------------|-------------------|
| Minora altiorique loco pericardio                      | <i>Pericardii</i> |
| inflicta vulnera, cum vasa ejus non-                   | <i>vulnera.</i>   |
| nisi exilia sint, absolutam lethalita-                 |                   |
| tem post se non trahunt. Ubi vero majore vul-          |                   |
| nere vel in loco inferiore hoc fauciatum est; in       |                   |
| pectoris cavum pericardii liquor continuo exstil-      |                   |
| lat, aut si nervus phrenicus in illo decurrens,        |                   |
| aut cor, quod satis arcte amplectitur, aut pulmo       |                   |
| sinister, simul vulnerata sunt; tunc ex ipsa læ-       |                   |
| sionis indole atque effectibus, in casu individua-     |                   |
| li, judicium de absoluta lethalitate ferendum est,     |                   |
| vid. <i>Dn. Gerh. Wilh. Nebel</i> diss. de lethalitate |                   |
| vulneris pericardii, Heidelberg. MDCCXXXIX.            |                   |

### §. X.

|                                                    |                 |
|----------------------------------------------------|-----------------|
| Exempla cordis superficialiter, si-                | <i>Cordis</i>   |
| ne vitæ periculo, læsi rarissima sunt;             | <i>vulnera,</i> |
| attamen in corpore mortuo hominis,                 |                 |
| olim in thoracem vulnerati, cicatricem in cor-     |                 |
| dis cono visam esse, in actis erudit. <i>Lips.</i> |                 |
| MDCCV. editis pag. CCLXXXVII. relatum est.         |                 |
| Vulnera autem profundius in cordis substanti-      |                 |

am aut ad aliquam pluresve ejus cavitates, ventriculos scilicet atque auriculas, penetrantia, ob enormem atque haud coercibilem hæmorrhagiam, citissimam atque inevitabilem mortem adferunt. Læso etiam vase cordis, in continuo motu constituti, coronario, inprimis arterioso, mors, ob impossibilem sanguinis ex pericardio remotionem atque hæmorrhagiæ continuationem, paullo tardius quidem, at certo, sequitur, vid. cel. Dn. *Dan. Wilh. Trilleri* diff. de mirando cordis vulnere, post XIV. dies demum lethali, Wittenb. MDCCLXV.

### §. XI.

*Testimonia.*

*A. C. Celsus* de medicina, l. V. cap. XXVI. corde, inquit, percusso, sanguis multus fertur, arteriæ languescunt, color palladissimus est, sudores frigidi oriuntur, extremisque partibus frigidis, matura mors sequitur. Dn. *Jo. Bohnius* de vulner. renunciatione, p. CXXVI. si unus vel alter, ait, cordis fasciculus muscularis præfectus est, actio ejus vitalis non potest non turbari, & licet ita fauciat nonnullos dies supervivant; attamen, nulla chirurgia locum habente, ejusmodi læsio inter absolute lethales referenda est.

### §. XII.

*Casus.*

Duo, quæ mihi obvenerunt, cordis vulnerati exempla paucis enumeraturus sum. Rusticorum rixantium alteri cultrum vulgarem, in sinistro thoracis latere, inter costas veras quartam quintamque, in cordis ventriculum sinistrum usque alter adegerat, morte;

ob

ob enorme sanguinis profluvium, intra pauca temporis minuta subsequente. In dorcadum veneratione adolescens XVII. annorum ictum in sinistro thoracis latere ex machina ignivoma ex improvise ab alio ita acceperat, ut tres globuli minores (Posten) sinistrum cordis ventriculum, duo septum intermedium ac dextrum ventriculum, septem pulmonem sinistrum & quinque dextrum penetrarent, morte illum statim occupante. In sectione utraque thoracis cavitas ad duas tertias cruore repleta inveniebatur.

### §. XIII.

Superficialis pulmonum læsio *Pulmonum non nisi paucum sanguinem, thoracis paracenthesi educendum, fundens, absolute lethalis non est. At si vulnus altius, vel totam eorum substantiam penetraverit, & vasa sanguifera atque aërea majora læsa fuerint; quod ex sonoro aëris ex vulnere exitu, ac sanguine coccineo atque spumoso ex eodem & ore erumpente respiratione difficili, pulsu debili, pallore, lypothymia, aliisque malis symptomatibus cognoscimus; læsio, ob hæmorrhagiam incoercibilem atque actionum animalium sufflaminationem, absolute lethalis est. A. C. Celsus de medic. l. V. c. XXVI. pulmone, inquit, icto, spirandi difficultas est, sanguis ex ore spumans, ex plaga rubens, simulque etiam spiritus cum sono fertur. Fortunatus Fidelis de Medic. relationibus l. IV. c. IV. si pulmo, inquit, vulnus acceperit; spirandi difficultas est, sanguis ex ore spumans, ex plaga ruber, simulque spiritus cum sono fertur, in vulnus inclinari juvat, & multi tunc loquuntur, in aliam partem inclinati*

obmutescunt, quidam sine ratione confurgunt. Si spatiosa laxitas est, sanguis ex plaga spumans evacuatur; si non, ore magis redditur. Si diuturnus sit morbus, hominem febris & marcor conficiunt. Dn. *Jo. Zach. Platner* in chir. rat. §. DCXXIX. ait: si pulmo ictus est, & sanguis ex ore copiose ac sine tussi fertur, vas sanguiferum majus vel plura percussa esse, intelligimus. Ubi vero tussis non nisi parum extundit, vasa sanguifera minora vulnerata sunt.

*Obs. I.* Si vulnus thoracis angustum paniculo adiposo obturatur, in pectoris cavitatem sanguis defluens molis fluctuantis sensum exhibet, atque pulmonem comprimendo, diaphragmatis atque thoracis actionem impediendo difficilem respirationem efficit.

*Obs. II.* Ubi ea parte pulmonis vulnus deprehenditur, ubi hic cum pleura concretus est, sanguis, in pectus confluere nesciens, ex vulnere fertur, & tunc, si plaga haud profunda fuerit, locum sanatio invenit. *Jo. Bohnius* de vulner. renunciatione, p. XXV. si pulmo, inquit, pleuræ adnatus est, interdum ex levis vulnere ut plurimum lethali aliquis convalescit.

#### §. XIV.

*Vasorum  
vulnera.*

Vasorum arteriosorum atque venosorum majorum in pectore, quin & quorundam minorum læsiones, v. c. aortæ, arteriæ pulmonalis, subclaviæ, bronchialium, œsophagearum, mammariarum internarum, venæ cavæ, pulmonalium, venæ sine pari &c. quia ad illa accessus non datur, adeoque sanguinis fluxus sisti nequit, absolute lethales sunt.

*Schol.*

*Schol.* Ad cruorem in capitis, thoracis atque abdominis cavitatibus collectum educendum, illius perforationem modiolis perficiendam, atque horum paracenthesin, recte quidem atque in pluribus casibus cum salutari eventu commendant. Ubi vero cruoris coagulum valde tenax & quasi piceum est, etsi dilutionis tentamina adhibeantur, hoc tamen non ex sententia obedit, & ubi vas majus læsum est, hoc obturari & sanguinis profusio istis remediis cohiberi nequit; adeoque in hoc casu fatum quidem ad aliquot dies differtur, minime tamen evitatur, vid. *Io. Bohn.* de renunciatione vulnerum, p. XC. & XXXI.

§. XV.

Nervorum ad thoracem abeuntium, vel illum transeuntium læsiones, v. c. cardiacorum, parisoctavi, intercostalis, phrenici, ut & plexuum atque ramorum majorum vulnera, ob gravia inde excitata symptomata, aditum præclusum; viscerumque, quibus prospiciunt, nobilitatem, absolute lethalibus merito accensenda sunt.

~~~~~

CAP. XII.

De abdominis & partium in eo contentarum læsionibus.

§. I.

Abdominis vulnera.

Vulnera integumentis communibus abdomen cingentibus, ejusque partibus musculosis, inflicta sana-

sanationem facilem recipiunt. Ex arteriæ hypogastricæ læsione hæmorrhagia periculosa quidem oriri potest. Cum vero remediis sanguinis fluxum coërcentibus, excepto earum exortu locus datur; non nisi accidentalem lethalityatem hæc adferre potest. Partium tendinosarum, v. c. annuli abdominalis, lineæ albæ ac semilunaris vulnera curatu quidem difficiliora; attamen haud absolute lethalia sunt.

Obs. Vir quidam septuagenarius, delirio chronico laborans, regioni hypogastricæ, atque hypochondriacæ sinistra, plura vulnera, nonnulla in abdominis cavum penetrantia, cultro infixerat. Nulla tamen, si a febre symptomatrica recesseris, mala symptomata hinc orta vidi, sed, intra VI. hebdomadam spatium plagæ ad unam omnes perfanatæ fuerunt.

§. II.

Omenti. Cum omentum ex abdominis vulnere propendens, atque nondum corruptum, reponi, partes ejus alteratæ sine periculo rescindi, ac vasa majora vulnerata ligari possint; ejusmodi læsiones non, nisi neglectæ vel sinistre tractatæ, lethales fieri solent. Ubi vero circa connexionem suam cum ventriculo profunde læsum est, ac vasa gastroëpiploica discissa sunt, medela locum non habet, & mors necessario sequitur. *Io. Bohnius* l. c. p. CXLIX. omentum non ut tale, sed vel ratione venæ splenicæ, atque arteriarum hepaticæ & splenicæ, proxime transeuntis, vel harum ramorum majorum sibi propriorum laceratorum, vulneratum, aliquando necem adfert.

§. III.

§. III.

Vulnera, mesenterium vel meso- *Mesente-*
colon penetrantia, tam ob vasorum *vii.*
fanguiferorum, v. c. arteriarum duo-
denalis, mesaraicæ superioris atque inferioris,
venarum mesaraicarum magnæ & parvæ ac duo-
denalis, & utriusque generis ramorum majorum,
innumeras anastomoses inter se nectentium, quam
vasorum lacteorum majorum, glandularum, ac
nervorum, a plexibus solari, atque utroque me-
saraico huic visceri copiosissime datorum læsiones,
respective incoercibilem sanguinis vel chyli ef-
fusionem, inflammationem atque dolores gravis-
simos convulsionesque producentes, absolute le-
thalibus merito accensentur. Cum visceris hu-
jus vulneratione intestinorum læsionem sæpius
conjunctam esse, ex arcto harum partium nexu
concupi potest, ipsaque experientia confirmatur.

§. IV.

Teste *Jo. Bohnio* l. c. pag. *Testimonia.*
CXLVIII. mesenterii vasa majora
tam sanguifera, quam lactea, per fluxoris sui,
plus minus vitalis, profusionem letho causam
dicunt. Si hæc vulnera cum præcipite multa-
que chyli ac lymphæ in abdomen profusione con-
tingant, quid auxilii illis sperandum sit, haud
perspicio. Vulnera membranam mesenterii per-
forantia intra duos tresve dies lethalia, ac vulne-
ratos gravissimis assiduisque doloribus affectos
fuisse, apud *Frid. Ruyschium* advers. anat. de-
cad. II. p. VIII. legimus. *Dn. Io. Zach. Plat-*
ner in chir. rationali, §. DCLXVII. mesenterio,
inquit, vulnerato, vehemens dolor esse solet, in-
primis

primis si nervi, huic visceri crebrius intexti, præcisi fuerunt. §. DCLXXVI. si mesenterium percussum fuit, mors plerumque sequitur; id enim & multas majoresque arterias venasque, tum sanguinem, tum chylum ferentes, crebros etiam nervos habet, atque adipem innatum, ob quem corruptioni atque gangrænæ valde opportunum est.

§. V.

Casus. Referente *Jo. Bohnio* de lethal. vuln. abd. pag. CXLVIII. in viro, qui ex punctura regionis epigastricæ tertia die exspiraverat, ictus per omentum in mesenterii centrum penetraverat, sicque, præter vascula epiploica exiliora, propago arteriæ mesaraicæ superioris insignior transversim resectus erat; unde abdomen satis vastum cruore effuso, atque ad corruptionem inclinante, turgebat. A mesenterii læsione, post enormes dolores mortem brevi arcessitam, atque in corpore mortuo non quidem majora mesenterii vasa, sed nervos quosdam discissos fuisse, b. m. Dn. *de Swieten* in comment. ad aphor. *Boerhaavii* CLVI. retulit.

§. VI.

Ductus thoracici.

Ductus thoracici atque receptaculi chyli vulnerationes ac dissectiones, ob interceptum chyli, ad nutritionem vitamque continuandam adeo necessarii, ad sanguinem progressum, ejusque in abdominis cavum effusionem, absolute lethalibus, suo jure, annumerantur. *Jo. Bohnius* l. c. pag. CXLIX. cum vasa lactea secundi generis, & receptaculum lumbare, vulnerata lymphæ & chyli ascendentis penum profundunt; non tantum viscera gra-

gravando, sed & sanguini atque his succum alibilem denegando, certam mortem accelerant. *J. Zach. Platner chir. rat. §. DCLXXVI.* si receptaculum chyli vulnus accepit, periculum certum esse solet. In milite, cui globulo plumbeo ex machina pyria exploso ductus thoracicus disruptus, ac, post retractionem, clausus fuerat, vasa chylifera in toto intestinorum tractu, *Dn. D. Schwencke* observavit, vid. *ejus hæmatologia, c. I. p. II.*

§. VII.

Parva ventriculi vulnera lateraliter inflicta, quin & majora per. *Ventriculi.* nus patentia, in quibus gastroraphia adhiberi potuit, quandoque sanata esse, exemplis constitit. Cæteroquin hujus visceris, ob nervoso-vasculoso-membranosam structuram, contentorum atque humorum effusionem ejus inflammationem, dolores exquisitissimos, vomitum, singultum, deliria, syncopen, convulsiones, & sphacelum, imprimis si ejus curvatura magna multis vasis atque nervis instructa, cum omento connexa, pylorus, vel cardia, vulnerata sunt, vel hæc admodum sensibilis graviter contusa fuit, ut plurimum mortifera sunt, eorumque absoluta lethalitas in casu speciali ex gravibus symptomatibus a læsione productis, atque ad mortem usque durantibus, nec non ex impossibilitate auxilium adferendi, demonstranda est. *Cels. de medicina, l. V. c. XXVI.* inquit: ubi stomachus percussus est; singultus & bilis vomitus insequitur; si quid cibi vel potionis assumtum est, id cito redditur: Arteriarum motus elanguescunt, sudores

res tenues oriuntur, per quos extremæ partes frigescent. Conf. *Mich. Ernst Ettmüller*. diss. de ventriculi vulneribus eorumque lethali-
tate, Lipf. MDCCXXX. *Phil. Conr. Fabricii* diss. de lethali-
tate vulnerum ventriculi secundum principia anatomico-medica expensa, Helmstad.
MDCCLI.

§. VIII.

Testimonia. Censente *Jo. Bohnio* in tr. de
lethalit. vuln. c. V. p. CXXXIX.
ventriculi vulnera, vel ratione vasorum sangui-
ferorum, vel ratione compagis sibi propriæ, le-
thalia observantur; dum per illa contingens hæ-
morrhagia totius corporis viribus enormiter de-
rogat, sanguinis vero ad interiora facta profusio
mole atque putredine visceribus vim infert: per
hæc autem digestio alimentorum horumque di-
stributio, fluidis materiam subministrans, turba-
tur atque aboletur; imo illorum ad ventrem re-
jectione, hujus interanea pariter materia molesta,
atque in sui ac horum exitum vergente, obru-
untur. *Idem* l. c. p. CLX. plagæ, inquit, ori-
ficia ventriculi penetrantes semper lethales sunt,
sinistri scilicet, ob deglutitionem impeditam, at-
que inevitabilem plexuum nervorumque insignio-
rum lacerationem, inflammationem, convulsio-
nem: dextri ob chymi distributionem impeditam,
ac vomitus biliosos enormiores. *Idem* de vul-
ner. inspect. p. X. valentior, ait, regionis epi-
gastricæ percussio, ad suffocationem atque asphy-
xian disponens, aliquando, sine tumore & vul-
nere patulo, necat. Teste *Jo. B. Morgagni*
l. c. l. IV. ep. LIV. art. IX. eos, quibus ven-
tricu-

triculi fundus, multis variæque originis nervis instructus, fauciatus est, intra breve tempus ut plurimum mori, observationes luculenter confirmant. Dn. I. Z. *Platner* l. c. §. DCLXXII. in præcipiti sunt, quibus ventriculus percussus fuit, imprimis si duo ejus tergora vulnerata sunt. Nulla spes superest, si icta est ima ventriculi, vel ea pylori pars, quæ in summum intestinum coarctatur.

§. IX.

Ab opilione robusto viri debilis, an- *Casus.*
nis LX. majoris, cordis scrobiculum semel, atque processus sterni ensiformis bis ferrea pedi extremitate contusa erant. Extrinsicis nonnisi tres maculæ parvæ, pisiformes, lividæ, conspiciebantur; nihilominus læsus statim vomitu, syncope, nyctemeron durante, posteaque deliriis, cum commate somnolento alternantibus, ac febre correptus, & non nisi sollicita curatione vix intra bimestre spatium restitutus fuit, mentis ac corporis imbecillitate adhuc aliquamdiu perdurantibus.

§. X.

Intestinatorum vulneratorum signa *Intestino-*
A. C. Celsus l. V. c. XXVI. sequente ratione proposuit: communes intestini tenuis & ventriculi vulnerati notæ sunt; nam cibus & potus per vultus exeunt, præcordia indurescunt, ac bilis nunquam per os redditur. Cætera intestina icta vel stercus, vel odorem ejus exhibent. His addi potest, quod cruenta per alvum descendant, & dolor

S

dolor

dolor colicus, singultus, atque vomitus adsint, atque ex intestino tenui vulnerato chylus exeat.

§. XI.

Eorum vuln. sanab. Quædam intestinorum vulnera par-
ti a mesenterio remotæ inflicta, ad quæ
per abdominis vulnus jam patens, vel
arte ampliandum, auxiliis accessus, &
enteroraphiæ locus datur, quin & ipsa intestini a
ventriculo remotioris discissio; ubi ejus extre-
mitas superior cum vulnere confui, & hoc mo-
do artificialis fecibus alvinis exitus procurari
potest, sanationem admittere, exemplis evictum
est. Exile primarum viarum vulnus aliquando
sanari posse, *Jo. Bohnius l. c. p. XXXVII.* asse-
ruit. Intestinorum vulnera minora & recta,
præcipue si intestinum vulneratum ad peritonæ-
um adduci potest, glutinari posse, & tenuibus
crassa facilius sanescere; in *Dn. Platneri chir.*
rat. §. DCLXXIV. stabilitum est. *Conf. Dn. Io-*
Hier. Vogelii theses de gemino coli vulnere non
lethali, Halæ Magd. MDCCIII. Abr. Vateri
diff. de vulnere in intestinis lethalitate, occasio-
ne casus rarissimi, quo colon vulnere in-
versum per XXIV. annos ex abdomine propen-
dens exhibetur, Wittenb. MDCCXX. Franc.
Mery diff. an intestinorum tenuium vulnus le-
thale? Paris. MDCCXLII. Andr. Westphal. diff.
de vulnere coli consolidato, Gryphiswald. MDCC-
XLIII.

§. XII.

Lethalia.

Ubi vero ad intestini vulnus ac-
cessus non datur, vel aliæ partes no-
biles

biles, ad vitæ sustentationem necessariæ, v. c. mesenterium, mesocolon, pancreas hujus ductus, cholidochus, simul læsa vel dissecta fuerunt; tunc ex symptomatum gravitate, morte cum iis cohærente, atque corporis mortui sectione, absoluta vulneris lethalitas eruenda atque pronuncianda est. *Jo. Bohnius* de vulnere renunciat. p. XXX. propter texturam, inquit, membranofam ventriculi atque intestinorum vulnera vix unquam coalescunt; hinc periculosissime atque ut plurimum lethales existunt; dum vel ratione inflammationis ac sphaceli, vel dolorum ac spasmodorum supervenientium, vel contentorum in abdominis cavum depositorum, mortem inferunt, l. c. p. XXXVII. primarum viarum, ait, vulnus majus semper pessundat. *Dr. Io. Zach. Platner* l. c. intestinum, inquit, utrinque perforatum mortem plerumque maturat.

§. XIII.

Post lapsum vehementioremque contusionem hepar aliaque viscera abdominalia, etiamsi nulla læsio extrinsecus compareat, graviter contusa, quin rupta esse solent. Illud fontica vasorum sanguiferorum vel biliosorum vulnere lethaler affici, postea dicam. Hepatis læsi signa *A. C. Celsus* l. V. c. XXVI. ita describit: jecinore vulnerato, multus sub dextra præcordiorum parte profusus sanguis, punctiones doloresque, nonnunquam etiam vomitus biliosus accedit. *Fortunatus Fidelis* l. c. l. IV. c. IV. p. DXLIV. hepate, inquit, vulnerato, sub dextra parte multus sanguis profunditur, præcordia ad spinam re-

ducuntur, in ventrem cubandi dulcedo, punctiones doloresque usque ad jugulum, nonnunquam vomitus biliosus accedit, ægrotus pallet, tussit, febricitat, atque urina egestioque non raro cruenta redditur, & his tandem corpus quasi atrophia liquefcit atque absumitur, vid. Dn. *Car. Aug. a Bergen* diss. de lethalitate vulnerum hepatis, Francof. ad Viadrum MDCCLIII.

§. XIV.

Hepar ruptum. Hepatis ruptura, ob enormem humorum in abdominis cavum effusionem, ipsiusque visceris destructionem, cito lethalis est. Dn. *J. B. Morgagnus* l. c. l. IV. ep. LIV. art. XV. salvo, inquit, abdomine, percussioni primum occurrente, conclusas sub ipso partes disrumpi, novum non est: tu igitur, si post ictum abdominis vehementem gravissima symptomata accedant, quid intus fieri poterit, etiamsi nullam in cute lationem videas, suspicaberis. Imo etsi non statim illa symptomata adsint; noli sine omni timore esse; ne quid forte latentis mali sensim crescat, ejusque indicia universa de improvviso erumpant.

§. XV.

Casus. Post vim abdomini extrinsecus illatam in puero novem annorum jecur laceratum *Valsalva* invenit. In alio puero, post similem causam, cute integra, jecur medium ruptum, b. m. Dn. *Laur. Heisterus* deprehendit, vid. *I. B. Morgagnus* l. c. art. XV. In viro ex ebrietate in fossam XVI. pedes profundum delapso, ac die IV. mortuo, nulla latione extrin-

extrinsecus comparente, hepar alte fissum re-
pertum fuit, vid. cël. Dn. *Ern. Gottl. Bose*
progr. de hepate rupto, Lips. MDCCLXXVII.

§. XVI.

Nonnisi ea hepatis vulnera, quæ *Hepatis*
ejus superficiem ita tantum tetege- *vasa san-*
runt, ut nihil, vel parum, sangui- *guis.*
nis in abdominis cavum effluerit,
sanabilia dici merentur. Dn. *Jo. Bohnius*

l. c. p. CLI. vix apparet, ait, quales hepatis per-
cussiones lethalium classi eximi debeant; nisi cum
Sennerto illius superficiei tantum ejusmodi præ-
rogativam decernamus. Dn. *Jo. Zach. Plat-*

ner l. c. §. DCLXXV. quibus, inquit, jecinoris
summa vel extrema pars vulnerata est, ii servari
possunt. Quæ autem, profunde in ejus sub-

stantiam penetrantia vasa majora aperuerunt,
hæmorrhagiam cito lethalem producunt; nec
laxa hujus visceris substantia vasorum discisso-
rum contractionem, ac vulneris consolidationem,
uti partes musculosæ, admittit. Teste *Aretæo*
de causis & signis morb. long. l. I. c. XIII. san-
guinis e jecinore profusio nullo modo cœrceri
potest. Nullum, *Bohnius* l. c. p. CLIII. in-

quit, hepatis vulnus, quod cum multi sangui-
nis emanatione, hinc vasis vel unius majoris,
sive plurium minorum, ejus compagi undique
intertextorum laceratione, vel pathematis irre-
sistibilibus evenit, salutare dici potest; sed, qui
sub hoc pereunt, ex percussione, ut tali, perire
præsumuntur. Dn. *Platner* l. c. ubi hepar,

ait, medium percussum est, & ubi læsæ sunt
maiores arteriæ ac venæ, vulnus mortiferum
est.

§. XVII.

Casus. Subcenturio rixoso, jurgii caussam inferenti, atque literarum studioso certamen singulare acciderat. Huic, nonnullis vulneribus in faciem atque humerum inflictis, gladium e manu excusserat, quem hic, sub ipso sublationis actu in illius hypochondrium dextrum, adigens, hepar adeo profunde vulneraverat, ut latus inter sex prima horæ minuta, sanguine exhaustus, concideret, animamque redderet.

§. XVIII.

Vasa cum eo connexa. Vasorum hepatis accumbentium illudque subeuntium, v. c. arteriæ hepaticæ, cysticæ, venæ splenicæ, mesentericæ, portarum vulnera, obincoercibile sanguinis profluvium, absolute lethalibus utique accensenda sunt, vid. Io. Bohnius c. l. p. CLIII. Hepatis vulnus lethale cum venæ portarum laceratione conjunctum Petr. Forestus obs. chir. l. v. obs. III. cum venæ cavæ trunco, Timæus respons. XX. descripserunt.

§. XIX.

Vasa biliosa. Leviores acinorum biliosorum superficialium læsiones sanationem admittere posse, verosimile est. At ductuum biliosorum, imprimis majorum, hepatis parenchyma profundius perreptantium, ductus, hepatici, cystici, cholidochi atque cystidis felleæ vulnera, ob incorrigibilem bilis effusionem, putrescentiam, actionumque naturalium turbationem, in absolute lethalium censum sine dubio

dubio veniunt. Cui accedit, quod vasa hæc, sine sanguiferorum læsione, vulnerari nequeant. Nec observationes de fundo cystidis felleæ calculis vel pure turgentis ac protuberantis artificiosa operatione aperto ejus vulnera casu inflicta excusant. vid. b. m. Dn. *Christ. Gottl. Ludwig* instit. Med. forens. §. CCCXLI. *Jo. Bohnius* l. c. p. CLIV. causa, inquit, immediata, qua cystidis felleæ dilacerationes mortem inferunt, bilis profusio, ejusque ad intestinum defluxus interruptus est. Quale quid pariter dicendum puto, si ductus hepaticus vel choledochus eo usque saucientur, ut bilis actio in intestinum aboleatur. *Jo. Zach. Platner*. l. c. §. DCLXVI. ubi bilis, inquit, receptaculum, illaque itinera, per quæ hæc emittitur, vulnerata sunt, bilis ex vulnere fertur. §. DCLXXV. si in hepate, ait, bilis itinera læsa sunt, vulnus mortiferum est.

§. XX.

Lien, tamquam viscus molle ac spongiosum, a gravi hypochondrii sinistri concussione, nullis etiam læsionis signis extrinsecus conspicuis, lethaliter rumpi potest. Vir quidam, post casum ab alto, insigni abdominis tumore correptus, intra IV. horarum spatium obiit. Extrinsecus in corpore mortuo nihil præternaturalis conspiciæbatur, at lien in parte sua convexa ruptus, & magna sanguinis copia in abdominis cavum effusa erat. Lienis a percussione externa fissi, mortisque ob ingentem sanguinis effusionem, subsecutæ duo exempla *Jo. Bohnius* l. c. p. CCLXXXII. retulit.

§. XXI.

Vasa ejus Parva vasorum lienalium in *sanguifera.* superficie fitorum vulnera, non-nisi paucum sanguinem fundentiâ vitæ periculum non adferunt. Ubi vero lienis substantiam vulnus aliquod profundius penetrans, ramos arteriosos atque radices venosas majores disciderit lethale sanguinis profluvium exoritur. *A. C. Celsus* l. c. liene, inquit, icto, sanguis niger a sinistra parte prorumpit, præcordia cum ventriculo ab eadem parte indurescunt, fitis ingens oritur, ac dolor ad jugulum, sicut jocinere vulnerato, venit. *Dn. Jo. Zach. Platner* l. c. §. DCLXXVI. periculum, ait, certum esse solet, si lien vulnus accepit.

§. XXII.

Pancreatis Cum pancreas, glandula conglomerata, pone omentum atque ventriculum a duodeno ad lienem transversim extensa, sine unius alteriusve vicini visceris vulnere lædi nequeat, nervos a pari vago atque intercostali, multas a splenica, duodenali, gastrica magna, pylorica ac mesaraica arteriolas, a vena splenica multas radices venosas, ut & permultos canaliculos serofos, in unum ductum excretorium coeuntes habeat, profundæ ejus læsiones absolute lethales sunt. *Dn. Herm. Frid. Teichmeyer* instit. med. legal. cap. XXIII. p. CCXXIV. vulnerato, inquit, pancreate, succus pancreaticus neque elaboratur, neque secernitur, neque ad intestinum duodenum defertur; ergo nutritio & sanitas & vita læduntur: ergo in hac re a *Dn. Jo. Bohnii,* oculo-

oculatissimi ceteroquin scriptorum medicinæ forensis coryphæi, opinione dissentire, cogor, qui in tract. de renunciatione vulnere p. CXLIX. pancreatis, inquit, plagas non, nisi artèriarum ac venarum transeuntium occasione, mortiferas augurari possumus.

§. XXIII.

Cum in sectione cæsarea, eductis fetu secundisque, utriculus ejusque vasa sese contrahant, atque ex circumspècte inflicto vulnere magno parvum atque curabile fiat; uterum gravidum, sine certo vitæ periculo, vulnerari posse, clarum est. Longe autem alia res est, si uterus vacuus vel gravidus, solus vel cum partibus vicinis, temere profundeque læditur; ejusmodi enim vulnerationem hæmorrhagia lethalis, nulla arte coercenda, & si uterus gravidus fuerit, embryonis interitus sequitur. Vehementior etiam uteri gravidæ percussio & abortui causam subministrare, ipsumque uterum aliæque viscera vicina graviter lædere solet, vid. Dn. Jo. Mart. Reichardi diss. de utero gravidæ una cum fetu vulnerato. Argent. MDCCXXXV.

§. XXIV.

A. C. Celsus de medicina, l. V. c. XXVI. cum vulva, inquit, percussa est, dolor in inguinibus, coxis atque feminibus est, sanguis, pars per naturam, pars per vulnus, descendit, ac bilis vomitus insequitur. Quædam obmutescunt, quædam mente labuntur, quædam autem sui com-

potes, nervorum dolore se urgeri continentur, morientesque eadem, quæ corde vulnerato, patiuntur.

§. XXV.

Testimonia. Dn. Jo. Bohnius de vulner. renunc. c. V. p. CLX. si uteri, inquit, vasorum sanguiferorum unum alterumve faucietur, sanguis non tantum utero, sed toti, detrahatur, aut in abdomine, in viscerum detrimentum, cumulat. Si idem organon, dum fetum gestat, ejusmodi ictum, etiam extra vasorum majorum diremptiones, experiatur; matri pariter ac proli ille lethiferus existit. Illi quidem, quod totus ejus spongiosus ambitus multo cruore turgat, hinc laceratus ad animi deliquium eundem profundat; huic vero, quod subsidiis vitalibus defraudetur. Verberibus aut pedum conculcationibus uterus eo usque aliquando concutitur, ut damnum ingens in fetum pariter redundet. Dn. Jo. Zach. Platner, l. c. §. DCLXXVII. Uterus, inquit, cum periculo summo vulneratur, maxime in gravida, in qua arteriæ venæque multum distentæ sunt; plerumque enim feminae sanguinis profusione, vel inflammatione, brevi moriuntur.

§. XXVI.

Casus. Chirurgus quidam Gallus, anonymus, in arte relationes faciendi art. IX. sequentem casum memoriæ prodidit: ad feminam, inquit, VIII. menses gravidam, gladio in inum ventrem ad tres transversos digitos sub umbelico vulneratam, arcessitus fui.

Vulne-

Vulneratam sanguinis profluvio jam extinctam deprehendi. Sub sectione, eodem vespere magistratus jussu peracta, uteri fundum gladio penetratum atque embryonis pectus eodem profunde læsum, multumque sanguinis in abdomine effusi reperi, atque hanc læsionem & matri atque embryoni lethiferam fuisse, pronuntiavi.

§. XXVII.

Superficialia renum, pone peritonæum collocatorum, vulnera absolute quidem lethalitatem non adferunt. At profunda, quibus eorum vasa ac pelvis incisa, vel dissecta sunt, vel si renes a vi externa tam vehementer contusi, atque in substantia sua adeo læsi sunt, ut incoercibilis sanguinis & lotii acrimonia ac putredine nocentis, in renum adipem, quin & abdominis cavum effusio, vel mictus cruentus, aut fontica inflammatio, gangræna, aut magna suppuratio sequatur; ejusmodi læsiones absolute lethalibus accensendæ sunt. Ureterum incisorum vel dissectorum consimilis ratio est.

Renum læsiones.

§. XXVIII.

Renibus percussis, teste *Celso* l. c. dolor ad inguina testiculosque descendit, difficulter urina redditur, eaque aut est cruenta, aut cruor fertur. *Ejus signa.* Dn. *Jo. Zach. Platner* l. c. §. DCLXVI. renibus, inquit, percussis, urina in adipem, renes ambientem, hujusque cellulas fertur. In his vero mala ulcera, & quandoque gangræna, enasci solent.

solent. Dolor acrior cum prurigine atque calore est; quia humor serpendo penetrandoque adipem aliasque partes vorat. Pauca urina & cum difficultate redditur, in qua quædam cruenta concreta sunt, aut sanguis per urinam iter profluit. Ubi vulnere præcisus ureter est; dolor ad inguina testiculosque descendit, quem dolorem alias patiuntur, quibus calculus ex renibus in ureteres prolapsus est.

§. XXIX.

Testimonia. Teste *Celso* l. c. ille haud servari potest, cui renes percussi sunt. *Dn. Jo. Bohnius* l. c. p. CLVI. *Celso* renum vulnera pro lethalibus habenti adstipulatur, si in eorum substantiam profundius penetrantia, vasorum emulgentium ramos atque pelvis tubulos læserint. Licet idem autor superficiales eorum læsiones minime mortiferas esse, declaraverit; addit tamen, in cunctis renum vulneribus eorum inflammationem, atque inde emergentem ischuriam attendendam esse; quod solum symptoma, altero etiam rene integro, ea lethalia reddere posset. Refert etiam huc ureterum præsectiones, & per has ad abdomen confluentem urinam; quæ mole pariter ad putredinem vulneratis exitio est. *Dn. Jo. Zach. Platner* l. c. §. DCLXXVIII. non ita mala, inquit, renum vulnera sunt, quæ in summa atque externa horum parte subsisterunt; mortifera vero, quæ penitus penetraverunt. Si enim ex plaga, qua ren percussus vel ureter præcisus est, urina exit; illa futuram mortem, vel maturiorem, vel feriozem, denunciat.

§. XXX.

§. XXX.

Adolescens XVIII. annorum, navi- *Casus.*
culariæ operam dans, in regione lum-
borum sinistra remo vehementer percussus, pri-
mo mictu cruento refractario laboravit, & fa-
cta renis suppuratione, hecticus denique periit.

§. XXXI.

Ex lithotomia aliisque casibus, *Vesicæ*
quædam vesicæ vulnera, per quæ lo- *vuln. sa-*
tio exitus atque remediis chirurgicis *nab.*
accessus datur, sanabilia esse, disci-
mus. Referente Dn. Io. Bohmio l. c. pag.
CLVIII. autorum plerique fundi perforationes
per se, cervicis minus lethales pronunciant. Ad-
dit tamen *idem autor*, nec cervicis vulnera sem-
per adeo salutaris eventus esse, nonnullos etiam
in vesicæ fundo vulneratos convalescere, si ictus
illam fundi partem tetigerit, ubi vesica cum
perinæo ligatur, seu ubi huic atque abdominis
musculis connectitur.

§. XXXII.

Curati vulneris vesicæ exemplum *Casus.*
Dn. Frid. Ruyschius obs. anat. LXXV.
retulit: vir, nimirum in hypogastrio fauciatus,
tantum vesicæ vulnus acceperat, ut per ure-
thram ne guttulam quidem urinæ excerneret;
sed ex vulnere tantum ejus continue profundere-
tur, ut in lecto supposita omnia abunde hume-
ctarentur. Post aliquot dies in vulnere, sarco-
ticiis linteis carpto exceptis tractato, nova caro
conspiciebatur, atque ex urethra sanguinis gru-
mosi portio cum aliquot urinæ guttulis excer-
neba-

nebatur. Sequentibus diebus tantum incrementi fuit incarnatio, ut omne lotium per urethram redderetur, atque vulneratus brevi post convalesceret. Casum juvenis, cui ab adversario ignoto hypogastrium noctu perfossus erat prope ossis pubis commissuram, *Bohnius* l. c. p. CLVIII. retulit. Hunc hæmorrhagia insigni, vomitibus atque dolore ejus regionis ad lithymias usque fractum deprehendit. Per vulnus omnis urina, nihil autem, aut parum hujus per urethram, nisi ope catheteris excernebatur, & quidem per plures dies; donec turundarum usum autor noster dissuaderet, & plagam iis chirurgi tractarent, quibus intra octiduum plaga coalescebat, & urina per meatum ordinarium reddebatur. Dominum *Bourienne* vulnus, globulo ex machina pyria exploso inflictum, atque vesicam vrinariam bis penetrans, consolidasse, in diario ad medicinam, chirurgiam ac pharmaciam pertinente, Parisiis MDCCLXXII. edito, relatum est.

§. XXXIII.

Vesicæ vulnerata sign.

Vesicæ urinariæ vulneratæ signa *A. C. Celsus* l. c. retulit, inguina, quiens, dolent, quod super pubem est, intenditur, pro urina sanguis, atque ex ipso vulnere urina descendit, stomachus afficitur, itaque aut bilem vomunt, aut singultiant, frigus, atque ex eo mors, sequitur.

§. XXXIV.

Vesicæ vulnerata lethalia.

Ubi vesica vulnere ita magno læsa, vel lotio distenta a contusione externa rupta fuit, ut illud in abdominis cavum effluat, atque plenaria

naria ischuria, lotii putredo, viscerumque in illo maceratorum corruptio sequatur; tunc læsio absolute lethalis est. Dn. *Jo. Bohnius* de vulner. renunciatione, p. XXX. vesicæ, inquit, urinarie vulnera vix unquam coalescunt, hincque periculosissima atque ut plurimum lethales sunt; dum vel ratione inflammationis ac sphaceli, vel dolorum ac spasmodorum supervenientium, vel lotii in abdominis cavum depositi, mortem inferunt. Dn. *Jo. Zach. Platner* l. c. §. DC-LXXIX. vesicæ, inquit, vulnera mala sunt, magnumque periculum inferunt.

§. XXXV.

In juvene, qui noctu ad prominentem arboris ramum hypogastrium alligerat, nullum extrinsecus læsionis signum visum, sed vesica, cum lethali eventu, rupta inventa fuit. Referente *Jo. Bohnio* l. c. pag. CLIX. in viro mox supra pubem in hypogastrio vulnerato, cum egressu intestinorum per plagam externam, licet hæc reposita & vulnus futura firmatum erat, post diem tertium mortuo, collum vesicæ perforatum, ac pelvis cruore congrumato referta deprehensa fuit. Vir machera venatoria intra os ileum atque sacrum ita vulneratus, ut punctura in substantiam vesicæ membranaceam dextri lateris penetraret, mox corruit, & pariter tertio die expiravit. In sectione ejus, præter dictam plagam, multum urinæ sanguine tinctæ in abdomine conspiciebatur. Referente cl. Dn. *D. Berchelmanno*, in viro ebrio a compotatore prostrato calcibusque petito, atque post magnum abdominis tumorem, ischuriam, febrem, singultus atque vomitus, post diem a læsione

ne quartum, mortuo, nullum quidem externum læsionis signum, sed foramen in vesicæ fundo, ultra pollicem longum latumque, ejus oræ spha-celo corruptæ, ac lotii circiter XV. libræ in abdominis cavo, sub sectione, inventa fuerunt, vid. acta societ. acad. Hassiacæ tom. I. p. CXXVI.

§. XXXVI.

*Vasor. maj.
vuln. le-
thal.*

Vasorum sanguiferorum majorum aliorumque notabiliorum, in abdominis atque pelvis cavo obvi-
rum, atque insigniorum ramorum atque radicum ad illa pertinentium, vulnera, cum sanguinis profluvio, nulla arte compescendo, conjuncta, ad absolute lethalia pertinent, v. c. arteriarum aortæ, phrenicarum, cœliacæ, stomachicæ coronariæ, hepaticæ, splenicæ, mesaraicæ superioris, renalium, spermaticarum, mesaraicæ inferioris, arteriarum lumborum, iliacarum primitivarum, hypogastricarum, iliacarum parvarum, umbilicalium, iliacarum externarum, atque epigastricarum in exortu suo: Venarum, v. c. cavæ atque radicum ejus insigniorum, diaphragmaticarum inferiorum, renalium, spermaticarum, venarum lumborum, iliacarum primitivarum, externarum, hypogastricarum, venæ portarum trunci atque ejus radicum, mesaraicæ parvæ, magnæ, splenicæ.

§. XXXVII.

Minorum.

Quin ex arteriis internis minoribus vulneratis, ad quas accessus non datur, v. c. gastrica sinistra, epiploica, splenicæ ramis, hepatica dextra, mesaraicæ dextræ propagine, arteriis renum succenturiatorum, uretericis, sacris lateralibus ac media, ileo-lum-
borum,

borum, iliaccis posterioribus, pudendis communibus, hæmorrhoidæis mediis, uterinis, vesicalibus, ischiaticis &c. hæmorrhagia lethalis ex ipso casu dijudicanda, accidere potest. Quibus accedit, quod unum alterumque viscus abdominale simul læsum sit, atque periculum augeat. Cum simili periculo vasorum lymphaticorum majorum læsiones, ob continuum lymphæ effluvium conjunctæ sunt.

§. XXXVIII.

Fortunatus Fidelis de Medico-Testimoniorum relationibus, l. IV. c. IV. venæ, inquit, & arteriæ, quæ in imo sunt corpore, si vulnus accipiant, illæ nigræ sanguinis ingentem copiam fundunt, pallent ægrota-ntes, atque interitus promptissimus est. Hæ autem tenuem, flavum ac spumantem sanguinem effundunt, arteriæ statim immutantur, ac non multo post mors sequitur. Dn. *Jo. Bohnius* l. c. pag. CLXIII. in abdomine, inquit, mortaliter læduntur vasa majora hoc transeuntia, per quarum lacerationes multum sanguinis profunditur. Qualem quoque lethalitatis præsumptionem habent vasa lymphatica per eundem ventrem hinc inde lata, in primis horum caudex major super spinæ vertebra, inter aortam & cavam, cisternam lumbarem conscendens, aut si plures ejus ramuli simul, v. c. sub hepatis cavo aut circa venæ portarum confinium rum- pantur.

§. XXXIX.

Nervi insigniores in abdomi- *Nerv. ab-*
ne decurrentes, v. c. par vagum, *dom. læsio-*
intercostale, majoresque illorum ra- *nes.*
mi ac plexus, nervi lumborum at-

T

que

que ossis sacri , nervorum femoralium ischiaticorumque principia constituentes, non sine certo vitæ periculo vulnerantur , eorumque læsiones sæpius cum ominosis viscerum vasorumque vulneribus conjunctæ esse solent. *Io. Bohnius* de renunciatione vulner. p. CXVII. quorumcunque, inquit, ramorum nervosorum ac plexuum interna corporis perreptantium , adeoque remedium congruorum usum non admittentium , lacerationes aut puncturæ immediata mortis causa existunt.

§. XL.

*Partium
genital. vi-
ril.*

Nec scroti, nec tunicarum vaginalium , communis & propriarum , læsiones vitæ periculum adferunt; cum illud, separata corrupta parte, sponte renascatur , & hæ , uti ex hydroceles operatione videmus , consolidationem admittant, vid. *Dn. Geor. Christ. Dethardingii* progr. de scroti restitutione spontanea. Testiculorum atque funiculorum spermaticorum læsiones, quatenus ligationem atque resectionem patiuntur, gravibus quidem symptomatibus stipatæ, attamen non absolute lethales sunt; nisi dicti funiculi in loco justo altiori, atque foramini abdominali adeo vicino , ut operationem haud admittant, graviter vulnerati sint. Corporum penis nervosorum vulnera non quidem absolute lethalia sunt, cum amputatio locum habeat; attamen ob enormem hæmorrhagiam, exquisitum dolorem, metuendamque inflammationem gangranosam, admodum periculosa sunt, & , nec ligatura, nec ustione hic locum habente, nisi styptica atque compressiones sufficiant, satis cedere

dere miseri coguntur, vid. Dn. *Herm. Frid. Teichmeyer* instit. med. legal. p. CCXXXI.



CAP. XIII.

De partium extremarum vulneribus.

§. I.

Pleraque extremitatum vulnera, *Earum vul-*
 incisis etiam vasis majoribus, *ner. sanabil.*
 in quibus scilicet apta horum deli-
 gatione, vel, si opus sit, membri læsi detrunca-
 tione, succurri, vitæque servari potest, absolute
 lethalibus accenseri nequeunt. Illarum tamen
 dari læsiones valde ominosas, curatuque difficil-
 limas, inficias ire non possumus, v. c. si instru-
 mentum lædens oblique atque alte adactum est,
 ita, ut vulneris externi atque interni sedes inter
 se minime conveniant, vel si arteria profunde
 sub musculis latens, aut ligamentum interosse-
 um transiens, incisa vel dissecta est, atque magno
 aneurismati spurio, non sine sphaceli metu, oc-
 casionem præbuit, vid. Dn. *Wilh. Huldr. Wald-*
schmidii diff. de vulneribus arteriarum in artu-
 bus sæpe periculosis, raro lethalibus, Kiloniæ
 MDCCXXVIII.

§. II.

Læsionum periculi plenissima-	<i>Sanationes</i>
rum curatarum rariores subinde	<i>rariores.</i>
T 2	casus

casus occurrunt, in quibus connexorum syndrome curationem possibilem reddidit. Sed ex his convulsiones ad alios quosvis ominosos casus applicandas deducere, minime convenit; sed potius ex quovis dato casu rite expenso, an auxilio locus relictus fuerit, nec ne? demonstrandum est. Casum juvenis sclopeti globulo in femore vulnerati, post ingentem tumorem febremque vehementem, remoto multo cruore, atque arteria semilacera utrimque ligata, sanati, *Mar. Aurel. Severinus* de efficaci medicina, l. I. pr. II. p. LI. retulit. Conf. *Dn. Laur. Heisteri* diss. de vulnere arteriæ cruralis periculosissimo feliciter sanato, *Helmstadii MDCCXLI.*

§. III.

Læsiones Vehementiores articulorum trun-
absolute le- co proximorum, contusiones cum
thal. multiplici fibrarum, vasorum nervo-
 rumque dilaceratione conjunctæ, fa-
 cile in gangrænam degenerantes, curationem
 haud raro impossibilem reddunt. Vasorum san-
 guiferorum majorum trunco proximorum late
 patentes incisiones vel dissectiones, v. c. axillari-
 um, femoralium, in quibus nec vasorum deli-
 gatio, nec membri detruncatio locum invenit,
 absolute lethales sunt.

§. IV.

Testimo- *Jo. Bohnius* l. c. p. XXXIII. ar-
nium. tuum, inquit, vasa majora in trunci
 vicinia, v. c. axillaria atque cruralia,
 tam arteriosa, quam venosa, scilicet sub alis, vel
 prope inguina, lacerata, exiguum aut nullam sa-
 lutis

litis spem concedunt; ita, ut ejusmodi vulnerati ut plurimum brevi, & antequam chirurgus arcesatur, cum sanguine animam effundant. *Idem autor* l. c. p. XXXVI. arteriarum, ait, profundius sub musculis per brachium ac femur descendunt: vulnera summe periculosis annumeranda sunt; ubi scilicet circumstantia quædam obstat, quominus læsæ arteriæ locum augurari aut dignoscere, multo minus adæquata remedia commode admoveere liceat.

§. V.

Idem de nervorum majorum, v. c. *Nervo-brachialium, femoralium, atque ischiaticorum* incisione in locis profundis truncoque vicinis valet; cum sufficientia auxilia tunc adhiberi nequeant. Modo laudatus *Jo. Bohnius* l. c. p. CXVIII. anceps, inquit, hæreo, de nervorum caudicibus humeri ac femoris summitati inplantatis; quippe ratione situs profundioris, topicorum vis non penetrat, incisionibus autem illis viam parare, ob grandiorum vasorum propinquitatem, temerarium videtur. Si ad amputationem provoces; hoc auxilium; in hac artuum summitate adhibendum, plus audaciæ, quam rationis, sapit.

CAP. XIV.

De infanticidio.

§. I.

Læsiones adultis lethiferae tales etiam infantibus sunt. In his in-

Infantium læsiones.
super

super partim plures, partim etiam quædam facilius locum habent, nec auxilia chirurgica æque in his, uti in illis, semper & ubique applicari queunt, v. c. jam in utriculo fetus vita privari, variisque nefandis artibus exturbari, vel statim a partu sordibus atque aëris injuriis relictus necari, vel neglecta funiculi umbilicalis deligatione, hæmorrhagiam cito lethalem incurrere potest. Ossium cranii depressiones ac vertebrarum luxationes in illis facile fiunt: variis rationibus suffocantur. Ob ossium mollitiem modiolii applicationi, atque, ob primarum viarum teneritatem, gastroraphiæ, enteroraphiæ, locus non datur; singularem igitur, considerationem læsiones, quibus embryones, nascentes ac recens nati obnoxii sunt, merentur, vid. Dn. *Wolf. Adami Schæpf.* diss. de infanticidio præsumto, Tübingæ MDCCXXXVII. Dn. *Henr. Wolfarth.* diss. de infanticidio doloso ejusque speciebus, Francofurti ad Viadrum, MDCCCL. Dni *Geor. Christ. Detharding.* diss. de cautione Medici circa casus infanticidiorum, Rostochii MDCCCLIV.

§. II.

Fetus abortivus.

Ob varias causas morbosas, v. c. effrenatas animi perturbationes, spasmos vehementes, plethoram commotam, uteri laxitatem, ac morbos malignos, vel etiam ob vim externam, nisum graviolem, concubitum immoderatum, motum viscerum abdominalium succussatorium, v. c. in cursu haud pensili, sed rotarum axibus incumbente, maxime in viis lapidosis, ictum vel lapsum in abdomen, nimiam sanguinis ex vena secta detractio-

nem

nem, emetica, purgantia atque diuretica valentiora maxime in debilibus, aliaque nefanda conamina embryo ex utriculo excuti potest. Hoc si ante septimum mensem fit, fetus abortivus, immaturus est, (ein unzeitiges Kind). Hippocrates sect. V. aphor. XXXI. mulier, inquit, in utero gerens, secta vena, abortit, vid. *Christ. Vater.* diss. de abortu, Wittenb. MCXCVIII. *Andr. El. Büchneri* diss. num dentur medicamenta, quæ abortum simpliciter promoveant? Halæ Magd. MCCXLVI.

§. III.

Fetus mense septimo vel octavo *Partus* exclusus, accedente sollicita cura, vi- *prætox.* tam continuare potest, pro vitali haberi debet, atque fetus præmaturus vel præcox (ein frühzeitiges Kind) dicitur. Hippocrates in libro de natura pueri, si vis quædam, inquit, pueri contingat, etiam ante præfinitum tempus, ruptis membranis, foras prodit. Quin etiam si alimento a matre prius destituatur; sic quoque ante tempus matri partio ingruit, atque ante decimum (lunarem) mensem puer egreditur.

§. IV.

Ovulum, post coitum prolifera- *Kitæ priu-* rum, fecundatum, atque ex ovario *cipiunt.* expulsum, per tubam Fallopianam in utriculi cavitatem delabitur, hujusque superficiei internæ floccidæ petiolo suo accrescit, atque tunc inprimis embryonis rudimentis humorum circuitus, successivumque illius ac secundarum incrementum orditur continuaturque, vel fetus,

per venam umbilicalem nutritus vivere incipit ac pergit, & denique, intra novem mensium solarium spatium, ad convenientem staturam excrevit. Recte oculatus *Bohnius* noster de officio Medici forensis, p. DCXXII. conceptus, inquit, humanus nunquam non animatus existit; proin se frustra torquent, qui terminum animationis quemcunque, post conceptum demum, sci-
fcitantur.

§. V.

*Embryonis
incrementum.*

Circa prima sua initia fetus in ovulo distingui nequit. Dein capite comparative grandi & corpufculo parvo, nullis artubus adhuc dum prædito, apparet. Postea, his pedetentim succrescentibus, corpus viresque ita augentur, ut liquori amnii innatans, circa medium gestationis tempus, motibus voluntariis, sensim auctis, existentiae ac vitae suae documenta edat. Quo propior vero perfectioni suae atque partui naturali fetus est; eo majorem vitae continuandae spem facit, vid. *Frid. Ruyschii* thesaur. anat. VI. tab. II. & III.

§. VI.

*Veterum
opinio.*

Præconceptam opinionem de vitae in fetu initio, seu animatione, veteres, & quidem probabiliter ex Hippocrate male intellecto, habuerunt. Hujus verba in libro de natura pueri textu XXX. extantia: femina (puppa) primam concretionem duobus & quadraginta diebus, cum longissime, accipit; mas vero triginta diebus, quod longissimum;
non-

nonnulli de vitæ initio interpretati sunt; cum tamen non nisi de prima concretionem, vel successiva corporis formatione, tum temporis sufficienter in sensus cadente, ille sermonem faciat, quod sequentia ejus verba in eodem libro obvia satis declarant: caput ab humeris distans exoritur, brachia autem & cubiti a costis (lateribus) & crura inter se separantur, nervique ad articulos profiliunt, os per se diducitur, nares atque aures in carne eminent & perforantur, oculi humore puro implentur, pudendum, quodnam sit, manifestum est, & viscera ipsa conspicuo discernuntur. Jam genitus est infans, eoquæ pervenit, ut primam concretionem accipiat, atque ista distinguere contingat. Quod autem femellâ posterius concresecat ac membrorum distinctionem recipiat, in causâ est ipsius genitura imbecillior & humidior, quam mascula, eaque ratione femellam tardius, quam masculum, concresecere, necesse est.

§. VII.

Ex hoc enumerato præjudicio	<i>Conclusio-</i>
festinatæ quædam conclusiones in	<i>nes non sa-</i>
jus ecclesiasticum atque criminale	<i>tis ponde-</i>
irrepsisse videntur. In jure cano-	<i>ratæ.</i>
nico Decret. p. II. causâ XXXII.	
c. VIII. sequentia occurrunt: non est homicida,	
qui abortum procurat, antequam anima corpori	
sit infusa. Decret. Gregorii I. V. tit. II. c.	
XX. qui abortioni causam dat, homicidia est;	
si conceptum erat vivificatum animal rationale.	
In constitutione criminali Caroli V. art. CXXXIII.	
consimilia extant: So jemand vorsätzlicher Weise	

ein lebendig Kind abtreibt; soll der Thäter am Leben gestraft werden. So aber ein Kind, das noch nicht lebendig wäre, von einem Weibsbild getrieben würde; sollen die Urtheiler, der Strafe halben, bey den Rechtsverständigen, oder sonst, Rath pflegen.

§. VIII.

*Abortus
procura-
tio.*

Cum dolosa abortus procuratio per totum gestationis tempus, tanto magis autem, quo propior perfectioni suæ atque partui fetus est, secundum principia physiologica, futuri hominis spem eripiat; eam homicidii speciem esse, judico. Qui igitur causas abortus, a Medico forensi investigandas atque in foro pronunciandas, dolose posuit, & sic embryonem vita privavit, atque sæpius etiam gravidæ nocuit, merita pœna afficiendus est. Quando abortus non dolose, sed culpose procuratur, nonnisi pœna extraordinaria locum habet.

§. IX.

Autores.

Teste b. m. Dn. Herm. Frid. Teichmeyer in instit. med. legal. c. VIII. p. XLVII. distinctio in fetum animatum atque inanimatum medice & physice nullius momenti est. Io. Bohnius de offic. Medici forensis, p. DCLXXIV. abortum, inquit, concitatum fuisse; si fetus abactus major atque perfectior extiterit, satis commode cognoscitur: minoris tamen ac immaturioris, seu qui secundum, tertium &c., gestationis mensem nondum attigit, signa vix æque manifesta sunt, ac frustra

stra indagantur. Conf. *Ge. Qu. Poeckelii* tr. de crimine partus abacti, Lips. DCLXXXIV. recus. Halæ Magd. MDCCXLIX. *Mich. Alberti* diff. de noxia atque nefanda abortus promotione, Halæ Magd. MDCCXI. *Ejusd.* diff. de termino animationis fetus humani, ib. MDCCXXIV. *Mart. Gotth. Loescher.* diff. de judicio circa abortum concitatum ferendo, Wittenb. MDCCXXVI. *Geor. Aug. Langguth.* diff. de fetu ab ipso conceptu animato, ad constitutionis criminalis Caroli V. art. CXXXIII. Wittenb. MDCCXLVII. *Jo. Frid. Kaltschmiedii* diff. de distinctione inter fetum animatum & non animatum ex medicina forensi eliminanda, Jenæ MDCCXLVII. Dn. *Christ. Lud. Lieberkühn.* diff. de crimine procurati abortus, occasione articuli C. C. C. V, Halæ Magd. MDCC-LXXIII.

§. X.

Sequentes duo casus abortus cul- *Casus.*
pose procurati mihi in praxi clinica ob-
venerunt: empiricus permissu magistratus me-
dicinam faciens, mulieri drasticum purgans pro-
pinaverat. Peracta vehementer operatione, mi-
hi arcesso ea narrabat: se vehementes dolo-
res, ex lumbis genitalia versus tendentes, sen-
tire; ex quo, illam gravidam esse, atque dra-
stici illius medicamenti vi abortum instare, au-
gurabar. Gravidam se esse, illa quidem se-
dulo negabat; sed ante bihorium elapsum ge-
melli duorum circiter mensium abortiebantur.
Mercatoris cujusdam uxor, non optimæ famæ,
graviditatis signa præ se ferens, ex me, an sibi
larga

larga sanguinis missio utilis esset? quærebat. Afferenti, me nulla plethoræ, sed potius graviditatis, signa observare, nec illa, nec credulus maritus, fidem habuit, & me misso, a scioli cujusdam pharmacopœi, magistratu indultupraxin clinicam exercentis, consiliis stetit. Hic, sententiam meam explodens, larga sanguinis missione, ad præcavendum morbum imminentem, utique opus esse, serio affirmavit; quam ad lipothymiam usque administratam fetus abortivus trium mensium ætutem secutus est, & ægra, damno edocta, sed respectu abortus sero, curæ meæ iterum sese credidit.

§. XI.

De gravida complice.

Si abortus, gravida scelus ignorante, ab alio dolose promovetur, in illam nec dolus, nec culpa recidit. At si hoc cum illius consensu patratum est; tunc merito pro correa habetur, justasque pœnas dat; & tanto magis, ubi sub corpusculi mortui sectione signa vitæ a partu, nefandis artibus effecto, actæ reperiuntur, & fetus neglectu aut violentia externa periit.

§. XII.

Licita embryonis protractio.

Si ob causam morbosam, vel externam casu contingentem, placenta uterina ab utriculo avulsa est, ac gravidæ continua uteri hæmorrhagia periculum minatur, embryonem cum secundis arte quantocyus educere, quo uteri contractione periculosum sanguinis profluvium sistatur, obstetricantibus non solum licitum,

citum, sed etiam, vi officii, injunctum est. Embryonem mortuum, ne in utriculo retentus matri noceat, instrumentis concidere atque extrahere etiam concessum atque oppido necessarium est. At fetum vivum tali modo tractare, illicitum esse, arbitror; cum in partu, ob malam pelvis conformationem, nimiam ejus angustiam, aliasve causas impossibili, ad fetus matrisque servationem alia auxilia suppetant; in quem censum sectio caesarea, non adeo, ut vulgo creditur, periculosa, vel ossium pubis dissectio, a cel. Dn. *Campero* proposita, novoque exemplo apud Gallos habito, comprobata, veniunt.

§. XIII.

De praedoctonia, ut ajunt, ad salvandam matrem licita, atque de utraque operatione modo enumerata, sententiam suam plures auctores proposuerunt; quorum nonnullos, historiae causa citaturus sum. *Franc. Roseti* tr. de exsectione fetus vivi ex matre viva, sine alterutrius vitae periculo, Basil. MDCXCI. recus. Francos. MDCCI. *Christ. Conr. Valentini* diss. an fetui vim inferre liceat? ut servetur mater, Gieslæ MDCCXX. *Jo. Conr. Beckeri* diss. de praedoctonia inculcata, ad salvandam matrem, ib. MDCCXXIX. *Conallus a Connel* de operationis caesareae necessitate ac possibilitate in partu desperato, Lugd. Bat. MDCCLI. Cel. Dn. *Phil. Adolphi Boehmeri* diss. de causis infanticidii impunis, Halæ Magd. MDCCXXI. Cel. Dni *Camperi* epistola ad Dn. *van Gescher* de emolumentis sectionis synchondro-

leos

feos ossium pubis, in partu difficili, Groeningæ MDCCCLXXIV. Jo. Hippol. v. Chandon diff. ergo in omni partu prægnantis vitam fervare poterit obstetricans expertus, Montpol. MDCCCLXXVI.

§. XIV.

Partus clandest. excusationes. Partum clandestinum graviditatis ignoratione, subitaneo in locis solis dolorum ad partum subortu, lipothymia statim a partu contingente, fetusque curam impediante, quin & hujus curæ ignoratione, femina excusare solent. Licet hæ excusationes ut plurimum fictæ sint, quod accuratiore totius casus investigatione iudices sæpius detegere possunt: Attamen, pro subjectorum atque connexorum conditione ac diversitate, harum excusationum una vel altera utique interdum locum habere potest.

§. XV.

Graviditatis ignoratio. Graviditatis ignorationem femina, admissi viri sibi conscia, malæque famæ respectu pudicitia, aut quæ partum jam antea edidit, prætere nequit. Ubi vero primipara, congressus tempore, valde ebria, aut morbo cum mentis alienatione conjuncto affecta, aut pharmaco narcotico sopita fuit; ignoratæ imprægnationis atque graviditatis excusatio locum invenit. Puellæ annum XVI. agentis, femine daturæ in cerevisia probabiliter exhibito sopitæ, atque imprægnatæ exemplum Dn. Mich. Alberti

berti in jurisprudentia medica practica, p. CXCIV. casu XX. proposuit.

§. XVI.

Dolores ad partum sæpius par- *Partus in-*
turas subito invadere, vero con- *loco solo.*
sentaneum est, & ubi gravida, bre-
vi ante partum casu vel itineris necessitate in-
locum solum delata, fetum debilem statim a
partu fatis cedentem, vel mortuum, edidit; tunc
auxilium aliorum invocare, in potestate ejus po-
situm non fuit. Sed longe alia diversissima-
que res est, ubi gravida, orientibus ad partum
doloribus, hominum præsentiam fugit, atque da-
ta opera locum solum quæsit; tunc enim dolose
egit, & hæc excusatio nullam attentionem me-
retur; idque tanto magis, cum congressum cum
viro atque graviditatem ante dolose ac pertina-
citer negaverit.

§. XVII.

Feminas debiles, post partum dif- *Mentis*
ficilem, perpeffumque magnum san- *eclipsis.*
guinis profluvium, lipothymiis corripi,
atque si, præter dolum solæ sunt, recens nati
curam; durante animi deliquio, suscipere non
posse, exemplis constitit. Sed respectu femi-
narum robustarum, maxime in partu facili,
hæc excusatio minime probabilis est.

§. XVIII.

Denique non in feminis ver- *Neglectus.*
futis & partum antea jam enixis,
sed in primiparis stupidis, nec non in mente
captis, curationis recens nati ignoratio excusa-
tionem

tionem verosimilem præbet. *Jo. Bohnius* de infanticidio, p. CXCI. recens, inquit, natis exitium regiminis necessarii neglectus non raro adfert, si mucus ex faucibus non eximitur, a quo solo quandoque suffocantur, si aqua tepida non abluti, & integumentis non involuti, aëris injuriis exponuntur; brevi ab hujus rigore necantur.

§. XIX.

Puerperii recentis signa.

Si infans recens natus mortuus vel vivus expositus invenitur, in feminam, quæ graviditatis signa præ se antea tulit, cujusque venter subito detumuit, inquisitio omnino locum habet. Ubi igitur lac in ejus mammis tumidis durisque, abdomen flaccidum atque rugosum, internum utriculi orificium hians, vagina ampla, hujusque orificium plus solito dilatatum, atque lochiorum fluxus inventa fuerunt; hæc indubia puerperii haud ita pridem peracti signa justam ulteriori inquisitioni occasionem præbent. *Io. Bohnius* de offic. Medici forensis, c. IV. p. DLXXXVI. partus, inquit, recens peractus investiganti artis perito latere nequit. *Idem* pag. DCLXXIII. primis, ait, decem diebus partus factus per lochiorum profluvium, genitalium habitudinem, atque mammarum a lacte turgescientium &c. facile observatur. Conf. *Mich. Alberti* diss. de lactis præsentia in innuptis suspecta, Halæ Magd. In constitutione criminali *Caroli V.* artic. XXXVI. respectu hujus inquisitionis sequentia præcepta sunt: Wenn das Kind kürzlich ertödet worden, und der Mutter die Milch in den Brüsten noch nicht

nicht vergangen ist, die mag an ihren Brüsten gemolken werden. Bey welcher dann in den Brüsten rechte vollkommene Milch erfunden wird, die hat deßhalben eine starke Vermuthung peinlicher Frage wider sich.

§. XX.

Pleraque partus peracti signa *Olim* temporis successu evanescunt, atque *peracti*. etiam ex remanentibus, v. c. vaginæ dilatatione, nec non aliquali abdominis. mammarumque flacciditate, certum quid, saltem respectu casus cujusdam dati, statui haud potest. *Jo. Bohnius* l. c. elapso aliquo tempore, partus peractus frustra investigatur. Olim tale quid factum fuisse, per conjecturas medicas asserere, vix semper conceditur. Hypogastrii flacciditas, atque vaginæ amplitudo, in eo casu tantum alicujus momenti indicium est, ubi, quem dissimulat, partus primus censetur. Conf. Dni *Io. Willh. Moelleri* diss. exhibens criteria partus olim enixi diagnostica, Gœttingæ MDCC. LXXII.

§. XIII.

In inventi recens nati corpusculum mortuum inspectione atque *Corpusculi mortui inspectione* legali ideo studiose inquirendum est, ut, an mortuus, vel vivus in lucem editus, & in posteriore casu an morbo defunctus, vel occisus, & quomodo homicidium peractum sit? pateat, vid. *Ben. Ewald.* diss. an fetus humanus vivus aut mortuus natus sit? Regiom. MDCCXVI. *Abr. Vateri*

teri diff. de valore & sufficientia signorum, infantem recens natum vivum aut mortuum editum, arguentium; ad dijudicandum infanticidium; Wittenb. MDCCXXXV. Dn. *Adolphi* diff. de infanticidii notis sectione. legali detegendis, Helmst. MDCCCLXIV. Hrn. *Peter Camper* Abb. von den Kennzeichen des Lebens und des Todes bey neugebohrnen Kindern; ex idiomate batavico in germanicum translata, Francof. MDCCCLXXVII.

Schol. Fetus mortuum post plures menses & ultra demum reperiri, quandoque accidit, & tunc nil, nisi ut ex ossium conditione ætas illius colligatur, reliquum est; cum, fetus ossa singulis mensibus mutationem subire, anatomicis notum sit, vid. Dni *Bernh. Siegf. Albini* osteogenia, Lugd. Bat. — —. Dn. *Phil. Adol. Boehmeri* osteologia, Halæ Magd. MDCCCLI. Dni *Wilh. Christ. Hoffmann.* disquisitio medico-forensis de ossibus fetus, quatenus in casu suspecti infanticidii, ætati ejusdem determinandæ inserviunt, Lips. MDCCCLI.

§. XXII.

Fetus mortui editi signa.

Fetus mortuus inventus abortivi, vel præmaturi, signa præ se ferens, justa statura non gaudet, sed parvulus ac quandoque rugosus est, capilli atque ungues non satis excreti sunt, ac placenta ejusque funiculus vitiosa sunt: aut si fetus ad legitimam staturam excretus, vel tali propius accedens, brevi post partum inventus, manifesta putredine correptus est, cuticula secedit, cutis hinc inde, sine violentæ læsionis notis

notis livefcit, fontanella, fine depressionis, fignis, folito latius dehifcens, fubfedit, funiculus umbilicalis cum placenta marcidus ac putridus eft; fetum mortuum partu editum effe, fatis declarant, vid. *Mich. Alberti* diff. de fetu mortuo, Halæ Magd. MDCCXXIX. *Geor. Aug. Langguth*. prol. acad. qua embryo trium cum dimidio menfium, abortu rejectus, qua faciem externam describitur, Wittenb.

Obf. Fetus mortuus fubinde diu, v. c. plures hebdomades, menses, quin nonnullos annos, in utriculo retineri potest, ibique, aëre externo exclufo, tardius, certo tamen, putrefcit, febrique, tandem in habitualement degeneranti, occafionem præbet, ac poftea fponfe editus, vel arte protractus, pro moræ diverfitate, minora majorave putredinis figna oftendit. Hujus rei notabilis cafus, fetus fcilicet altero demum anno editi, putridiffimi, fubfequentibus lochiis foetidiffimis, illoque arte exclufo, matris a febre habituali fenfim curatæ, in praxi clinica mihi occurrit.

§. XXIII.

Si recens nati mortui corpus- *Vivi editi*
culum jufte ftatura gaudet, & ca- *figna.*
pilli atque ungues debite excreti
sunt, nutritionem ufque ad confuetum partus
tempus continuatam fuiffe, intelligimus. Ubi,
præter hæc, actionum vitalium a partu quodam-
modo vel plenarie peractarum figna fectione le-
gali deteguntur; tunc in mortis cauffas in-
quirendum, atque, an morte naturali obierit,
vel vi necatus fit? difpiciendum eft. Tam
U 2 actio-

actionum vitalium apartu peractarum signa, quam varios recens natos occidendi modos a scelestis adhiberi solitos in subsequentibus speciatim considerabimus, vid. *Christ. Vater.* diff. de signis infanticidii diagnosticeis, Wittenb. MDCCXXII. *Abr. Vater.* diff. de valore & sufficientia signorum, infantem recens natum vivum, aut mortuum, editum esse, arguentium; ad dijudicandum infanticidium, Wittenb. MDCCXXXV. *Io. Henr. Wolfarth.* diff. de infanticidio doloso ejusque speciebus, Francof. MDCCL.

§. XXIV.

Actionum vital. signa. Actionum vitalium, circuli humorum ac respirationis, a partu peractarum in corpusculo fetus mortuo præsentia vel absentia certissimæ partus vivi, vel mortui notæ sunt: ergo, præter staturæ atque putredinis considerationem, in has, sub sectione legali quam accuratissime inquirendum, atque de vitæ fetus post partum præsentia vel absentia certi quid statuendum, atque in foro pronunciandum est.

§. XXV.

Suggillationes. In locis vivi hominis externi vi vehementer compressis, vexatis, laceratis vulneratisque sanguis notabili copia effusus, atque inter integumentorum communium, pericranii, carniūque fibras ac cellulas, meninges, atque cavitates stagnans, coagulans, quin & fibræ laceratæ vasaque rupta, ut & stigmata profundiora instrumento tenui acuto in encephalo l. medulla spinali facta, reperiuntur;

tur; id quod, læsionis tempore, humorum circuitum, adeoque vitam adfuisse, indicio est. Læsiones autem corpori mortuo inflictæ, ob circuli sanguinis defectum, ejusmodi suggillationibus stipatæ non sunt, vid. *Dn. Henr. Frid. Delii* diss. de suggillatione, quatenus infanticidii indicium est, Erlangæ MDCCLI.

§. XXVI.

Teste Jo. Bohmio in tr. de Testimonia. infanticidio pag. CLXXXVI. violentiæ vestigia in cadaverulis observata ideo suspecta sunt, quod nullæ ex vasis capillaribus profusiones, atque integumentorum suggillationes, nisi in vivo nato, concipi possunt; quamvis, an sub gravioribus partus difficilioris conatibus, an post partum a matre truculenta, tale quid factum sit? haud semper determinari queat; b. m. *Dn. Chr. Gottl. Ludwig.* in instit. med. for. §. CCLXIX. nisi, inquit, inter piam meningem, cerebri hemisphæria, atque in hujus ventriculis & calvariae basi sanguis vel copiosum serum sanguinolentum hæreat; ex seri sanguinolenti sub cranio & dura meninge absoluta lethalitas asseri nequit. Sanguis copiosus sub calva in illis locis hærens, ubi in adultis mediolo applicato removeri solet, excusationem non admittit; cum in recens natis chirurgicum hoc auxilium adhiberi nequeat. *Idem autor* l. c. §. CCLXX. ait: instrumento acuto, e. g. acu magna in fontanellam aliumve cranii locum adacta, stigmata relinquuntur, in quorum progressum sollicite inquirendum est; hac enim læsiones violentæ causâ præsentē, parva area

fanguinolenta illi circumdata certum absolutæ lethalitatis indicium est.

§. XXVII.

Maculæ & ecchymoses.

Cum suggillationibus, fibrarum, ac vasculorum laceratione conjunctis, copiosaque humorum effusione, maculæ rubræ, virides ac nigræ, ut putredinis signa in corporibus imprimis apoplexia, vel febre acuta maligna extinctis comparentes, nec non suggillationes atque humorum sub integumentis, vel cranio ecchymoses in capite, facie, oculis, sub partu difficili, ab obliquo uteri vel capitis infantilis situ, vel rudiore manuum obstetricantis, vel instrumentorum, applicatione ortæ, minime confundendæ sunt; quin ab ultima causa etiam fibrarum vasculorumve lacerationes cum suggillatione conjunctæ esse possunt. In fetibus, ab hac causa sub partu difficili mortuis factæ, respirationis aliarumque violentarum læsionum externarum, notæ defunt.

§. XXVIII.

Testimonia.

Dn. Iohannes van Horn in der durch Fragen und Antworten treulich unterweisenden Wehmutter, pr. II. c. V. quæstione III. & V. inquit: Wenn bey dem Schiesliegen der Gebärmutter nicht zu rechter Zeit geholfen wird; zwingen die Wehen das Kind mit dem Kopf auf das Schoosbein, und der zarte Kopf des Kinds kan sowohl durch die harte Knochen des Beckens, als auch durch das Drücken der Wehmutter, bey dem Niederhelfen des Kopfs von dem Schoosbein, leicht verletzt werden.

werden. Dn. *Christ. Gottl. Ludwig*. l. c. §. CCLXIX. ossium cranii, inquit, color rubicundus, atque sese sanguinolenti sub his ac dura meninge effusio, aliqualem quidem illatæ violentiæ suspicionem movent; sed nec causam satis certo indicant, nec lethales effectus dici possunt; cum in partu difficili prope semper eveniant, & discussio in tenera ætate fieri potuerit. In neonatorum capitibus tumorem, faciei atque extremitatum livorem quandoque deprehendi Dn. *Ge. Albr. Fried.* in fundamentis artis obstetricandi, l. V. c. II. §§. DLXXVII. DLXXXVIII. Faciei atque capiti fetus a genitalibus, manu atque instrumentis contusiones induci posse, b. m. Dn. *Jo. Geor. Roederer* in elementis artis obstetricandi, §. CCCCVIII. testati sunt.

§. XXIX.

Ex obstetricis inscitia, femina *Casus.* primipara ultra diem tertium jam partibus doloribus in cassum laboraverat. Quarto die Medicus artis obstetricandi peritus arcessitus, fetus frontem ossibus pubis tam arcte impactam deprehendit, ut forcipe haud deducere posset; operosa igitur ejus versione fetum mortuum, & postea secundas ab utero modeste separatas, produxit. Os frontis in fetu totum, imprimis tamen in latere sinistro, tuber, sugillatum, livescenteque colore tinctum erat. Sequentibus diebus puerpera vehemente febre symptomatice laboravit, &, remediis sine salutari effectu adhibitis, ex uteri inflammatione male judicata, die a partu sexta decessit. Non solum embryonis caput, sed etiam ipsum uterum adeo vehemente diuturnaue compressione gravissima

inflammatione affecta fuisse, haud difficulter concipi potest.

§. XXX.

Vasorum plenitudo. Sub legali corpusculi mortui sectione, an cordis cava, vasa venosa majora, v. c. cava cum suis radicibus majoribus, pulmonalis, portarum cum suis radicibus atque duræ meningis sinus pia meningis venæ sanguinem contineant, nec ne? sollicite scrutandum est, vid. b. m. Dn. *Laur. Heister*, diss. de summe necessaria cordis vasorumque majorum inspectione, sub legali infantum sectione, *Helmst.* MDCCLII. In dictis vasis, si fetus mortuus editus fuit, partim major, partim minor cruoris copia conspicitur. In fetu ante partum mortuo Dn. *Roederer* in capite multum, in thorace minus, in abdomine minimum, in extremitatibus nihil sanguinis invenit, vid. *ejus* satura de suffocatis, p. XLII.

§. XXXI.

Eorum vacuitas. Ubi vero dicta sanguinis receptacula atque canales cruore vacua inveniuntur; sanguinem ex funiculi umbilicalis abrupti vel discissi, nec ligati, vel vulnere quodam facto, effluxisse, vel in cavum aliquod penetrasse, adeoque sanguinis circuitum vitamque a partu adfuisse, clarum est. Attamen, sub cordis atque pulmonum exemptione, illius vasa majora antea liganda sunt; ne, sanguine in thoracis cavum effuso, a secantibus subreptionis vitium committatur.

Schol. Quin & vestes, quibus recens nati involuti fuerunt, & locus, in quo jacuerunt, con-

consideranda sunt, ut, an cruore commaculatæ sint, nec ne? constet, actisque inferatur. *Jo. Bohnius* in tr. de infanticidio, pag. CLXXXV. sanguinem, inquit, per arterias umbilicales apertas promanasse, cognoscimus; si, præter investigatam vasorum majorum vacuitatem linteamina, quibus recens natus involutus, vel locus, in quo repertus, multum cruoris effusi ostendunt.

§. XXXH.

Ex funiculo umbilicali cum placenta adhuc cohærente hæmorrhagia lethalis contingere nequit: nec eam ex illo longo, complicato atque in loco frigido contigisse, exemplis constitit. Ubi vero proxime ad umbilicum, vel ab hoc non nisi aliquot pollicum distantia, refecatur, vel abrumpitur, ex arteriis umbilicalibus in homine majoribus, quam in brutis, illum præterea mastigando separantibus, lethale sanguinis profluvium, suffragante experientia, accidere solet; quin hoc etiam contingit, si nimis laxè ligatus est; cujus culpe haud ita pridem exemplum mihi relatum est. Dicti funiculi solutio vel secundum artis regulas, vel casu, fit. Parturientibus sub fetus exclusione stantibus, sibi que solis relictis, fetum cum impetu exturbatum funiculum umbilicalem dilacerasse, usus extra dubitationis aleam posuit, vid. *Jo. Bohnius* in tr. de infanticidio, pag. CLXXXVI. Ceteroquin nihil certi ex omni funiculi deligatione concludi potest, sed ante omnia in sinuum venosorum atque venarum majorem vacuitatem studiose inquirendum est;

Funic. umbil. deligatio.

tunc enim, non autem alio modo, lethalem ex eo hæmorrhagiam accidisse, stabilire possumus.

§. XXXIII.

Autores.

Quod funiculum umbilicalem, deligandi necessitatem attinet, ab autoribus in diversas sententias, mimirum affirmantium ac negantium, itum est; quorum nonnullos jam citaturus sum; a quorum ceteroquin sententia stem, a me jam satis declaratum esse, arbitror, vid. *Jo. Zelleri* diff. de funiculo umbilicali humano, eumque ligandi necessitate, Tubingæ MDCXCII. *Mich. Alberti*, diff. de funiculi umbilicalis neglecta obligatione, in causâ infanticidii limitanda, Halæ Magd. MDCCXXXI. *Jo. Henr. Schulze* diff. an umbilici deligatio in nuper natis absolute necessaria? ibid. MDCCXXXIII. *Dni Elleri* observationes de neglecta funiculi umbilicalis deligatione non lethali, in commerc. literar. Norimb. MDCCXXXIII. p. CCCLXXVII. *Petri Christoph. Burckmann.* epistola de quæstione, num intermissa funiculi umbilicalis deligatio infanti recens nato sola mortem afferre queat? Rostochii MDCCXXXIV. *Phil. Adolph. Boehmer.* diff. de necessaria funiculi umbilicalis, vi structuræ vasorum, in nuper natis deligatione, Halæ Magd. MDCCXLVI. *Christ. Iac. Treu.* epistola de fetu, cujus funiculus umbilicalis non deligatur, nec sanguis multus inde effusus fuit, Norimb. *Christoph. Lud. Schæl.* diff. de funiculi umbilicalis deligatione non absolute necessaria, Göttingæ MDCCLV. *Car. Frid. Kaltschmied* progr. de intermissa funiculi umbilicalis post partum deligatione non absolute necessaria,

faria, Jen. MDCCLVII. *Phil. Fischeri* diff. an funiculi umbilicalis deligatio absolute necessaria sit? Ingolst. MDCCLXXVII.

§. XXXIV.

Si in corpusculo recens nati *Vasorum mortuo funiculus umbilicalis haud depletio.* ligatus, vel vulnus, per quod hæmorrhagia lethalis contingere potuit, deprehenditur; in vasorum repletionem vel vacuitatem studiose inquirendum esse, modo monuimus. Cum autem in morientibus, ob articularum systolen, in sinus venosos atque venas majores maxima sanguinis pars urgeatur; horum potissima ratio habenda est: ergo duræ meningis sinus dissecandi, venæ piæ meningis considerandæ, an turgeant, vel collapsæ sint? cordis ventriculi, auriculæ, sinus venæ cavæ atque pulmonalis, ipsa cava, venæ subclaviæ, jugulares, vena portarum, hujusque radices aperierendæ, atque an vacuæ, vel consuetam in mortuis copiam cruoris contineant, nec ne? videntum est. Demonstrato autem ex visis in corpore mortuo sanguinis defectu, hæmorrhagiam lethalem ex funiculo umbilicali non ligato, aut vulnere, accidisse, recte colligimus.

Obs. In praxi forensi tres casus habui, ubi, funiculo umbilicali haud deligato, in receptaculis atque venis majoribus consueta cruoris copia adfuit; ex qua, aliis signis concurrentibus, eos partu mortuos editos fuisse, a me pronunciatum est.

§. XXXV.

Funiculi sub partu compressio. Quando in partu difficili funiculus umbilicalis capiti, vel collo fetus

fetus circumvolutus est, vel in agripparum partu diutius comprimitur; ex arteriis umbilicalibus sanguis placenta atque utero continue advehitur, & per compressam venam umbilicalem ad fetum revehi nequit; tunc in hujus corpusculo vasorum vacuitas, idemque effectus, ac si hæmorrhagia lethalis accidisset, oritur. Hanc ob causam, funiculum irretitum expedire, atque agripparum partum accelerare, obstetricantium est. Ubi igitur in fetu mortuo partu clandestino edito, sine aliis læsionum notis, vasorum vacuitas reperitur; an ejusmodi quid contigerit? investigandum est.

§. XXXVI.

Pulm. densitas l. expans.

Si pulmones densi, versus dorsum retracti, colore rubeo præditi, nec expansi sunt, ac pericardium a pulmone sinistro haud rectum est, sed nudum conspicitur; tunc in fetu nullam a partu respirationem adfuisse, pro certo scire atque affirmare possumus. Ubi vero uterque pulmo expansus pectoris cavitates replevit, atque a superiore sinistri parte pericardium suo modo tectum est; tunc fetum a partu respirasse, adeoque vixisse, certum, ac reliquis vitæ ab illo peractæ congruum est. Si quædam unius alteriusve pulmonis pars, collapsis reliquis, tantum extensa est, tunc nonnisi debilem respirationem talemque vitam a partu adfuisse, vel arte aliquid æris in pulmones inflatum esse, colligimus.

Schol. Quandoque fit, ut, ad fetus non respirantes excitandos, aer in pulmones, succedente vel irritato conatu atque effectu infletur, & sic pulmones ex parte extendantur, atque an ejusmodi

modi quid contigerit? a Medico forenfi sciscitandum, & ab affirmantibus probandum est.

§. XXXVII.

Cum pulmones densi contra- *Pulmonum*
ctique aqua specificè graviores, aëre *natatio l.*
autem repleti atque expansi illa *subfidentia.*
specificè leviores sint; in priori ca-
su in illa subsident, in posteriore eidem innatant.
Ut igitur de respiratione a partu peracta, vel
non facta, Medici forenses iudicium ferre que-
ant, in vas amplum satisque altum, aqua pura
repletum, pulmonem cum corde connexo inji-
ciunt, atque ad eorum natationem vel subsiden-
tiam animum attentum adferunt. Dein utrum-
que pulmonum lobum a corde separatim eidem
aquæ immittunt; ac denique resecta eorum fru-
stula in illam injiciunt, atque an natent, nec ne?
observare satagunt. Experimentum hoc pulmo-
nibus recentibus institutum indubium est; densi
enim pulmones, plumbi instar, cito fundum pe-
tunt; sed aëre expansi aquæ innatant. Quæ
autem in experimento hoc capiendò cautela at-
que exceptiones locum habeant, in sequentibus
indicaturus sum.

§. XXXVIII.

Dubium, quod ex fetum, post *Dubium.*
membrarum rupturam atque aqua-
rum effluxum, respiratione in utero, vel sub
ipso partu contingente; nonnulli in medium
afferre solent, admitti nequit, nec ullius mo-
menti est; cum sine thoracis, ab utero arcte
compressi, expansione nullus respirationi locus
sit, vid. Io. Ioach. Schæpferi diss. de pulmone
infan-

infantis natante ac subsidente, Rostoch. MDCCV. *Car. Frid. Kaltschmid.* diff. de experimento pulmonum infantis aquæ injectorum, Jenæ MDCC-LI. cel. Dn. *Casim. Christ. Schmiedel.* diff. de pulmonibus natantibus, Erlangæ.

Schol. Primum experimentum de pulmonum natatione ac subsidencia a Dno *D. Schreyer,* Cizensium Physico MDCLXXXI. captum, atque dein ab aliis imitatum est, vid. b. m. Dni *Christ. Thomasi* Gedanken und Erzählungen über allerhand juristische Händel, vol. I. §. VI. Halle 1723.

§. XXXIX.

Pulmonum scirrhi.

Quidam, documento a scirrhosis adultorum pulmonibus, in aqua subsidentibus sumto, etiam recens natorum pulmones scirrhosos, facta etiam a partu respiratione, in ea fundum petere posse, asserunt. Sed perperam hoc assumptum esse, judico; cum ob deficientem in non natis circulum sanguinis minorem, sanguinis stases, inflammationes, atque ex his scirrhi oriundi, in fetuum pulmonibus locum non habeat, & paucus per arterias bronchiales allatus sanguis partim pulmonum nutritioni impendendus, atque ab hac residuus per venas bronchiales venæ cavæ, intercostali superiori sinistræ, vel venæ sine pari, reddendus sit. Me, in plurium recens natorum dissectione, nunquam aliquod scirrhi vestigium invenisse, pro certo affirmare possum: in qua re cel. Dn. *D. Buttnerum* consentientem habeo, qui se in LXX. infantum mortuorum dissectione nullos unquam scirrhos aut ulcera invenisse testatus est, vid. *ejus Anweisung, wie durch*
angu-

anzustellende Besichtigungen ein verübter Kinder-
mord auszumitteln sey, Königsberg 1770.

§. XL.

Cum pulmones putredine correpti, ob aërem per putrefactionem in iis evolutum, specificè leviores fiant, fetuum abortivorum, præcocium atque maturorum, sine vita editorum pulmones illa affecti, sicut tota animalium corpora in tali statu existentia, aquæ innatant. Putredine vero transacta, atque aëre abacto, iterum specificè graviores fientes, in aqua fundum petunt: ergo experimentum recentibus pulmonibus, vel post peractam putredinem institutum, ad illos, qui putrescere incipiunt, atque continuant, minime applicabile est. Hoc contra b. m. Dn. *Hebenstreit.*, virum ceteroquin meritissimum, monendum esse, duco, ne illius autoritate Medici juvenes seducantur. Hic in anthropologia forensi p. CCCCVI. fetuum humanorum in utero mortuorum pulmones, ad summum putredinis gradum data opera proVectos, in aqua semper demersos fuisse, recte quidem asseruit; sed, perpetuam experimenti pulmonibus facti veritatem inde deducere, perperam conatus est.

Pulm. putrescentes.

§. XLI.

De experimento recens natorum pulmonibus instituendo sententiam suam scriptorum plures proposuerunt, ex quibus sequentes jam citasse, satis sit: *Mich. Alberti* diff. de pulmonum subsidentium experimenti prudente applicatione, Halæ Magdeb. MDCCXXVIII. *Jo. Henr. Geelhaussen* diff. de pulmoni-

Autores.

moni-

monibus non natorum aquæ innatantibus, Praga MDCCXXVIII. *Laur. Heister.* progr. quod ostendit, ex pulmonis fetus innatatione vel submersione in aqua nullum certum infanticidii signum desumi posse, Helmst. MDCCXXII. *Ejusa.* diss. de fallaci pulmonum infantis experimento, ib. MDCCXXII. *Carl. Frid. Kaltschmied* progr. de experimento pulmonum infantis aquæ injectorum, dextro eorum lobo aquæ supernatante, sinistro fundum petente, Jenæ MDCCCLI. *Joh. Jac. Ludw. Nydick's* Abhandlung, ob, wann, und wie das Experiment von dem Obenschwimmen der Lunge &c. und die nicht unterbundene Nabelschnur todter Kinder in rechtlicher Folge zu beurtheilen sey, 1768.

§. XLII.

Casus. Ante nonnullos annos in corpusculum recens nati, nulla lationis externæ signa, sed putredinis incipientis notas habentis, sectione legali inquisivi. Licet funiculus umbilicalis nonnisi tres ab umbilico pollices abruptus, nec ligatus esset; sinus tamen duræ meningis ac vasa venosa majora, imprimis in capite ac pectore, multum cruoris continebant. Pulmones colore roseo præditi, compacti ac dorsum versus contracti, atque pericardium cordetumens cum thymo nullibi a pulmone sinistro textum, statim, thorace aperto, conspectui exposebantur. Pulmones cum corde provide exempti toti, atque in minores partes concisi aquæ puræ in labro ligneo contentæ, experimento etiam aliquoties repetito, semper innatabant. Ante nonnullas septimanas partum septimestrem, altero post partum die, nulla putredinis signa præ

præ se ferentem, cultro anatomico dissecans, omnia partus mortui signa deprehendi, & pulmones densi, colore saturate rubro tincti, in aqua non adeo multa promptissime vasis fundum petebant.

§. XLIII.

Dn. *Beyerus*, Prof. Wittenb. *Autorum*
in delineatione juris criminalis se- *testimonia.*
cundum constit. crim. *Caroli V.*
pulmonum explorationem quidem probat; at simul monet, in hoc experimento caute procedendum, atque dispiciendum esse, an corpus mortuum adhuc recens sit? Quando enim putredine pulmones resolvi inciperent; licet extrinsecus ærem non hauserint, in aqua tamen emerent; id quod ideo fieret, quod putrefactio in pulmonibus sponte orta ærem in medijs ejus penetralibus liberaret. Teste *Frid. Hoffmanno* in medic. consult. l. IV. dec. XIV. p. CLV, embryonum ante partum defunctorum ac putredine corruptorum pulmones aqua specificè leviores facti huic innatant. *Mich. Alberti* in jurispr. med. pr. I. pag. CLXXXVIII. inquit: quando experimentum hoc suscipitur, tunc pulmones putredine minime affecti esse debent; quoniam hæc corruptio, etiamsi minor fuerit, multas turbas dat, partes relaxat, æris ingressui ansam præbet, & hujus experimenti fidem subinde corrumpit.

§. XLIV.

Dn. *Jo. Bohnius* in tr. de infanticidio, p. CLXXV. non adeo fidum, inquit, erit hoc fluctuationis & subsidentie pulmonum experimentum, si putredine, jam dum

in cadavere inchoata, illud tentetur; dum per hanc ejus, qui nondum respiravit. ac mortuus natus pulmones forsan ad fluctuationem eo usque immutari ac disponi possunt, mediante scilicet rarefactione illa, quam putredo cadaveribus cunctis, horumque membris mollioribus præstat; ut, quæ horum aliquamdiu in aquarum profundo hæserant, temporis tractu in earum sublime ferri, hisque supernatare, in vulgus enoteseat. Qualem putredinem tamen, quia cunctis natorum cadaveribus haud parem concedo; nec eundem ejus semper effectum facile largior. *Idem* de offic. Medici forens. p. DCLXV. minus, ait, tutum erit subsidentiæ atque innatationis pulmonum experimentum, ubi putredinem jam sustinuit cadaver. Ejus, qui nondum respiravit, pulmones ad fluctuationem super aquam disponi possunt mediante scilicet rarefactione illa, quam cadaveribus illorumque membris putredo præstat; ut quæ eorum aliquamdiu in aquarum profundis hæserant, postmodum in earum sublime ferantur, atque his supernantent. *Dn. Phil. Contr. Fabricius* in den Sammlungen medicinischer Responsorum und Sections-Berichte, Helmstädt, pulmones in aqua, intra quam putrefacti sunt, elevari, & tandem summum putredinis gradum affectos iterum in aqua mergi, observavit.

§. XLV.

In infante, præsentibus testibus mortuo in lucem edito; atque putredine jam correpto, *Dn. Boselius* pulmones vesiculis exiguis obfitos deprehendit, qui aquæ injecti ei innatabant; sed quædam intimæ substantiæ

stantiæ nullis vesiculis contaminatæ portiones excise, plumbi instar, fundum petebant. Conf. commerc. liter. Nor. MDCCXXXIV. pag. III. *Jo. Bapt. Morgagnus* de sedib. & causis morb. I. II. ep. XIX. art. XLVII. cum pulmonem, ait, haud bene constitutum, sed putredine infectum, deprehenderimus, etiamsi in aqua natet; non propter ea, fetum esse vivum natum, pronuntiabimus. *Dn. Christ. Frid. Jäger* in diss. observationes de fetibus recens natis, jam in utero mortuis & putridis cum epicrisi sistente, *Tubingæ* MDCLXVII. pulmones, inquit, ex fetu valde putrido desumpti statim aquæ innatarunt. Sub membrana sua extrema in minimis vesiculis aërem mobilem, digitis cedentem, reclusum habuerunt, quo per incisionem ac compressionem emissio, mox mergebantur.

§. XLVI.

Licet recens natum haud spirasse, signis constiterit; inde tamen cum mortuum editum esse, sine aliarum notarum collatione, pro certo affirmari nequit; nam fetus in lucem recens editos aliquamdiu sine respiratione vivere posse, ex peculiari illorum structura atque experientia notum est. In illis enim sanguinis circuitus, quo in utero gavisi sunt, per foramen ovale inter utrosque sinus venosos, atque canalem arteriosum Botalli, inter arteriam pulmonalem atque aortam, etiam quodammodo a partu perfici, adeoque vita adesse potest. Hanc ob causam recens natum mortuum visum, mucum ex ore removendo, aërem per os inflando, naribus

*Vita sine
respiratione.*

irritantia admovendo &c. recto ac sapius felici conamine excitare student. Ut igitur, facta respirationis signis etiam absentibus, in notas circuli sanguinis a partu facti studiose inquiretur, necesse est.

§. XLVII.

Casus. Duas ex coitu illicito a diversis matribus enixas puellas, ab his vivas pannis obvolutas, atque in terram defossas, humo atque spicarum mergitibus coopertas, post aliquot tamen horas singulari fato viventes iterum eritas, se accepisse. *Joan. Bohnius* in tr. de offic. Medici forensis, p. DCLXVII. testatus est.

§. XLVIII.

Infantium Suffocatio. Licet recens natorum suffocatio, ob sanguinis circuitum etiam sine respiratione aliquamdiu continuatum, tardius, quam in adultis, contingat, illique ex causis morbois atque aeris frigidi injuriis catarrho suffocativo facile corripiantur; attamen dolosa eorum suffocatio locum habet, in cuius signa atque causas, in casibus obviis, studiose inquirendum est.

Obs. Infantem unius mensis, ex matris incuria, horam mediam sub lecto satis gravi jacuisse, notabilem spumæ copiam os ejus occupasse; attamen a suffocatione imminente iterum liberatum esse, memini.

§. XLIX.

§. XLIX.

In corpuseulo recens nati mortuo, *Ejus* suffocatione et vivis sublato, spuma os *nota.* occupans, lingua prominula, facies tumida ac rubens, vel livida, vasa tunicae oculorum albuginea turgida, suggillationes circa collum, livida in corporis peripheria macula, auriculae atque ventriculi cordis anteriorum plenitudo, pulmones valde extensi, lividi ac sanguine suffusi, spuma in arteria aspera collecta insolita quantitas, venae jugulares atque meningum valde turgidae, suffocationem accidisse, produnt. Cum tamen recens natorum fauces sero viscidiores saepius scateant; *Joannes Bohnius* in tr. de infanticidio, pag. CXC. non nisi per plurium phaenomenorum collectionem de malitiosa suffocatione Medicum decernere debere, rectissime monuit. Conf. *Ejusdem* tr. de offic. Med. forens. p. DCLXXII. ubi oris spumam certius suffocationis in adultis, quam recens natis esse, asseruit. Attamen in tr. de infanticidio p. CLXXXIX. quod infans sub stragulis in sordibus intra parturientis femora compressus, ac pronus diutius relictus, suffocatione necetur, affirmavit.

§. I.

Ex facie rutila, vasis piae meningis atque albuginea oculorum tunicae praeter naturam turgidis, pulmonibus lividis atque cruore repletis, spumaque in trachea reperta, infantem suffocatione extinctum fuisse, *Casus.*

Dn. D. Trew conclusit; vid. commerc. liter. Norimb. MDCCXXXV. p. X.

§. LI.

Suffocatio- nis modo. Suffocatione modo natus interimitur, si sub ipso ex utero egressu, ante factam respirationem, in corpus fluidum præcipitatur: vel si post illam peractam, aëris in pulmones accessus cohibetur, v. c. culcitris aliisque corporibus ori ac naribus diutius incumbentibus, vel appressis, violenta strangulatione, manu vel laqueo peracta, corporibus peregrinis in fauces intrusionem, vapore sulphureo vias pulmonum aërias constringente, atque aërem in loco clauso elasticitate privante, vivi in terram defossione.

Schol. Recens nati præcipationem in cloacani mejendi atque alvum deponendi stimulo puerperæ excusare solent. In primiparis, maxime stupidioribus, alicuius momenti hæc excusatio est. At in illis, qui jam antea pepererunt, quibus dolores ad partum ignoti esse nequeunt, locum non habet.

§. LII.

Cranii lationes. In nascendis ac recens natis mollium ac nondum inter se concretorum cranii ossium depressiones leviores in partu difficili, graviores a vi externa facile, non autem æque illorum fracturæ, tanto minus fissuræ, ut in adultis, locum habent. At
a vi

a vi magna adhibita, v. c. violenta capitis in corpora dura allisione, horum in illa impactione, atque calcitracione, ossa cranii hinc inde confringi, & cerebrum dispergi solet; quæ læsiones absolute lethalius merito accenseri solent. *Io. ab Horn* l. c. pr. II. c. V. quæst. III. inquit: Wenn bey dem Schießliegen der Gebärmutter die Wehen das Kind auf das Schossein zwingen, und man nicht zu rechter Zeit hilft; so wird dessen weiche Hirnschale eingedrückt, und es stirbt.

§. LIII.

In infante tertio post partum la- *Casus.*
boriosum die, plures in capite suggil-
lationes, ossis occipitis ultra duas lineas depres-
sionem atque plenariam anestesian deprehendi,
quibus admodum leni ossium bregmatis pressiore
atque alterno in utramvis aurem decubitu mede-
batur; osse enim occipitis sensim extrorsum
acto, atque in situm naturalem restituto, &
cerebelli compressione ablata, infans conva-
lescens omnes actiones ætatis suæ convenientes
edidit.

§. LV.

Præter caput, etiam in cervicis *Vertebr.*
vertebras, maxime primas, sollicite *cerv. lu-*
inquirendum, atque an in his locis *xatio.*
suggillationes profundæ, vertebræ la-
xatæ atque medullæ spinalis compressio, aliave læ-
sio, in recens natis multo facilius, quam in

adultis, accidentes, obvia sunt, difficiendum est; hæc enim absolutam lethalityatem inferunt. §.

LVI. *Lethalita- tis caussa.* Quod supra de lethalityatis causis sollicite eruendis generatim eruendæ. monemus, etiam de lationibus in

recens nati corpusculo mortuo comparentibus, antequam de earum lethalityate quid statuatur, studiose observandum est. Lationes hæc, etiam absolute lethales sunt; vel vi dolose adhibita, vel casu, illarum esse possunt, v. c. lethalis capitis compressio vel vi, vel casu contingere potuit, & hoc quidem, ubi sub situ parturientis erecto, fœtus vi, corporibus cadentibus propria, caput in pavimentum durum vehementer illidens, vitam, ante factam respirationem, finierit. Funiculus umbilicalis vel data opera, vel ejusmodi lapsu, nisi placenta simul avulsa fœtum secuta sit, rumpi potuit. Hæc igitur aliaque consimilia singulare examen exigunt, licet nihilominus corpus delicti quantumque dubium relinquant.

§. **LVII.**

Causarum concursus. Cum effectus, lethalis sæpius non ab una, sed pluribus causis,

pendeat; in illo definiendo ad harum concursum animus advertendus est, v. c. I. Respectu puerperæ, ad statum mentis corporisque morbosum, v. c. an stupida, melancholica, maniata, epileptica, cataleptica sit. II. Ad

auxi-

auxiliorum ignorantiam vel inopiam: III. Ad causas externas concurrentes; e. g. gravidam gravidæ lapsum, terrorem, vehementiorem corporis exercitationem, frigus, recens nato nocivum &c. attendendum est; hæc omnia tamen non dubie fingenda, sed testimoniis fide dignis probanda, vel ex omnium dati casus variorum coherentia colligenda sunt.

§. LVIII. *Casus*

Villici ejusdam filia, ex concubitu illicito gravida, ob partum clam factum, atque fetum sine funiculi umbilicalis deligatione mortuum, inventum, in infanticidio suspicionem inciderat. Hæc, octavo ante partum, adjuvante operario, uno die undecim curus sino oneraverat, sub qua vehemente corporis exercitatione, embryonis versionem atque descensum sensit, nec postea motum ejus percepit. Fetus editum præcoccum fuisse, atque a partu respirationis atque sanguinis circuli notis caruisse, sectione legali constitit; quæ cum mortis causa a puerpera proposita utique cohaeserunt. Post graviolem lapsum in abdomen, gravidæ sæpius abortum perpessus esse, a me aliisque in praxi forensi observatum est.



CAP. XV.

De questione per tormenta.

§. I.

Tortura. Quando ex omnibus connexis rite investigatis, inquisitus admitti criminis fere convictus est; in quibusdam regionibus quæstione per tormenta (durch die peinliche Frage), cujus sic dicta tortura præcipua est, ad criminis confessionem cogitur. Cum autem plenaria convictio ad pœnam irrogandam sufficiat, nec innocentium, ob dolorum acerbitatem, crimen, a se non commissum, quasi patratum, atque post detectam confessionis falsitatem, dimissorum quidem, sed sanitate privatorum, vel ultimo supplicio injuste affectorum, exempla non desunt; ne, sub justitiæ titulo, irreparabilia damna dentur, vel culposa homicidia admittantur; in pluribus rebus publicis bene constitutis administratisque quæstiones per tormenta ex foro criminali proscriptæ, in aliis vero vel simpliciter, vel cum restrictione, retentæ sunt.

§. II.

Autores. Plures autores de hoc veritatem eruendi modo sententias suas cum re publica literaria communicarunt; ex quibus nonnullos jam allegaturus sum: *Christ. Thomasi*

masii diff. de tortura e foris christianis pro-
scribenda, Halæ Magd. MDCCV. *Ben. Ewald.*
diff. de torturis, Regiom. MDCCVII. *Mich.*
Ern. Ettmüller. diff. de tormentis ac pœnis su-
stinendis, Lips. MDCCXI. *Jo. Frid. Falckneri*
tr. de eo, quod justum est circa inquisitum va-
riantem, præsertim in Saxonia electorali, ac
finitimis quibusdam terris, Rudolst. MDCCXXIX.
Henr. Christ. Hacke diff. de tortura e foris
christianis non proscribenda, Lipsiæ, MDCC-
XXXIII. *Jac. Wittichii* oratio de iniqui-
tate atque inutilitate tormentorum in quæstio-
nibus reorum, Lugd. Bat. MDCCXXXVI.
Zach. Crameri diff. de tortura ejusque effecti-
bus, Lips. MDCCXLII. *Joseph. Leonh. Bani-*
za disquisitio de tortura nec ex integro repro-
bata, nec ex integro approbata, Oenopont.
MDCCCLXXIV. *Sonnenfelds* Abhandlung von
der Abschaffung der Tortur, Zürich 1775.

§. III.

Omnis torturæ ratio eo redit, *Ejus sco-*
ut, in nonnullis corporis locis, cu- *pus.*
tis nervosa ac sensibilis, imprimis super ossa ex-
tensa, vehementer comprimatur, & sic nervo-
rum irritatione acutus dolor excitetur, & sic
rei confessio vi extorqueatur. De ea in con-
stitutione criminali *Caroli V.* art. LVIII. se-
quentia præcepta sunt: Die peinliche Frage soll,
nach Gelegenheit des Argwohnß, oft oder we-
nig, hart oder gelinder, vorgenommen, und die
Sage des Gefangenen nicht in der Marter,
sondern wenn er von derselben gelassen ist, an-
genom-

genommen, und aufgeschrieben werden. In hunc finem varia dolorem sciendi genera, horumque applicandorum gradus atque duratio excogitata sunt. Secundum leges criminales non ultra horæ spatium, tortura extendenda, nec ante partium læsarum consolidationem repetenda, atque in ipso actu, ipso confessionem inquisitus promittit, castum relaxanda esse, vid. *Jo. Flor. Rivini* diss. an & quatenus mortis reus tormentis denuo subijciendus sit? Lipsi MDCXXXVII.

Territio. Momenta inquisitum gravantia interdum non tanta sunt, ut quidam torture gradus applicari queat, sed iudici in hujus comminatione, in loco judicii proponenda, subsistendum est; id quod territionem verba- lem Jurisconsulti nominant: Semiplena probatione illum gravante, vel ætate torturam ipsam non admittente, territio in loco, ubi torture instrumenta applicari solent, fit, ut, se inquisitum apprehensurum atque torture instrumenta applicaturum esse, carnifex simulat, non autem verba ad rem conferat, quo tempore lo- coque, iudex presentibus scabinis & actuariis, reum, de dicenda veritate serio admonitum ro- gat ad articulos.

§. V.

Primus. At primum torture gradum pol-
tortura letra (Die Daumen - Stöcke) atque si-
diculæ

dicula (die Schuiren) referuntur. *gradus*
 Brachiis inquisiti ad dorsum revinctis, non primæ, sed secundæ pollicum phalangæ ad evitandam periosteï sub ungue inflammacionem (paronychiam) prelo ferreo, adductis sed simpliciter cochleis comprimuntur; nec in cute sensibili nervisque subjectis dolor exquisitus eleatur. Fidiculæ funes asperi, ex filis cannabinis, interdum ex pilis equinis, contorti, circa carpum aliquoties convoluti, adducuntur, rotantur concutunturque, progressu ad cubitum, quin interdum supra olecranon, facto; id quod acerbum dolorem excitat, ipsumque sanguinem haud raro elicit, quo viso, subsistendum est; ne nimia fidicularum agitatione ac constrictione cutis, nervi ac vasa sanguifera nimium lædantur, ipsis articulis vis inferatur, gravesque læsiones, curatu difficiles, producantur.

§. VI.

Secundus *gradus* *scala* *Secundus*
 atque *ocreis* *Hispanicis* *absolvitur.* *gradus*

Nimirum inquisiti corpus super scalam extenditur, brachia in humerorum artionis retrorsum torquentur, ac dolor vehemens movetur.

Cavendum tamen est, ne humeri luxatio fiat; cum hujus caput cum pectoris tabulo minori nonnisi superficiale articulationem habeat, ligamenta que haud difficulter cedant.

Prela ferrea eminentiis prædita tibijs applicantur, cutisque ad spinam tibiæ anteriorem ejusque periosteum comprimuntur, & dolor acerbissimus excitatur.

§. VII.

§. VII.

Tertius gradus. Ad tertium gradum cylindrus (der gespitzte Hase) tergum rei sub reciprocatione inforans, nec non bacilli lignei sulphurati sub unguibus adacti accensique referuntur. Dantur & alia torquendi genera, quæ ex applicationis modo atque impetu facile dijudicantur. Inter hæc sic dicta tortura Bambergensis, tamquam admodum dolorifica, ac, nisi modum excedat, minus noxia, reliquis notior est. Equuleo ligneo, alligatis pedibus ac subligatis manibus, inquisitus imponitur, cutique cum dorsi musculis nervosis extensa, scutica crassiore ex loris ac ceti testis torta caditur, vid. cel. Dn. Jo. Rud. Engau elementa juris criminalis germanico - carolini, Jenæ MDCCCLIII. pag. CCCXXXII. b. m. Dni Jo. Frid. Faseli gerichtliche Arzney - Gelahrheit, p. 127. Würzburg 1770.

§. VIII.

Torturæ irrogatio. An territio verbalis, vel realis, aut ipsa tortura, & quinam hujus gradus, locum habeat, consultis prius, re exigente, Medicis. Jurisconsulti definire solent, vid. Dni Aug. Leyseri diss. de officio judicis circa torturam, Wittenberg. MDCCXL.

§. IX.

§. IX.

Ipsam judicem, post cognitam inquisiti constitutionem, *Ejus moderamen.* & in quo gradu quæstio per tormenta locum habere possit? Medici instruere debent. In omnibus autem torturæ generibus gradibusque adhibendis a judice tortori mandandum est, ut, corporis inquisiti habitum respiciens, illam, maxime in imbecillis, ita moderetur, ne nimis citis, subjectarumque partium destructiones ac inflammationes, articulorum distorsiones, ossium fracturæ, aliave ominosa symptomata oriantur; quam ob causam percussiones sub ipsa tortura, olim applicari solitæ, jam tutius omittuntur, vel saltim moderantur, vid. Dni *Christ. Wildvogel.* diff. de arbitrio judicis circa torturam, Jenæ MDCCX.

§. X.

In ipsa tortura suspensis periculum aliquod instare, hæc indicia produnt: nimii sudores, lividus & cadaverosus corporis, præsertim brachiorum, pectoris & capitis color, totius corporis delassatio ac lentor, vocis languor, crebrior respiratio, stertores, atque salivæ ex ore profluvium. Quos ita laborantes ostenderis, monente Dn. *Fortunato Fideli* de Medicorum relationibus, l. II. f. III. cap. V. pag. CCXXXVI. eos jube statim solvi, ne suspensus, tua magna infamia, deficiat. Cum jam non longe a trochlea ductus est reus, & respondere jussus, difficulter loqui

loqui possit, aut quoddam ex enarratis indiciiis adsit, periculosa tunc erit concussio, & sensim æqualique lapsu homo dimittendus est.

§. XI.

*Torturam
avertentia.*

Dantur quædam momenta torturæ, sub his connexis periculosa, applicationem impediunt; in quem censum naturales quædam corporis constitutiones atque ætates, quidam mentis ac corporis morbi, graviditas, puerperium brevi peractum, atque infantis lactatio veniunt; de quibus singulis scitu observatuque necessaria jam proponenda sunt.

§. XII.

*Corporis
constitutio.*

Subjecta angusto thorace atque scapulis prominentibus prædita, adeoque in pectoris morbos inflammatorios prona extensionem super scalam haud ferunt. *Fortunatus Fidelis* l. c. qui nimis angusto, inquit, thorace sunt, alatos Medici vocant, eminentibus scilicet humeris, thoracis morbos facile subeunt, atque ægerrime ferunt; hos ego non raro ab hoc tormenti genere excusare soleo. *Idem autor* l. c. c. III, ait: qui admodum obesi sunt, magnoque corporis mole graves, equulei tormentum semper ægerrime sustinuisse, mihi visi sunt; etenim respirandi difficultatem, syncopen, apoplexiam, mortemque repentinam perpeti solent.

§. XIII,

§. XIII.

Impuberes , ob mentis corporis- *Aetas.*
que imbecillitatem, torqueri nequeunt.
Nec in adolescentibus, ob epiphyfes cum ossi-
bus nondum coalitas, nec in senibus, maxime
decrepitis, ob muscutorum ligamentorumque ri-
giditatem ossiumque fragilitatem, tortura locum
habet. An unus vel alter levior tormento-
rum gradus adhiberi possit, nec ne? ex sin-
gulari corporis constitutione dijudicandum est.

XIV.

Dantur tam mentis, quam corpo- *Morbi,*
ris morbi quæstionem per tormenta
prorsus excludentes, v. c. stupiditas, melancho-
lia, mania, surditas, aphonia, convulsiones toni-
cæ atque clonicæ per intervalla recurrentes, ca-
talepsis, vertigo chronica, cephalæa, asthma
chronicum, dispositio ad hæmoptysin, ipsa hæ-
moptæ, phthisis, hectica, hydrops, paralyfis, ar-
thritis inveterata, icterus chronicus, herniæ,
calculus renum & vesicæ, gibberositas. Qui-
dam corporis affectiones ac morbi torturæ di-
lationem eo usque exigunt, usque dum transie-
rint ac percurati sint, e. g. periodica sangui-
nis & feri profluvia, febres acutæ ac intermit-
tentes, vulnera, lues venerea, scorbutus &c.
A tortura scalæ excipiuntur struma laborantes
& quibus aliquando brachium fractum fuit, aut
quibus interni muscoli aut tendines transver-
sim incisi fuerunt; horum enim brachia ægre
extendi possunt, vid. *Fortunatus Fidelis* de Me-
dicorum responsis, l. II. sect. III. cap. VIII. Qui
Y in

in tibiis tumores, œdemata aut ulcera inveterata gerunt, ocreas Hispanicas ferre nequeunt. In *Nemesi Carolina* tit. LIX. cautum est; Wenn der Beklagte Wunden oder Schäden an seinem Leib hat; so soll die peinliche Frage dermaßen gegen ihn vorgenommen werden, damit er an solchen Wunden oder Schäden am mindesten verletzt werde. Conf. *Jo. Phil. Eyselii* diss. de morbis, ob quos rei ad torturam inhabiles sunt, Erfordiae MDCCXI. *Mich. Alberti* tr. medico-forensis de subjectis torturæ aptis atque ineptis, secundum morales & physicas causas, Halæ Magd. MDCCXXX.

§. XV.

*Gravidæ,
puerperæ,
lactantes.*

Cum, ob periculum in embryonem inde resultans, gravidæ ne territione quidem tentari possint; tantum abest, ut ullus quæstionis per tormenta gradus in illis locum habeat. *Digest. l. XLVIII. tit. XIX. §. III.* de prægnante muliere ne quæstio quidem habenda est. Nec in puerperis atque lactantibus, ob metuendas lochiorum, sanguinis, atque spirituum animalium circuitus turbas, tortura admitti potest. Hinc *Dn. Carpzovius* ex præjudicio male fundato, primis scil. gestationis mensibus embryonem nondum animatum esse, gravidam tum temporis torqueri posse, perperam censuit.



CAP.



CAP. XVI.

De defensione in carceribus & condemnatione ad opus publicum.

§. I.

Sive quem de crimine ac fuga suspectum, durante inquisitione, in carcere detinere, necesse sit, aut quis, poenæ loco ad temporarios, vel perpetuos carceres condemnatus sit, semper eo respiciendum est, ne frigore, squalore, aliave sanitati inimica conditione, noceat; injustum enim foret, miserum eorum statum insuper etiam exitiosum reddere, eosque, exantlata carceris poena, sanitate privatos, victum laboribus quærendi inhabiles, ac reipublicæ onerosos reddere. De carceribus in *Nemese Carolina* art. XI. sequentia cautæ sunt: die Gefängnisse sollen zu der Behaltung, und nicht zu schwerer und gefährlicher Peinigung der Gefangenen, eingerichtet seyn. Art. CCXVIII. werden die, nicht zur Verwahrung, sondern mehr zur Peinigung der Gefangenen, eingerichtete Gefängnisse unter die abuschaffende Mißbräuche gerechnet. Nec in nocivo corporis situ, carceribus inclusi detinendi, nec compedibus aut catenis justo arctius, cum sanitatis ac vitæ periculo, constringendi, quin potius eorum querelæ de hac injuria audi-

*Carcerum
conditio.*

dienda, ac, si opus fuerit, a Medicis investiganda sunt. *Jo. Bohnius* de officio Medici forensis, pag. DCIV. compedibus, inquit, similibusque vinculis, maxime ferreis, constrictorum inspectio fieri debet.

Schol. Infantes cum matribus reis in carceres, imprimis insalubres, haud conjiciendos esse, in politia medica pag. LXXXVI. uberius ostendi, miserandaque lactantis morte, ex hac causa, ob judicum incuriam, orta, comprobavi.

§. II.

*Injusta incarceration.
prorogatio.*

Per illud tempus, quod accurata facti inquisitio requirit, de crimine suspecti in carceribus juste detinentur; & hoc tam justitiæ administrandæ, quam securitati publicæ præstandæ, merito tribuitur, & ubi reorum culpa atque pertinacia, aliisque connexis ex ipsa causa orientibus, inquisitionis processus differtur, culpa haud penes judicem est. Ubi vero ex hujus inscitia, vel negligentia incarcerati, post probatam innocentiam liberandi, vel noxii pœna corporis afflictiva, vel ultimo supplicio, afficiendi, justo diutius in carceribus detinentur, culpa in judicem merito recidit. Eadem in Juris & Medicinæ Consultorum collegia cadit, si responsa in causis criminalibus danda præter justum & æquum differunt.

Obs. Durante judicis cujusdam iniqui, Comiti cuidam servientis, in regionem dissitam pro-

profectione, diutinaque solius animi inter amicos recreandi causa, emanatione, inquisitum furti suspectum, in squalido carcere detentum, desperatione impulsus, fure ex vestimentorum laciniis contorto gulam sibi fregisse, spontaneamque mortem fuisse, memini.

§. III.

Ejusmodi iudicum negligentiam atque injustitiam Imperator Justinianus Codicis l. IX. tit. IV. §. V. sequenti modo redarguit: de his, quos tenet carcer inclusos, id aperta definitione sancimus, ut aut convictos velox poena subducat, aut liberandos custodia diuturna non maceret. Dn. *Carpzovius* part. III. quæst. CXXX. iudices, inquit, caveant, ne miseris reos in carceres horribiles atque immundos detrudant; id quod absque vitæ detrimento vix fieri potest, atque ob id delinquenti delictum majus in se ipsum perpetrandi interdum ansam præbet.

Testimonia.

§. IV.

Inquisiti morbo correpti in tali custodia detinendi sunt, quæ morbum non sustinet, vel auget, sed potius, cum diæta recte constituta, præscriptisque convenientibus pharmacis, eo collimat, ut æger cum valetudine secunda quantocyus in gratiam redire possit, vid. Dn. *Jo. Christoph. Pohlii* progr. de cura morborum in hominibus carcere inclusis observatorum, Lips. MDCCLXXII.

Inquisiti ægri custodia.

§. V.

Illorum Licet carceribus inclusorum
alimenta. alimenta ut plurimum non nisi tenuia sint, & quandoque solo pane & aqua absolvantur; eo tamen, ut ille ex farina bonæ notæ probe coctus, atque hæc pura sit, tam a Judice, quam Medico, cujus curæ in carceribus detenti crediti sunt, respiciendum est; ne mala corruptaque alimenta miserorum valetudini noceant.

§. VI.

Laborum Ubi detentio in carcere pœnæ
conditio. loco est, atque in illum coniecti ad opus publicum aliquamdiu, vel per totam vitam, faciendum, condemnati sunt; labores ad eorum secundam valetudinem conservandam utique faciunt; modo non nimii, ac cujuslibet viribus proportionati sint; nulla enim pœna ita comparata esse debet, ut vires destruat, ac sanitatem lædat. Feminae carcerales melius etiam ad opus cum corporis exercitatione conjunctum, quam ad perpetuam vitam sedentariam, sanitati oppido inimicam, in quantum illarum vires id ferunt, adiguntur; id quod in nonnullis locis prudenter procuratur, in aliis vero male negligitur.





CAP. XVII.

De ultimo supplicio.

§. I.

Impuberes, plenum rationis usum non habentes, stupidi, magno melancholiæ gradu, vel mania laborantes, tanquam ratione destituti, libere agere nequeunt; ergo ne damna dent, coerceri quidem ac custodiri, minime autem pœnis ordinariis, nedum ultimo supplicio, affici possunt. *Ab illo liberi.* Feminae etiam gravidæ non a pœnis solum corporum afflictivis, sed etiam a mortis pœna liberæ sunt; ne in infantem fetum graviter peccetur, atque homicidium inexcusabile committatur. *Digest. l. XLVIII. tit. XIX. §. III.* definitum est, ut prægnantis mulieris damnatæ pœna differatur, quoad pepererit.

§. II.

Riolanus anthropologiæ l. VI. c. I. fe- Casus. minæ cujusdam fatum crudele, ob furta Lutetiae Parisiorum suspensæ, retulit, quam, quamvis ad extremum usque spiritum, se gravidam esse, motumque fetus persentiscere, asseveraret; vacua tamen, nec feta ab imprudentibus ac temerariis chirurgis atque insciis obstetricibus,

bus, ad ventris inspectionem convocatis, impudentissime judicabatur; donec ejus corpus mortuum usui anatomico concessum, & huic inclusus fetus septimestris, ipsi, quamvis justo serius, causam diceret,

§. III.

*Supplicii
dilatatio.*

Quando ex institutionis neglectu, erroneis principiis a juventute haustis, ingenii tarditate, vehementibus animi perturbationibus, non autem ex mentis improbitate atque malitia, peccata sua agnoscendi, poenitendi, atque doctrinae ac solatii ex verbo divino desumendi ad ultimum supplicium damnati ad tempus incapaces, vel gravi morbo correpti sunt; hoc, usque ad prudentem piamque impedimentorum remotionem recte differtur, vid. b. m. Dni Jo. Christ. Hebenstreit. diss. de differendo impoenitentis delinquentis supplicio, Lips. MDCCXXIII.



C A P. XVIII.

De inquisiti defensione ex rationibus medicis.

§. I.

*Defensionis
scopus.*

Vel criminis prorsus diluendi,
vel saltem quaestionem per
tormenta, aut majorem hujus
gra-

gradum, aut denique pœnam mitigandi scopo, inquisitorum defensores varia ex personæ conditione, ipso facto ejusque connexis, in actis obvenientibus, vel aliunde petitis, afferre solent, atque, pro re nata, vota vel in totum, vel ex parte, compotes redduntur, aut spe sua excidunt, vid. *Jo. Frid. Toennickeri* diss. de avvocato prudente in foro criminali, Francos. MDCC. Dni *Hier. Frid. Schorchii* diss. de eo, quod circa reorum defensionem honestum atque decorum est, Erfordiæ MDCCXXX.

§. II.

Defensionis argumenta physico-medica eo potissimum recurrere solent, ut primo inquisiti ægrotus animi corporisque status rite investigetur ac demonstretur. Dein ut circa effectus lethiferi causas dubia moveantur. Denique ut minus accurata corporis delicti constitutio ostensa in rei excusationem cedat. Defensio hæc feliciter succedere solet, si unius alteriusve Medici in rebus anatomicis & physico-medicis, atque in foro probe versati consilia atque judicia de casu dato causarum patroni sibi expectant; ne ipsimet, principia physico-medica non satis intelligentes, allotria urgeant, & gravissima momenta, in maximum defendendi damnum, prætereant. Consulti autem Medici non inspectionis atque sectionis protocollum ac visum repertum solum expendant; sed tota acta diligenter perlegant; cum modo non semper in testium depositionibus aliisque connexis, documenta

menta pro inquisito egregie militancia, atque ad forum physico-medicum pertinentia, occurrant.

§. III.

Aegrotus Cum nonnulli profunda mentis *stas* melancholia, vel mania semper, aliis non nisi statis quibusdam temporibus, v. c. circa solstitium æstivum, vel accedentibus motibus menstruis, vel hæmorrhoidalibus, iisque irritis laborent, quidam circa omnia, alii vero nonnisi circa quadam objecta delirent, nonnulli denique circa febrium acutarum initia delirio tacito, vel dissimulato afficiantur; in defendendo ex hoc capite inquisito omnes hæc mentis alienata species probe expendenda sunt, & inquisitum vel jam antea, vel in ipsa facti commissione, delirio laborasse, demonstrandum est. Idque non ex ipsis actionibus mentis errorem prodentibus solum, sed etiam ex atrabilario corporis statu, aliisque connexis, conspicuum reddendum est. Si quis non quidem mente captus, sed adeo stupidus est, ut sensu communi careat, quod in iis, qui a nativitate surdi ac muti sunt, & nunquam ad rationis usum pertingunt, observare possumus, vel adhuc in ætate puerili versatur atque ad discretionis annos nondum pervenit; vel ex senio decrepito delirat, hæc in excusando inquisito quoque attendenda sunt.

§. IV.

Leges. Ad ægrotum mentis statum Romanos in jure dicendo jam attendisse, ex lege Cornelia patet, in qua ad homicidium uliaque faci-

facinora dolus requiritur; qui in mente captos non cadit. In *Nemesis Carolina* art. LX. causis excusabilibus annumeratur: wenn Leute tödten, die ihre Sinnen nicht haben. Art. CLXXIX. wenn von Jemand, der Jugend oder anderer Gebrechlichkeit haben, seine Sinnen nicht hat, eine Uebelthat begangen worden; so soll nach Rath der Verständigen darinn gehandelt werden.

§. V.

Autöres. Dni *Christ. Thomasi* diss. de praesumptione furoris & demetiae, *Hala* Magd. MDCCXXII. cum *El. Camerarii* annot. recusa, *Tubingæ* MDCCXXX. *Jo. Christ. Hebenstreit.* diss. de homicida delirante ejusque criteriis & poena, *Lipsi* MDCCXXIII. *Jo. Zach. Platneri* progr. quo, Medicos de infanis & furiosis audiendos esse, ostendit, *Lipsi* MDCCXL. *Fr. Lebr. Stolze* diss. de eo, quod justum est in defensione inquisiti ex capite imbecillitatis mentis, *Lipsi* MDCCXLIII.

§. VI.

Casus. In praxi forensi sequens casus mihi obtingit: Juvenis temperamenti melancholici matrem suam atque fratrem, sine data causa, graviter vulneraverat. Hic quidem antea melancholiz, nulla autem maniae signa, sed in hoc actu & post eum semper edidit. Status corporis atrabilarius, oculi truces, verba & facta delira-alienatum mentis statum satis prodebant, inter quæ sibi ejusmodi conamina a spectris, quibus sine magno periculo resisti non posset, mandari, pertinaciter urgebat,

bat, mirasque eorum formas delineabat. Veteranus medicinae candidatus, delirio occulto laborans ac nonnullis diebus post febre acuta maligna extinctus, alterius studiosi, vix a periculo postea liberati, verrucæ auferendæ causâ, magnam faciei partem butyro antimonii inunxerat, & mox lecto affixus atque ex eo subito proficiens, Medici sui fauces, ni alii auxilio venissent, elisisset.

§. VII.

Corporis morbi.

Naturalis vel morbosus corporis status viriumque conditio in accusatis quandoque ita comparata sunt, ut ad facinus aliquod committendum minime sufficiant, v. c. si femina robusta ac procera de vi sibi ab homine imbecillo ac pumilo illata queritur, aut si infanti, aut alii ex quacunque causâ valde debili, talis alterius læsio imputatur, ad quam producendam nonnisi vires hominis adulti atque robusti sufficiunt. Mulier quædam robusta atque rixosa alterius feminae caput rostro graviter vulneraverat, & dolum a se amolitura, id non a se, sed a puella quinquenni, rixantibus adstante, factum esse, contendebat; at culpam in hanc recidere non posse, & instrumenti & læsionis gravitas satis manifestabant.

§. VIII.

Dubia de lethal. causis.

Pluribus causis antecedentibus, concomitantibus ac subsequentibus ad effectum aliquem declarandum concurrentibus, causæ proximi-

proxima definitio multis difficultatibus sapius premitur: hinc in inquisitorum defensionibus ut in omnes causas in actis obvias, ac aliunde commodè conquisitas, defensores inquirant, atque, quantum fieri potest, ostendant, effectum lethalem non ab ipsa læsione, sed potius ab aliis causis, e. g. aëris injuriis, morbo jam antea præsentē, vel postea superveniente, neglectu, prava vulnerati diætā, inala curatione, lapsu in corpus durum, læsionibus corpori mortuo aliunde inflictis &c. pēdere, utile est. Ubi vero hæc excusatio locum non habet; effectum lethalem non a sola læsione, sed aliis causis accidentalibus cooperantibus productum fuisse declarent; hoc enim plurium causarum in dictum effectum collimantium concursu, non ficto, sed demonstrato, Medicinæ atque Juris Consultorum collegia, sententiam de dato casu latūram in dubio relinquit, atque reum saltim ex parte excusat pœnamque mitigat. Ubi vero percussiones absolute lethales fuisse, constiterit; tunc ejusmodi connexa accidentalia in cassum prætenduntur; quippe quæ tunc demum attendi merentur, ubi lethalitatis signa dubia sunt, vid. Jo. Bohnius de vulnerum inspectione, pag. XV.


§. IX.

Accurate corporis læsi inspectio, & mortui sectio legalis, firmissima quidem, ad certitudinem corporis de- lictī stabiendam, totumque inquisitionis pro- cessum rite formandum, fundamenta ponunt. Cum autem ex minori casus evidentia, nimia	<i>Corpus delicti.</i>
--	----------------------------

corpo-

corporis mortui putredine, vel accidentali dilaceratione, secantium ignorantia, vel negligentia quandoque accadat, ut accurata sectio institui haud potuerit, vel in sectionis protocollo ac viso reperto defectus, errores, contradictiones, occurrant; hæc omnia probe ponderanda sunt, atque, an inter se & cum læsione ejusque causis, principiis anatomicis & physico-medice, nec non cum secantium judicio inde formato cohæreant, nec ne? an subreptionis vitia commissa, atque an dubia, vel saltem non nisi probabilia pro certis posita fuerint? probe dispendiendum est; ubi enim commissi errores, defectus, contradictiones, hypotheses &c. adesse, demonstrari potest; corporis delicti certitudo, adeoque certa judicandi atque sententiam ferendi fundamenta desunt. Teste *Joan. Bohnio* de vulnerum inspectione, pag. IV. si læsionis ratio formalis non satis evidens est, nec inspicienti adeo comparet, vel quod ab hoc ejus conditiones perfunctorie satis attenduntur, obscurius ac impertinenter recensentur; peritorum collegia, quæ secundum ejusmodi acta valde obscura sententiam de vulneris lethali-
tate dicere debent, ambigua
maxime redduntur.

FINIS.



INDEX RERUM, cujus numeri paginas indicant.

A.

A bdominis vulnera	267
Abortivus fetus	294
Abortus procuratio	298
Acida mineralia	182
Aconitum	196
Adulteratio vinorum.	153
- - - investigatio	155
- - - ejus notæ	156
Aegrotorum excusationes in foro	49
Aegroti quinam ad conjugium inhabil.	131
Aetas majorennis	31
- - - impuberum	337
Aetatis notio	29
Aethusa	193
Agaricus fimetarius	201
- - - muscarius	201
- - - piperatus	201
Agyrtæ in foro non audiendi	9
Alumen	190
Amanita fasciculosa	201
Antimonium	181
Anus conjugio ineptæ	130
Apoplexia boum	33
Arsenicum	173
- - - flavum	179
- - - rubrum	179
Arter. intercostalium vulner.	259
Artreta	231

Z

Asthma

Asthma equorum	75
Atrophia suum	92
Atropa	203
Aurichalcum	172
Auripigmentum	180
Avtochiri falso crediti	146
- - - veri	149
- - - eorum sepultura	146

B.

Baptisma monstroforum	113
Bella donna	263
Bilioforum vapor. vulner.	278
Boletus arboreus perniciosus.	201
Boum apoplexia	83
- - cholera	79
- - dysenteria	81
- - epilepsia	84
- - mictus cruentus	83
- - morbi	78
- - - catarrhalis putridi	79
- - - chronici	83
- - - inflammatorii	81
- - phthisis pulmonalis	85
- - saniosa tubercula	85
- - vertigo	84

C.

Cantharides	210
Capitis læsiones	238
Carcerum conditio	339
Cardiæ percussio	272
Causæ spectantes ad jus med. civile	2
- - ecclesiasticum	4. 112
- - militare	3. 95
- - veterinario-civile	3. 63
Cere-	

Cerebri commotio	247
- - - læsiones profundæ	249
- - - - - superficial.	246
- - - - - ulcera	254
Chærephyllum bulbosum	195
- - - - - sylvestre	195
Chirurgus forensis	7
Cholera boum	79
Chyliferorum vasorum læsio	227
Cicuta aquatica	192
Cobaltum	180
Colocynthis	198
Colli læsiones	255
Commotio cerebri	247
Condemnatio ad opus publ.	342
Conium maculatum	192
Conjugium impediētes morbi	131
Contusiones	226
Cordis vulnera	263
Costæ fractæ	260
Cranii fissuræ	243
- - - fracturæ	241
- - - læsiones in recens natis	326
Crimina medentium	55
- - - empiricorum	55
Crypforchides	134
Cucumer sylvestris	199
Cuprum	172
Curationis malæ imput. eron.	53
- - - - - malitiosa	53
- - - - - vera	54
D.	
Dæmoniacy	144
Damnum vulneratis præstand.	16
Defensio inquisiti ex rat. med.	344
Z 2	De-

Deformes	43
Deligatio funic. umbil.	313
Detentio in carceribus	339
Diaphragmatis læsiones	269
Dies critici læsionum	220
Diffimulatio morborum	52
Divortii causæ	132
Drimyphagi	164
Dubia de lethal. causis	348
Ductus thoracici vuln.	270
Dysenteria boum	81
E.	
Ecchymoses in fetu mortuo	310
Effusio humorum in cavitatibus	227
in encephalo	250
Elaboratio casuum forens.	12
Embryonis incrementum	296
Empiricorum crimina	55
Encephali læsiones	223
Epilepsia boum	84
- - - ovium	89
- - - suum	93
Equi corrupti	78
Equorum asthma	75
- - - epilepsia	77
- - - mania	76
- - - morbi	73
- - - - inflammatorii	74
- - - phthisis serosa	76
- - - vitia fontica	77
Errorcs læsorum	230
- - - medentium	237
Evictionis causæ	66
- - - tempus	67
Eunuchi ad conjug. inhabil.	131
Euphor-	

Euphorbium	195
Extremarum partium vulnera	201
Feminarum ætas majorennis	32
Fetus abortivus	204
- mortui editi signa	306
- vivi	307
Fissuræ cranii	243
Flores antimonii	181
Fracturæ cranii	241
Fungi venenati	200
Fungus bufonius	251
Funiculi umbil. deligatio	313
- - compressio sub partu	315
G.	
Gravidarum privilegia	338
Graviditas dubia	35
Gypsum	191
H.	
Helleborus albus	197
- niger	198
Hepatis læsiones	275-277
Hepar ruptum	276
Heracleum	195
Hermaphroditi	45-134
Humorum effusio in cavitates	227
- - encephalo	250
Hydrops ovium	91
Hyoscyamus	207
I.	
Jeiunia ecclesiastica	117
Imbecillorum excusationes	48
Impotentia virilis	131
Impuberes ad conjug. inhabiles	129
Z 3	
Incar-	

Incarcerationis injustæ prorogatio	340
Infanticidium	293
Ingravidatio	126
- - ejus signa	127
Inhabiles ad conjugium	128
Inquisiti defensio ex rat. med.	344
- - - ægri custodia & alimenta	341. 342
- - - laborum conditio	342
Inquisitio in brutorum morbos	71
Inspectio legalis	14. 15
Intestinorum vulnera	273
- - - lethalia	275
- - - sanabilia	274
Investigatio casuum forensium	11
Irreligiosa verba & facta delirantium	138
Jurisprudentia medico-ecclesiastica	4. 112
- - - civilis	2. 63
- - - criminalis	150
- - - militaris	3. 94
- - - veterinaria.	63. 94

L.

Lactantium privilegia	338
Læsiones absolute lethales	221. 292
- - - accidentaliter	219
- - - arteriarum intercostal.	259
- - - capitis	238
- - - cerebri profundæ	249
- - - - superficiales	246
- - - colli	255
- - - - vasorum	256
- - - - vertebrarum	255
- - - cordis	224
- - - encephali	222
- - - externarum capitis partium	239

Læsio-

Laſiones extremarum partium	291
- - genitalium virilium	290
- - hepatis	275
- - laryngis	257
- - lymphaticorum vaſorum	227
- - medullæ ſpinalis	223
- - meningum	246
- - nervorum	223. 267. 293
- - œſophagi	258
- - pericardii	263
- - renum	283
- - ſepti tranſverſi	260
- - thoracis	259
- - tracheæ	257
- - vaſorum	224. 266
- - viſcerum	224
- - utriculi	281
Laſionum conditio varia	219
- - investigatio	19
Laſorum errores	236
Leges de hautorum morbis	64
Lienis ruptura	279
Liquor vinorum docimaſticus	156
Lolium temulentum	208
Luxatio vertebr. colli in recens natis	327

M.

Mania equorum	76
- - ovium	89
Maniaci ad conjugium inhabiles	131
- - eorum excuſationes	46
Medicina forenſis	1
- - ejus partes	2
Medicus forenſis	6
Medentium errores	237

Medullæ spinalis læsiones	223
Meningum læsiones	245
Mercurii vapores	187
Mesenterii vulnera	269
Mercurius acidis junctus	183
- insuffic. dulcat.	185
- præcipitatus	186
- sublimatus	184
Metalla acidis <u>juncta</u>	182
Mictus cruentus boum	83
Militem pœnæ afflictivæ	109
- testamenta	105
- ultimum supplicium	110
Missionum militarium causæ	100. 101
Monstra bicorporea	44
Monstroforum baptisma	113
Morbi boum catarrh. putridi	79
- - - chronici	82
- - - inflammatorii	81
- - - conjugium impediētes	131
- - - divortii causæ	137
- - - jejunium eccles. non ferentes	117
- - - lethalitatis causæ	234
- - - non causæ	234
- - - mentis & corporis	337
- - - a militia excusantes	97
- - - a militaturo	99
- - - non dissimulandi	99
- - - vacationem militum exposcentes	103
- - - facta illegalia eorum excusantes	105
- - - officia eccles. differentes	121
- - - - - impediētes	118
- - - - - limitantes	121
- - - - - non tollentes	121
- - - - - tollentes	121
Morbi	

Morbi ovium	87
- - chronici	89
- - inflammatorii	88
- majales	87
- fontici equorum	76
- suum	92
- torturam avertentes	109. 336
- - - - - differentes	109
- venenis similes	169
Morborum in brutis adjudicatio	66. 72. 73
- - - inquisitio	71
- - - manca	63
- diffimulatio	52
- simulatio	51
Mortis termini aestimatio	34
N.	
Nerium	199
Nervorum laesiones	223. 267. 293. 298
O.	
Obstetricans forensis.	9
Ochra cupri	173
Oenanthe crocata	194
Oesophagi laesiones	258
Officiorum eccles. retinend. impedimenta	120
- - - suscipiendorum	118
Oleander	199
Omenti vulnera	268
Opium	209
Os pectoris depressio	260
Ovium epilepsia	89
- febris inflammator.	88
- hydrops	91
- mania	89
- morbi chronici	89

Ovium morbi majales

87

- - phthisis

91

- - rabies

88

- - scabies

90

P.

Pæderastiæ signa

153

Partus clandestinus

302

- - legitimus

36

- - maturus debilis

39

- - mortui editi signa

306

- - neglectus

303

- - præcox

295

- - præmaturus

37

- - primigenius

41

- - ferotinus

40

- - sex mensium

39

- - signa

42

Pericardii vulnera

263

Personæ ad conjugium inhabiles

128

- - medicinales forenses

5

Phallus impudicus

201

Pharmacorum conditio mala

56

- - - adjudicatio

62

- - - pretia

60

- - - substitutio dolosa

57

Philtrea

212

Phthisis equorum serosa

76

- - pulmonalis boum

85

- - - ovium

91

Potentia virilis investigatio

135

Principium vitæ embryonis

295

Promptitudo in casibus forens.

10

Protocolum sectionis

19

Pubertas

30

Puerperarum privilegia

338

Puer

Puerperii signa	304
Pulmonum densitas in recens natis	316
- - - natatio - - -	317
- - - subsidientia - - -	317
- - - putredo - - -	319
- - - scirrhi an dentur in recens natis	318
- - - vulnera	265
Q.	
Quæstio per tormenta	230
- - ejus gradus	333
R.	
Rabies ovium	88
Ranunculus sceleratus	197
Regulus antimonii	181
Relatio in foro	12
Renum læsiones	283
Requisitio Medicorum ad casus for.	10
Respirationis sublatio lethalis	230
Responsa collegiorum medic.	25
- - eorum modus	28
Rhus myrtifolia	200
Ruptura lienis	279
- - hepatis	276
S.	
Sagæ	144
Saginandorum brutorum evictio	67
Saniosa tubercula boum	85
Saturnina	189
Saturni vapores noxii	188
Scabies ovium	90
Scirrhi pulmon.	318
Sectio legalis	17
- - avtochirorum necessaria	148
Sectionis protocolum	19
Scli-	

<u>Selinum</u> palustre	195
- fylvestre	195
Semimetalla acidis juncta	187
Senes decrep. ad conjug. inhab.	130
Senium	32
- missionis militaris caussa	33
Septi transversi laciones	260
Simulatio morborum	51
Sepultura avtochirorum	146. 149
Sium latifolium	194
Solanum officin.	306
Solstra medentium	58
- eorum denegatio	59
- determinatio	58. 59
- locatio in creditorum concursu	60
Spadones ad conjugium inhabiles	131
Sphondilium vulgare	195
Sterilitas feminarum	136
- curabilis	136
- corrigibilis	136
- relativa	137
Sterni depressio	260
Stuprum violentum	151
- ejus signa	152
Styptica venena	188
Submersorum signa	216
Sues glandulosæ	93
Sopplicium	343
- ejus dilatio	344
Suum atrophia	92
- epilepsia	93
- morbi	92
Suffocati	214. 324
- eorum signa	215. 325
Suggillationes recens natorum	308
Suppli-	

Supplicii ultimi dilatio	III. 344
Suspenforum signa	218
Synaxis sacra in dubio mentis statu	115
Taciturnitas personarum medic.	13
Taxus	200
Termini mortis aestimatio	34
Territio	332
Testamenta militum	165
Thapsia	195
Tortura	230
- ejus gradus	333
- - - moderam.	335
- - - momenta eam avertentia	336
- - - an in militibus locum habeat?	107. 108
Tracheæ læsiones	257
Vacatio senilis	33
Vapores Mercurii damnosi	187
- Saturni noxii	188
- mineralium suffocantes	160
Vasorum biliosorum læsiones	278
- chyli ferorum	227
- cum hepate connex.	278
- lymphaticorum	227. 289
- sanguiferorum	224. 266
- - - colli	256
- - - majorum	226
- - - minorum	226. 288
- in fetu mortuo plenitudo	312
- - - vacuitas	312. 315
Venefici	245
Venena	156
- absoluta	161
- acria	138
Venena	

Venena ex acri narcotica	159
- - animalia	160
- - mineralia	157
- - relativa	162
- - faturnina	189
- - applicandi modus	162
- - ferendi consuetudo	164
Veneni in corpore mortuo deprehensio	168
Venenorum effectus diversi	163
- - vegetabil. acrium effect.	191
- - acutorum signa	164
- - lentorum	165
- - narcoticorum	165
Veneno extingtorum signa externa	166
- - interna	167
Ventris inspectio	125
Vertebrarum colli læsiones	255. 327
Vertigo boum	84
Vinorum adulteratio	153
- - faturninis	154
- - vegetabilibus	154
Virginitas	123
- ejus signa	123
Viscerum læsiones	224
Visum repertum	22
- - inspectionis	23
- - sectionis	23
Vita recens nati sine respir.	323
- ejus initium in fetu	295
Vitia a militia excusantia	99
- - dolose in se producta	99
Vitriola	190
Vitrum antimonii	181
Vulnera absolute lethal.	221. 292
- - per accidens lethal.	219
Vulne-	

Vulnera abdominis	267
- - anterior intercost.	259
- - - epigastricarum	268
- - capitis	238
- - cerebri profunda	249
- - - superficialia	246
- - colli	255
- - cordis	224. 263
- - ductus thoracici	270
- - encephali	222
- - extern. capit. part.	239
- - extremar. partium	291
- - genitalium viril.	290
- - hepatis	275
- - intestinorum	273. 275
- - laryngis	257
- - lymphaticorum vafor.	227
- - machinis pyriis facta	228
- - medullæ spinalis	223
- - maxillarum	240
- - meningum	246
- - mesenterii	269
- - nervorum	223. 267. 293
- - - abdominal.	289
- - œsophagi	258
- - omenti	268
- - orbitarum superiorum	240
- - pericardii	263
- - pulmonum	265
- - renum	283
- - septi transversi	260
- - temporum	240
- - thoracis	259
- - tracheæ	257

Vulne

Vulnera vaſorum	224. 266. 288
- - - veſicæ urin.	285. 286
- - - ventriculi	271
- - - viſcerum	224
- - - utriculi	281
- - - venenata	229
Vulneratorum errores	236
- - - - dereliſtio	230
Vulnerum inveſtigatio	19
- - - varia conditio	219



Sphalmata typographica, ob autoris
absentiam, admiſſa, Benevolus Lector ſe-
quenti modo corriget:

Pag. 7. lin. 17. lege operationibus. l. 21. præſtan-
tius. p. 22. l. ult. Chirurgi. p. 103. l. 9. raro in ha-
bitualem. p. 114. l. 4. carens. p. 125. l. 24. non
ſolum. p. 127. l. 31. J. G. Rœderer. p. 135. l. 22.
ſed contemptum. p. 150. l. 15. ſupplicio. p. 157. l.
18. Miſſipicel. p. 166. l. 26. dele cur. p. 175. l. 19.
dele capitis. p. 181. l. 13. lege rubræ. p. 181. l. 19.
adde hepar, crocus metall. p. 183. l. 13. & 14. dele he-
par & crocus. p. 197. l. 11. adde merden. p. 204. l.
2. lege repræſentat. p. 207. l. 9. hyoſcyamo. p. 210.
l. ult. miſtum. p. 225. l. 5. flaccida. p. 233. l. 15.
vulnus. p. 238. l. 13. compareant. p. 243. l. 9. di-
viſa. p. 268. l. I. epigaſtrica. p. 275. l. II. pericu-
loſiſſima, lethalia. p. 282. l. ult. umbilicus. p. 292.
l. 3. concluſiones. p. 300. l. 5. magiſtratus. p. 309.
l. ult. læſionis. p. 320. l. 28. teſtum. p. 327. luxa-
tæ. p. 329. l. 14. octiduo. p. 335. l. 26. offenderis.
p. 339. l. 2. detentio.

